

FD 217

ANTONII D'E HAEN

*Consiliarii Aulici, ac Medicinæ Practicæ
in Alma ac Antiquissimâ Universitatē
Vindobonensi, Professoris
Primarii.*

RATIO MEDENDI

IN

NOSOCOMIO PRACTICO
VINDOBONENSI.

VOLUMEN I.



NEAPOLI MDCCLXVI.

TYPIS DONATI CAMPI.

Expensis Stephani Manfredii.

Superiorum Permissu, ac Privilegio.



Res. 1142/I
R. 52627



ATTO MEDIO

UNIVERSITY OF TORONTO

LIBRARY

VOLUME 1

THE UNIVERSITY OF TORONTO

LIBRARY

VOLUME 1

THE UNIVERSITY OF TORONTO

AUGUSTISSIMÆ ROMANORUM

IMPERATRICI,

HUNGARIÆ, BOHEMIÆ, DALMATIÆ,

CROATIÆ, SCLAVONIÆ, &c.

REGINÆ,

ARCHIDUCI AUSTRIÆ, &c. &c.

MARIÆ THERESIÆ,

DOMINÆ

SUÆ CLEMENTISSIMÆ,

ANTONIUS DE HAEN.



*Anto tempore Munificentia, ac Bene-
volentia TUA, immeritus fruor,
Augustissima Imperatrix, neque un-
quam quæ me iisdem haud penitus
indignum, gratum saltem, testaren-
tur, Specimina dedi. Equidem specimen nullum
me reor allaturum unquam, quod me Tuae Ma-
jestatis favore, quo cumulado me beas, dignum
probet; at vero tale duntaxat, quod evincat,
quantopere eo me dignum efficere quavis mentis
contentione adnitar, quovis conamine studeam,
viribus animi, corporisque, contendam totis.*


* 2

Quo

Quo id Majestati Tue testatum facerem, convē-
nientius arbitrabar non dari, submissa enarratione
eorum, quæ, sub Baronis Van Swieten, Maje-
statis Tue Archiatri, Medicinæ per Austriam
Præsidis, ac Stabilitoris, auspicio, in hujus
almæ, TIBIQUE adeo caræ, Universitatis Vin-
dobonensis, emolumentum; inque gregis egeni,
quem dilecta TUA Vienna alit, calamitates, ac
miserias leniendas, moliar, intendam, diu medi-
ter, noctuque. Argumento saltem erunt, inter fidelis-
mos TUOS subjectos, qui sese qui omnia sua,
qui diurnos suos nocturnosque labores, & cu-
ras, donec spiritus regit artus, Augustissimæ Ma-
jestati Tue, muneribus, quibus eosdem condeco-
rare benevolentissime dignata es, consecrent, devo-
veantque totos, aliquem me locum mereri. Quod
im merito mihi confidere dignabare grave munus,
superat quidem vires, sed non vincit conamina;
corpus fatigat, non voluntatem, non enitentem
animam; agendorum crebritate obruit frequenter,
mentis audaces haud frangit nisus. Vere luctor
& emergo. Letusque jam contueor eruditam ju-
niorum Medentium turbam, quam conjuncti
Professorum TUORUM labores formaverint; ut
Majestatis Tue Regnis, cunctæque TUÆ va-
stissimæ Ditioni, ut TUIS formidandis Exerci-
tibus, ut denique Civibus TUIS Viennensibus
manus vere medicas adhibeant. Quod porro re-
siduum vitæ est, id AUXILIANTE DEO, im-
posito mihi a Tua Majestate muneri excolendo,
perficiundo, ornando, do, dedico, consecro.

Idibus Octobris 1756.

LE.



LECTORI.



Abes hic, Benevole Lector, collecta in unum, volumina quatuor, quæ quatuor proxime elapsis annis Viennæ sub oculis Doctissimi Autoris successive in lucem prodire; Verum quandoquidem exaratio amplior & literis facta majoribus molem libri sine necessitate augeret, hinc pretium ejus propter impensas transportationis necessario auctum obstaculo artis salutaris cultoribus fuit, quominus commode sibi comparare eum possent, fuit etiam impedimento, quominus tam utiles generi humano observationes & experimenta satis cum publico communicari possent; huic igitur incommodo hac Editione prospectum est.

Non tamen hæc utcunque magna,

huius Editionis unica est præstantia: Inveniet quippe Lector hic Indicem sive Elenchum capitum totius operis tanquam unico prospectu positum, dum in Editione Viennensi quatuor tabulæ inspiciendæ erant, saltusque ab uno tomo ad alium faciendus, quotiescumque Clariss. Auctor ex antecedenti quodam capite observationem vel præceptum &c. aliquod citabat.

Insuper huic Editioni & hoc accedit boni, quod totius operis præcipua sive remedia sive observata generaliora indice quodam Alphabetico reperiantur concinnata, quo id effectum, ut commodius uti libello possit, ut jam nihil dicam de addendis & omissis Edit. Vienn., quæ hic quæque loco suo posita sunt.

Annus 1756. continet priora capita novem, sequens tredecim, tertius sex, quartus denique octo.

Vale Lector & frui laboris nostri.

ELENCHUS CAPITUM.

CAP. I.	<i>De Diæta Ægrorum.</i>	Pag. I
II.	<i>De Medicamentis in Mor- bis Acutis.</i>	7
III.	<i>De Aere , Decubitu, Ses- sione, aliisque circa ægros moderandis .</i>	17
IV.	<i>De Diebus Criticis & Cri- sibus Variis.</i>	25
V.	<i>De Urinis.</i>	35
VI.	<i>De Sanguine Humano.</i>	37
VII.	<i>Quædam Anatomica.</i>	55
VIII.	<i>De Vi Electrica .</i>	68
IX.	<i>De Variis.</i>	72
X.	<i>De Methodi Hippocraticæ, Sydenbamiæ ac Boer- haavianiæ Præstantia.</i>	77
XI.	<i>De Generatione Puris.</i>	80
XII.	<i>De Variolis.</i>	101
XIII.	<i>De Herniis.</i>	110
XIV.	<i>Nonnulla de Tympanite & Ileo Morbo.</i>	114
XV.	<i>De Nonnullis Infortuniis Nostris.</i>	128
XVI.	<i>De Polypo.</i>	140
	*	
	4	
		XVII.

XVII.	<i>De Singulari modo Respirationis & Motus Cordis.</i>	145
XVIII.	<i>Quædam de Pulmone Innatante aut Subsidente in aqua.</i>	154
XIX.	<i>De Supputando Calore Corporis Humani.</i>	156
XX.	<i>De Vario Tumorum Genere.</i>	170
XXI.	<i>De Mira Variorum Medicamentorum Efficacia.</i>	177
XXII.	<i>De Machina Electrica.</i>	189
XXIII.	<i>De Morbis Malignis.</i>	195
XXIV.	<i>De Colica Pictonum.</i>	234
XXV.	<i>De Sanguine Humano, ejusque Calore.</i>	259
XXVI.	<i>Experimenta in Calculosis & de Calculo Varia.</i>	272
XXVII.	<i>De Virtute Singulari Quorundam Medicamentorum.</i>	293
XXVIII.	<i>De Machina Electrea.</i>	304
XXIX.	<i>De Febribus Malignis Dictis.</i>	323
XXX.	<i>De Aneurysmate.</i>	328

INDEX

Præcipuorum in hoc Volumine contentorum
tam Remediorum, & eorum usus, quam
Præceptorum Præcticorum ordine
Alphabetico.

A.

- A** Cido mucosa infantum temperies pessimas
exulcerationes in capite, facie &c. gene-
rat. Pag. 129
- Acidum immutancia ubinam proficua.* 12
- Aer in inspiratione videtur potius ad motum
sanguinis quam ad refrigerium facere.* 162
- Aneurisma saepe alios morbos sub larva sua
simulat.* 342
- Aneurismatis externi cura.* 352
- interni generalis indicatio, & cu-
ra. 341
- spurii divisio a Fouberto propo-
sa. 356
- Anti-puica quænam.* 320
- Aqua calcis in calculo proficua.* 185
- convincit operatorem in herniotomia de
apertura peritonæi. 111
- Attritus solus non sufficit ad explicandum ca-
lorem corporis humani.* 166

B.

- B** Alsamus Copayba verus in phthysi. 303
- Bella Dona nullam emendationem in Can-
cro dat,* 99
Gal.

I N D E X.

C.

C Alculus humanus unc. 2. in aqua cal-	
cis solutus.	72
Calor in aegro, vel sano ab auctoribus non	
rite determinatus cur?	160
———— Malignis raro intensus.	220
Cancer exulceratus cortice Peruviano cura-	
tus.	300
Chorea Sancti Viti Electricitate curata.	69.70
Clysmatum utilitas in acutis.	14
Colica Pictonum aliquando saturatoribus pur-	
gantibus soluta.	16.17
———— requirit oleosa pingua.	75
———— perinde a qua causa orta eodem	
ferme modo curanda.	258
Colicæ Pictonum causa formalis.	239
Cortex Peruvianus in statu contagioso variola-	
rum optime datus fuit.	133
———— auget, vel minuit calorem corpo-	
ris pro necessitate.	169
———— serio datus non tollit malignita-	
tem.	327
Corticis Peruviani vires.	230
———— sunt inexplicabiles.	263
———— Extractum ad unc. 1. quotidie in	
Petechiis malignis.	221
———— fomentum ad gangrenam.	267
———— præstantia in cachexia purulenta.	295
Criticæ evacuationes post datum Corticem Pe-	
ruvianum apparent.	135
	Cru-

I N D E X.

<i>Cruditas non tempore metitur tantum sed</i>	
<i>etiam conditione.</i>	33
<i>Crusta phlogistica.</i>	48. seq.
<i>_____ variat pro vase excipiente.</i>	259

D.

D <i>Iatthesin purulentam quanam in sanguine</i>	
<i>generant.</i>	99
<i>Difficultas in statuendis diebus criticis quomo-</i>	
<i>do tollatur.</i>	26
<i>Dissolutio sanguinis aliquando requiritur ad</i>	
<i>bonam crisin.</i>	49

E.

E <i>Electricitas quanam sanare potest.</i>	192
<i>_____ in tremoribus proficua.</i>	305. seq.
<i>_____ Chorea Sancti Viti, &</i>	Para-
<i>lysi.</i>	312. seq.
<i>Emeticorum in acutis varior usus.</i>	7
<i>_____ restrictiones.</i>	205
<i>_____ usus quando bonus vel malus.</i>	79
<i>Emeticum non dandum in variolis.</i>	101
<i>_____ singulare Nosocomii dicti de la</i>	
<i>Charitè.</i>	237
<i>Eminentia ad metacarpum in Paralyfi colicæ</i>	
<i>quidnam sit.</i>	256
<i>_____ an ejus materies in sanguine reas-</i>	
<i>sumi possit.</i>	257
<i>Emulsio millepedum in inspissatione humorum</i>	
<i>in oculo.</i>	321
	Fe.

I N D E X.

F.

- F** *Ebris contagioso-variolosa potest ex morbis
intermittentibus esse.* 134
- Febrium acutarum genuina curandi methodus.* 78
- Flava crassa tenax materies in inflammatio-
tione.* 55
- Fomentum corticis Peruviani ad gangrænam.* 267
- Fumus Tabaci in Ileo, & Hernia incarce-
rata.* 74
- Furunculi in insitivis variolis frequentius,
quam in naturalibus comparent.* 87

H.

- H** *Ales idea in curando Ileo examinatur.* 122

I.

- I** *Ncommoda a nimis stragulis.* 17. 18
- Inflammatio lumborum neglecta.* 63
- Judicium ex sola urina in morbis fallax qua-
re.* 35
- Infanticidii male petitur ex pulmo-
num statu.* 154
- Jura carniū in Hollandia non adeo proficua,
ac in Austria.* 3

K.

- K** *Ermes minerale cum oxyme lle scyllitico in
tusse.* 222
- Laq

L.

- L**æ sumnum ad colicam remedium. 244
 Lancisii quoddam effatum non confirma-
 tur. 348
 Lysimachia in Diarrhœa, & dysenteria a
 laxitate, & alia. 302

M.

- M**aligni morbi quinam proprie sint. 196
 Malignitas non est de essentia morbi. 323
 Malignitatis termini abusus. 233
 Menses copiosius fluunt admota vi electrica. 318
 Mercurius sublimatus corrosivus cum spiritu
 frumenti in quibusnam. 73. 186
 Mercurio curati plurimi in variolas confluen-
 tes incidunt, & inde pereunt. 130
 Methodus vera generalis ad curam colicæ Pi-
 ltonum. 241.
 Miliaria vera, & eorum cura. 23. 24
 ——— & petechiæ quotuplices. 324
 Millefolium, & chamomilla sunt antispasmo-
 dica. 248

N.

- N**ervus Intercostalis sive magnus sympa-
 teticus non oritur in cerebro, sed a Gan-
 gliis. 254
 ——— hinc explicatur paralyss Colicæ su-
 perveniens. 254

O.

- O**leosa epota in quo casu bona. 16
 Oleum

I N D E X.

<i>Oleum lini injectum in vesicam pro strangu-</i>	220
<i>ria.</i>	
_____ <i>pro calculi dolore.</i>	275
<i>Opium cum oleo mixti elogium.</i>	245
_____ <i>præstantia ad præcavendam para-</i>	
<i>lysin.</i>	246
<i>Opium cum Emulsis datum ut paulisper assu-</i>	
<i>matur non producit æque bonum effectum ac</i>	
<i>Paregoricum.</i>	103
<i>Oxymel cum Diacodio ad expectorationem.</i>	228
_____ <i>cum Kermes minerali in tusse.</i>	222
P.	
P <i>Paralysis Electrica machina curata.</i>	68
_____ <i>observata in suppuratione pe-</i>	
<i>toris.</i>	249
<i>Paralysi ex colica optime medetur Dieta la-</i>	
<i>teæ, & Electricitas.</i>	258
<i>Paralytici fiunt potius in sinistro latere, ra-</i>	
<i>rius in dextro.</i>	72
<i>Paregoricum in variolis quomodo dandum.</i>	103
<i>Perfissio cutis in variolis cur bona.</i>	107
<i>Perturbationes criticae.</i>	31.32
<i>Petechiæ symptomaticæ unde? earum cura.</i>	22.23
_____ <i>& miliaria quotuplicia.</i>	324.325
<i>Phtthis est infinitè varia pro parte affecta.</i>	297
_____ <i>pulmonalis habet duplicem originem.</i>	158
<i>Pleuritis desperata singulari modo sanata.</i>	17
<i>Polypi præsentis signa.</i>	140
_____ <i>quomodo curentur.</i>	143
<i>Potus copiosus quæ bona in Acutis produ-</i>	
<i>cat.</i>	5. seq.
	Prin-

I N D E X.

<i>Pringle Doctoris de antiputridis doctrina non probatur .</i>	37
<i>Prophylacticum cujusdam Empirici ad colicam fofforum .</i>	75
<i>Pseudo membrana Ruischii.</i>	40
_____ <i>quomodo parabat eam, & error in indice operum ejus.</i>	41
_____ <i>melior eam parandi modus.</i>	ibid.
_____ <i>unde oriatur.</i>	43
<i>Purgans opio junctum.</i>	246
_____ <i>tutum & optimum in chronicis in omni temperamento.</i>	187
<i>Puris notitia.</i>	82
_____ <i>materies septuplex & causa.</i>	88

R.

R <i>Achitis curata cortice Peruviana.</i>	299.300
---	---------

S.

S <i>Alivatio a Mercur. subl. corr. cum spiri- tu frumenti.</i>	320
<i>Scrophulosis curandis singulare remedium.</i>	175
<i>Serum sanguinis an simile albumini ovi?</i>	45.46
<i>Spongia usta curat aliquando scrophulas.</i>	175
<i>Stercoreus vomitus, non omnis infert mortem.</i>	126

T.

T <i>Remor universalis Electricitate curatus.</i>	70
<i>Tumores varii, & diversi possunt in eodem corpore esse .</i>	171
	Tym-

I N D E X.

Tympanites quid sit , & ejus sedes ubi ? 117.

U.

U*va Ursina optimum remedium in viarum
urinæ morbis.* 177

etiam cum adest Lues Venerea in-
termixto Mercurio prodest. 292

Uvæ Ursinæ elogia in calculo. 273. seq.

V.

V*aginæ prolapsus.* 58
Valvula coli potest preparatione tolli. 120. seq.

Vapor aceti in curandis tumoribus. 175

*Variolarum insitionem nemo Turcarum admit-
tit.* 109

*Venæ sectio in quovis stadio variolarum po-
test esse proficua.* 104

Venæ sectionis in acutis regulæ. 212

*Vesica contractissima calculus difficulter inda-
gatur.* 66

*Vesicæ parvitas familiaris bis , qui frequen-
tius mingere debent.* 180

*Viscera cava in morbis indagandis nos sæpe
ludunt.* 67

*Vomitorii , & Clysteris acris fallacia in Coli-
ca Pictonum.* 238. seq.



RATIO MEDENDI
IN NOSOCOMIO PRACTICO
VINDOBONENSI.

C A P U T I.

De Diæta Ægrorum.



Er biennii , & quod excur-
rit, decursum , multi, iique
speciei fere cujuscumque, mor-
bi acuti , curæ meæ subjeçti
fuere : Quorum nonnullos ex
urbe , suburbiisque suscepi ,
plurimos e variis Nosocomiis
selegi mihi : partim , & potissimum quidem
ut qui felix eorum cura tum suscipi , tum per-
fici debeat ; ALMÆ HUIUS UNIVERSITATIS
A Me-

Medicinæ Studioſis demonſtrarem : partim ut, ne quis Medicum glorioſum ageret, calas exhiberem iſtis, qui quavis Medicamentorum virtute, omni Medicorum induſtria, quacumque demum ope humana, ſuperiores eſſent : partim denique ut quorundam incurabilium morborum cauſas, mortalium quemque latentes, poſt ægro- tantium obitum, demum intelligerem, expo- neremque, quo nimirum vel arctiores Artis li- mites extenderem ; vel æque ἀγνώστας poſt obi- tum ; quam ante illum, demonſtrarem : quo diſcerent ἢ ὑπερφρονεῖν, παρ' ὃ δὲ φρονεῖν, ἀλλὰ φρονεῖν, εἰς τὸ σωφρονεῖν.

Igitur poſt ſummas laudes DEO T. O. M. fuſas, quod, pro ſua ineffabili clementia, no- ſtra conamina dirigere, obſecundare, perficere, dignatus fuerit, id præfabor modo, quod quam- vis ab immortalī *Boerhaavio* Medicinam edo- ctus, nullique ſyſtemati mancipatus, praxin in *Hollandia*, ſimplicitatem Hippocraticam ſequen- do, exercuiſſem ; adeoque eandem breviter, præctice nimirum potius, quam theoretice, do- cere potuiſſem ; animus tamen ILLUSTRISSIMI PRÆSIDIS NOSTRÆ FACULTATIS BARONIS VAN SWIETEN, meuique fuit, ut doctrinam Hippocraticam & theoretice tyrones publice do- cerem, & ad lectos ægrorum præctice iſdem demonſtrarem.

Hanc viam ingreſſo, primo conſtitit *Diæta Hippocratica* nihil dari præſtantius. Obſervavi- mus in agris noſtris, quo acutior, ideoque bre-
vior,

vior, morbus esset, eo parciora alimenta exhibenda esse; si contra, pleniora.

Materies passim fuit Decoctum, Puls, Cremor Hordei, aut Avenæ, cum Melle; & Jus carniū. Equidem jura carniū in *Hollandia*, fateor, rarius agris concessi, quod in putrefactionem quodammodo inclinent; verumtamen ex ipsa doctrina Hippocratica, debui ea *Austriacis* concedere agris.

Quippe universæ *Austriacæ*, peneque omni *Germanæ* Genti, id moris est, ut aut prandeant nunquam, aut cœnent, quin a jure carniū inchoaverint. Hisce ita assueverunt, ut quibus diebus *S. Catholica Ecclesia* carniū abstinendum jusserit jure pisciū utantur: quæ quidem consuetudo plane ignorata *Batavis*. Lex igitur HIPPOCRATIS jubet *Aph.* 1—17. Concedendum aliquid & consuetudini, & temperati, & regioni, & ætati. 2—38. Paulo deterior & potus, & cibus jucundior autem, eligendus potius, quam meliores quidem, sed ingratiore. 2—50. A multo tempore consueti, etiamsi fuerint deteriora, infuetis minus turbare solent.

Hanc porro in putridum inclinationem emendaturus, grata acida iisdem addenda esse docui. Succum citrei, Aurantium acidorum, Granatorum ditioribus; tenuioris vero sortis hominibus, Cremorem tartari, aut juri incoctam Acetosam. Juvat & sua acescens natura panis albus, bene coctus, ac fermentatus, quem, dum

4 DE DIÆTÆ ÆGRORUM :

longior futura videtur ægritudo fore , aut dūm
ejus apicem æger jam est transgressus , juribus
incoquimus . Pultes avenaceæ intermediis tem-
poribus conceduntur iis , qui nec ægotant val-
de , nec prædiætis appetitum sedare valent :
quales , moderamine Diætæ nostro , plurimos
reperire est . Criticis evacuationibus prægressis ,
blande solent , si opus est , purgari , posteaque
tenerioribus carnibus pedetentim assuescere , ut
& vini aqua diluti usui . In acutis *ἐν τῇ* nec-
dum adeptis unc. VI. VIII. X. ter , quater , quin-
quies , Nuæthemeri spatio , juris boni ; non me-
raci , dantur : plus minus scilicet , prout aut
assueti ægri fuerint copiosiori alimento , aut ap-
petitus ferat , aut demum *ἐν τῇ* *φάρμακον* . Plu-
res 1^æ sectionis Aphorismi hanc nobis agendi
normam præscribunt .

Alterum ægrorum nostrorum nutrimentum ,
torundemque simul potum , supra innueram esse
Aquam Hordei , vel Avenæ , cum Melle . Quod
decoctum aut meracius , aut tenuius , major
minorve nutriendi necessitas moderatur . Si ne-
que spissum neque tenue , esse oporteat , co-
quantur unc. VIII. Hordei crudi , aut Avenæ
cum aqua pura , donec crepet , ut supersint
Mensuræ quatuor . Mensura capit quatuor Li-
bras medicas . Mensuræ cuique unc. I. II. mel-
lis adduntur . Aegris vehementer exæstuantibus ,
cum sicca , nullave alvo , singulis mensuris dr.
I. II. Cremoris tartari , vel totidem Nitri ,
adduntur .

Decocti hujus usus adhibeatur assiduus , ut quantum possint ægri , potent ; recusantesque , blande admonentur necessitatis oibendi . Quæ equidem in parte nostros parperes plerisque divitibus dociliores experimur . Rarius unica mensura , sæpius binæ , non raro tres , & plus adhuc per diem assumuntur , idque aut calide , aut tepide saltem .

Forssitan hæc quantitas exuberantior , adeoque onerosior , quibusdam videbitur . Sed his regeo , sumto a juvantibus ac nocentibus iudicio , ægros nostros inde minime gravari , quin potius multis hinc gaudere emolumentis .

1. Quicumque ægri ad nos afferuntur fastidiosi , nauseosi , vomiturienses , vomentes , copioso ejusmodi demulcente ac saponaceo potu , id acre diluunt , solvuntque , quod Ventriculum turbet . Unde rariores apud nos illis casus , quod dicta symptomata ultra biduum perennent .

2. Sitis ; ægrorum illa misera crux , mox ita levatur , emendaturque , ut multæ de eadem querelæ non exaudiantur .

3. Ipsum acre quod vel a principio morbi , vel eodem currente , humoribus innascitur , continuo hoc potu diluitur , inviscaturque ita , ut neque febrim , doloresque augere , neque subtilissimis vasis , staminibusque nervosis , ulla queat ratione nocere . Ex principiis Hippocraticis & Boerhaavianis edocemur infortunia in morbis curandis , qui a Veneno , a Peste , a Malignitate sic dicta , oriantur , ex eo potissimum ori-

ri, quod ægri haud satis potent. Curarum fortunatarum nostrarum numerus satis, abundeque hanc methodum probavit.

4. Potu hoc & salutifero, & assiduo, efficitur id, ut ab ipso morborum principio secretiones quæcumque longe minus, quam alias solent, langueant. Vix viderunt Studiosi nostri Cutis diu aridæ, Linguæve exustæ, exempla. Perspiratio quippe impedita brevi redire incipit; urinaque, aut alvus rarius intercipitur; & respiratio, præ siccitate solidi, fluidique densitate, laboriosa & anxia, cito mollior faciliorque redditur. Laxatisque hac lege quibuscumque excretoriis Organis, Natura viam, qua vel juventem, vel criticam materiem eliminet, passim patulam reperit.

5. Continua novi ejusmodi liquidi admistione præpedimus corruptionem humorum: ita ut in Nosocomio nostro fere ignoremus Petechias, ac Miliaria; quæ alioqui Morbos acutos in Regionibus tam frequenter subsequuntur, a corrupto, eoque dissoluto sanguine. Id, inquam, novus Chylus, sua natura acescens, & assiduo sanguini admistus, averruncat, præpedit.

6. Eadem opera, sordibus primarum viarum tam cito emendatis, appetitus, ipsis in morbis renasci ut plurimum solet.

7. Præcaveturque egregie molestus in morbis sive Vomitus, sive Alvi fluor: acri, quod hocce generaret, correcto, abluto, expulso. Si quæ tunc Diarrhæa aliquando observatur, ea a

natura, per systema Mesentericum se expurgante, nascitur; utilissima quidem, si Critica; bona, si, crudo existente morbo, cum bonis signis, contingit: levat enim hæc, sibi que dimittenda est, exemplis id demonstrante HIPPOCRATE, maxime in *Historia Virginis Larissæ*: quod idem & de aliis quibuscumque Excretionibus, morbo necdum cocto, verum.

C A P U T II.

De medicamentis in morbis acutis.

HOrum curam *Emetico* inchoare consuetudinis est. Quippe adfunt sæpe in eorum principio cibi fastidia, vertigines, os amarum, sordidumve, vomitus. Qua agendi in *Methodo* Medicis credunt, & autoritate sese, & experientia suffultos esse. Autoritate quidem magni HIPPOCRATIS Aph. I. — 22. 2—29. 4—17. Experientia vero immensi temporis, qua suos acutos vix unquam citra emeticum curaverint. Maximum porro argumentum deducunt ex observatione, ut vocant *Climatis*; quod tale perhibetur, ut emeticorum in acutis necessitatem ponat inevitabilem.

Qui Emeticis non utuntur, aut raro, in morbis acutis, iidem quoque & Autoritate magna, & evidenti Experientia, munitos autumant sese. Eorundem quippe textuum HIP-

POCRATIS auctoritatem celebrant pro ipsorum methodo, quam ii, qui contrariæ sententiæ sunt, pro sua: putantque eisdem textus, sedato, nec præoccupato animo, examinatos, Emetici dandi necessitatem adeo rarissimam ponere, ut quæ ad frequentem ejus usum argumenta afferuntur, penitus corruant: Quamobrem magnus BOERHAAVIUS Emeticorum in Acutis usum rarius adhibuit, nisi in casu HIPPOCRATI laudato.* Hæc de auctoritate, Si vero de Experientia agitur, dicam etiam, ante BOERHAAVIUM, Germanorum morem, etiam in *Belgio fœderato*, apud multos obtinuisse, hodiedumque obtinere, BOERHAAVIUM tamen, quique eum secuti sunt, Medicos, curam acutorum sine Emeticis fortunatiores edidisse.

Imo ipsa quoque ratio Autoritati, & Experientiæ, adstipulatur. Sunt enim eo tempore omnia in corpore tam violento in motu, ut qui eisdem tum mature, tum sufficienter, compescat. modereturve, vix noverit Medicus. Igitur moti ferventisque sanguinis copiam demit, externe & interne omnia diluere annititur, refrigerare, sedare, moderarique. Porro Emeticum, aut Purgans, aut Sudatorium, quod equidem vel sanissimum moveat, turbetque, eo magis homines, acuta febre petitos, movebit, turbabit, calefaciet. Quare minime mirandum, summum nostræ Artis Dictatorem Emetica intra tam arctos conclusisse limites; quum iis utendi necessitas existeret oppido rara, usufque

eorum cæteroquin formidolosus esset.

Hæc ratio quod *Hagæ Batavorum* hoc in casu vix unquam Emeticum præscripserim ; & tamen profiteor de felici ibidem praxi , & de summa *Haganorum* existimatione , maximoque erga me amore , infinitas DEO optimo gratias me agendas habere.

Cum tamen prudentia juberet me , *Vindobonam* adpellentem , decantatas adeo *Climatis octavi* varietates sedulo , religioseque observare , ne *Batavo* more medicinam *Germanis* faciens , obesset iisdem ; attentum in omnia animum a principio attuli . Quo equidem tempore cadaver puellæ septennis nactus , cui principio morbi Emeticum datum , quamque sæva Pleuritis septimo morbi die sustulisset , horrens profecto vidi , horrentes videre mecum ILLUSTRIS-SIMUS PRÆSES NOSTER , BARO VAN SWIETEN , ac Perillustris & Venerabilis eo tempore Medicæ Facultatis DECANUS ab HENTSCHEL , quam miserrime in illa thorax , totusque pulmo , affecti essent , ut Emetica in inflammatoriis Pectoris morbis etiam in hac Regione , jam tunc suspecta habere inceperim.

Quantum ad Febres acutas , continuas , putridas ; cernebam exposita Cap. I. methodo , a prima jam die nauseas , vomitusque , fieri mitiores ; imo eodemque , alterove die , penitus filere . Quibus crebrius observatis , clamores de climatis varietate vanissimos salutavi . Factum-
que

que hinc ut intra 2 $\frac{1}{2}$ fere annos me, emetico in hoc casu utentem, ne semel quidem adhuc conspexerint Studiosi,

Si igitur octavum hoc clima, dato in casu, Emetici inevitabilem necessitatem posceret, quid, quæso, causæ, quod citra hoc inevitabile auxilium, nostrorum in Nosocomio ægrorum tam felix, tamque expedita passim observetur in sanitatem Restitutio? Atque de his satis.

Medicamenta in hisce morbis petuntur ex Acidis, Saponaceis, Aperientibus. Infusa Radicum Fœniculi, Florum Althææ, ac Rhœædos, Chærefolii, Hederæ terrestris &c. Decocta Radicum Althææ, Graminis, Bardanæ, Scorzoneræ; Folia Malvæ, Althææ, Parietariæ, Acetosæ, Acetofellæ, Portulacæ, &c. quibus seu infusis, seu decoctis, adduntur Mel, Oxymel simplex, squilliticum, Rob Ribesiorum; Mororum, Cerasorum, Prunorum Pomorumque acido-dulcium, Sambuci, Syrupus. e succo Citrei, Acetosæ, Acetofellæ, Endiviæ, Berberum, Cerasorum, Fragorum &c. Additis pro rerum necessitate salibus neutris; nitro, sale prunellæ, Polychresto, Stibio diaph. non abluto, &c. Cardiaca nostra sunt Decocta panis albi, cum Cerasis, aut Fragis, aut Rubo idæo, aut Cerasis acidis, aut Ribesiis. Hæc & similia diluunt humorum massam, spissa attenuant, sitim extinguunt, leniunt acre, stricta laxant, dolores moderantur, incipientem putredinem corrigunt; averruncantque futuram, vires denique refocillant, sustentant,

Di-

Didicere Apollineæ artis alumni hac via se longe tutius progredi, quam si magniloquas, ac vaniloquas, *Dispensatorii Viennensis* formulas, & promissa imitarentur. Cujus *Dispensatorii* vanitates, si ingenue fari detur, ostendere omnes qui vellet, næ totum fere illud exscribere ipsum oporteret. Quid ad Pleuritidem *pulvere pleuritico* inanius? Quid ad Malignitates in morbis aut præcavendas, aut emendandas, *Pulvis de Gutteta Riverii*? *Pulvis Marchionis*? *Bezoardicus*? *Pulvis Pannonicus ruber*? *Pulvis pretiosus albus*? & id genus alia? Illuminatus vivimus ævum, quam ut his magis fidem adhibeamus. Sed, inquiunt, horum usum nostra nobis experientia probavit. Et nos experientia didicimus hæc crepundia vituperare. Inspicite Rerum in Nosocomio successum! Ne unquam tamen talia nostras ædes ingressa sunt.

His quippe præter inania multa accedunt Lapidēs multi pretiosi, Aurum, Margaritæ orientales, &c. quibus quid damnosius? Implentur corpora rebus a Natura non domandis, quæ vi sua Mechanica agant, & irritando, Vomitus, convulsionēque, producant, aut non palpandi pulveris forma cum succo gastrico & enterico in molestas, imo læthales, abeant concretiones.

At vero, inquiunt, additis acidis hæc corpora solvuntur, mutanturque cum illis in salē neutrum, qui oppilata referat, morbosa vehat secum, & de corpore eliminat.

Bona verba! ficcine cum hominum simplici-

citare ludere animus? Examine accurato, Instituto Lapldum, Ossiumque, & Cornuum animalium, & dictorum in Arte Terreorum, reperiuntur nonnulla cum Acidis effervesce, inque salem, sive corpus tertium, cum iisdem mutari; alia cum iis effervesce, nec tamen acidum mutare; alia, quæ cum acidis effervescentia, parumper modo id immutent; alia neque cum illis effervesce, nec eadem mutare; alia denique cum nonnullis acidis effervesce, eadem immutantia, cætera vero acida nihil immutare. Ut inaugurali Themate in Academia *Leydensi* evicit Clariss. *Paulus s' Graauwen*, qui Clarissimi *De Gorter*, in *Russiam* profecti, Cathedram, in Academia *Harderovicena*, tanta cum laude conscendit, exornat.

Quæ igitur neque immutant acidum, neque ab acido mutantur, indomita manent, quantumvis redacta in pollinem. Ut CrySTALLUS montana, Hyacinthus, Smaragdus; Terræ Sigillatæ omnes, excepta vulgari & ruberrima; non ulla sive Ossa, sive Dentes animalium; & fere etiam C.C. tamustum, quam philosophice præparatum. Ex Lapidibus septem pretiosis ne unus quidem citrei acidum tollit; quatuor acidum absorbent aceti; tria nullum acidum vegetabile, aut fossile, destruunt, nempe Hyacinthus, Sardius, Smaragdus. Quantum ergo in rebus inane! dum plura horum ne eas quidem possideant vires, quibus cum acido in tertium corpus commutarentur. Optimus *Felix Platerus*

150. ab hinc annis de vanitate Gemmarum, Lapidum pretiosorum, & Auri, in curandis morbis, egit, Cent. Quæst. posth. Num. 91.

Sed nunquid eorum saltem talia, quæ cum acido in tertium mutantur, explicatos ob effectus, non laudanda?

Immo vero eam ipsam ob causam vituperanda. Vim tertii hujus corporis aperientem agnosco, vires ejusdem in quadam Intertriginis specie expertus; ut & in Stranguria, Dysuriaque, quæ potius apto ad id potu, quam a notabili Renum, Vesicæ vitio originem ducerent: sunt omni nota & proprietate sat valide aperientia, humoresque moventia, remedia.

Quæ cum ita sint, eo ipso nomine nocent
1. in Acutorum principio. Πέποννα φαρμακνεύειν, καὶ κινεῖν, μὴ ὥμα Aph. 1. — 22. Nocere 2. possunt circa Crisin; materiem nimis urgendo ad Urinæ vias: nam Ἀδεῖ ἄγειν, ὅκῃς ἂν μάλιστα ἀρεπῇ, ταύτην ἄγειν, διὰ τῶν συμφερόντων χορίων, Aph. 1. — 21. Neque regerat quis nitro nos usos ejusdem vitii reos agi; cum hoc blando agere modo, violentiore illud, compertum sit.

Verum quo Hippocraticæ Methodi præstantiam præ illa demonstrarem, hoc unico utar argumento. Si ad curandos acutos morbos sit absoluta horum remediorum necessitas, cur omnes nostri in Nosocomio non moriuntur? Ne granulum quidem horum omnium præscripsi unquam; & tamen centeni testes fatebuntur vix pau-

paucos ab acutis morbis toto biennio aut interiusse, aut postmodum languisse.

Fit hac nostra Methodo Medicina longe tolerabilior egenis, totique infimæ sortis genti, quos Medicus cum fastuosa sua culina, præ ipso morbo, gravis premit. Studiosi nostros ægros paucioribus, ut vocant *Grossis*, quam aliter *Florenis* curatos salutarunt.

Purgantia æque parum, quam Emetica, præscribimus, memores haud modo laudatorum HIPPOCRATIS Aphorismorum, verum etiam eorum, quæ idem circa hæc differit in fragmento Heurniano. N. 19.. Ολοισι μὴν ἐν ὑπὸ πυρετῶν ἰσχυρῶν λαμβάνονται, ὃ χρεὶ τὰτοις φάρμακα δίδοναι καὶ θαρτήριά ἐξ ἧν μεθῇ ὁ πύρετος. N. 20. Εἰ δὲ μὴ, μὴ ἐντὸς τεσσάρων καὶ δέκα ἡμερῶν.

Verum cum ibidem Num. 27. dicat Ἀλλὰ ἢν τις δὲν, υποιλύζειν χρὴ, ὁποῦται δὲ θάλει. κινδυνώτερον γὰρ, enemata quotidie, si alvus non responderet, adhibita sunt. Immo licet clausa non esset alvus, si modo in principio siccitas major observaretur, Enemata emollientia; diluentia, bis, ter, de die injecta, id effecerunt, ut alvus nunc minus, quam antea, moveretur. Acre enim expellunt, quod irritando, alvum copiosorem produceret. Eorundem igitur ope, si quid acre in intestinis crassis fluctuet, hoc expellitur, aut dilutum saltem infirmatur: fotu illo blando venter emollitur, concreta in tenuibus intestinis calido eorum

rum accubitu solvuntur, redduntur, quæ profluant, apta. Obstrueta Hepatis, Ventriculi, Renum, Ureterum, Uteri, resolvuntur blando, eoque humanum parumper superante, calore. Per bibula etiam, quibus & crassa Intestina gaudent, oscula, absorptus humor diluit humores, corpora nutrit.

Medicamentorum ratio apud ægros nostros ejusmodi est, ut copia ipsis sufficiens detur. Multi bonis medicamentis datis non curantur; curandi iisdem, si sufficientem eorundem copiam aut sumere vellent, aut sumendam acciperent. Sane ut corpora nimio alimento prave nutriuntur, tenuiore collabascunt; ita medicamenta redundantia Naturam turbant, non curant; pauciora inepta sunt, quæ morbum, ejusque causam, debellant. Hæc alio atque alio modo in variis se ægris habent, eaque, nisi intento in rem animo, non addiscuntur. Fuisse quibus in Pleuritide ac Peripneumonia sequens Mixture per diem sufficeret: ℞. Oxymeli. squill. unc. iij. Stibii Diaph. non abl. dr. x. Aq. Hyssopi unc. viij. Extrahere, qui & duplo indigerent. Neque enim unquam Oxymeli. squill. usus largior nauseas nostris excitavit: id quod copioso potui aquæ Hordei, aut Avenæ, adscribendum reor, quo Ventriculus perpetuo abluitur. Si homo aquam biberet cum Lacte, coagulum faciens cum eodem Oxymeli, ipsum reddere in nauseas procliviorum posset; cum Hordei, aut Avenæ Decocto minime.

Cum

Cum dico plures fuisse, qui ea horum copia indigerent, inde significatum haud velim, quod illi sputis fuerint judicati. Certe nunquam inflammationis pectoris sollicitudo nos anxiet, etsi nihil expuerent ægri: perinde fuit quam evacuandi viam Natura capesteret, modo Respiratio emendaretur. Numerus eorum, qui vel Pleuritide, vel Peripneumonia affecti, sive alvo, sive utroque judicati convaluerint, eorum jam superat, quos sputa judicarint. Diæta, ac Medicamenta nostra, videntur, quibusvis salutaribus Naturæ moliminibus ex æquo obsecundare.

Juvat & monuisse hic loci, quod nonnunquam, omnibus adhibitis, sævæ inflammationes haud mitescerent. Idque etiam licet diu noctuque fomenta, ac cataplasmata, tædioso opere continuo adhiberentur. Oleosa tunc mira præstiterere quandoque. Quin & Vomitus, Nauseaque, sordes primarum viarum indicantes, epoto ob dolores oleo, simul cessaverunt; involuto eo, unde oriebatur acri. At vero hic paucae unciae vix juvant. Bis, ter, de die, unc. v. vj. Ol. Lini cum grano opii, aut una uncia syrupi Diatodii, dedimus.

Verbo dixerim, dum indicationes aliquid agendum jubent, omnia, quæ tendant eo, auxilia Artis prudenter augenda sunt. In colica clausa dicta operarentur aliquando purgantia, sufficienter si exhiberentur. Videre Studiosi, in Colica Piætonum, alvum a 14. diebus perti-

naçiter clauſam, feliciter breuique reſeratam, ſaturatiſſimo inſuſo purgante, quod quadruplicem ejus doſim excederet, ſed per vices dato, donec venter liqueſceret. Qui ejuſmodi Purgans per epicraſim præſcripſit, ea lege ut, ſoluto obſtaculo, tum tardior ejuſdem, tum parcius ſit uſus peccabit nunquam.

Idem verum quum unica ſalus ab Opio pendet. Sunt quibus ſemigranum ſufficiat, alii qui, ſumtis per vices 6. granis, vix afficiantur. Indicatione rite ſumta, per vices eo uſque detur, donec incipiat vires exerere ſuas.

Eſt adhuc quod moneam, deſperatis Pleuriticis, poſt ſufficientes, ſaltem copioſas, evacuationes, epotum cum opio oleum, & amplum ad dolentem plagam veſicans, nec opinatam adduxiſſe ſalutem.

C A P U T III.

De aere, decubitu, ſeſſione, aliisque, circa ægros moderandis.

A Ere aut debito frigidiore; aut calidiore, nil ægris pernicioſius. Rarius cum ægro, ejusve cuſtodibus, propter frigidiorem belligeramus, ſed ut plurimum propter calidiorem. Multis in Regionibus univerſalis mos eſt, ut, Acutis in morbis, Puerperioque, homines primo inter Lectorum includantur cortinas; dein-

B

de

18 DE AERE, DECUBITU,
de sub Lecti stragulis sepeliantur ; ac tandem
calore tum Cubiculi , tum propriæ suæ At-
mosphæræ, circiter suffocentur . Damnantur ad
has misérias , donec aut convalescant , aut mori-
antur . Nam ipsorum Atmosphæra , non reno-
vata , magis incalescit magisque , ut demum
ad calorem illum , qui hominis est , accedat
propius : Sed præterquam quod calore noceat ,
nocet & putridis ; quibus continuo imprægna-
tur , ægri exhalationibus foeta : Famosissimus in
praxi *Petrus Forestus* 200. ab hinc annis hanc
pessimam *Germanorum* consuetudinem vitupera-
vit , Lib. VI. Obs. 44 :

Hinc 1º. Respiratio anhelosa, difficilis, quam
quisque sanus , ejusmodi ægrum invisens , in se
experitur . Si sanguis olim sat commode Pul-
mones permeabat , jam cum labore : quæque
nondum affuerat peripneumonia , jam nasci eam
in proclivi est . Nonne ipsi nos , ardente Sirio ,
in respirando deficimus , ni aut vento , aut ar-
tificio ; aer mutetur ? In illo aere æstuante qui
motibus se & validis , & diuturnis exercet , aut
Peripneumoniam sibi consciscit , aut alium ex
genere Acutorum morbum . In morbis acutis
motus est ingens ; cui si calidissima atmosphæ-
ra jungatur , intelligimus facile quantis anxietati-
bus torqueantur .

2. Nihil potentius expellit sudores ; quibus
aut crudo in morbo , aut per sudores non sol-
vendo , nihil excogitari calamitosius posse , suo
jam tempore *Thomas Sydenham* lugebat , lu-
gent

gent hodie omnes Boni . Subtiliora e sanguine dissipantur , reliqua incrassescunt : idque sæpe ita , ut nova liquida cum iisdem vix ultra commisceantur , sed & præterfluant , & avolent cum sudoribus .

3. Insomnia , deliria , oriri inde apta nata . In nimio æstu quisque sanus aut vix dormit , aut dormit turbulente .

4. A minimo frigore suscepto pessime afficiuntur ; sudore , aliqua saltem corporis in plaga , per vim introverso . Quod cum Medici metuunt , ostia quæque , & fenestras , & rimas , religiose claudi curant : sed & eo gravius , ut mox constitit , ægros angunt .

5. Exanthemata varia hinc oriuntur . Miliaria alba dicta , rubraque , ac Petechiæ . Quæ periculi sæpe plena cum sunt , sua malignitate multos , morbo principe cæteroquin emerfuros , interimunt .

6. Ægros hic modus agendi & tristes reddit , & difficiles , & morosos , suoque cum damno immorigeros , sitibundos , ardentes , aridos , exustos .

Quæ profecto omnia ut præcaveam , maxima cum cura aera perpetuo temperatum concilio ægris . Hyemali tempore , dum hic solent in Nosocomiis calorem pene intolerabilem ope Hypocaustorum ægris facere ; dumque passim apud quosque privatos ægros aer ita incalescit , ut nemo sanus ibidem sine incommodo aliquantis-
per perduret ; soleo meis ægris calorem adhi-
bere,

bere, qui in Thermometro *Fahrenheitiano* 60. 65. gradum signet. Estque tale in cubiculis suspensum perpetuo, quo similem caloris gradum diu noctuque servant studiosi Assistentes.

Æstivo autem tempore clausis, quoad ejus fieri possit, cortinis Lectorum, Fenestræ, ac Januæ tantillum patent; sique æstus sit ingens, plures, eæque oppositæ fenestræ, ac januæ, panduntur. Sæpius de die hoc facto, ægri, cortinis apertis, temperatiore aura fruuntur, reficiunturque mirifice.

Modus ægros tegendi suis in Lectis petitur tum a tempestate anni, tum ab eorum commodo. Unica tegendi regula est, ut caleant moderate.

Debilissimi ægri in Lecto quotidie paulisper eriguntur; ut, pulvinaribus dorso ac capiti substratis, sedeant; primo quidem per $\frac{1}{8}$ horæ, quotidie autem diutius, frequentiusque. Gaudent & recreantur inde admodum, aptique sunt, qui extra lectum in sedili parumper sedeant. In ipsis Acutis necdum apicem adeptis, per 1. 2. 3. horas, ægri Lectis exempti, sedibus ad id aptis insident, corpore bene tecto: & si morbus aut balnea, aut pediluvia poscit, eodem tempore commode his insident. Id enim usu didicimus, quo diutius ægri suis sub integumentis tumultantur, eo eos fieri, qui sedeant erecti, ineptiores; quo erigantur crebrius, eo alacrius eisdem surgere. Sane magna pars debilitatis ægrotantium hinc oritur. Nonne sanum,

num, robustumque virum, aere ad gr. 80. calente, nec renovato, in Lecto sub stragulorum pondere octiduo inclusum, debilem redderemus, & ægrotum, anxieque respirantem? Nihil e contrario, quod ægros nostros adeo refocillet; nihil quo delectentur impensius; nihil etiam quo reddantur in somnos proniores. Raro enim abest, quin in lectum repositos blandus unius, alteriusve horæ, somnus præhendat. Quo etiam multum facit lectus interea temporis refectus, siccatisque, aut & mutatis lintheis, plane amœnus.

Hinc respiratio ægris nunquam redditur anxia ab aere, putridaque eorum Atmosphæra. Quæque ratione morbi talis est, ea nedum laboriosior mala arte redditur, sed potius allevata.

Nunquam hinc Sudores contra morbi Naturam exprimuntur. Si in acutis habentur moderato sub tegmine sudores, sive levantes, sive critici, ægris nihil mutamus. Vetitum tunc lecto eximere illos, ne frigeant; vetitumque gravius eisdem tegere, ne vexata nimium Natura debilitetur.

Petechias bis modo vidimus toto hoc tempore; sed ortas ex neglectu debitæ curæ, priusquam ad nos deferrentur. In ægris qui nostræ curæ subiecti fuere, Petechias ne semel quidem hic vidimus.

Unica vice in tanto ægrorum numero Millaria in morbo acuto Pulmonis vilia sunt, id-

que meo, palam fateor, neglectu. Ipso hoc anno, adspirante Vere, Custodes hominem, ut hyeme solebant, etiam tepidiore illa tempestate texerant. Præterea in clauso ejus cubiculo, cum septuaginta & ultra studiosis, per horam moratus eram, præreptus ardore dicendi; quum alioqui in separatam aulam cum studiosis me confero, examinata ad Lectos phænomena expositurus. Ex hac duplici incuria factum, ut in Peripneumonia, solvi coepta, sexto die parva stigmata pectus obsiderent, quæ sensim miliaria alba se esse demonstrarunt. Deinceps jugulum, & utraque latera colli occuparunt, rubris multis tunc etiam inter alba, quæ ad pectus erant, interspersis. Ellychnio cerato admoto, & confertissimæ, & pellucidæ, per omnia hæc loca pustulæ comparebant.

A posteriore itaque intellexi errore commisso idem hic contigisse, quod alias adeo frequens in acutis harum Regionum. Errore commisso, inquam; nam morbus ipse coqui eo usque visus erat, neque signa dissoluti cruoris ex aliis excretionibus observata fuerant, neque vires vitæ ullatenus decreverant. Unde, causa sic intellecta, abstuli prudenter aliquid de pondere stragulorum; ac semper deinceps, homine cæteris cum ægris in transitu, & quantum absolute requisitum, examinato, mox vicinam in aulam, visa exponendi causa, me cum Auditorum turba contuli. Memorque *Sydenhami*, verbo & exemplo monentis, Petechias, ab aere

calidiorē ortas, curari oportere aere, tegumentisque levioribus, educatione extra Lectum, medicamentis diluentibus, ac refrigerantibus; ea omnia sensim, prudenterque, imitatus sum. Effectum inde, ut anxietates pedentim imminuerentur, sudoresque decrescerent, & intra quadriduum Miliaria inciperent exsiccari: novis non renascentibus ultra, viribus augescentibus, maturanteque sese Peripneumonia. De industria hominem, diutius quam par erat, penitus curatum, in Nosocomio servavi, ut Medicinæ Doctores, Studiosique, confirmatæ ejus pancreaticæque sanitatis testes existerent. *Quantine faciendus in Medicina Sydenhamus!*

Miliaria autem vera, quæ cum quadam veluti Rheumatica febre inchoant, 4. 5. 6. 7. 8. febris die, ea ter in Nosocomio conspeximus. Fuere inter illos, qui per mentum, collum, pectus, brachia, femora, albis scaterent miliaribus: quæ admoto lumine quotidie in suo ortu, decursu, decremento, exsiccatione, tum a me, tum a Medicis, qui Miliaribus & cognoscendis & curandis dudum assueverant, tum & a Medicinæ Studiosis, examinabantur. Porro jacuere omnes hi inter medios alios ægros, eodemque puro cum illis aere utentes, iisdemque integumentis. Subacescens eorum foetor non mutavit quidquam per aciescentia & acida more. Sed a climatis clamoribus eo tempore adhuc nonnihil perterritus, eosdem necdum ausus eram lecto eximere. Post tres, qua-

24 DE AERE, DECUBITU, SESSIONE, &c.
tuorve, septimanas omnes adepti sunt sanita-
tem. Posthacvero, sensim audaciôr, hominem
febre acuta putrida pluribus diebus, antequam
in Nosocomium inferebatur, laborantem, & mox
apud nos Pethechiis refertum, quotidie cum cæ-
teris ægris lecto eduxi; aerem eundem, quem
inspirarent cæteri, & huic conciliaui, diluente
potu, cui spiritus sulphuris per campanam di-
ctus additus, eum implevi; quo factum, ut
intra octidui spatium & a pethechiis, & a
morbo acuto convalesceret; sola hæctica dispo-
sitione, qua multis ab annis languebat super-
stite.

Sic sensim jugum, quod humeris meis pu-
blicus imposuerat clamor, excutere potui, vo-
lui, debui. Videram in *Belgio fœderato* anno-
siores practicos, qui monita *Sydenhami* ac *Boer-
haavii* in Variolis, Morbillis, Miliaribus, Pe-
thechiis, Scarlatinis, aspernari, horum morbo-
rum in curatione admodum infortunati essent:
videram alios, qui, Boerhaaviana schola enu-
triti, Magistrique vestigiis preesse inhærentes
horum curam feliciorum ederent. Recordabar
& me, *Sydenhami*, ac *Boerhaavii* vestigia pre-
mentem, hos eosdem morbos summo cum fa-
mæ ac honoris incremento cæteris, qui alias
longe semitas calcarent reclamantibus, feliciter
curasse; hinc audacter vanos clamores flocci fa-
ciens, concludere debui, tam felicem esse ho-
rum morborum curam in aere *Austriaco*, quam
suadente *Sydenhamo* in *Brittanico* quam suadente
Boerhaavio in *Belgico* fuisse constat.

CA-

C A P U T IV.

De diebus criticis , & crisisbus variis .

V Olupe maxime fuit , veritatem doctrinæ Hippocraticæ , circa criticos dies in ipsis ægris , Auditoribus coram , demonstrare potuisse. Negabunt multi fieri id posse. 1º. Quia diversa Hippocratis opera dies criticos alios , præ aliis ; aliis atque aliis temporibus , ponunt , enarrant . Imo quibusdam in locis bonum criticum adpellant ejusmodi diem , quam in aliis malum , suspectumve , describunt . Ut liquet manifesto eo , qui eorundem enumerationem indagaverit ex *Aph.2 — 24. Aph.4 — 36. Epid. Libi. Sect.3. Libr. Prognost. & Libr. de Crisisbus*. Quod si qui enumerat omnes , qui laudatis in libris critici habentur , dies , criticos reperturus est 3. 4. 5. 6. 7. 8. 9. 10. 11. 14. 17. 20. 21. 24. 27. 28. 30. 31. 34. 40. 48. 60. 80. 100. 120.

2º. Ex hisce forsan quis ita confici arbitrat , ut in morbis acutissimis & peracutis , qua die judiceris perinde sit . Namque a 3. ad 11. diem novem sibi subsequentes dies critici enarrantur ; unde in eorum quemquam crisis necessario incidet . Præterea post 11. diem creber adeo criticorum numerus est , ut magna semper spes sit , fore ut in quempiam eorum judicia incidant.

3. Im-

3°. Immo aliis, iisque cæterum doctis, hinc genus argumentandi placuit. Si recensensus criticorum dierum ex æterna Naturæ lege conficere-
tur, exactus ille, & ubique consimilis, haberetur. Jam vero *Hippocrates* in iisdem vario tempore, locoque, enumerandis dubius fluitat, inconstansque alios præ aliis numerat. Ergo certi nihil ex hisce conficitur. Anxia proinde eorum inquisitio inutilis videtur, imo quia, quod otium studiosi in certiora indaganda collocare potuissent, id hæc inquisitio occupat, damnosa est.

Aptior responsio ad hæc argumenta non datur, quam quod eorum, quæ in genere de diebus criticis magnus *Hippocrates* effatus sit, examen ad Lectos agrorum institutum, rem eodem se modo habere, quo ille dixisset, abunde demonstraret. Verum ut horum omnium argumentorum vis penitus enervetur, materies eorum paulo altius inquirenda est.

Galenus, inconstantia Hippocraticæ doctrinæ suspicionem amoliri conatus statuit, *Cum* in Libris *Epid.* citra ullam Quaternariorum distinctionem, quoscumque unquam dies judicatorios observasset, enumerasse: in locis vero cæteris Periodos, quæ quaternario dierum numero componeretur, sermone complexum esse. Credibile propterea fieri. Epidemicos Libros primo conscriptos esse, qui doctrinam generalem continerent; *Aphorismos* vero, aliaque ejus opera, quæ ex generaliore doctrina collecta

essent, & consuetiores Naturæ Leges referrent, post *Epidemicorum* volumina conscripta esse.

Inconstantia suspicionem *Galen*i effata mitigant, non tollunt. 1. Enim invictis argumentis constat, *Hippocratem* plurima opera sua post Aphorismos condidisse; quæ demonstratio hujus loci non est, sed in aliam occasionem reservanda.

2. In *Aphorismis* ac *Prognosticis* haud levia manent ejusdem Inconstantia vestigia. Imo ne uterque quidem *Aphorismus* idem sonat. Ergo tantæ discrepantiæ aliunde petenda origo est.

Græcis moris est numeros literis, ut exponant. α cum accentu gravi in vertice denotat unum, β duo; γ tria &c. a Littera ι numeros decimos, sive ut vocant decimales, oriuntur: a Litera ρ centenarios: Millenariis accentum ponunt infra literam.

Quia nunc ante inventam Typographiam libri omnes stylo vel calamo exarabantur; quique scribendi arte victum quærirarent, veloces eos in opere illo esse oportebat, nil committendis in eo erroribus facilius fuit. Potissimum si Manuscriptorum Vetustas vietas literas contineret. Undenam aliter Manuscriptorum complurium varietas tam stupenda, tantaque contradictio nata? Id quod eruditus *Foesius* toties acerbissime conquestus est. Ita ut ad locum, de quo agitur; *Epidemicorum*, plurima exemplaria dissona invenerit: tribus antiquis-

simis

simis octavum diem reticentibus ; duobus aliis decimum , ac vigesimum octavum ; apponentibus vero , qui non in prioribus , diem vigesimum , & vigesimum quartum . Iterum aliis Exemplaribus expungentibus diem quadragesimum octavum , ejusque loco quadragesimum quartum laudantibus ; aliis addentibus post centesimum , vigesimum . Nosque hodie in Aph. 4—36. legimus 21. diem : *Galenus* legit 20. , & verissime quidem ; in omnibus vero *Celsi* exemplaribus 21. notatus fuit .

Merito proinde concludimus Notarios , sive Antigaphos , similitudine literarum numeros designantium , deceptos fuisse , quod in vietis manuscriptis facile ; sæpiusve eisdem numeros , quod festinantibus solemne , omisisse . Adeo hoc *Galeno* persuasum , ut quod *Pythio*, tertio *Epid.* non 11. sed 10. die obiisse legatur , librariorum errori adscribat .

Sed Notariorum errore demonstrato , ut causa , veraque origine , discrepantiarum in *Hippocrate*, sequiturne inde id , ut ultra ex pisce incertis nil firmi certique eruere oporteat ?

Sequeretur omnino , nisi alia certi indagandi adminicula , & investigassemus , & deprehendissemus . Nihil hic dicam , quod mea 20. ferme annorum in *Belgio* praxis me ex hoc dubio plane exemerit : nam ut supra monui , non ex mea modo praxi , sed ex ipso *Hippocrate* , legitimus medendi ordo , coram Auditoribus meis : datus mihi fuit exponendus , & demonstrandus .

Con-

Consulendus igitur Divus senex fuerat, non in dogmatica Criticorum dierum recensione, sed in clinicis ejus observatis. Hinc sequentia didicimus.

Dies 3. dabat judicia	7.	3. bona 3. mala 1. bonum, sed quoad diem dubium.
Dies 4. judicia	12.	6. bona 6. mala 4. bona 5. cum recidivis
Dies 5. judicia dabat	14.	4. mala 1. lethale, sed quoad diem dubium. 13. lethalia
Dies 6. judicia	25.	11. cum validis recidivis. 1. ambiguum an ad 6. pertineat, bonum tamen, Virg. Larissæ.
Dies 7. judicia	28.	11. lethalia 8. perfecte bona 9. dubia, aut cum recidivis.
Dies 8. judicia	4.	1. bonum 2. lethalia 1. cum recidivis; & tota Constitutio sic erat.
Dies 9. judicia	6.	3. lethalia 1. cum recidivis
Dies 10. judicia	3.	2. bona 2. mala 1. cum recidivis.
Dies 11. judicia	9.	3. mala 4. bona 2. aut dubia, aut cum recidivis.
Dies 12. judicia	5.	2. lethalia 1. bonum 2. imperfecta

Dies

Dies 14. judicia dabat	19.	3. mala 15. bona 1. cum aliqua recidiva.
Dies 15. judicia	2.	1. bonum 1. malum
Dies 16. judicium	1.	1. malum.
Dies 17. judicia	8.	6. bona 2. mala.
Dies 18. judicia	2.	1. bonum 1. dubium.
Dies 19. judicium	1.	1. bonum. 10. bona
Dies 20. judicia	16.	1. imperfectum 5. mala.
Dies 21. judicium	1.	1. malum.
Dies 22. judicia	2.	1. bonum. 1. cum recidiva.
Dies 23. judicium	1.	1. dubium valde, eo an pertineat.
Dies 24. judicia	4.	2. mala 1. bonum 1. cum recidiva.
Dies 25. judicium	1.	1. malum, ambiguum an eo die.
Dies 27. judicia	2.	1. bonum 1. malum.
Dies 29. judicium	1.	1. cum recidiva ad 40. diem: integra sic Con- stitutio.
Dies 34. judicia	2.	1. bonum 1. lethale. 8. bona
Dies 40. judicia	12.	2. lethalia. 2. ambigua, aut cum reci- divis.
Dies 51. judicium	1.	1. bonum.
Dies 67. judicium	1.	1. malum.
Dies 70. judicia	2.	1. forte bonum 1. malum.
Dies 75. judicium	1.	1. bonum.
Dies 80. judicia	4.	3. bona. 1. lethale.
Dies 100. judicium	1.	1. bonum.
Dies 120. judicium	1.	1. malum.

Summa igitur est Judiciorum *Ducentorum*, tam privatorum ægrorum, quam plurium Constitutionum Epidemicarum; quæ tamen omnes singulari tantum numero indicantur. Adeo ut pene infinitus fuisset judiciorum Numerus, si quid cuique in variis illis constitutionibus contigisset, *Hippocrates* enarrare voluisset. Plura adjicere potuissem, si quæ in *Vulneratis* observaverit, adjecissem; sed de *Crisibus acutorum* modo agendum fuit: Ad diem 7. 9. 14. adhuc plura judicia *Hippocrates* refert in *Coacis*, in *Prorrheticis*, &c. in morbis inflammatoriis, maxime Pectoris, exponendis, quæ in data mox dierum Criticorum recensione non notantur. Ita ut hinc illi dies 7. 9. 14. fiant crisis adhuc famosiores.

Ex omnium autem recensione elucescit, id quod Aph. 2—24. omnium maxime cum observatis Hippocraticis conveniat, adeoque omnium minime corruptus sit; dolendum modo quod ultra 17. diem non extendatur.

Secundum hæc observata maxime Critici sunt dies 3. 4. 5. 7. 9. 11. 14. 17. 20. 40. Quod enim dies Sextus, & Vigessimus nonus plurima judicia continere videantur, nihil contra facit; sunt enim suspecti, & saltem cum validis recidivis, post multos languores. Reliqua pauca, diebus aliis vel minus criticis, vel plane non criticis observata, vix regulam faciunt.

His ita ex *Hippocrate* examinatis, alterum
sua

supererat faciendum . Dies nempe iidem , in omnibus , quos Nosocomium exceperat , ægris , sedulo erant indagandi . Exacta observatio demonstravit verissima esse , quæ docuisset *Hippocrates* . Diebus nempe maxime ab illo notatis nostra bona judicia observavimus , habuimusque iisdem etiam aut imperfecta , aut mala : ea nihilominus differentia , ut , Divina favente Clementia , mortuos numero longe pauciores numeremus : quod dubio procul etiam nonnullis Medicamentis , quæ *Hippocratem* latuerant , tribuendum . Judicia nobis , & Sexto contigere , & Decimo , & Duodecimo die ; sed imperfecta ea , & cum relapsu , fuere .

In hæc porro intenti , plura alia magni Viri observata , confirmata in nostris ægris , mirabundi vidimus . Veras easdemque graves *Perturbationes criticas* contemplabamur , sed & non raro paucas ; interdum nullas ; critica evacuatione tamen prodeunte . Eodem prorsus modo quo ille eas se observasse tradit . Revera ipse conspicuas illas *Perturbationes* frequentiores vidit , quam nos : sed si detur conjecturæ locus , ubi quis cum Hippocraticis Sydenhamiana & Boerhaaviana conjunxerit , scilicet Venæ sectiones crebriores , medicamentaque & plura , & efficaciora , adhibuerit , interea dum ab *Hippocraticis* ne latum discedat unguem , ille videtur in suis ægris ejusmodi *Perturbationes* habiturus rariores .

Præterea notabiles observationes *Coi* circa sub-

bitas, nec opinatas, mutationes ex summo Lethi metu in salutem, mirabundi aliquoties intuebamur. Ut historiam *Metonis*, *Mulieris in Thaso*, illius scilicet, quæ ardente febre decumbebat. *Virginis Larissæ*, aliorumque, hoc ipso anno, in binis putridis febribus, tribusque Pleuriticis veluti coram intueremur.

Cruditatis tempus, ut sæpe ad 4. diem illa mutatur, ita non raro ad 5. 6. 7. 8. diem extendi vidimus, iis potissimum in ægris; qui citra medicam opem pluribus diebus cum morbis conflictarentur, antequam ad Nosocomia adducerentur. Didicimus ex hisce cruditatem non tempore metiri, sed conditione, audacterque eo in casu morbos aggredi, tanquam si primum diem agerent: exemplo *Hippocratis*, qui *Anaxiori* octavo pleuritidis die sanguinem e brachio tollens, felicissime tum suppurationem, tum gangrenam præcavit.

Si quis nunc his omnibus, observationes *Hippocratis* conjunxerit, *Lib. I. Epid. edit. Foës pag. 941. & 945. tum & Lib. Epid. 3. a pag. 1085. ad 1089.* circa febres, quæ nullas Crises sive salutes, sive perniciosas, habeant; responsum ille habebit in promptu ad Quæstionem, tum apud privatos multos Medicos, tum & apud illustria Eruditorum corpora agitatam, cur, nempe Crises & citæ, & conspicuæ, Hippocraticis, quam nostris temporibus, crebriores? Profecto qui *Sydenhami*, & *Baglivi*, & *Boerhavi*, & *Illustriissimi nostri Præsidis*, eruditiss.

C

fini

simi in Boerhaavium Commentatoris, consilio parentes, Naturam intempestivis Venæ sectionibus, aut Emeticis, aut Purgantibus, aut Sudatoriis, non turbant, non fatigant, non subvertunt, sed potius eam ducem sequuntur, iusteque moderantur, eadem in morbis quæ *Hippocrates*, observant. Doctissimi *Baglivi* hoc responsum est, toties ab ipso jam ante 60. annos iteratum.

Unicum modo est, quod hic subjungi oporteat. Nemo auctoritatem hujus doctrinæ, pondusque, inde labefactari autumat, quod ad eandem probandam nonnulla sunt ex ejusmodi petita operibus, quorum *Hippocratis* ne sint, an aliorum, sit dubia fides. Etenim duo fere Trientes omnium adscriptorum *Hippocrati* Librorum germani sunt. Ita quidem ut ex 70. illius sive Libris, sive Dissertationibus, quæ operum omnium molem conficiunt, 46. reperiantur fidei indubitata; 24. autem aut *Filiorum* ejus sint *Thessali*, *Dracontis*, generisve *Polybi*, aut cujusquam de *Asclepiadarum* familia: qui ex venerandi Senis pugillaribus hæc adornasse, ideoque, paucis exceptis, apud *Galenum*, *Celsum*, aliosque dignos *Hippocratis* Commentatores, magna videntur auctoritate valuisse.

CAPUT V.

De Urinis.

Circa Urinas & multa , & egregia , per biennium & ultra , Nosocomium suppetavit : quorum plura , cum aliis experimentis tum demonstranda clarius , tum augenda sint , necdum in præsentiarum convenit hisce inferere . Sed id saltem affirmamus , quæ Hippocrates de Urinis habeat , eorum pleraque nos verissima esse , stupentes sæpe observasse . Patuit quippe judicium medicum tam in Acutis quam in Chronicis , ex solis urinis desumptum , fallaciæ obnoxium hære ; quia 1. Urina incredibiliter etiam in sanissimis variat. 2. Quia Urina , assumtis quibuldam , adeo a naturali aliena reddi potest , ut nihil minus , quam Hominis ; cujus est , conditionem denotet : id quod jucundis experimentis captis in Nosocomio demonstratum fuit . 3. Quia si cætera in morbis signa bona sint , ea etiam , cum Urinis non bonis , bene sperare jubent . 4. Quia Urinæ pravæ , cum multis cæteris pravis signis , quamquam metum ingentem pariant , omnem tamen spem vitæ non abscindunt . 5. Quia Urinæ nunquam bonæ , cum reliquis signis bonis , judicium passim impertectum relinquunt . 6. Quia Urinæ non malæ , cum pravis cæteris signis ,

magnum discrimen portendunt . 7. Quia ple-
risque ægris , qui intereunt , urinæ non bonæ
observantur .

Cæterum Urinæ vario modo rubras ; Urinæ
similem orobis tostis gerentes materiem ; Uri-
nam squamosam , fursuraceam , crassiori farinæ
similia ferentem , membranaceam , ictericam ,
viridem , subnigram , nigram , pinguem , foeti-
dam , insipidam , aquosam ; Urinam vario mo-
do crudam ; omniaque quæ ad nubeculas , eneo-
remata , bonaque ac mala sediminia pertineant ;
horum , inquam , plurima ad Lectos ægrotan-
tim reperiimus eodem se modo habere , quo
observata ab *Hippocrate* , descriptaque fuerint .
Præcisum vero tempus , horamque definitam , qua
in Urinis sedimen maxime criticum , post ea-
rum mictum , conspicuum fieri debeat , necdum
potuimus definire . In genere vidimus , eo per-
fectiorem dari crisin , quo sediminis & citior ,
& diuturnior , depositio esset . Cæterum & bo-
nas fuisse Crises , Urinis 6. 8. 10. 12. post mi-
ctum hora sedimen formantibus . De aliis mor-
bosis in Urina contentis , idque potissimum in
Chronicis , multa quoque , quæ Hippocratica
confirmant , observavimus .

Verum cum omnibus hisce incerta , fateor ,
& dubia , & obscura , & captu nostro superio-
ra , circa hanc materiem supersunt : quibus ni-
hilo secius & cognoscendis , & explicandis , DEO
sanitatem largiente , omnem operam in ægro-
rum curatione , per sequentem cursum Academi-
cum , navabimus .

Ut

Ut Alcalinorum contra putredinem vim se-
cundum *Pringleanam* doctrinam, exploraremus,
Urinæ ejusdem hominis, eodem tempore missæ,
portiones alias miscuimus cum alcalinis, alias
cum acidis. Acida erant Spiritus Vitrioli, Spi-
ritus Nitri, & Spiritus Salis, fortes. Alcalina
erant Sp. CC. Sal. vol. oleosus, Sal absinthii, O-
leum tartari per deliquium. Experimenta & in
sanorum sunt capta, & in ægrorum urinis. Re-
positæ sunt omnes urinæ eodem in loco. Omni
examine evictum est, urinas longe diutius a
putredine acidis, quam alcalinis, præservari, ea
excepta cui sp. CC. fuisset affusus. Constititque
urinam alcalicis mistam longe citius putrescere
ea, cui affusum nihil.

Ergo inde nihil, ad alcalinorum præ acidis
præstantiam demonstrandam, qua res a putre-
dine præservarent, concludi potest: imo con-
trarium evincitur, citius corruptis urinis, qui-
bus admista alcalia, quam quibus acida, aut
quibus nihil: quamvis omnes variæ portiones
eodem ex homine collectæ, eodem tempore
mictæ, eodemque servatæ in loco fuissent.

C A P U T VI.

De Sanguine humano.

Historiam Sanguinis necdum sufficienter ex-
planatam est, quod doleamus. Multa,

eaque egregia, protulere post *Leewenbœckium* boni in arte viri; *Boyleus*, *Malpighius*, *Belini*, *Guillelmini*, *Boerhaave*, *Hales*, *Schwenke*, multique alii societatum *Anglicanae*, *Parisiæ*, *Bononiensis*, *Edimburgensis* &c. præclarissima membra; quæ utique longo, tædioſoque confecta labore, magnam lucem affudere, ſed necdum penitus genuinam ſanguinis indolem eruerunt. Quin & edita ab iſtis experimenta fuere, quæ nunc prorsum eadem nobis, quæ illis, viſa; nunc iterum ab iis alia, diverſa, contraria, adparuerint. Unde eadem ſæpius, & cum tædio repetere coacti, nonnunquam paulo aliter, atque illi, tum enarrare phænomena, tum ex iisdem concludere, debuimus.

Facultatem omnia rite explorandi primo ſupeditavit inſtituta frequenter noſtris in ægris miſſio ſanguinis. Sed & multum juvere *Paschales Feriæ*. Eſt eo tempore millenorum hominum ex urbe, ſuburbiiis, pagisque vicinis, ad Chirurgoſ Vienneses confluxus, ut Vena ſibi in prophylaxin tundatur. Vicinus Chirurgus, ſeparatis in vaſis, omnem ſanguinem mox ad me mittebat; ubi vero calente, eove actu effluente, opus erat, homines turmatim in Noſocomium induxit, ut iſtis tunderetur, me præſente vena. Unde facultas longe uberrima mihi nata, ad experimenta inſtituenda. Mens fuit potiffimum obſervare, quid ſanguini minime mutato contingeret, ut eo tutius vera indoles pateſceret.

Ex 150. *variis experimentis, & pphenomenis* sequentia didicimus. Sanguis missus ex brachio hominis, thoracem contusi, minime ut dicitur inflammatus, quatuor purissimis in vasis exceptus est. Sexta post educationem hora insulæ, ex laudabili feri copia exemptæ, impositæ fuere in vasa terrea, pura, nova, vitrea crusta obducta. Ver erat frigidum. Aer eo in loco a grad. 40. ad 46. in therm. Fahrenh. calebat. Binis placentis, sive insulis, quavis 12. hora affusæ sunt aquæ frigidæ, puræ, fontanæ, unc. 10. Binis aliis eodem tempore, eadem copia aquæ, ad calorem hominis sani circiter calentis, est affusa. Prima earum insularum, quibus calida affusa, in sex partes divisa est, magnitudine inæquales: reliquis insulis servatis integris. Operatio hæc duravit. 12. dies. Ex tædiosis adnotationibus eo tempore habitis, & semper extemplo conscriptis, hæc pauca modo referam.

Aqua singula 12. hora effusa nunquam vel hilum tincta fuit; evaporata tamen super ignem, maxime postremis diebus, levem crustam reliquam fecit; quæ cum acidis nonnihil efferveret, & saporem suburinofum linguæ gustata imprimeret.

Post 12. diem uasis, quibus frigida solebat affundi, aqua affusa per aliquot dies renovata non fuit. Aquæ illius portio subinde examinata, notas alcali evidentiores dedit.

Sensum porro insulæ disparuere ita, ut quibus

frigida aqua adjecta fuisset, nihil reliqui esset, nisi crusta levis, fusca, asperior adspectu, tactu tenera, omnem vasis ambitum incrustans, notas alcalini, ut supra, gerens. Insula vero illa, quæ divisa in partes, calidam affusam habuerat, sensim albidior, pellucidiorque reddebatur; donec tandem 20. diebus elapsis, sex parvas, fere pelluentes, massas relinqueret.

Quæ vero insula in aqua, quæ calide affusa fuerat, manserat integra, ea longe magis mole decreverat: ita ut superesset demum albescens frustulum, pellucens, paucos rubros globulos, hinc inde intermixtos, gerens.

Intentio horum experimentorum fuerat, quid demum a sanguine superesset, exacte rimari, videreque an quidquam animadverteretur, sive Crustæ phlogisticæ, sive dictæ *Ruischio pseudomembranæ*, consimile.

At vero, ut dixi, superfuit de tota insula nihil, præter crustam fuscam ad ambitum utriusque vasis, quæ frigidam exceperant; aut quid albidum pellucidumque, in binis vasis, in quæ calida aqua coniecta erat.

Quum frustra hæc, mole residua, indies minuerentur, ex aquis illa, exacto mensis spacio exemi, & spiritui vini, quo conservarentur, immisi. Crustas quippe pleuriticæ dictas sæpius exploraveram diuturnis macerationibus, integras, divisas; aqua pura, nitrosa; frigida, calida. Quas cum lapsu temporis evanescere observabam, alias similes crustas, dum incepissent imminui,

spi.

spiritu vini incorruptas servabam . Quod idem omni ex parte & de *pseudomembrana* verum .

At vero frustra illa , paucos intra dies , penitus disparuere ; spiritu duntaxat paulo turbidiore inde reddito .

Igitur hoc residuum caruit durabilitatis nota , qua *Ruifchiana* membrana , & crusta phlogistica , in spiritu gaudent .

Constitit liquido & insulas plures concreti cruoris , & crustas pleuriticis varias , semper citius solvi , evanescereque , quando frigida aqua , quam quando calida , affunderetur .

Membranam suam dictam *Ruifchius* parabat , ramulo quopiam conquassando ipsum calentem sanguinem . Nunquam paravit illam ex sero sanguinis , ut per incuriam in operum ejus *indice* scribitur : qui legit *Ruifchium* attente , videt ipsum sanguinem rubrum , antequam serum separaretur , ab ipso conquassatum esse .

Membranam hanc frequentiore usu didicimus & tempore citiorem , & mole crassio rem , præ illo , parare .

Sanguinem mox missum , calentem , totum , in lagenam infudi , eamque probe obturatam agitando , paravi eodem temporis spatio membranam ea crassio rem , quam , agitando cum ramulo *Olivæ* sanguinem , comparaveram .

Excepi sanguinem ex ipso sani hominis brachio impetuosè effluentem in lagenam . Obturatam lagenam agitans , crassam membranam obtinui , quadruplo breviori temporis spatio .

San-

Sanguinem e brachio fœminæ, septem menses gravidæ, raptim fluentem, lato vase excipiens, ramulo agitavi a prima dragma ad finem usque: per 5. horæ minuta membranam maximam confeci.

Ruischius Thes. vij. N. 39. ramulo exagitavit suum proprium sanguinem, donec refrigerceret, tuncque suam membranam obtinuit. Ergo forsitan per horæ quadrantem. Si in lagena agitur sanguis, augescit Pseudomembrana in molem longe majorem, ea, quæ ramuli agitatione parata. Verum notandum id, quod determinata tantum copia sanguini insit ejus, quod hanc filis ornatam membranam, producat: vel saltem quod tantum determinata ejus quantitas ex sanguine extrahi queat. Quantumvis enim agitare pergis, & conquassare humorem, membrana non grandescit, sed potius in plura fila divisa mole decrescit.

Ruber sanguis, a membrana factitia superstes, a suo sero difficulter separatur fluidus persistens, neque 36. horarum spatio insulam formans. Vix, nisi summa cum prudentia ac patientia, quid inde effundi feri potest.

An ergo illa vis plastica, quæ sanguini mox post educationem ex vena quiescenti adest, sanguini educenda membrana conquassato, ablata est? Non videtur: serum enim ejus, quod ablata membrana sensim pauca copia separatur, quodque dixi difficulter a fluido rubro separari; hoc, inquam; serum prudenter separatum, si

cochleari supra ignem ponitur, æque cito, denseque coit, atque sanguinis illius, qui conquassatus haud fuerit, serum.

An Membrana Ruifchiana saltem conflatur ex eo, quod plasticum in sanguine vocatur?

Non adparet: nam serum sanguis diutissime ita conquassati, ut Pseudomembrana ultra non augeat, ad ignem coit, instar feri sanguinis non agitati.

An forte illud quod magna copia de sanguine exhalat, quamdiu calet, idem est, quod factitiam formet membranam?

Minime: nam 1^o. si sanguinem mox dum vena egressus est, exactissime tegas, & dein parumper finas coire, nunquam inde membranam parabis. 2^{do}. Si membranam ramulo pararas, continuo ros exhalat de vase aperto, donec sanguis refrigerit, & bonam tamen membranam adornas. 3^{tio}. Sanguinem sani hominis brachio exsiliensem in lagenam excepi, exactissime illico clausi, a 31. Martii ad 3. Aprilis fervavi, colorum mutationis contemplandæ causa: tunc partem ramulo, partem agitatione lagenæ, diu multumque agitavi, membranam Ruifchianam inde formaturus; sed frustra.

Ergo materies membranæ factitiæ, alia omnino a sero congelando, & a vapore fumantis sanguinis.

An saltem phlogistica crusta quid commune habeat cum illo rore evanido? Neque id videtur. Sive enim sanguinem bene texeris ne
quid

quid evaporet, sive non texeris, diathesis phlogistica suam crustam format.

Paulo superius monui ex eo, quod conquassatus sanguis, ablata factitia membrana, insulam ultra non formet, non probari quod vis plastica ipsi adempta fuerit; namque coagulabatur, ut antea, ejus serum: en vero hic aliud argumentum!

Sanguis sanus ex consuetudine missus mense Aprili, & per pauca minuta sibi relictus, ut modo inciperet tepescere, media sui parte agitabatur ramulo, altera conquassabatur in lagenâ: & tamen pauca hac quiete effectum, ut neutra pars factitiam membranam dederit.

Nihilominus eodem modo, quo conquassatus ille sanguis, e quo magna membrana parata, insulas non formavit, liquidus mansit, serumque suum, quod parva copia in ambitu, ac superficie aderat, ægre a se dimisit. Serum hoc, ut prius, ad ignem coagulabatur.

Ergo, ut jam supra conclusi, non est Ruischiana membrana ablata, quæ sanguinem vi coeundi spoliet. Newtoniana phrasi vis contractilis globorum rubrorum, qua in mutuos nitantur contactus; qua etiam frigido in aere serum sæpe secum incarcerationent, ita ut sanguis plane siccus videatur; & qua in loco tepido serum fugent, ita ut in insulam contracti innatent eidem; illa, inquam, vis, non ablatione membranae, sed conquassatione perit.

An motus sanguinis in corpore vivente nimis

mius, exagitansque, ita possit mutare sanguinem, ut globuli vix ultra cohærere queant, atque proinde errores loci, maculas, aliaque mala, generent?

Sanguinis ex hæmoptoico missi, sibi relictî, inque insulam concreti, serum ramulo olivæ agitavi diu, membranam, sed frustra; inde expectans, quod enim ramulo adhærescebat, id & vix paucum, & postera die quid modo mucî esse videbatur. Serum alius sanguinis, bona insula formata, famuli ultra trihorium in lagena agitarunt; sed nil inde membranosi produxere.

Adparet igitur id quod membranam formaturum esset, concrescente in insulam sanguine, adeo intra ejus substantiam irretiri, inviscari, adunari, ut nulla agitatione deinceps educi inde possit. Si enim in sero esset, cumque sero a cœunte cruore expulsum, membranam dedisset factitiam.

Cum tanta mihi feri copia quotidie adesset, varia aliorum circa illud experimenta imitari volui. Exploravi num cum spiritu vini coagularetur? Vix parum, sed aliquando leviter lactescente superficie. An cum aceto? nihil nigrescit modo. An cum Spir. Salis ammoniaci? Nequaquam. Cum Sale rorismarini, aut cum sale volatili CC.? Nihil minus.

Volui explorare num omni dote referret ovi albumen? Utrumque cochleari impositum, ignique admotum, mox in scissilem abivit massam. Hucusque idem. Verum ubi albumen ovi, in
fer.

tervidam aquam immisſum , mox durum coagulum formaſſet , ſerum ſanguinis , itidem in fervidam injectum , minime coivit , lacteum aquæ conciliavit modo colorem . Lactea hæc aqua poſtquam friguiſſet , ad ebullitionem reducta , nil coaguli exhibuit , lacteum fervavit colorem . Ut neutiquam duo hæc ſibi conſimilia ſint omni dote ; quemadmodum imprudenter quandoque pronunciamus .

Redeamus ad contenta ſanguinis . Sanguinem alium ex brachio , alium ex pede effluentem , in aquam ad 100. gradus thermometro impoſito calentem , excepi . Sanguis ille obſervatur primo hanc aquam æquabili rubedine tingere , ſi jaçtus ejus citatus eſt : refrigeratæ dein aquæ innatat plurimum albeſcentis pellucidi , glutinoſi , fugientis adtaçtum , manu , aut cohleari vix capiundi ; Hæc ſi brevi a venæ ſeçtione rem explores . Si vero per 8. 10. horas aqua illa poſt venæ ſeçtioneſine examine reponatur , revoceturque ad examen , habebit nonnunquam parum illius pellucidi glutinoſi , ſed multo ſolidius , colore fuſcum , facilius capiendum .

Hoc contentum quo ſcirem quid eſſet , pluries illud charta emporetica , linteo ſuffulta , percolavi : nonnunquam remanſit nihil ; aliquoties quid pauci , glutinoſi , quod exſiccatum fuſfurum , grifeive pulveris inſtar , in ſpiritu vini perſiſtit .

Materies hæc glutinoſa , ex aqua adhuc calen-

lente, mox a venæ sectione excepta, & vel ramulo, aut lagena, agitata; iteratis experimentis, nihil unquam dedit membranosi. Si experimentum instituis longe post venæ sectionem, ubi aliquoties contenta materies solidior adparet, est tamen idem experimenti effectus.

Hæc porro solidior materies, ab ea, quæ ex calente adhuc aqua eximitur, differt in eo, quod percolata plus relinquat materiæ glutinosæ fuscæ. Hanc superstitem a percolatione materiem per horam agitavi lagena, visurus num membranam daret? Nequaquam; agitatio illa materiem modo ex fusco reddidit rubicundio rem.

Percolata omnium horum experimentorum aqua rubella est, & mucosi quid in fundo habet. Bidui spatio omne id mucosum fere evanescit in aqua.

Experimenta hæc sæpius, & in phlogistico sanguine, & in fano, capta sunt.

Gelatum ergo illud, quod in aqua calida amisso sanguine colligitur, neque materies factitiæ membranæ est, ut mox ostendi, neque etiam est crustæ phlogisticæ materia. Est enim gelatum hoc in quavis aqua, in quam calentem sanguis sive ex brachio, influxerit. Saltem si esset crustæ materies, ii, quibus neque a morbo, neque a graviditate, neque a diathesi, crusta adesset, gelato carerent.

Quam inepte igitur inde concluditur venæ sectio-

sectionis institutæ urgens necessitas! phlegmatique sive phlogistici, sive mucosi, abundantia!

Sanguis frigidam in aquam ex brachio impetuose infiliens, aquam lentius, pauloque aliter, tingit, quam qui in calidam: verum idem dat, quod supra, gelatum. Id porro eodem, quo prius, modo exploratum, eadem phænomena dedit.

De crusta phlogistica in transitu nonnihil dictum, sed curatius ea meretur examen.

Constitit 1. pleuriticæ crustas aqua pura, aqua nitrosa, penitus dissolvi.

2. Constitit, crustam haud ab ea generari materie, quæ a calente sanguine evaporetur; aperto enim vase crustæ formantur.

3. Crusta talis aliquando adest consimilis coloris, duritiei, crassitiei quolibet in vase.

4. Sæpe crusta minor ad finem; ad finem non raro crusta major.

5. Nonnunquam sanguis initio febris acutæ, aut etiam topicæ inflammationis, missus, crusta caret: habetque eandem aut in altera, aut in tertia, aut in quarta, venæ sectione.

6. Imo in morbis maxime inflammatoriis, in nullo sanguine, quotiescumque missus, aliquoties crusta ulla est.

7. Haud insolitum, ut etiam densa adsit crusta in quovis sanguine, in quovis vasculo; quater, quinquies, vena licet tusa.

8. Certissimis experimentis constitit, haud uni-

universaliter veram esse sententiam, qua crusta eo densior credatur, quo major sanguinis rapidiorque fluor, & contra. Vidimus haud infrequenter qui guttatim fluxisset, densiorem dare crustam eo, qui rapidius.

9. Neque certior est regula statuens magnitudinem crustæ gradatim minui, augerive. Pluries vidimus eandem densam, duramque, in vasculo primo, nullam in altero, in tertio majorem, paucam in quarto, mucosam in quinto. Uno verbo omnes possibiles crustarum transpositiones variis in ægris contemplati sumus.

10. Quin sæpius uno in vase sanguinem rubrum, atque compactum, sub densa duraque crusta reperimus, alio autem in vase penitus dissolutum; idque eodem in morbo, in variis venæ aperturis vario modo, citra vel ullam regulam. Una vice primum, & secundum vas, densam gerebat crustam, densumque cruorem; in reliquis omnibus vel crustam semiphlogisticam, semimucosam, vel crustam mucosam penitus, solutumque cruorem: eaque omnia sine ulla lege aut ordine decrefcentia, vel augefcentia. Alia vice primus sanguis densissimus, alter dissolutissimus, tertius compactus, & sic porro. Verbo dixerim, phænomena nullum sæpe ordinem, nullam observant regulam. Imo visi sunt ægri, qui ad bonam crisin haud pervenirent, nisi primo dissolutus omnino sanguis de vena exiisset.

Et licet haud perpetuo, tamen non raro

idem jactus , idem lumen , calor aequalis , omnia eadem . Nihilominus tanta varietas !

Quotiesne igitur perverse de sanguine crasso, eodemve soluto , ratiocinamur , commentamur ? Quam infeliciter ad hæc visa attenuandi , aut incrassandi , mutamus methodum ! Est solutio putrida sanguinis , plena discriminis , mortis sæpe prænuntia . Est solutio quædam bona , & necessaria . Est sanguinis solutio in vase ita apparens , dum mox ante , dum ilico postea , spissus ille , & phlogisticus conspicitur , dumque quævis morbi symptomata summam denuntiant humorum spissitudinem ,

II. En adhuc aliud ! sanguis ex homine , continua putrida febre detento , omnibus signis cruditatis ad quartum usque diem conspicuis , bis missus , hæc dedit phænomena : Utriusque sectionis sanguis in pluribus vasis exceptus , crusta quidem tectus fuit , verum eadem dissimilique cruore , citra vel minimum dissimilitudinis ordinem ratione vasculorum . Sumsi utriusque missionis ultimum vasculum , ad accuratius examen . Pellem supernam uno in vase cultello prudenter separavi : separata ea , mox medio prope placentæ loco deprehendimus aquam limpidam , sub eaque pelliculam aliam : hærente sic sero illo in sacco , binis firmis pellibus confato . Cum infima pelle uno in latere crassa materies , flavaque , & coagulata , cohæret . Sub infima autem illa pellicula rubra invenitur materies ; quæ propius examina-

minata, nil nisi rubellum pulverem aquæ in-
hærentem exhibet. En summam solutionem tum
feri a cruore, tum cruoris globulorum a se
mutuo!

Limpidum id ex sacco exceptum, in cochlea-
ri igni admotum, in scissilem massam coivit,
feri veram proinde indolem testatum.

Unicum modo vas secundæ sectionis crustam
veram phlogisticam gessit, densamque eandem,
& æquabilem; rubram insulam pro more in-
natam sero: cætera vascula ad densum hunc,
solutumve illum, propius, remotiusve, ac-
cedebant.

Pars dissoluti sanguinis, una cum pellicula
& sero, in vase vitreo commissa, agitata ad
modicum ignem, in massam abiit & rubram,
& tenacem.

Vasculum vero illud, quod serum in sacco
gerere, & sub inferiore pelle serum cum pul-
vere rubro habere aiebam, charta tegebatur,
& in examen sequentis diei reponebatur in
mensa, quæ hinc fenestram, illinc hypocau-
stum moderate calidum, haberet. Hoc ipsum
vas sequenti mane ad examen revocatum, ex-
hibuit nobis densissimam, ad fundum vasis
usque, Crustam.

Cernimus itaque, quomodo dissolutus ille
sanguis, cum sero ac pelliculis suis, tepido
loco, in crustam vere phlogisticam mutatus
fuerit: sed phænomeni rationem me hucusquo
ignorare, ingenue fateor. Plura talia oportet

observasse ac congeffisse ; antequam auſim quidquam ſuper his differere .

Si quis hiſce de cruſta obſervatis omnibus ; addat factas obſervationes in ſanguine gravidarum , quæ , alioqui ſanæ , ſanguinem ſibi in prophylaxin mitti curant , inque ſanguine eorum , quibus ex diatheſi cruſta ſanguinem ſemper tegit ; fatebitur cruſtæ huius aliam longe , quam olim habuerat , ideam ſibi naſci . Atque hæc de cruſta ſatis .

Circa coloris in ſuperficie placentæ mutationes pauca dicenda ſunt . Sanguinem humanum qua parte æra tangit , rubere , oppoſita nigreſcere ; viceque verſa partem inferiorem nigreſcentem , ſi invertatur , iterum rubeſcere , rubescentemque nigreſcere , vulgo aſſerunt . Examina vero toties iterata , aliter ut loquar , me coegerunt . Sanguis de vena effluens , exceptus lagenâ , ac ſubere , emplaſtroque deſuper , arctiſſime clauſus , ſequenti die in ſuperficie pulchre rubet ; etiam ſub ſero , quod in graviore cruore inſulæ ſuperfluit : tertio die læta rubedo per pellucidum vas ſæpe conſpici-
tur ad medium penetrare cruorem : totum dein nigreſcit ſenſim , diſſolvitur , putreſcit .

Sanguis vaſculis exceptus , ſuperius rubens , ſi ſerum abjicitur , & inſula invertitur , ultra non rubet , ſed nigreſcit penitus . In graviore ſanguine , ſero ad tres lineas ſupra inſulam fluitante , ſuperficies ſanguinis tam amœne rutilabat , quam ea , quam ær tangebatur imme-
dia-

diatæ. Perque pellucida vascula rubedo observatur non raro totum insulæ ambitum cingere, ad majorem ejus partem, imo ad fundum usque. In genere id manifesto patuit, quod inversa insula sæpe ex nigra rubescat, sæpe maneat nigra. Ergo nulla regula firma. Ergo ratiocinia inde deducta cadunt.

Vilurus quid varia sanguini affusa in eo generarent, mense Aprili, sano sanguini, ad unc. x. misso, unico vase excepto, calenti quidem, sed leviter coire inchoanti, adjeci uncias duas boni aceti vini; Alteri sanguini simili, spiritum nitri acidi, sive fortis; Tertio, spiritum salis acidum; Quarto, spiritum salis ammoniaci; Quinto, spiritum C. C. succinatum.

Acetum nunquam vel leviter lactescens reddit serum, nec coagulat; spir. salis ammoniaci nonnihil ejus superficiem lactescentem reddit, sed non coagulat serum; reliqui spiritus in firmam massam serum ducunt: sed hi tamen omnes quinque liquores mutant insulam in massam tenacem, sensim ita indurescentem, ut jam in pixide lignea, non picta, ficas illas massas, nigro carboni similes, ultra sesquiannum servem. Aceti, & Spiritus C. C., odor omnium diutissime massulis inhæsit. Unde neque hinc in alcalinis antidotus peculiaris quærenda contra putredinem; nam & acida, & neutra, idem præstant. Præferunt indurando has massas, & non peculiari contra putredinem dote.

Ex omnibus concludo 1. Necessitatem experimentorum iterandorum inevitabilem esse, Quum enim experimenta aliorum, ceu data assumere consuescimus, iique demum superstruere, addereque nova, pergimus; non infrequenter totum corrumpit, si vel minimum fuerit in prioribus erratum. Pluries, fateor, & experimentis me falsum esse, & falsa conclusisse: dumque eadem posthac sæpius repeterem, agnovisse errorem, didicisseque quanquam in parte experimentum elaudicaret.

2 Longe exiliorem nostri vitalis laticis nos habere notitiam, quam vulgo credamus. Præstare tamen ut vere dicamus, quid sanguis non sit; quam ut, quid sit, falso statuamus.

3. Indefessis experimentis Naturam defatigandam esse, ut suis sese de latebris prodat. Quem in finem sequenti cursu Academico tum evidentiora proferendi, tum ex prolati argumentandi, occasio nulla negligetur.

C A P U T VII.

Quædam Anatomica .

PRæmittam ea , quæ cum mox prægressis quodammodo connectuntur . 1. Homo 47. annorum in *Paraphrenitide* prorsum neglectus , quarto demum morbi die ad nos affertur . Quia omni artis ope caruerat , omniaque in morbo penitus cruda erant , ter eodem die missus ipsi sanguis fuit , semper , ubique , phlogisticus . Balnea , fomenta enemata , potusque diluentes , attenuantes saponacei , profuere nihil . Accessit pro more risus Sardonicus , & quinto die mors .

Diaphragma univrsum , maxime prope ejus capita , tum inflammatum fuit , tum hinc inde gangrænosum . Flava , crassa , tenax materies , Pulmones affigebat ad membranam , quæ Costas , & Diaphragma , & Pericardium , ambit . Solventes hanc materiem , deprehendimus eam , ut ovum ovo , similem esse colore , ac tenacitate , sanguini phlogistico , crustam suam formare inchoanti .

2. Comparaveram mihi cadaver septennis puellæ , septimo *Pleuritidis* die extinctæ , cui , ut Cap. II. monui , Empiricus in morbi principio dederat Emeticum , dein pulverem pleu-

riticum, &c. Ut in priori casu, ita & hic, crusta flava, priore densior, affigebat adeo Pulmonem ad Pleuram, Jugulum, Diaphragma, Pericardium, ut ne unica quidem plaga libera superesset. Plura talia vidi in cadaveribus. Exempla apud *Hildanum* Cent. 2. Obs. 27. apud *Bonetum*, in sepulcr. Tom. I. pag. 603. 624. 626. apud *Heurnium* de morb. pect. Cap. 6. eadem innuere videntur.

Nunquid hæc crusta est transudans, lethali-
bus in angustiis, phlogistica sanguinis mate-
ries, per relaxata ultima vasculorum exhalan-
tium oscula, e quibus, vigente sanitate, ros
exhalat? Quod alioqui, secundis ægri rebus,
forma sputorum prodit? Quale quid etiam in
Gravedine mucosa narium fauciumque mem-
brana exhibet?

An hæc eadem illa materies, quæ citra vel
minimam Pulmonis aut inflammationem aut
vomicam, sputi purulenti instar excernitur; vel
integro pulmone cessans, vel Hæctica disposi-
tione inducta hominem demum necans? An
ideo intelligitur cur horum hominum, qui tan-
ta in vita sputaverant, pulmo reperiatur a
morte integer? *Christophori Benneti Theatrum ac
Vestibulum Tabidorum* sic intelligeretur.

Ejusmodi corpora olim lustrans, reperi ali-
quoties idem quod *Bennetus*. Etiam casus
ejusmodi hoc in Nosocomio Auditoribus de-
monstravi.

3. Meminere namque illi, miserrimam me
scemi.

fœminam huc induxisse ; ut in suo melucta-
bili fato , quod summa , qua erat inopia ,
calamitate cresceret , hic blandius foveretur ,
& miro sui spectaculo nobis saltem a morte
prodesset . Præter insuperabilem valetudinem ,
de qua postea , Phthisi pulmonali tanta labo-
rabat , ut similem spatio 22. annorum non
viderim , sputa flava , subviridia , crassa , ma-
gna , aquæ salis ilico petentia fundum , co-
piosius ejiceret . Mensis spatio apud nos de-
gens , die noctuque , in mortem usque ; spu-
tare perrexit . Consumptos fere Pulmones su-
spicatus , quale quid etiam in cadaveribus ob-
servaveram , demonstravi Auditoribus Pulmo-
nem quidem , sinistro Thoracis in cavo Peri-
cardio adhærentem , Pleuræque , verum , ea
cohæsiōne separata , pulmones totos non colla-
bentes , sed veluti fungosos ; & quomodocum-
que examinarentur ac transcinderentur , ne
vel guttulam puris , vel vomicarum vel vesti-
gia , exhibentes .

4. *Hydropicum* ad nos duxerunt ut illum
curaremus Paracentesi . Quum præter Hydro-
pem , etiam sputorum qualitate ac quantita-
te , a longo die videretur Phthisicus , ac pla-
ne Hæcticus esse , Paracentesin negavit tuto posse
fieri . Quin & quarto ab illinc die efflavit ani-
mam . In Pulmonibus ad minima frustula
examinatis , ne vel minima quidem aut Vo-
micæ , aut Puris vestigia cernere licuit . In
incisa Trachæa modo quid puris repertum ,
que-

quemadmodum & in fœmina N. 3. descripta.

Itaque Phthiseos pulmonalis ita dictæ ; aut saltem ita nobis adparentis , datur origo duplex . An hanc ob causam vulgo ajunt Pulmonem , quantumvis consumtum , omnino recrescere ? Eoquod viderint eundem eorum in cadaveribus integrum & illæsum , qui quondam vera Phthisi laborare visi , postmodum sani vixissent , vegetique ?

Quum Pleuritis , Peripneumonia , Paraphrenitis , imo aliquando Febris Ardens , per sputa evacuent seise ; prætereaque in *Puogenia* multa explicatu difficillima occurrant , operæ pretium foret maturo examine originem puris in genere , secundum hujusmodi observata , perpendere . Nam latet in eo quidquam non erutum satis , non satis explicatum . Plurimis experimentis & observatis indigeo antequam aulam quid certi statuere . Sed hisce suffultus , audebo deinceps *Dissertationis de pure periculum* experiri .

5. *Uteri, Vagineve prolapsus* , ut difficulter dijudicandos apud probatos Autores , ita & propria experientia didicimus . Varia exempla se nobis obtulere ; unum , quod maxime evincat , enarrabo .

Fæmina 35. annos nata , narravit nobis hanc sui historiam . Annis abhinc ferme 17. gravem sarcinam humeris gestans , & in glaciem prolapsa , elabi sibi quidquam percepit apudenda . Id quod nunc deterius , nunc melius ,

lius, demum alio simili lapsu, quarto deinde anno contingente, pessime crevit: ita quidem ut duo diversa corpora extra vaginam propendentia experiretur; durum alterum ovo columbino magnitudine par, alterum & mollius, & mole minus: una cum ingenti dolore ac murmure ab umbilico deorsum tendente, & in ipso corpore majore propendente percepto. Chirurgus triduo partes emolliens, easdem intropressit; retropressas vero bona ligatura, aut fotu, fumoque roborante, firmare neglexit. Unde per integros quatuor annos continuo prolabebantur, ac mole augeſcebant. Eratque majoris corporis in fastigio foramen, os uterinum æmulans, ac menses debito tempore dimittens. Urina juxta hoc corpus effluebat, sub illo corpore minore anteriore.

Postmodum insolitum quid circa vaginam anteriorem adparuit, origine clitoride altius, ischuriam faciens. Sequitur inflammatio dolen-
tissima, & puris dein effluxus. Urina retenta tunc vi profiliit, una cum calculo, pisum magnitudine æquante. Sesquialtero deinceps anno, post enormes cruciatus alterum calculum, eodem loco fixum, eduxit digitis ipsa suis.

At vero hunc ultimum calculum mox ſequebatur parvus ruber tumor, ceu vesica eſſet, quæ quieſcente illa atque calente, mollis erat; frigefcente autem ea, vel movente ſe, indureſcebat. Dum hæc veluti vesica collapſa erat, urinam animadvertit effluere ſibi; ſi vero tu-
midior

midior illa, ac durior erat, urinam non nisi guttatim extillare. Malorum cumulo accessit Intestini Recti prolapsus.

Hæc ipsa referente, & iterato confirmante. Examinavimus omni cum cura utrumque hunc de vulva propendentem tumorem, sæpiusque instituto examine, definire certi quidquam non potuimus. Invenimus ut illa retulerat, duo corpora elapsa vulvæ: alterum magnum crassum durum cujus longitudinis diameter trium, latitudinis duorum cum dimidio pollicum esset; alterum minus, molle, aliquando collapsum, prope, & ut barbare dicam, immediate ad anteriora pudendorum situm, hærensque in sinu, qui in corpore majore excavatus esset, vix pollicis diametrum habens. Ex illo sinu post hoc corpus minus, effluebat urina. Aderatque ut supra monui, in summitate ejus veluti os quoddam oblongius, quo menses semper effluxisse fœmina observaverat. Hæc eadem illa, quam N. 3. dixi enormem illam puris expuisse copiam. Summi laboris fuit partes a Gangræna præservare. Nosocomii per mensem incola moritur.

In cadavere ventriculus mole ingens, ad umbilicum usque descendit, indeque reassurgens Pylorum formavit. Cæci saccus ferme in pelvi. Intestina tenuia examinantium digitum ducebant, continuatione sua, in corpus istud magnum, propendens de pudendis; quod buisæ instar intestinorum tenuium portionem, præ-

terea

têreaque rubellam aquam, continebat.

Ligamenta falso dicta rotunda, Ovaria, Tubæ, Fimbriæ, Uterus, loco erant suo. Vesica Urinaria desiderabatur. Digitus secundum interiora synchondroseos ossium pubis ducebatur in cavum extra corpus, quod ipsum illud, quod antea corpus prolapsum minus vocabamus. Peritonæum a pondere superincumbentium, duos in saccos formabatur, quorum alter internam superficiem corporis majoris, alter minoris, succinxit. In eodem corpore majore, a parte exteriori, eademque anteriore, ac superiore, cavitas erat, quæ corpus minus, cum sinu quodam, apte exciperet. Ureteres utrinque semidigiti amplitudinem habentes, injecto lacte visi sunt infima illa cavitate, sive sinu, sub corpore, exire. In pelvi si quis peritonæum fursum traheret, corpus quidem minus illud in pelvim trahebat, sed minime locum quo ureteres exire, effluente lacte, animadversi fuerant.

Ex omnibus patuit violenta, eaque repetita extensione, ac veluti dilaceratione partium, prolapsum, non uteri, ut patuit, sed vaginæ, natum esse. Constat ex enarratis, cum scæmina secundo prolaberetur, dolorem ingentem, validumque, ac veluti dilacerantem strepitum, indicasse: quod vagina a sua cum vicinis, & potissimum cum Recto intestino, adhæsione divelleretur; unde & intestini ejusdem sequens post hæc prolapsus facile intelligitur.

Ex

Ex observatis in cadavere liquet non Vesicæ , sed Renibus , calculosam diathesin adscribendam esse ; quum ex Rene tres adhuc calculos exemerimus : tamen violentam ultimi calculi educationem effecisse , ut vesicæ , ejusdemque inversæ , prolapsus integer fieret . Compressione vesicæ prolapsæ , urinæque post illam acrimonia , natum esse sinum in prolapsa vagina . Vesicæ prolapsæ inversæ partem produxisse id , quod vocavimus corpus minus ; portionem vero ejus majorem complicatam hæsisse in præmemorato sinu corporis majoris , ut exeuntibus ibidem ureterum extremitatibus constitit .

Erat igitur 1. Hernia intestinalis , incumbens in prolapsam vaginam . 2^{do}. Prolapsus vesicæ urinariæ , inversæ , maximam partem prolapsæ , portione parva tumentis . 3^{tio}. Prolapsus Intestini recti .

Attamen figura prolapsi corporis rotundior , & leviter acuminata , & oris formam gerens , perque illud catamenia dimittens , prolapsum utrum perfecte mentiebatur : quale quid & in aliis pudendorum prolapsibus observavimus .

Quum nunc ejusmodi casus centies occurrant Practicis , & sæpe lites natæ , Uterine , an vaginæ prolapsum sint ? non nisi , morte judice , dirimantur ; præstiterit nulla bella medica fovere , sed suam cuique sententiam integram relinquere , suspendereque suam .

6. Notabilia aliquot ac plane horrenda exempla .

plā habuimus *Neglectæ Inflammationis Lumborum, Crurum, Coxarum*: quam aut Arthritidem, aut Rheumaticam Lumbaginem, Artifices salutarant: Dum pure exesi animam propemodum agerent, suscepimus illos, conspeximusque in cadaveribus ossa femoris, vertebraeque lumborum ab acri pure corruptas & cariosas: imo pus sibi viam pandisse a femore, per foramen ovale secundum arteriam, venamque, ac nervum, ibidem reperiundum; pelvim implevisse; erosisse carnes secundum lumborum vertebrae; & supra musculos dorfi, scapulasque, puris ingentia formasse pulvinaria. Unde neglectu distinctionis causarum, in harum partium affectibus, nihil calamitosius.

7. *Susceptionis Intestinorum* calum quoque adferam. Puella 10. vel 11. annorum perpetua Cephalæa laborans, vermium quoque in Intestinis latentium signa habuit. Purgantia & Antihelminthica optimus Medicus dederat, quæ alvum solverunt quidem, sed, uti nec cætera Artis auxilia, profuerunt. Expiravit.

In Cranio Polypus inventus est, occupans sinum falciformem, quæque in illum ex Encephalo sanguinem revehant, veras. Ceciderat nempe misella quadriennis facie in lapidem, eoque ex casu nasum frontemque complanatam gessit. Hinc Cephalæa, Polypus.

In Intestino illo duæ erant susceptiones, quarum quam maxime notanda prior. Pars superior suscipiebatur ab inferiore; suscipiens

au-

autem portio & tumidior, & inæqualiter dura erat. Percissa ea ac reclinata, suscepta portio semidigitum longa adparuit, sed cincta contortaque a quinque lumbricis teretibus. His lumbricis devolutis, portio suscepta veluti strias, a constringentibus vermibus insculptas, exhibuit; corrugataque vehementer, videbatur multo longius extendenda, nisi in academicas demonstrationes eam ita servare animus fuisset. Vermes pollices 4. 5. longi erant.

Mira sane & portentum quid habens difformitas est, quum eruditissimus Medicus; *Leopoldus Erndl*, qui puellæ curæ ultimo tempore præfuit, mihiq; hæc intestina possidendi copiam fecit, Puellam ad finem usque Ileï symptomatibus immunem, alvoque gaudentem, invenerit. Videntur Intestinis convulsiones sub mortem adfuisse, indeque natæ suspensiones: vermes dein se circum hanc susceptam partem circumvolvissè.

8. Ex variis, quæ in *Calculosis* observavimus, unum seligam. Adolescens undecim annorum, a prima infantia calculi symptomata passus, ad nos adfertur. Intra paucos dies cum acerbis doloribus, ischuria, tenesmo, ac tandem apoplectico somno, convulsionibusque, moritur.

In Cadavere ventriculus tum inflammatus ita, ut hinc inde inciperet gangrænescere, tum etiam vehementer expansus. Processus vermicularis cum Funiculo spermatico dextro firmiter

con-

concretus, accretus dein tum Intestino Recto anteriori, tum Vesicæ posticæ. Rectum erat & cum processu vermiculari, & tum vesica postica, unitum. Ureter sinister unitus cum sui lateris arteria Iliaca. Vesicam inter Rectumque sacculus cavus, gangranosus, nigro muco plenus repertus est. In eumque foramen patuit ex vesica urinaria: quin ipsum Rectum foramine pertusum, quod parvum quidem rotundumque erat, ac remotum ab eo quod in vesica, & in recti cavum patulum. Omnia ad anum maxime inflammata. Renes monstrosæ magnitudinis ambo, at calculorum expertes: Pelves enormes duos pollices, Papillæ singulæ pollicem & ultra, digitum Ureteres, capiebant. Erantque hi ultimi & locopulsi, & intestinorum more convoluti, & robusta membrana cellulosa circumquaque accreti & concreti; figura convoluta discrepantes, in vesicam more solito patuli. Vesica vero tres lineas crassa parte postica perforata, calculum oblongum, asperum, ponderis binarum fere unciarum, arctissime comprehendebat.

Ischuria spuria adolescentem e medio sustulit. A longo tamen tempore hæc in Renibus, & Ureteribus, dispositio nata videtur; Dysuria, ac Stranguria fere perpetuis, id demonstrantibus. Ad ultimum tamen quum sensim parcior urina prodiit, ureteres, pelvis, papillæque, ita videntur ab urina extensæ

fuisse, ut fistulæ Bellinianæ penitus compri-
merentur: utque compressi hi urinam ultra a
sanguine non exciperent. Hinc sanguis mansit
suo oneratus acri, & communibus Ischuria
symptomatibus extinxit puerum.

An forsitan vesicam explorans catheter tum
vesicam perforavit, tum Rectum?

Vix videtur: 1^o. quia catheter obtusus.
2^{do}. Quæ immobilis hæsit, vertendi se im-
pos. 3^{io}. Quia & tres lineas crassa Vesica
erat, & simul dura. 4^{to}. Quia Vesicæ foramen
non respondebat ei, quod in Recto.

Quare mirari subit undenam hæc forami-
na? Calculus enim non habuit ibi loci, qua
efficeret id, scabritiem. Forsan calculus olim
horizontali circiter situ a Vesica comprehen-
sus, uno extremo suo paulo acuminatiore,
rasit, perforavitque illam. Foramen in Re-
cto forte a materiæ, quæ inventa in sacco,
acrimonia: & quia jam guttulæ acerrimæ uri-
næ ex vesica in saccum, atque ex sacco in
Rectum fluere poterant, ortos hinc tenesmos
esse, podicisque inflammationem, probabile
admodum.

Patuit hinc i. contractissima in vesica cal-
culum difficulter indagari, cathetere immobili
reddito. Vidi id evidenter in alio puero cal-
culoso, quem experti viri cathetere exploran-
tes, calculi præsentiam mihi negarent: Eadem
nocte infans convulsus moritur. Die postera
Chirurgus attulit mihi Vesicam, ita ad in-
clu-

clusum calculum corrugatam, ut vacuum nullum superesset. *Tulpius* Lib. 3. Cap. 6. simile quidem quid habet; sed unciam urinæ prope modum illa vesica capiebat, hæc ambæ nihil.

2. Lithotomiam hisce in casibus vel impossibilem esse, vel inutilem. Impossibilem quidem, quando artifex in vesicam inducere sua nequit instrumenta: inutilem vero, quia Renum illa, ureterumque, & vesicæ degeneratio, educto quamvis calculo, vix quid sperandum relinquit. Præterquam quod parva illa vesica, longitudine tota fere percissa, ob suam & crassitiam, & duritiem, ægerrime coalitura videtur.

3. Catheterem cum difficultate in vesicam inductum, prudentissime verti oportere, & simulac resistantia notabili deprehenditur, re infecta, eximi: vi enim illata posse vesicam lædi. Verum iterato tertioque esse repetendum tentamen, ut pateat utrum catheteris immobilitas vitio proprio, perennique vesicæ, an vero spasmodicæ ejus contractioni, debeatur? solent quippe viscera cava nos sæpe ludere; inter multa exempla eo, quod *La Motte* habet, id demonstrante. Desperatam parturientem ipse cum alio Chirurgo derelicturus, ac re infecta abiturus, ultimum adhuc parturientis tentamen instituit. Inveniunt ambo constrictissimum eo usque uterum nunc adeo laxum, ut felicem partum intra semihoram expediant.

C A P U T VIII.

De Vi Electrica.

A Menſe Decembris 1755. ad Septembrini 1756. viginti quatuor homines ad *Machinam Electricam* noſtrant adhibiti ſunt.

I. Vir 50. annum agens, latus ſiniſtrum paralyticus factus; Menſe Aprilis anni 1755. ad nos æſtate media 1756. adductus eſt. Remedia interna ex claſſe Neuroticorum Roborantiumque petita, interpolata purgantibus, vari generis frictiones, cucurbitæ alternis diebus numeroſæ adplicatæ, rem equidem in melius verterant, non percuraverant. Ad machinam denique intra 7. ſeptimanarum ſpatium convaluit integrè.

2. Homo 39. annorum, poſt Arthritidem Paralyſi ſiniſtri lateris cum dolore affectus, ſummo cum affectarum partium maraſmo, vi medicamentorum ingenti uſus erat, balneoque Badenſi, ad 34. vices, citra vel minimum levamen. Bi-meſtri ſpatio ad machinam electricam ſanitati integræ reſtitutus eſt, crure tamen adhuc ſubclaudicante; verum ob id pauculum ultra ad machinam redire recuſavit.

3. Fæmina 48. annorum, ab octo retro annis ex puerperio, in quo illam vehemens terror de occiſo marito invaſerat: primo pedibus reſo-

resoluta ; dein pedibus restitutis , utroque brachio paralytico , lividoque eodem , & frigido , & insensibili pene , laboravit . Trium mensium spatio ad machinam adplicata , brachia calida , agilia quamvis in partem , digitosque mobiles , habuit . Sed necdum penitus vis restituta digitis firmitus aliquid tenendi . In summa id obtinendi spe neglexit redire ,

4. Puella 14. annos nata , tribus elapsis abhinc annis , achoribus , aut favis , in capite laborans , externo quopiam curatur unguento . Mox colli induruerunt glandulae , iisque restitutis tumor sub mento ingens comparuit , quem Agyrta dispulit aurea sua dicta aqua ; paucisque postea diebus toto sinistro latere facta paralytica est . Per menses $3 \frac{1}{2}$ ad machinam electricam penitus convaluit , solis manus digitis necdum alacrius se moventibus ; quod pauculum labore huc redeundi indignum censuit .

Notandum hic sub ipsa machinae operatione Achoras rediisse : hisce igitur regressis , an vi electricae , cura adscribenda ?

Utrique ; sed vi Electricae magis : Levamen quippe ingens , vel ante regressos Achoras , percepit .

5. Novem annorum puellam , cui post Variolas , Morbillofque , primo tussis frequens , deinde sputum purulentum aderat , sputumque demum plane cessabat ; Chorea S. Viti prehendit , sinistro potissimum brachio , pedeque , ac diversimoda faciei convulsio , Bimestri spatio

adhibita vi electrica, pustulæ copiosæ, eæque turpiter crustosæ, brachium & crus cingunt. Interpolatis purgantibus perfectæ salus redivit.

6. Puella nata 13. annos adversus eandem, sed graviolem, *Choream S. Viti*, a septem retro mensibus, varia, eaque optima, auxilia artis, incassum adhibet. Ad machinam nostram sesquimensis spatio integre curatur; nonnullam in membris gravitatem aliquoties experta: quam flocci faciens non rediit.

7. Vir quem alebat scribundi peritia, a binis retro annis, post Arthritidem vagam, fiebat paralyticus; ita ut ægerrime pedibus uteretur, ultraque calamum ducere non posset, & infantis instar esset alendus. Sesquimensis spatio ad machinam ita convaleuit, ut & bene ambulare, & victum iterum sibi calamo comparare, scriba potuerit.

8. Puellæ 14. annorum, ignota de causa sinistra manus ingravescit, tumescit, livescit, digitique firmiter in pugnum contrahuntur, & lævum pedem *S. Viti chorea* invadit. Per mensem ad Machinam integre propemodum curata, non rediit.

9. Puella nata 12. annos, causa latente parentes, incœpit balbutire, oculos vagabunde horrendæque versare, continuo agitare labia, terrificos motus faciei musculis exercere, nunc exerere linguam, nunc eandem intra os convolvere, cæterum *Choream S. Viti* artubus perfecte æmulari; Damone oblecta, his de cau-
fis,

sis, credita. Cautelis primo adhibitis, quæ, num subdola fucum parentibus faceret? manifestarent, ad machinam adhibebatur. Spatio septem septimanarum tam perfecte curata est, quam quæ perfectissime.

10. In morbo pectoris fœmina 23. annorum, alio in Nosocomio degens, tremore totius corporis affecta est. Datis remediis manus minus, pedes semper pessime tremuerunt. Intra 16. dies omnis ille tremor ad machinam nostram perfectissime est curatus.

Sex fuere homines, qui ad virtutem electricam ab initio quidquam lucrarentur, sed postmodum (vel quod tardius emendarentur, vel quod cum invidia expeditiorem aliorum salutem contuerentur, vel quod sui plane negligentes essent, quale ineptorum hominum genus ubique reperire est) solito rarius, demum vix, tandem non ultra, ad nos accesserint.

Tres fuere, qui perfecta amaurosi laborantes, etiam experiundi gratia ad machinam adhiberentur. Oculis omnes doluere. Per aliquot dies absisterent, tumque redirent, hortatus sum. Verum aut doloris forte pertæsi, aut assueti miseriis, non redierunt.

Fuerunt unus alterve, qui initio nonnihil, deinceps nihil omnino a paralyti emendarentur. Quippe videntur in his canales minimi ita & concreti, ut eisdem vis Electrica ultra pervios efficere non possit; interea dum quosdam, minus coalitos, usui restituat,

Quidam adhuc adfunt , quorum alii lucrantur , aliorum necdum determinare fortem licet. Surdus a tenera infantia juvenis trium mensium spatio nihil adhuc lucratur ; verum cum Lipsienses Eruditi curam ejusmodi post 7. mensium labores peractam narrent , pergitur.

Problema hisce subungere liceat . Si Paralysis , vel Chorea *S. Viti* , omnes haud afficit artus , verum alterutrum modo brachium aut crus ; cur lævam potius , quam dextram corporis partem , occupet ? In recensitis decem casibus , unicus modo dextri est lateris ; in cæteris , hic non recensitis , plerique omnes sinistrum latus sunt resoluti . Dumque adnotata mea practica revolve , videor dudum idem observasse . Facileque crediderim , si annosior quisque Medicus præterita sua sive ex scriptis , sive ex memoria , refricet ; rem quoque eandem illum deprehensurum esse . Quid causæ horum ?

C A P U T IX.

De Variis .

Circa *Lithiasin* varia experimenta edimus aqua calcis , vario modo , solaque , vel & cum additis , adhibita ; uva ursina , &c. Eoque alacrius , ac fidentius , hæc experimenta prosequimur , quod calculus humanus , binarum ferme unciarum pondere , in aqua calcis sæpissime

sime renovata , trium mensium spatio a me positus , potiore sui parte penitus friabilis est factus : argumento quod calculus humanus , eo est in liquore dissolubilis , qui ab homine copiosus cum fidentia bibatur . Est & Endemium malum in *Austria* , *Styria* , *Croatia* , *Tirol* , &c. ut Glandula Thymus , Parotides , cæteræque in collo , tumoribus infestentur maximis , & durissimis , & pertinacibus , & non raro malignis . Horum in curam varia tentamus , videmurque profuturi , etiam in pertinacissimis , quæ diu varia artis molimina elusissent . Verum a paucioribus experimentis necdum concludimus firmi quidquam : pluribus vero , iisdemque certissimis , deinde gavisi si fuerimus , ea cum publico communicaturi erimus .

Mercurii sublimati cum spiritu frumenti usum , quem ab ILLUSTRISSIMO PRÆSIDE , una cum pluribus aliis egregiis remediis , didici , audax laudare ac commendare ausim in Lue Venerea . in desperatissimis hujus tyrannici morbi reliquiis , ad Oculos , ad Vescicam , ad Urethram , ad Fauces , & , specie Arthritidis , aut Immobilitatis , ad Articulos . Imo ejusdem remedii diuturnus usus penitus in pluribus percussit corneam , quæ post diras , diuturnasque , inflammationes , ex causa venerea , citravæ eandem , opaca facta , nullis aliis remediis cesserat : cum hoc spiritu de nocte saltem , si de die fieri id non posset , impositis oculo sacculis , cum floribus discutientibus , vino incoctis .

Sunt

Sunt plura alia , quæ certis in casibus exploramus , quarum rationem , cum nil nisi in commune bonum facimus , posthac reddituri sumus .

Unicum modo est , quod minime reticeam . *Fumus Tabaci* in Ileo , in Hernia incarcerata , summas in arte meretur laudes : verum quibus instrumentis in intestina impellatur , ea necdum penitus satisfaciunt . Jam bina possidemus instrumenta , quorum elterum follis fabrilis formam habeat , alterum communis ad clyisma syphonis . Hoc ultimum præstantissimum est , quod ILLUSTRISSIMUS PRÆSES , cum optimo Physico , aptoque ad omnia Mechanico , reverendo *Abbate Massie* , excogitavit . Utrumque suppeditat uno momento copiam fumi incredibilem , eundemque vi ingenti in intestina projicit . Curam habebo ut plura ejusmodi conficiantur , ne Medici ac Chirurghi tanto invento careant ; Fœminam annosam , ut & juvenem , utrosque ab incarcerata Hernia , adversus omnia rebeli , pene enectos , hoc nostrum instrumentum mortis faucibus eripuit , intraque pauca minuta restituti sanitati .

Insitionis variolarum effectus alia occasione communicare potero .

De *Colica Pictonum* hic quoque nonnulla observata communicanda forent ; sed hanc ipsam duodecim ab hinc annis peculiari dissertatione aggressus , nunc iteratis plurimis exper-

perimentis & observationibus, tractatu elaboratiore, describere conabor, in quo sane & multa mutantur, addanturque plura, necesse est. Interim id præfari ausim, hoc diro in morbo olei, pinguiumque, nunquam poenitendum usum esse. Manifesto exemplo id didici in fodinis Ducatus *Styriæ*. Quod Paralysis, & Colica dicta *Pictaviensis*, magnam fossorum vim quotannis sternat, suo ingenti cum damno experti sunt Domini Fodinarum. Id quod minime miratus fui, fodinas Plumbi, Arsenici, Argentique, usque in abditissimos earundem recessus, perscrutatus. Domina Fodinae, mihi de fossorum morbis, ac de Colica potissimum sciscitanti, regeffit, se hanc a triennio penitus ignorare, ex quo Empiricus sibi id consilii dedisset, ut Fossore *prima luce*, suos *auspicaturi labores*, *Lardum cum atro pane præsumerent*. Accessit qui horum hominum curæ duodecim ab annis præfuerat, doctissimus Græcii Medicus *Mensurati*, hæc omnia amplo sermone confirmans.

Profecto quandoquidem venena multa ac contagia; deglutiendo potius, quam inspirando, nobiscum communicantur, sicque primas vias primo infestant; jentaculum tale, difficulter digerendum, inviscandis venenatis particulis est aptissimum; Prandiumque, quod ex lardo, aut pingui carne bubula, ipsis quotidie adornatur, eundem ipsis effectum pomeridiano tempore præstat. Unde quid epotum sæpius oleum,
& fre-

& frequentissima enemata ex oleo parata, in Colica *Pictonum* efficiant, vix nisi expertus crediderit. Estque olei, butyri, pinguisque juris, cum multo pane usus; optima Prophylaxis opificibus illis, qui metallis præparandis, miscendis, adplicandis, victum quæritent: ita ut nunquam vacuo cum ventriculo, sed munito similibus, suis sese accingant laboribus.

Verum, ne longus sim, manum de tabula, Enarraturus enim alioquin operationes Chirurgicas varias, interque easdem tum graves, tum fortunatas, quas nostro in Nosocomio perfecerrint, Clariss. Vir *Josephus Jaus*, AUGUSTISSIMÆ Chirurgus, ac Chirurgiæ in hac Alma Universitate Professor; Doctissimus *Palluci* AUGUSTISSIMI IMPERATORIS Chirurgus; tum & expertus *Leber*, Nosocomii civici Chirurgus dexterrimus; has, inquam, enarraturus, Historiæ Nosocomii, quam brevem esse deceat, limites transilirem, quamobrem, hoc saltem tempore, hisce enarrandis superfedebam,

CAPUT X.

*De Methodi Hippocraticæ, Sydenhamianæ,
ac Boerhaavianæ præstantia.*

AD hanc thesin probandam unice dicant ea, quæ in prima *Ratione medendi*, Cap. i. 2. 3. 4. 5. adtulerim ultimo nunc elapso anno academico invidtis confirmata exemplis esse; neque ullo argumento huc usque constitisse; quod *Hippocratica* doctrina aut fefellerit quemquam, aut in errorem duxerit. Adplicatione enim regularum hujus Medicinæ Parentis, tam dubiam, quam certam, sive salutem, sive perniciem, sive morbi unius in alium mutationem, audacter quis prædixerit. Morborum quoque seu curatione, seu levamine, additis ad *Hippocratica* iis, quæ serior ætas, ad sublevandas humanas calamitates, sapienter excogitavit, frequentissime summo nobis opitulante DEO, abundeque; lætati fuimus.

Quin etiam hanc ipsam *Hippocraticæ* doctrinæ præstantiam variis exploraturi modis, de industria homines ejusmodi nobis in morbis acutis comparavimus, qui aut sine ullo, aut cum præpostero, auxilio, jam 6. 8. 10. 12. morbi diem numerarent. Manuducente autem *Hippocrate* regulas diagnosticas, prognosticas, therapeuticas, hic æque certas invenimus, æque ve-

78 AC BOHERHAAVIANÆ PRÆSTANTIA.
ras deprehendimus, effectu æque confirmatas
contemplati sumus, quam si iidemmet mor-
borum principiis fuisset.

Tandem in pertractandis malignis, quos vo-
cant, morbis, *Hippocratem, Sydenhamum, Boher-
baavium*, eiusque *Illustrissimum Commentatorem*,
Duces in Arte sequuti, confirmata læti con-
speximus, quæ super iidem, superiore anno;
in *Ratione Medendi* animadversa, gesta que fue-
rant. Imo ex iidem principiis ultra progredi
ausi fuimus. Acutas quippe & putridas febres
cernere licuit, quas a principio comitarentur,
inque progressu non relinquerent, sive haud se-
dandi vomitus, sive dysenteria pertinax, sive
uterque simul junctus affectus. Quæ equidem
aliis in locis purgantia, & emetica, nedum
sedassent, at irritassent potius: ita ut hæ fe-
bres occiderent compiures. Hos autem, faven-
te DEO, sic brevi percuravimus, ut si ma-
gnum pulsum valida febris concomitabatur,
vena tunderetur; impetus nature ferocior opio
compesceretur; tum sequenti methodo subtile
acre involveretur, nudaque, villosa dista, ven-
triculi ac intestinorum membrana investiretur,
munireturque; nempe oleo lini, cum tantillo
opii hausto; enematibus meri olei lini tepide
injectis; decoctis largis totius Althææ, Mal-
væ, Parietariæ, Mercurialis, citra sal, citra
mel, exhibitis; tum denique emollientibus si-
ve fomentis, sive cataplasmatibus, ventri uni-
verso, epigastrioque, admotis. Horum nimirum
sepe

ope compescebantur symptomata, & vel febris sponte mitescebat, vel facilem sui curam admittebat.

Igitur cari mei Auditores ea occasione mecum animadverterunt 1^{mo}. Emetica tunc pulcherrimas edere curas, quando putrida bilis, suis signis conspicua, hos tumultus crearet: expellere namque illa tum sursum, tum etiam passim deorsum, morbi causam; datisque deinde mox paregoricis, reliquum morbum & tranquillius tolerari, & curari facilius: eandemque ob causam & purgantia auxiliari.

Didicere 2^{do}. eadem ipsissima haud raro dari in morbis symptomata, cum stimulus vix perceptibilis, vix definiendus, (cujusmodi v. g. venenum variolosum est) in ventriculo hærens, assidua irritatione evacuationes producat, hærentis non modo in ventriculo, & intestinis, materiæ, sed etiam copiosi illius, qui internos horum viscerum parietes inungat, defendatque, Muci, & appellentium in ea aliunde humorum: in variolis solere hoc virus cum earum eruptione ventriculum deferere, in morbis vero malignis aliis sæpius perennare.

Perperam proinde materiæ morbosæ copiam ab excretorum copia quis concluderet. Nunquid enim oculo inerant copiosi illi humores, quos rivi instar, illapso sabulo, effluere cernas? An dentienti infanti fluvius humorum in ore præsto fuerit, quos, dente irritante gingivas, cernere datur? Ubique sane a vicinia, imo toto
de

80 AC BOERHAAVIANÆ PRÆSTANTIA.
de corpore, humores affluunt, ad acre; ad peregrinum quodque, ad quidvis insolitum, allicubi stimulans, abigendum; ita ut hac sola de causa possit integrum corpus liquidis exauriri suis: hanc qui noverit irritationem sedare, aut solida, nervosque, ita disponere, ut affici nequeant, is aut integrum morbum, aut stimuli sustulit effectum. Ergo opium irritabilitatem demit nervis; nudatos nervos oleosa obliniunt, acria inviscant. Qui vero emeticis hoc, aut purgantibus, malum satagit oppugnare, is auget nervorum irritamenta, ac nudam tunicam villosam acriter, & crudeliter, vellicando, eo forsitan totius corporis liquida advocat, viresque exhaurit vitales. Unde evidenter nobis hac occasione ratio constabat, quæ ingentem *Sydenhamum* docuisset, quibusdam *Cholera* morbum provocato vomitu curari, aliis indubiam mortem inferri: ejusdem igitur natura morbi varia haud raro curam requiri. Quæ vero alia circa *Malignos morbos* observavimus, in sequentibus sparsim reperientur.

C A P U T XI.

De Generatione Puris.

PRioris Dissertationis Cap. 7. varia observata enarravi, quibus evidenter evictum, quod pus quidem multis in morbis in abscessu, seu

feu vomica dicta, locetur, coacervetur, diversisque exeat de corporis plagis: multoties vero purulenta materies copiose, diuque, de corpore exeat, quamvis nullis ullibi receptaculis reconderetur. Innueram ibidem me de *puris ortu* quondam nonnihil edisserere ausurum, modo plura exactius observandi facultatem Nosocomium suppeditaret. Quum igitur suppeditaverit, fidem datam liberabo.

Consilium petiturus ad me accessit 34. annorum homo, qui in dextro ossis sacri latere mollem, fluctuantemque tumorem, jam a quatuor ab illinc mensibus gereret, ex causa minus certo determinanda. Dubium enim erat, utrum diathesi pulmonum purulentæ, se sputis evacuanti, metasticeque huc delatæ, originem deberet, an vero calui ab alto, quo, paulo antequam tumor adparuerat, lumbis in terram cecidisset. Prognosis utroque funesta in casu: si enim a posteriore causa; quinque casus jam docuerant nos, prius acrimonia puris & ossa, & ligamenta, erosa fuisse, quam materies exitum foras moliretur: si autem a priore; corpus nimis cachecticum erat, quam ut ex depositione ejusmodi materiæ purulentæ salutem præfagiremus, licet tamen felix extaret, alterve calus. Alterutra porro causa obtineret, loci indicabatur apertura, parva saltem, ut malum palliaretur, vitæque labens utcumque protraheretur. Aperto tumore, pus crassum exivit, impenso flavum, idque per 13. continuos dies.

Sed enim verò, quinto die post aperturam factam, alium nobis tumorem exhibet in supremo dextro thorace, mollem omnino, plenumque, ut videbatur, pure; quem ipsum, jam ante sex dies natum, celaverat. Quum in sequentem diem apertura decreta esset, disparuerat tumor, & colliquans Diarrhæa, cum sputo tamen purulento pergente, successerat. Diagnosís jam evidentior, ad diathesin purulentam potius, quam ad casum ab alto, mali referendam originem esse. Diarrhæam hanc nulla artis molimina compescere integre potuere. Dein die XI. recrevit tumor, leviterque apertus, pus saniosum per quatuor dies fudit: quo toto tempore appetivit, ambulavit per ædes, bonoque animo fuit. Subito tandem voce cepit deficere, adpetitu carere, sub vesperam laboriosissime respirare, frigescere totus. Marmoreum frigus omnium extremorum 24. horis perseveravit, ne minimo quidem pulsu, per totum hoc tempus, unquam percipiendo. Adhibitum tamen eo die pluries thermometrum, gradus 97. notavit. De hoc phænomeno deinceps cap. 18. Artus interim, corpusque totum, quamcumque in partem aut vellet, aut rogeretur, apte flexit; bona mente paucis exceptis minutis valuit, & 15. die a prima apertura obiit.

Integumentis Thoracis prudenter ablatis, sinus eo in loco adparuit, in quo tumor fuerat. Stylus caute immissus hinc versus axillam, il-

linc

hinc ad colli vertebrae, iter ostendit; sed prudentissime quancunque in partem agitatus, cavum thoracem ingressus non est. Thorace prudenter aperto, pulmones inventi sunt toti ab omni concretionem liberrimi, colore livescientes: dexter modo, lobo superiore suo, cum ea pleura regione junctus, in qua descriptus mox finis penetraverat. Igitur sinus per erosam pleuram in ipsam lobi superioris substantiam abiit; sed margines sinus in pulmone tam arcte, toto suo ambitu, cum pleura coiverant, ut aer externus sinum quidem intrare, in cavum vero thoracis minime penetrare posset. Exesa autem pulmonis substantia, saccum cavum representabat; nullis saccis lateralibus, nullis vomicis, tum ibi, tum per reliquos pulmones, reperiundis.

Abscessus alius 8. 9. 10. vertebrae thoracis, nec non costarum tegebat principia, nihil omnino cum pulmone communicans. Pauca in eo contenta materies vertebrae leviter cariosas reddiderat; qualem cariem & vertebra ultima colli, primumque thoracis, contraxerant. Os sacrum erosum, cariosum omne; stylusque aperturæ ulceris a principio inductus, ultra spithamæ longitudinem ascendit, & sine ulla resistantia ipsum specum vertebrarum intravit. Porro nulla detegi potuit, hos tres abscessus inter, communicatio.

En iterum pus, tum ore excretum, tum supremo pulmonis dextri lobo, prodeuns, copio-

piofum, diuturnum; nullo detecto ejus in pulmone domicilio: cujufmodi exempla plura, fuperiore anno adtuli. Horum omnium occasione en quæ de puogenia cogitem!

Communis fententia fert pus prægreffa femp̃ inflammatione generari. Inflammationem namque in abfceffum verti, dum inflammatus fanguis in finibus vaforum flagnans, & tamen a tergo pulfus, fuorum vaforum extrema folvit, inque albam cum iifdem vertitur pultem. Hanc ob rem & in diuturna puris excretionē oportere ingentem reperiri fubftantiæ confumptionem: id quod multa etiam exempla confirman.

Attamen neque in cafu enarrato, neque in tot aliis fuperiore anno communicatis, hæc ita inveniuntur. In multis nulla prægreffa fubftantiæ inventa eft confumptio. Unde cum vulgaris fententia partem fuppurationis duntaxat, non integram, complectitur; alia puris eft nobis quærenda origo, quæ forte rem totam complectatur. Si igitur in Phthifi v. g. pulmonali pus copiofum, diuturno tempore, ore excernatur, nec apta poft morrem, qua genitum, locatumque fuerit, fedes inveniatur, necesse eft illud ab ipfo fanguine, immediate fecretum fuiſſe, cum aliud nihil, quod cum pulmone communicet, assignari poſſit.

Attamen nil puri fimile fæpe deprehendimus in horum hominum denatorum fanguine, vafis contento. Rubicundus enim plus minus
repe

reperitur ille, ac nonnihil coagulatus; an in eo saltem non oporteret quidquam materiæ albæ, flavæque, ac crassioris, reperiri?

Resp. 1^{mo}. Sanguis eorundem hominum, dum aliquando de vena mitteretur, liquor rubeus, homogœneus, adparebat; qui tamen stagnando extra vasa corporis crustam phlogisticam, eamque densam, formaret. Ergo materies, crustam formatura, in sanguine antea adfuerat, sed minime conspiciunda.

Resp. 2^{do}. In sanguine sanissimi hominis, in quo, ex naturali diathesi, nulla phlogistica dispositio, minime deteguntur principia crassioris ac flocculentæ membranæ, *Ruiscbiæ*, ut dictæ, quam inde tamen agitatio postmodum & conqussatio educit.

Resp. 3^{tio}. Sæpenumero etiam in cadaveribus invenienda est materies eadem, quæ pus formare videtur; albida, subflava, compacta, polyposa; quam eadem alii circa mortem generent, alii ad vitalia vasa per annos gerant.

Resp. 4^{to}. Non detegitur mortuorum in cruore materies, quæ tamen paulo ante in eodem præsens esse debuerit, quæque sub mortem extremis vasculorum osculis transudans, circum viscera omnia, vitalia, naturalia, animalia, crustas densas, lardoque similes, formet. Cujusmodi *Heurnius* toties invenisse scribit, nosque in Nosocomio pluries jam demonstratas vidimus, ad totos quantos Pulmones, Pleuram, Diaphragma, Pericardium; ad

Hepar, & Intestina; imo in dimidii cranii lethali fissura ad Medullam oblongatam; ad Cerebrum externum, Cerebellumque, & in cerebri Ventriculis anterioribus. Unde in omnibus hisce casibus suspicari licebit, hanc materiem vel sanguine valide concusso manifestam fieri; vel quieti, aerique, commisso: sed de his postea latius,

Unde licet in sanguine omnia adpareant homogenea, constat tamen quidquam eidem inesse, quod collectum adpareat esse tenax, albidumve, aut subflavum, quodque puris appellari materia debeat. Quæ porro materies, ut cito sæpe a sanguine separatur, ita non perraro multis in Phthisicis, mensium annorumque spatio, pedetentim secernitur. Exempla superiore anno enarrata, ipsaque præsens historia, id innuere videntur. Sed en adhuc aliam!

Decima Junii præsentis anni ad me homo accessit, quem principio anni tussis vexaverat immanis, violenta, diuturna; ut firmorum sane laterum, qui eam sustinuerit, esse debeat. Ex quo vero collo tumere cœpit, tussis contigit moderamen: imo vix ultra exauditur, ex quo tumores magni, iique plures, in collo, superioreque thorace, partim natura, partim arte aperti, pus bonum, coctum; copiosum effuderint: ita quidem ut primo mense hominis vestes pure madescerent, & etiamnum, quarto mense, pus continuo abundanterque manet;

net; interea dum homo adpareat optima frui sanitate. Huic pulmone olim ejecta materies nunc externis eliminatur abscessibus; poteritque sic omni discrimine homo demum eripi, ut pluribus exemplis, horum similibus, didici.

Furunculi nonnunquam in his, qui a variolis convalescunt, conspiciundi, qui teste *Mead*, in insitivis variolis, quam in naturalibus, frequentiores sunt, non fiunt prægressa inflammatione, nisi solius tensæ, a materia, cutis; sed tumor unica die nascitur, augetur, & apertus incipit nonnunquam eodem illo die pus fundere.

Quotiesne dantur *Anginae*, *Parasynanchæ*, altero morbi die jam pus exsudantes? Et *Christophori Benneti*, in *Theat. ac Vestib. Tabidorum* observationes, quotidianis confirmatæ exemplis, quid aliud docent?

Ex quibus cunctis colligimus in sanguine nostro dispositionem dari, qua materia, quæ, postquam collecta fuerit, phlogistica purulenta ve vocatur, a reliquis sanguinis principiis segregetur, viisque variis de corpore expellatur, sine intermedio sacco, in quo alias, postquam a sanguine producta est, moram trahere solet, antequam expellatur.

Eruditissimus *De Sauvages*, *Monspel. Prof. Libr. de inflam.* ubi circa puris & crustæ inflammatoriae generationem quædam profert, quæ experimenta mea, super sanguine humano fa-

sta, (vide in præc. cap. 6.) admittère me-
vetant; tamen §. 87. multum inclinatur in eam,
quam hic trado, explicationem, subjungitque:
„ *Et ce qui produit la coëne, pourroit fort bien*
„ *produire du Pus.*

Causas nunc indagare juvat, quæ ejusmodi
materiem in sanguine generent: has sane in-
venimus multiplices.

Prima causa est frigus corpore exæstuante
susceptum. Homo egregie sudans, gelidam
aquam affatim haurit, aut quo loco eum ven-
tus amœnus recreat, aliquantisper sedet. Im-
pune forte hoc decies ulit. Jamvero illico
post horrores experitur, & lassitudines, tum
nauseam, vomitum, cephalalgiam, febrim.
Missus altero die sanguis deponit crustam, quæ
vel singulo in vase æqualis, vel in variis vasibus
varia sit. Si mox Pleuritis, aut Peripneumo-
nia, se comitem jungit, solvetur forte mor-
bus cocta purulenta materie, sive ore, sive
alvo, sive urinis, excernanda; aut etiam puru-
lenti eliminanda tumoribus.

2^{do}. Plethoricus homo aut motu nimio
suum sanguinem rarefacit aut valida ira, aut
pergræcatione. Materies alba, flava, spissa,
ejus in sanguine, primo, altero, tertio die,
misso, adparet; itidemque, si morbus critice
solvitur, in excretis.

3^{tio}. Acrimonia Venerea, ut in Teste Ve-
nereo adparet, Acrimonia Arthritica, Rheuma-
tica, si de locis, in quos delavire solebat,

retroa-

retroagatur in sanguinem, virus quoque Variolosum, Morbillosum, Scarlatinum, intra sanguinem susceptum; omnia hæc frequenter materiem talem misso in sanguine exhibent.

4. *Benneti* observata docent opiparis in dapibus, in vitæ, otiique mollioris, plena beatitudine, sanguinem observari similem, diuturnoque tempore hujusmodi materiem sputorum forma ejici, citra ullas inventas a morte vomicas.

5. Sed & contigit *Benneti* observatum locum habere in his, infimæ qui fortis sint, quibus minime liceat adeo lautis, adeo otiosis, esse.

6. Fœminis sanguis passim laxior, & acruſta formanda alienior, plerumque talem materiem in iisdem gravidis præ cruſta habet, & non raro, si hæ fœminæ negligentur, viam ad Phthisin sternit.

7. Diathesis demum naturalis quorundam in sanguine semper hanc materiem exhibet.

Constat ergo septuplex hucusque causa, ejusmodi in nobis materiæ genitrix. Utinam simul constaret qua arcana lege dictæ causæ hanc materiem producant! In hisce tenebris aliquid conjectura periclitandum est.

1^{mo}. Frigus calente corpore susceptum solida arctat, fluida densat. Nunquid hac arctatione & densatione hæc materies de reliquis cruoris elementis exprimitur? adunatur?

2. Plethoricus causam morbi futuri præparan-

rantem invenit in suo abundante sanguine : irascatur nunc , peregrinetur , pergræcetur , causa excitans ad præparantem applicata , una cum eadem , post horrores intensissimam generat febrem . Rarefactio sanguinis ; vasorumque , nato eo frigore , arctatio ; eundem videntur , qui mox descriptus , effectum producere .

3. Acrimoniam , & contagia varia , mox excitato horrore stringunt vasa , humores autem vehementer rarefaciunt . Nonne hinc effectus iidem , aut longe violentiores ? Ita quidem ut in debili Podagrico , in virgine Chlorotica , sanguinem phlogisticum producant . Alio exemplo , in polypis explicandis , hæc confirmare conabor .

4. Mensa opipara hominis sanissimi , sed otio disfluentis , auget , rarefacitque sanguinem . Hinc sensim in eo id nascitur , quod mox in Plethorico irato contemplabamur . Verum quomodo idem pedetentim nascitur his , quibus tenuis mensa ? videtur illis , quæ No. 7. descripta , Diathesis adesse naturalis .

Genus variolarum quoddam huc referam necesse est . *Forestus* , *Drelincurtius* , omnesque demum Practici , natas veras Variolas videntur pluries , citra ulla febris indicia , sive tempore contagii , sive eruptionis , sive etiam nonnunquam maturationis . Pluries præterea videntur Variolas tum expulsas , tum maturas , adeo modica cum febricula , ut nulla eidem tribui inflammatio possit . Attamen genuinum pus ,
idque

idque sæpe copiosum, hic gignitur. Observaturque idem & in discretis, & in misto genere, aliquoties in benignis confluentibus. Porro videtur in illis virus adeo aut parum, aut debile esse, aut adeo parum illorum corpora ab hoc miasmate irritabilia, ut idem virus blande admodum, lenteque, phlogisticam materiem cogat, adunetque; in sanguine. Ita ut homo sola variolarum eruptione se lisdem laborare cognoscat. Primo sanguinis tenuior portio stigmata pro more facit, serum accedens cum sanguine pustulas auget: purulenta interim materies bonis vitæ viribus, tertio quartove ab eruptione die locum occupat, sive versus latera fugando, qui aderat, liquorem, sive eum secum miscendo, & sensim per cutis poros eliminando. Nisi quis credere malit, quod materia in pus vertenda, tribus quatuorve diebus indigeat, antequam in pus, mora contracta, vertatur. Sed lentius papularum incrementum hanc opinionem minus adprobat; nam illæ minuerentur hac ratione potius, quam aufererent. Sed utramvis opinionem amplecteris, rem totam tam blande, tranquilleque, Natura operatur, ut vix levem excitet ægritudinis perceptionem.

5. Gravidarum vero sanguis crustam quæ adeo densam formet, communi lege vix explicabo. Equidem gravidis, arbitrabitur quis, major adest, quam assolet, sanguinis copia; cum primo tempore non videatur foetus catameniorum
mate.

materiem absumere ; unde hinc cruorem com-
primi , & albam , flavam materiem , a reliquis
ejusdem principiis segregari , coadunarique ,
possibile credet : verum hanc plethoræ ideam
mox tollit consideratio necessitatis superflui san-
guinis , quo uterus , ut magnitudine , ita &
crassitie , crescat . Præterea hanc causam expun-
git contemplatio nonnullarum fœminarum , quæ
neque pubertatis , neque conjugii tempore , un-
quam menstruantes , iisdem nihilominus incom-
modis , dum gravidæ sunt , quibus pleræque
aliæ fœminæ gravidæ , subjaceant ; ut elapso
hoc anno in Nosocomio claro exemplo consti-
tit . Deinde complures fœminæ patiuntur ea-
dem symptomata , quæ plethoræ adscribi con-
suevere , antequam prima vice menses retardent ;
ita ut iterato experimento hæc norint , ante-
quam menses deficere incipiant , se utero ge-
stare .

An ergo præter datas causas adhuc aliquid
αἷνωτον , ad talem sanguinem producendum ,
concurrit ? Imo si quis statueret , in Plethora ,
in suscepto frigore , in variolis , quidpiam
ignotum humores latenter afficere , sive id aer
signat , sive contagium , sive stupenda muta-
tio , quam animi affectus creant , multis pro-
fecto non obluetabor , cum semper eadem con-
clusio maneat : sufficit a causa quacumque sic
sanguinem mutari .

Sed contra : Pus alia longe ratione confici
Vulnera demonstrare videntur , adeoque quæ
huc

huc usque dicta sunt Puogeniam minime illustrare. Id an verum periculum faciam!

Apte id, concinneque, ut fiat, juvat ordinem sequi, quem in describendo Vulnere *Boerhaave* observat, adjectis consummatissimis *Illustrissimi nostri Præsidis, Liberi Baronis van Swieten*, Commentariis. Vulnus sumatur corpori, antea per omnia sano, uno cultri ictu inflictum: ea lege, ut arteriæ principes, musculi, tendines, nervi, ossa, læsa non sint.

In ejusmodi vulnere 1^{mo}. sanguis mox undatim exsilit, sensim de suo demittens impetu, tandemque cessans. Vasa enim arteriosa paulatim se contrahunt, & inter carnes, aut pinguedinem retracta, sibimet ipsa obturaculo sunt.

2. Ita tamen, ut stillicidium sanguinis ad labia vulneris observetur, crustam, qua labia tegantur, formans.

3. Lympha interim tenuis transudat, sed minime phlogistica: quantumvis enim in vulnere moratur, nunquam ipissescit.

4. Die tertio, aut quarto, labia vulneris tumere, ac retroflecti, inchoant.

5. Quo ipso tempore febris toto corpore percipitur, rubra cum urina, & reliquis febrium symptomatibus. Oritur autem ille tumor, quod abscissi vasorum fines, nunc contracti, nihil transmittant, & sanguis nihilominus a tergo in eadem impellatur. Hinc pars mole augeatur necesse est. Præprimis vero adiposa membrana tumet, diviso, quo tegebatur,

tur, cutis repagulo ; unde & circum percissæ cutis margines panniculus adiposus circumflectitur.

6. Post hanc febrim, calorem, pulsationem, tumorem, pus demum prodit. Quocirca advertendum id, quod in crebrius deligato vulnere desit, ejusque loco tenuis duntaxat liquor adpareat ; quo præsentē non coalescit vulnus unquam : quodque pus crassum adpareat, si justo tempore pro natura vulneris deligatio fit.

7. Crasso itaque pure abundanter prodeunte, labia sensim concidunt, febrisque, pulsatio, calor, decrescunt.

8. A toto vulneris ambitu lente propullulant corpuscula alba, sive potius eminentia vasorum extrema, microscopio pulchre contuenda. Hinc dicitur caro nasci. Quippe ex omni vulneris plaga prodeunt, & vulneris, quod retractis labiis hauerat, explent cavum. Et albidam quamvis, rubra nihilominus productione illud explent, quum omnia in hoc loco rubro sanguine a corde pulso vehementer turgeant. Necessē autem hoc erat ; cum vis cordis, arteriarumque, seu Vita ipsa, ingenta sibi efficacia, hiatus ita complere deberet, ut contingentibus sese extremis undique vasculorum oris, circulatio per vulneratam partem restitueretur.

9. Tandem vasculis omni ex parte unitis, cessat pus, & fit cicatrix. Si pinguetudo multum

tum consumpta. haud fuerit, suppurationis tempore, sed manserit ferme ejusdem, quam antea, molis, bona cicatrix formatur: si vero consumpta prorsum, foeda cicatrix fit, & cute ad musculos affixa, motus impedimentum.

Hæc in genere contemplati, revocemus in memoriam, quod quovis inflammatorio in morbo, enarratis de causis, sanguis phlogisticam diathesin inducat. Hac in sanguine producta examinandum nunc quid inde fiat.

Inflammatoria materies vel ipso in affecto primum loco sistitur, vel transit inde ad alia viscera, vel demum per destinatas eo vias evacuat. Ponatur nunc inflammatorie spissius sanguis per multos arteriæ pulmonalis fines transire non posse, finibus iisdem aere frigidioribus simul constrictis, Peripneumoniam natam intelligimus, modo vis cordis a tergo urgeat. Porro in huius Peripneumoniam initio, augmentoque, tenuia sputa prodire consuecunt, aquosa prorsum, glutine mista levi, lineisque sanguineis notata. Crudam materiem vocant. Serosum hoc sputum morbum non curat, copiose quamvis ejectum. Vi enim tussendi cum paucis globulis sanguineis expressum est, inflammata densitas, multa ejus excretionem, augetur; quodque glutinosum gerit, id vi a superficie aerea pulmonis abratum fuit. Quandiu nil aliud prodit, morbi est cruditas, curatio nulla, magnum vitæ discrimen. Sed tertia aut quarta die lineæ rubræ deficiunt, sputa spissiora,

ra, utcumque puriformia, flava primo, dein subalbida prodeunt, & pergentia ita reddi, perfecte judicant morbum.

Nonne hic cum vulnere confimilia multa? extillante de vulnere lymphæ, nulla curatio: idem in Peripneumonia, Utrumque tantum symptomaticum esse.

In vulnere ad diem 3. 4. tumore ac pulsatione auctis, pus verum prodire incipit; sed simul pure facto, beneque prodeunte, febris, tumor, pulsatio, dolor, minuuntur. Ita Peripneumonia creverat febre, & reliquis symptomatibus, donec ad 3. vel 4. diem puriformis exspueretur materies, & omnia tandem symptomata mitigarentur.

Si, quo tempore pus inceperit vulneri inesse, illud frequentius deligaveris, pus bonum consolidans ultra non habes, sed tenue, modo quidquam; quo fluente, nulla consolidatio. Quietem agat oportet illa materies, ut spissescat, vulnusque percuret. An non in peripneumonia idem fere? si, primo cocto sputo adparente, tussis perennis pulmonem quatiat, cocta materies ultra non prodit, sed tenuior tantummodo, & delassans; non solvens morbum unquam. Blandum somnum aut ars produxerit, aut natura! En mox spuma crassa, colore, consistentia, levamine; optima. Ratio hæc videtur esse: Exsudat Lympha ex abscissis vasis vulneris assiduo: maneutque eo in vulnere, extremæ arteriolæ emolliuntur; ut sic,
& vi

& vi vitæ a tergo pellente, & ablata emolliendo resistētia in vulnere, id phlogisticum fundant, quod, mistum cum lymphā præsente, pus bonum referat. In peripneumonia frequens, violentaque tussis, exprimit ex vasis roriferis, ipsisque vasis phlogistico infarctis, Lympham: ita ut materia inflammatoria hinc spissior reddita, inepta reddatur, quæ per oscula sua dilatata in cavum aereum exeat pulmonis. At vero quiete inducta, tum Lympham suam retinet materies inflammata, tum Lympha retenta omnia emolliuntur, dilatantur, phlogisticum crassum ipsa hac quiete & tempore coquitur; quo demum omnia ita aptentur, ut bona materies excernatur,

Contingit tamen sæpe, ut oscula hæc in peripneumonia haud dilatentur sufficienter. Unde cocta materies ex arteriis pulmonalibus in venas fertur; duciturque bonis corporis viribus aut ad arterias Mesentericas ambas, aut ad Renales, aut etiam ad varias glandulas, ut harum ope de corpore eliminetur. Nonne hic, quod in transitu moneam, facile capimus, quomodo Pleuritis se evacuet per sputa e pulmone? Ut Peripneumonia per arterias mesentericas, ita per pulmonicas Pleuritis.

Sin vero neque per angustias arteriæ pulmonalis elabendi nanciscatur facultatem, colligitur, vasa sua, adventante nova materie, dilatant, inque saccos distendit, ut toties in Hydatidibus videmus; vel rumpit eadem, ita ut

effundatur materies in cellulolum id, quod vesiculis interjacet. Hæc nunc Vomitarum origo; quæ quidem rumpi vi tussis vel in cava pectoris possunt, vel in cavum aereum pulmonis: imo contingit etiam easdem non rumpi, sed extendi incredibiliter, materiemque in iis contentam continuo cum sanguine misceri; unde Hæcticæ febres, Empyemata, Tussis purulentæ, intelliguntur. Si bona fortuna abscessus in cavum aereum perumpitur, & materies brevi tempore tota ejicitur, continuatave excretionem de pulmone expellitur; tunc, modo bonæ vitæ vires adsint, crescantque & sanguis sit purus, rediviva salus est. At vero si cum tanta per pulmones excretionem, sanguis diathesin phlogisticam servat, mori demum hominem, ut in *Bennetianis* est, oportebit.

Hæc nunc demum illa sanguinis dispositio est, qua sub vitæ terminum crustæ flavæ viscerum superficiei circumnascantur; de qua re superius actum. Nec acutis modo qui intereunt morbis eam crustam soli habent, verum & qui lentis. Vidi olim id pluries, & anno 1756. mense Decembri idem demonstravi publice in Nosocomio post chronicum morbum. Nihil hic miri. In media Chlorosi virus variolosum novit pleuriticum cruorem fabricare. Ipsi polypi ita generantur, ut post dicam.

An non phænomena, hisce consimilia, vulnere dant? Adparet ita. Neque enim ulla ratione videntur vasa abscissa, cum contento
in

in extremis eorum phlogistico , tam copiosæ materiæ , integras per septimanas generandæ , sufficere . Dispositionem inflammatoriam Febris illa , quam 3. aut 4. die , notabiliore in vulnere , accensam percepimus , sanguini conciliat ; videturque ipsissima illa diathesis vi cordis per locum vulneris minus resistantem , ut exeat , determinari : quippe Clinice docet nos quotidie , materiem in humoribus alienam eo locorum allici , quo Medici resistantiam minuerint.

Sane id ita credamus multa in vulneratis suadent. Copia puris nonnunquam adeo enormis ex vulnere amputatæ Mammæ , Cruris , Brachii , prodit , ut homines pereant defectu virium ; dum interim vulnus ne centesimam quidem puris partem suppeditare queat : aliunde ergo pus adferatur necesse est .

Quid quod in rerum natura existant , quæ suoapte genio hanc sanguini ingenerent diathesin ? Hæc inter annumerare cogor *Bellam* *Donnam* *Tournefortii* , *Atropam* *Linnaei* , *Solanum* *furiosum* , *Solanum* *maniacum* , Στρυ'χνον μελα-
vonέραςον . Hortatu , & exemplo , celebrium in arte Virorum , dedi , exacte secundum datam formulam , infusam hanc herbam quatuor fœminis ; quæ aut Scirrho , aut Cancro , aut Carcinomate maligno , laborarent . Præter dolorum augmentum , præter vertigines & ἀμβλυοπία , per aliquot ab assumpto remedio horas quotidie
G . 2 . . . tolera-

toleratās , qui teſti Scirrhi ; aut Cancrī fite-
rant , ſponte aperiēbantur , poſque bonum fun-
debant ; Cancrī vero qui antea aperti fuerant ,
pro ichore copioſum pus dederunt . Spem uti-
que hoc in principio fecit . At vero prodiit
demum puris copia tanta , ut per pavementum
deſlueret , ne quidem repagulis ex ſtupa Mam-
mæ circumpoſitis coercenda ; ut demum pene
extinguerentur duæ ſceminæ ; Cancro interim
æque maligno conſpecto . Binæ vero aliæ , quod
breviore temporis ſpatio inſulā hac herba ute-
rentur , minus male ab eadem multatæ fuere ;
ſed perinde ac priores duæ , nullam Cancrī e-
minēdationem adeptæ ,

Sed ſi res ita ; ut dixi ; ſe habet , cur par-
va vulnera aliquando ſine febre inflammatoria ,
& ſine ejuſmodi medicamentis , bonum pus ,
copioſumque , præbent ? Dantur topicæ febres ,
ita ut pulſus febrilis modo affecta in partē ſit ,
reliquo autem in corpore plane naturalis .
Novum pus ſic poteſt quotidie in vulnere ge-
nerari . Tumorem , dolorem , calorem , pulſa-
tionem , toties in digiti abſceſſu formando ex-
perimur ; reliquo corpore prorſum febre im-
munes . Vide comm. *Ill. Præſidis* in aph. *Boerb.*
cap. de febr. in gen.

Sed cur nonnullis in Anginis , aliquoties in
inflammatione pectoris , nonnunquam & in
vulneribus , altera jam die pus adparet ? Vel
his naturalis eſt ejuſmodi in cruore Diathēſis ,
ut ſupra conſtitit ; vel , antequam topicum

DE VARIOLIS. 101
malum nasceretur, febris jam adfuerat. Homines sæpe tribus, quatuor, pluribusve diebus febre laboravere antequam Angina formaretur.

C A P U T XII.

De Variolis.

Q Uum in Quæstionibus super *inoculatione Variolarum* nuperrime editis, methodum quandam præ cæteris laudarem, eam publici quoque juris redderem rogatus sum: oportune ergo hic methodum meam & olim, & etiam hic in Nosocomio, adhibitam, lubens communicabo.

Ab initio igitur manifestantis se contagii Methodus inflammatoria per omnem modum instituitur. Vena sanguis missus vix gerit in principio crustam. Emeticis usus numquam fuit: tum quod illa in Vomitus propensio, non magis Emetico, quam sine eo, ante eruptionem papularum tollatur; tum quod *febris variolosa sine variolis* non minus saltem, citra emetica data, quam post eadem exhibita, observentur; tum quod æque certe frequentes sint variolæ benignæ, non datis, quam datis, emeticis. Quid ergo frustra corpora torqueamus? Præsertim cum motus violentior excitatus, pluribus, pejoribusque Variolis pro-

G 3

ducen-

ducendis, aptus natus sit? Adstipulatur nobis ipsa *Boerhaavii* circa variolas doctrina, altum de Emetico silentium observans. Sed remedia conveniunt antiphlogistica, alvum lenissime subducentia, nitrosa; Enemata similia; tum pediluvia, femicupia, aer humidus & temperatus; ut totus homo, quoad ejus fieri possit, laxetur & emolliatur, utque undique ablata resistantia eruptio materiæ fiat ad cutim commodissima. Pro ratione febris *Venæ Sectiones* repetuntur.

Commode si exeant papulæ, ægros bis de die per semihoram in calido pedum balneo, ad usque genua, & altius, imponimus. Adhibetur aut pura aqua, aut emollientibus cocta, aut mista lacte. Cruribus pedibusque probe exsiccat, Epispastica ad plantas pedum applicantur, imo & nonnunquam pedes integri, cruraque, involvuntur iisdem. Occasione balnei extra lectum, mane ac vespera, sedent bihorii, trihoriiive, spatio. Intercaque temporis lecti mutantur, aere perflantur; & si contingat, ut per morbi decursum ægri putridissimo lintheaminum lecti, indusiorumque, foetore male afficiantur, præsertim si infantes sint; lintheamina, & indusia, sanorum corporibus aliquantisper admota, adhibentur. Pro potu & medicamine utuntur Decoctis emollientibus & refrigerantibus, Lacte ebutyrato, Sero lactis, Lacte cum aqua misto, &c.

Altera a bene prædeuntibus variolis die, datur

tur matura vespera fyrupi Diacodii unc. i. $1\frac{1}{2}$. idem & mane die tertio incipit fieri. Mensura paregorici a sola ægrorum tranquillitate desumitur. Cum *Sydenhamo* damus ter, quater, in die hanc dosin, quando malignæ variolæ sunt. Porro paregorica damus in benignis & commodis variolis, ut facilis morbi tolerantia ad finem usque perseveret: docente experientia vel benignissimas a causa vix detegenda in malignas mutari. Usus paregoricorum efficere videtur, ut funesta hæc mutatio, si unquam, rarissime saltem, contingat. Hinc dormiant, nec ne; vix, vel parum, ægrotent; datur semper dicta de causa quavis 12, hora paregoricum, sique opus est, augetur. At vero in maligniore ac molestiore genere datur, ut mox dixi, auctiore semper dosi. Syr. *Diac.* Syr. *pap. alb.* Laud. Liq. *Syd.* usui veniunt. Usus autem docuit, opium datum v. g. cum emulsis, aliisve remediis - ut ejus tantilla pars quavis hora sumatur, pulcris iis carere effectibus, quos exposita ratione exhibitum, producit.

Quum enemata mollia primo laxent totum systema Mesentericum, cum deinde pro parte absorbeantur, cum denique alvum ab opio immorigeram blande solvant, solent a principio ad finem usque quotidie immitti.

Interea temporis curamus a morbo incepto, ad curam absolutam usque, vel Lacte & aqua,

vel Lacte cum Decocto feminis Sumach, spongiis imbibito, oculos assiduo fovere; ut quæ illos cæterum infestent mala, averruncentur. Tota quoque facies, ob dicendas postmodum causas, aqua & lacte assiduo humectatur.

Si contingat vel præ vehementia morbi; vel præ virium prolapsu, eruptionem pro votis non succedere, curam ad datam indicationem sic dirigimus. Si morbi ac febris violentia, nimiae plethora, in causa sint, mox vena secatur, semel, iterato, pluriesve. Licebit obiter circa V. S. hic animadvertisse eam quovis variolarum stadio, urgente febre, peripneumonia, phrenitide, institui debere. Sin vero debilior vita in causa est, eam tunc cardiacis, vinosis maxime, tam epotis, quam ad axillas & inguina, ubi corpus maxime bibulum est, adhibitis erigere & animare satagimus. Mira hic & vesicantia præstant.

Salivationem in confluentium genere sæpe nullam, aliquando magnam, habemus. Hac ipsa æstate in misto genere habuimus copiosam. Cum corpora liquido blando tota die implemus, moderatumque ipsis aerem conciliamus, cura peculiari opus non est ad ptyalismum moderandum.

Ubi vero variolæ maxime malignæ retrocedunt, omniaque pessima symptomata, quæ mortem præ foribus clamitent, adparent, pauca quidem, sed mira, Ars nonnunquam præstat. Dabitur id exponendi & demonstrandi

occasio Cap. 14. Tamen verbo hic dixerim hæc infortunia vix contingere, si cura, ut hic dicitur, administratur.

Ad diem 10. 11. 12. totius morbi, siccis jam pustulis, tenero forfice exitus puri datur tota facie, eaque percisa, spongiis aqua tepida & lacte, madidis abstergetur. Siccatis brachiis dein, cruribusque, idem fit. Cumque omnes papulæ non ex æquo siccescunt, sed aliæ post alias, ita earundem apertura per vices instituitur. A Chirurgo hoc opus in facie, totoque corpore, perfici potest; licet plures viderim, qui animose, ac volupe, manus & brachia sibi percinderent. At vero non sufficit semel aperuisse. Pustulas enim mane apertas, deterfalque, vespere invenimus pure turgidas: unde idem opus vespere repetendum, idque quater, quinquies, imo pluries, postmodum iterandum; qua in repetitione aperturæ maxima consistit utilitas. Etenim totus panniculus adiposus pure scatet, tumetque, imo pure adhuc sæpe plenus sanguis est. Frequenti igitur pustularum percissione, earundemque detensione, corpus ingenti copia puris liberatur. Si tunc siccis omnibus pustulis venæ sectio fiat, eaque, si opus est, iteretur, liberatur sanguis, ac totum corpus ab illa materie, quæ post curatas variolas oculos, aliasve nobiles corporis partes afficere, vel in cute furunculos excitare posset.

Purgantia denique antiphlogistica a siccatibus pu-

pustulis alterno, tertiove die, data, idque ad 3. 4. 5. vicem, prout indicantur, hic optimi sunt usus.

Ex dictis multorum habetur problematum solutio. Ac imo. quidem, Cur Variolæ sensim, Furunculi cito; Variolæ ad certam modo tum altitudinem tum ambitum, Furunculi tantas excrescant in moles?

Nascentibus variolis sanguis a materie prava paulatim expedit sese, idque eodem tempore innumeris propemodum sæpe in locis: successu temporis novam materiem adjicit, lentaque aggestione papulas elevat. Si non pergit replere easdem omnes, disparent quandoque priorum nonnulla stigmata, & relique implentur. Furunculi vero oriuntur a dudum jam præparata, id est, a phlogistica, seu purulenta materie, sive in sanguine oberrante, sive in panniculo adiposo detenta; quæ eadem crescentibus vitæ viribus sub cute effunditur, & in tumorem, qualem adpellens materia requirit, aut in quantum cutis tam subito se extendi concedit, attollitur: pari ferme ratione, qua critica in Acutis materies, ad aures, inguina, tibias, imo ad brachia crurave, aut alias corporis partes, subitos sæpe creat, magnosque tumores.

2. Undenam subita mors visa aliquoties maturis in variolis, sine ullo pustularum prolapsu, imo cum pustulis ipso in cadavere pure scatentibus?

Pus. potest in extantibus papulis manere, sed
de

de toto panniculo adiposo resorberi, cum sanguine ad vitalia loca deferri, & sic perfcindere vitam.

3. Unde ptyalismus sæpe in variolis? Oritur is passim brevi ab eruptione, inque undecimum diem, vel & diutius, perseverat. Unciæ 5. 7. 10. 12. 15. 20. & plus, nocturni spatio, evacuantur. Aquosa, leviter tenax, subalbida, quæ ejicitur, materies est. Si variolis ficcari coeptis, confidenteque facie, cessat ptyalismus, malo id sit ægrorum omine, nisi manus aliquantisper, ac pedes, tumidi persistant esse. Etenim veneno infectus humor, haud ad cutem duntaxat, sed ad glandulas salivales adplicat sese, & ipso humore salivali dilutus, ore excernitur. Porro apertura pustularum id qualecumque damnum refarcit, quod a cessante maturius ptyalismo, aut facie ac manibus citius collabefcentibus, nasci potuisset.

4. An pustularum percissio quid confert ad conservandam venustatem? Optimus *Diemerbroeckius* in egregio suo *de Variolis ac Morbillis tractatu* eandem condemnat, ut cutim detur, pantem: forte ita est si unica modo apertura fiat; sed si, ut dixi, pluries repetatur, sane non deturpat, at emendat. Materies enim ultra sub crusta stagnare, propriumque sinum erodere, non potest. Hinc multi eam sollicite commendavere. Ducentis fere ab hinc annis laudavit eam Clarissimus meus hac ipsa in Cathedra Antecessor *Joannes Marcquardus*, *pract. theoret.*

theoret. empir. pag. 348. Commendaverunt *Two Gaukes*, celeberrimus apud *Emdanos* Medicus, *prax. chir. & med. cap. 60.* *Sidobre* famosus apud *Monspel.* Medicus, *Tract. de Variolis pag. 228.* & seq. *Drelincourt Leyd. Professor, de Variolis pag. 27.* *De la Metrie, Traité de la petite vérole pag. 160.*

Ratio ex dictis patet. Puri nulla suppeditatur facultas densa sub crusta partes subjectas erodendi, consumendique ita cellulosam membranam, ut cutis foede cum musculo concreseat. Certe multis ab annis hac methodo usus, testor me, qui profundis cicatricibus defoedatus esset vidisse neminem.

Equidem insitio Variolarum optima audit conservatrix venustatis: hincque *Circassiensem*, ac *Georgicam* gentem foemineam illibata pulchritudine conservans, a tantum non omnibus insitionis patronis una voce laudatur. Confirmantque itineratores. Scribit *de la Mottraye*, quo per *Circassiae* montes, prope mare *Cassicum* magis penetraret, eo formosiores se foeminas conspexisse; causamque expiscatum didicisse, quod uni id deberetur inoculationi. *Voltaire* omnesque pene alii, ore id uno confirmant. Sed quæ ad commendandam insitionem undique congeruntur, utinam omnia vera essent! *Voltaire Lettr. Phil. XI.* ut rem certam, imo famosus in inoculando *Timoni*, ut testis, oculatus, asseverant *Thracibus Muhammedanis* acceptam adeo insitionem videri ut eorum

Ma-

Magnates eandem suis, mox ubi ablactati sint infantibus, instituant: cum tamen certo constat *Turcarum* neminem unquam infectionem hucusque admisisse.

Unde si testes liceat cum testibus conferre, tota forte mutabitur sententia. Eruditissimus & exactissimus *Tournefort*, *Voi. du Levant. Epist. 18.*, Georgicas foeminas quod attinet, cer-
 te ipsas nos veneres visuros, fide [Auto-
 rum arbitrati, invenimus illas, quibuscum
 nobis agendum erat, haud inamoenas quidem,
 sed minime pulchras --- ut neque etiam foeminas
 civicas. Ut meritissimo jure conclu-
 dam id asseri posse, quod Historici peregrina-
 tores suum ludere ac fallere lectorem vo-
 luerint, Georgicarum jactantes venustatem.
 R. R. P. P. Capucini una nobiscum sentie-
 bant, potius, quam peregrini scriptores, re-
 rum gnari, quippe qui *easdem foeminas*, ut
 sordido fuce, quo facies sibi suas illinirent,
 abstinere vellent, longo jam tempore inca-
 sum hortati essent.

CAPUT XIII.

De Herniis.

Hernia incarcerata quotannis homines plures in Austria perimit : & licet fumus Tabaci dexterrime adplicatus instrumento , quod prioris anni dissertatione indicatum fuit , vitam pluribus servaverit , non servavit tamen omnibus . Quorum casus adnotasse æque juvat , arti æque confert , quam fortunatorum meminisse : en igitur memorabiles binos !

1757. Aprilis tertio, tertio morbi die, obiit mercator 20. annorum , cui a biennio Hernia inguinalis inculpate gesta , triduo ante mortem incarcerata fuit. Herniotomiam pertinaciter recusavit : tabaci fumus nil ipsi profuit . In cadavere Hernia adparuit inguinalis phalangem pollicis primam mole æquans . Saccus Peritonæi , ope cellulosæ membranæ , arcte undique cum integumentis externis concreverat . In ipsa Hernia Omentum cum Sacco Peritonæi arctissime , lata fortique concretione , coiverat . Intestini Ileï ad pedis circiter a valvula Bauhinniana distantiam portio , dimidia suæ diametri parte , intra Herniam erat , reliqua vero sui portione in abdomine ; non accreta aut omento , aut sacco suo . Loco autem suæ in annulo constrictionis striam impressam gessit , tota
in

in sacco gangrænosa, minus in abdomine. Ipse quoque Peritonæi sacculus gangrænosus.

Hernia ergo Omenti inculpate gesta biennio, causa præsumenda fuit Herniæ Intestini, tri-duo ante mortem contingentis. Operatio Chi-rurgica Herniam omenti difficulter, eam In-testini facile, curasset; dum, reposito intestino, instrumentum idoneum, seu Brachierium, ne recideret, adplicuisset: ejusmodi enim com-pressionem Omentum commode ferre multa ex-empla docent. Sed mira quam machina sumus! Media pars intestini in Hernia intercepta est, altera in abdomine libera, & tamen inde mo-rimur. Quid ita? a morte omnia flaccescunt; in vita autem videtur portio intestini libera a portione altera, vehementer compressa, simul spasmodice constricta fuisse, adeoque omne per intestinum iter penitus occlusum. Quin nec-dum spasmus plane solutus erat. Evidenter id docuit intestini, a loco compresso, ad *Tulpii* valvulam, vacuitas; dum reliqua intestina omnia vehementer turgerent. Hanc Herniæ speciem *Heisterus*, & Chirurghi *Acad. Reg. Par.* pluries notarunt.

2. Fœmina annorum 49. commodam a bien-nio Herniam, quæ quoties prolabebatur, spon-te retrocedebat, gessit: Strangulabatur vero pars 1. Aprilis 1757. Auxilia omnia artis, repetita fumi Nicotianæ injectio, profuere ni-hil. Propositam sæpius Herniotomiam ægra recusavit pertinaciter. In 10. morbi diem pro-tra-

tractis miseris, obiit. Omnis tensio, cuncta partium durities in cadavere aberat. Quatuor diversas crassasque tunicas perfcindere, ac solvere oportuit, antequam ad saccum Herniæ pervenerimus. Non insuetum hoc; vidi ultra viginti varias membranas solvi oportere, antequam ad verum Herniæ saccum perventum esset. Saccus porro in hac fœmina perfcissus, ne aquæ quidem guttulam fudit; quæ aqua alias operantem convincat, se saccum peritonæi penetrasse. Omentum prodigiosa portione cum sacco concretum erat. Intestini Ilei portio integra in Hernia intercepta, accreta nullibi, ad duos cum dimidio pedes a valvula Bauhiniana.

Igitur Hernia Omenti toto biennio videtur adfuisse, ea vero intestini per vices duntaxat; ultimis vero decem diebus strangulata. Cohæsiō firmissima Omenti, tunicarum numerus, intestini libertas, absentia symptomatum, id ita credere suadent. Operationem tunicæ multiplices difficiliorem, ac diuturniorem, reddidissent; defectus in sacco aquæ, incertiorem; Omenti repositionem, impossibilem; Intestini, facilem. In hoc corpore iterum observavimus, æqualem, densam, flavam, crustam, fere omnia inflammata intestina penitus contexisse.

Liceat ob rei affinitatem hic tertiam adjungere histortam. Homo 74. ann. in Nosocomio Civico habitans, febre ac tussi afficitur. Optimus Nosocomii Physicus voluit debitam gere-

re ejus curam . Patiens vero renuit ; vixisse se
fatis , vitamque annosam suam adhuc protra-
here velle indecorum esse arbitratus ; quare &
paucos intra dies attigit metam . Cadaver ad
me delatum , Herniam enormis magnitudinis
ostendit , quam in suo Nosocomio nunquam
indicaverat , cujusque nulla unquam ibidem
symptomata perpessus erat : quo enim morbo
periit , nullam is habuit cum Hernia similitu-
dinem . In sacco Peritonæi maximo hærebat
portio sesquipedalis Intestini Ilei , una cum suo
ultra quatuor digitos alto Mesenterio ; præte-
reaque totus quantus Cæci saccus , cum suo
vermiculari processu : processus vero hic inti-
me fuit cum Mesenterio , & cum Ileo , con-
cretus . Aderat denique & Omenti portio , quæ
nullibi ad intestina , arctissime autem ad Pe-
ritonæi saccum , adnata . Hiantem admodum
annulum dudum a Natura factum conjicimus ,
hinc hominem pravis caruisse symptomatibus .
Forſitan Omenti Hernia dudum adfuit , eaque
intestini olim sæpe intravit , exivit ; a longa
tamen die intestinum suum ultra saccum non
reliquisse videtur , eo quod vermicularis pro-
cessus cum variis Ilei voluminibus , Mesente-
rioque , intime coivisset . In situ enim , quem
in ventre intestina obtinent , talem concretio-
nem fieri impossibile foret .

Ponamus hunc hominem olim ab Hernia ,
licet non strangulata , metu duntaxat future
incarcerationis , radicitus curari voluisse : quid

hic futurum fuisset? Commoda fuisset operatio, & reductio facilis, saltem intestinorum; cum ea nullibi annexa, & adeo hians annulus. Brachierium amplissimum locum forte claudere, ne relapsus fieret, potuisset; at vero firmissima illa non solvenda concretio Vermicularis processus, dolores effecisset, & spasmos, & vomitus, & febres, & denique mortem: quæ omnia aberant, quamdiu omnes hæ partes, sic apte collectæ, in sacco hærebant.

Ex omnibus patet, Herniotomiam utilem, imo necessariam esse, maxime si Chirurgi in ea frequenter peragenda dexterrimi sunt: qualem sane laudem Chirurgis Haga-Batavis multis debeo: attamen casus dari, ubi & anceps, & inutilis, imo & noxia, esse possit.

Cæterum quantus hominum numerus me quotidie inter pauperes accedat, qui Herniis laborent, omnem pene fidem superat. Ita ut Medicorum, ac Chirurgorum industria, studiumque, hinc excitetur oporteat, quo demum artem hernias tum palliative, tum curative tractandi egregie possideant.

C A P U T XIV.

Nonnulla de Tympanite & Ileo morbo.

Qui me pauperes quotidie consilii causa adeunt, Tympanitem multi incusant, sca-

scatentque mentione ejus monumenta scriptorum . Morbus est multa externo adspectu consimilia cum Hydrope ascite habens , sed in eo potissimum illi dissimilis , quod venter in illo rite examinatus fluctuationem aquarum denotet , in hoc vero percussus instar Tympani resonet : quam ob causam & id nominis est adeptus . Conveniunt eo usque Autores : sed in vera ejus natura determinanda , assignandaque vera ejus sede , titubantem non firmant Lectorem . Unde , antequam propriam meam experientiam afferam nonnulla præfari oportet .

Hipp. Coac. præc. Num. 458. & Aphor. 4. Num. 11. de Tympania loqui videtur *Hydropis siccae* adpellatione . Veram autem ejus significationem ex eo , ejusve interpretibus , imo ne ex ipso quidem *Galeno* , habemus .

Celsus Lib. 3. Cap. 21. componi hujus morbi materiem ex aere censet commisto cum aqua : utrum vero in cavo abdominis ejus sedes , an in intestinis sit , haud determinat . *Aretæus* sedem cavo in abdomine ponit , materiem nunc aquam , nunc spiritum , vocat. pag. 43. 49.

Goræus Des. med. p. 477. materiem credit flatus esse , qui nubiloli fiant : unde non merus aer , sed cum aere mistus humor sit . Quo vero in loco hæret , non definit .

Hollerius comm. in Aph. & maxime Libr. 1. de morb. intern. cap. 39. in Scholio vix a *Goræo* differt . *Dodonæus obs. med. cap. 28. & in Schol. ad Beniv.* Tympaniam duplicem agnoscit : al-

teram acutam, ut in Ischuria, & Colica clausa pertinaci; alteram vulgarem, quam non explicat.

Quicumque præterea autores a *Boneto* in *se-pulsoreto anat. tom. 2.* & a *Mangeto* *Bibl. med. tom. 2.* laudantur, ii omnes quoad theoreticam. & pathologicam expositionem, nihil lucis conferunt.

Boerhaavii aph. 1226. & 1251. Materiem ponit aera esse, sedem vero vel in cavo abdominis, vel in duplicatura Peritonæi; (quam duplicaturam primo tempore suo adhuc cum cæteris admittebat) vel in dilatatis glandularum cavis; idque duplici modo: 1^{mo}. a rarefacto vapore humoris extravasati, aquæ nimirum, aut puris, aut ichoris. 2^{do}. ab aere, per membranas intestinorum putrefactorum perforatas, in cava dilapso; qui idem, dum retroire non posset, calore corporis rareficeret.

De Gorter in Aph. Hipp. Sect. 4. Num. 11. credit posse in Mesenterio suppurationes fieri, effundique materiem in cavum abdominis, quæ putrescens aerem perpetuo generaret, dum pus copiosius interea fluere pergat.

Riverius, Sennertus, Forestus, aliique boni autores, modo explicant antiquo. Solus *Duretus* adnot. in suam enarr. in *Holl. locum.* mox laudatum, ut *Boerhaave*, & *de Gorter*, materiem modo flatum esse definit; sed in eo ab omnibus discrepat, quod sedem mali non Abdominis, sed intestinorum ac ventriculi cavum, fere semper esse statuatur.

Visis his, quæ de hoc morbo theoretice scriptata sint, consulenda est Anatome. *Schenckium*, *Bonetum*, *Mangetum*, aliosque casuum anatomicorum collectores, consulentes, invenimus ex innumeris historiis allatis id colligi oportere, quod materies morbi raro aqua, paucissim aer esse inventa fuerit; sedes autem vix cavum abdominis, sed potissimum expansa intestina & ventriculus, sit reperta. Hæc, inquam, omnes casus descripti clamant, paucis exceptis, qui ut aliter exponuntur, ita etiam, ob dubiam enarrationem, eodem, quo priores, modo, exponi possunt. Si nunc his addamus omnia, quæ doctissimus, deque re medica ac chirurgica bene meritus, *Littre* habet *Mem. Acad. Reg. sc. Par. an. 1713. in 8. a pag. 314. ad 324.* demonstratum fere habemus, Tympanitem esse aeris collectionem in ventriculo intestinisque extensis: inventa paucis duntaxat in corporibus aqua in cavo abdominis, quod ob cachexiam universam neque mirandum,

Dabo nunc, quem promisi, casum. Homo tympaniticus a triennio, gravi demum Ileo, seu Miserere mei, affectus, in Nosocomium nostrum inducitur. Imminentis mortis probabilem certitudinem vix ipse potuit persuasam sibi habere, eo quod idem malum, cum ipso vomitu stercoreo, singultu gravi, virium dejectione, trienni spatio bis perpeffus, tamen in vivis mansisset. Adplicatis incassum omni-

bus, ipsoque Nicotianæ fumo, intra triduum expiravit.

Inciso abdomine invenimus ad septem circiter pollicum distantiam a principio Recti, coarctationem firmam Coli intestini, veluti circumductum filum id arte constringeret. Ad hanc constrictionem tota excrementorum moles, potuumque, & aeris, sistebatur. Sub constrictione Colon gracile, Rectum non expansum. Cæterum colon integrum a parte constricta, ad Cæcum usque, hic brachium, illi femur, hominis adulti, amplitudine æquabat; ipsaque tenuia intestina omnia, ut & ventriculus, duplo, triplo, naturalem diametron superabant. Diuque quod durasset Tympanites, nec sufficienter extendi venter potuisset, Thoracis mutata figura fuit: ita quidem ut latiorrem illum & breviorrem fecissent costæ quatuor superiores, fere ad se invicem adductæ; Octo inferiores, elongatis incredibiliter musculis intercostalibus, omnino extrorsum ductæ. Gibboque in carnosus suis partibus Diaphragmate ad quartam superiorem costam pertingente, & sterno inferiore extrorsum valde incurvato, Thorax cum compressis pulmonibus, & parvo corde, incredibile quam arctus! abdomen eandem ob causam quam amplum esset!

Quantum ex historia mali colligere datur; in primo morbo Ileo, quem homo triennio ante mortem passus erat, inflammatio nata ea in Coli regione fuit, in qua nunc callositas,

& con-

& constrictio, a morte inventa est. Et cum diu, pertinaciterque, alvus ipsi tunc temporis clausa esset, intestina ita extensa fuere, ut Tympaniæ speciem præ se tulerint; eamque quod deinceps soluto morbo elasticitatem & vim contractilem non recuperarent, semper servaverint. Quum sedes mali primi adeo proxima ano esset, videntur enæmata crebra eam tunc temporis ita solvisse, ut substantia quidem Coli vitata manserit, transitus vero aliquis materiæ intestinis contentæ daretur. Mansit tamen causa Ilei proegumena; ita ut secundo, nata quacumque de causa nova constrictione, novus Ileus cum omnibus suis teterrimis symptomatibus prognatus sit: simulque ex iterato Ileo aucta iterum fuerit Tympanias. Tertia vero vice, cum gangrænam expansa intestina minarentur. Ileo succubuit homo.

Confirmat hic casus manifesto id, quod ex omnibus sectionibus cadaverum supra conclusi, de sede, materieque, mali; præbetque morbus ita consideratus facilem intellectum medicum.

Verum hinc necdum difficultatem solutam videmus, quam contemplatio valvulæ dictæ *Baubinianæ*, seu *Tulpianæ*, parit; quum prorsum, quando obex in Ileo hæret, impedire videatur, ne ex Colo quidquam in Ileum re-meet.

Doctissimus Morgagni adv. 3. Num. 9. &c. dubitat de veritate relationum *Matthæi de Gra-*

dibus, quibus fertur, enemata non inodo, sed & suppositoria, eaque filo circum anum ligata, abrupto vi filo adscendisse, valvulam superasse, ore ejecta esse. Quidquid de his historiis sit, id saltem *Hipp. Lib. de salubr. vict. rat. Edit. Fœs. pag. 374.* enarrat, id experientia continuata demonstrat fœces ex ore quandoque pauca, aliquando magna exire quantitate; deinde enemata ipso ore ejici non est quod negemus. *Ill. Praeses ad Aph. 960 Boerh., Clyst.* „mata, inquit, vomitu excussa fuerint, uti „certissime in Ileo factum novimus; nam & „probatissimi Autores hoc observaverunt, & „ipse manifeste vidi”.

Quum hæc ita se habeant, duæ vix superabiles quæstiones moventur; quarum prima petit, qui unquam hujus valvulæ resistantiam superent fœces, aut enemata: cum eadem etiam in denatis tantæ resistantiæ sit, ut neque aquam, neque flatum, transmittere soleat? Altera quæstio est, qui fieri possit, ut obice insuperabili in intestino tenui transitum denegante, enemata tamen transiisse observata fuerint.

Ad primam difficultatem solvendam plures varia tentamina edidere. Viri in arte celebres, *Bianchi, & Mangetus*, valvulæ, ut valvulæ, functionem negaverunt, remque publica cadaverum demonstratione se confecisse putarunt. Verum hos adeo evidenter refellit *Clariss. Morgagni. adv. 3. Num. 9. 10. 11. 12. 13.* ut nulla eorum erroris dubitatio supersit. Vidi Clarissimum

num B.S. *Albinum*, meum æternum venerandum in physiol. anat. & chirurgicis Professore, de industria hanc valvulam ita præparantem, ut præcise referret id, quod *Bianchi* voluisset, sed ejus simul errorem indigitabat. *Albinum* imitatus, idem præparatum Auditoribus meis ostendi, in quo videre, sine adparente partium læsione, sed modo nimia mundatione, valvulam fere disparuisse. Sed ex vitiosa præparatione cum nihil concluditur, totum hoc *Bianchi* & *Mangeti*, argumentum corrui.

Altera explicatio est eruditi *Haguenot*, cujus hac de re dissertatio habetur in *Mem. Acad. Reg. Scient. Par. anni 1713.* ad finem ipsum illius tomi; insertaque invenitur ab egregio *Haller* in *Disp. anat. Vol. I.* fere in medio, defensa *Monspeli* 1715. Credit ille Auctor quantitate liquidorum, enematibus injectorum, ita Colon & Cæcum extendi, repleri que posse, ut apertura, valvula alias claudenda, nunc ampliorem circumferentiam habeat, quam ut valvula eam ultra expleat: unde fæces cum enematibus, imo cum suppositoriis, facile in Ileum transire possint, tumque evomi.

Hæc *Haguenoti* sententia quandoque potest locum habere. Erat enim in nostro Tympanitico ejusmodi valvulæ *Baubiniane* conditio. Aucta quippe Coli, ac Cæci, Ileique, ita diameter fuit, ut valvula ne tertiam forte aperturae partem tegeret, suoque ideo fungi munere non posset. Hic igitur casus cum *Haguenoti*
idea

idea convenit. Eo semel posito, facile ego expono fœcum ex Colo in Ileum transitum, eandemque vomitum; cum obex, Ileum efficiens, in Coli fine, Recto proximus, hæreret.

Sic inquam, ego meum easum commode explico: qua vero ratione se hic *Haguenotus* extricet, non video. Namque felibus ac canibus suis, vulnerato abdomine, Ileum intestinum filo circumstrinxerat, vulnus consuevit denuo, exploraturus utrum universo peristaltico motu, quod omnes censent, an vero solo motu Diaphragmatis, & abdominis musculorum, quod ipse asserit contra omnes, vomitus obtingeret. Mirabile prorsum doctissimum virum id præterisse, quod licet modum utcumque explicaret, quo immissa enemata & suppositoria valvulam Cæci transeant, filo tamen constrictum Ileum iisdem necessario transitum negare deberet. Hanc totam impossibilitatem prætervidit; non enim Colon ligavit, sed Ileum.

Tertia explicatio est egregii *Hales*, *Exp. 25. hæmast. anim. Num. 1. & 3.* Duplici exemplo evincere annitur quod valvula hæc enematum frequenter, facileque, superetur: utroque enim exemplo, elutis primo fœcibus, aquam ex Intestino Recto ad usque Pylorum duxit. Verum animadvertimus id mortuis in canibus facilius, quam vivis in hominibus, effici posse: secundo, id experimentum hæud vulgari enematum ope, sed tubo in Rectum inserto ita

factum esse, ut in priore cane aquæ altitudo perpendicularis in tubo esset 5. pedum, in posteriore vero 18. pollicum. Hinc demum advertit aquam guttatim valvulam Coli transivisse.

Equidem *Hales* problematice concludit Medicorum fore, ut in desperatis enemata ejusmodi excogitarent, tantarum quæ virium essent, tantaque de altitudine injicerentur, ut superare valvulam possent, inflammato dein loco mederi, ipsumque obicem liquefacere.

Sed dico, quod mox agebam; hæc experimenta mortuis in canibus facta videntur; ubi omnia flaccidiora, adeoque ad experimentum aptiora sunt, quam in viventibus. 2. Passim & in mortuis hominibus ea invenitur ad hanc valvulam resistentia, ut aer, aut aqua, vix summa vi queat transprimi ex Cœci sacco in Ileum intestinum: unde forte firmioris fabricæ in hominibus est, quam in canibus. 3. *Hales* non scribit quibusnam in canibus experimenta fecit? Forte tenellos catulos sumsit, recenterque natos. 4. An certus fuit aquam Recto injectam eam esse, quam ad Pylorum reperiret? si, ut ait, in crassis intestinis invenerit fœces, necessario in superioribus, semicocta materies, & chylus adfuit, per quam debuerit aqua transire, vix, imo nullo modo, a chylo distinguenda: hinc egregius ille Ecclesiasticus forte deceptus fuit. 5. Aqua guttatim valvulam transeuns, in præcipite hoc morbo fere nil opis videtur

al-

allatura . 6. Homo in hoc morbo jaëtabundus per lectum , vix tamdiu tranquillus jacet , ut commune enema excipiat ; quomodo ergo sustinebit lentam hanc operationem ? 7. An tubi diuturna adplicatio non excitabit tenesmos in Recto , quibus operatio turbetur ? Tamen *Hales* tantæ est in physicis autoritatis , ut vana dixisse vix credatur . Experimenta igitur repetenda & in canibus , & in hominibus , forsan videntur .

Saltem proposita manet hucusque circa valvulam difficultas . Hæc ergo si manet , & quidem ita , ut non nisi rarus Tympaniticorum casus , qualis ille nostri erant , transitum per eandem concedat ; an vomitus fœcum , toties in Ileo morbo observandus , non sit incomprehensibilis ? Neutiquam . Pluries enim jam publice Auditoribus demonstravi , reperiri veras fœces stercoraceas in Ileo intestino ; manifestius vero nunquam , quam 10. Dec. 1756. ita ut ad distantiam 3. pedum , ac. 2. pollicum a valvula Tulpiana , iterumque ad distantiam 3. pedum & 8. pollicum , crassum stercus alvinum , consistentia , colore , fœtore , ab omnibus prehenderetur . Aliis vicibus demonstravit etiam liquidam illam materiem , quæ a valvula coli incipiens per aliquam Ilei longitudinem continuaretur , fœces fœtore referre .

Rem hanc evidenter demonstrant denatorum post hernias suffocatas examina . Stercoreos vomitus passi , exhibent sæpe Ileum in hernia

æque strangulatum, quam in vita fuerat. Cum autem nulla via a colo in ventriculum patuerit, feces evomitæ ex Ileo prodiisse necesse est. Hinc nulla videtur difficultas esse in fecum exponendo vomitu, clausa quamvis coli valvula maneat,

Sed altera quæstio antea proposita, cur enamata & suppositoria ano immissa ore reddantur, obice intermedio viam intercludente? Hæc inquam, majorem difficultatem parit. Paucis tamen respondebo impossibile videri, ut contingere id queat. Porro si enemata ore reddantur, obicem utcumque removeri necesse est. Removeri autem illum posse arbitror, quando gangrænosa intestini diathesis nasci inchoat, ita ut constrictio laxetur, utque aer in intestinis contentus omnia extendat, ventremque tumidum reddat. Extensis intestinis omnibus ab aere, magis magisque in loco calido se expandente, etiam apertura Ilei ad Cœci ingressum grandescere potest, ut valvula illi claudendæ non sufficiat. Via igitur nunc patula est. Sed jam æque ad inferiores, quam ad superiora, exitus pandit. In systemate doctissimi *Hague-noti* oporteret nunc æque, imo magis, ad inferiora viam affectare, quam ad superiora. At tamen non per inferiora, sed per superiora, enemata ac suppositoria exitum moliantur. Ergo non solus Diaphragmatis, & abdominalium muscutorum motus reciprocus, sed quidam adhuc in incipiente Gangræna Intestinorum su-

per

perstes inversus peristalticus motus, omnia nunc ex iisdem per superiora ejicit. Summum vitæ discrimen hic adesse, imo mortem fere certam, facile quisque videt.

Quid si in tali statu nec vomitus, nec alvus adesset? Cum gangrænosa intestinorum dispositio hanc quietem faceret, mors staret in procinctu.

Si vero vomitus cessaret, & alvus fluere, quid tum? Si notabilis gangræna occupat intestina, alvus illa nil designaret, nisi paralyzin intestinorum, & ipsius Recti: mortem proinde jamjam futuram.

An omnis stercoreus vomitus mortem infert? Passim. Tota id antiquitas, omnesque recentiores, centenis ex casibus, concludere debuerunt. Exceptiones tamen regula generalis habet. Nam 1^{mo}. Nostri tympanitici, post tertiam demum vicem morientis, historia contrarium docet. 2^{do}. *Garengeot in Acad. Reg. Cbir. Par. in 8. edit. tom. 1. p. 3. pag. 355*: ab Hernia intestinali in foramine ovali ossis Ischii & pubis, cum vomitu stercoreo, scribit se foeminam integre restituisse. 3^{tio}. *Bonetus Med. Sept. Tom. 1. Lib. 3. Sect. 15. Cap. 29. 30. 32.* homines tres curatos refert ab Ileo, cum simili vomitu, cum singultu. 4. In famosa historia *M. de Gradiibus* legitur postea restituta salus.

Ratio potest esse triplex. 1. Potest casus esse in aliis, qui nostro in tympanitico fuit. 2. Potuit materies esse ea, quæ supra locum ob-

stru-

structum in Ileo, quæque supra demonstrata fuit stercorea esse, dum tamen posthac vel arte, vel natura, morbus solvitur. 3. Vel ut alibi observatur inceptam gangrænam sisti, & a vi vitæ superstite languentem hanc partem resuscitari, ita & in inchoante gangræna intestini forte nonnunquam contingit.

Nunquid Tabaci fumus non transit valvulam Cæci, ut ad obstructum in Ileo locum perveniat? Dubia res est. Est equidem subtili ac penetranti huic fumo plus quam aliis corporibustribuendum; sed Cap. 13. invenimus Ileum penitus collapsum & angustum inter herniam, & valvulam, post injectum sæpissime fumum. An aer copiosus, & densus, compressusque, in Cæco præsens, non impedit, quo minus fumus penetret? Exit quidem cum vi ex siphone nostro, sed vis illa quatuor coli flexibus imminuitur, frangiturque. Et si ex eo perveniret, an irritatione annulum non constringeret, ut valvula locum arctius clauderet? An hic fumus eos modo liberet, quibus est in Colo obstaculum? Plura experimenta erunt consulenda antequam certi quidquam statuatur.

CAPUT XV.

De Nonnullis Infortuniis Nostreis .

DE felici quorundam malignorum morborum cura cap. 10. & 11. , egi ; de infelici vero , in qua nostra nos ars plane defecerit , impræsentiarum agam : quibus demum historias addam , quæ abunde demonstrent , summam Medicorum attentionem in rebus adversis & infortunatis , viam ipsis ad magnam curandi fortunam sternere posse ..

11. Jan. 1757: filiam 16. annorum Parentes ad me adducunt , cui elapsis duobus ab illinc annis fauces doluerant . Inspicientes illi , præter rubram , eandemque transversam , in Uvula lineam , nihil deprehenderunt ; mensibus vero tribus postea , punctula parva , granorum milii instar : postquam uvula sensim destructa , deglutienda per nares redierant .

Ubi annum agebat morbus , utraque narium ala induruit , sinistra autem , superiore sua parte , mox infra Canthum majorem oculi , tumuit magnopere , iterumque subsedit . Fistula interim lachrymalis hac compressione nata , continuo stillicidio excoriaverat nasum genamque , Pustulæ dein duræ in superiore labio animadvertæ : Labium deinde universum exulcerabatur , naresque simæ , ut & exedi car-
tila-

tilagines cœptæ . Fœtorem autem nunquam aut puella, aut parentes, in parte percipere, spiritumque perpetuo ipsa potuit per nares ducere. Vox vero penitus perierat, ita ut quovis edendæ vocis sonoræ conatus frustra ederet. Porro puellæ parentes, ac cætera proles, fuerant semper, erantque, illibatæ sanitatis: ut & ipsi testabantur, & scripta ad me informatione pagi Judex affirmabat.

Accurato, & circumspccto examine instituto, nullam causam veneream potuimus suspicari. Dantur malignæ Aphthæ, de quibus egit *Sennertus*, & circa quas pulcherrima observata nobiscum communicavit *Ill. noster Præses in Comm. Cap. de Aphthis*. Sed temperies flaccida, acrimonia scorbutica, acida, omnis fœtoris absentia, hanc aphtharum speciem ægrius admittunt. Attamen acido-mucosa infantum temperies pessimas, ac diuturnas, in capite, facie, & alibi, exulcerationes progignit: an hinc igitur in hac puella phagedenicum ulcus fuit, quod materies partes molliores, mucosioresque, aggressa sit?

Remedia antacida, & antiscorbutica, salutaria in minus provecto malo, mihi hic debiliora videbantur; unde ad catholica quædam immutantia animum advorti. Granum dimidium Merc. subl. corr. cum unc. i. Spir. frumenti, quotidie dedi, epotis simul lactis & aquæ libris ana binis. Saturatissimo Lithagyii aceto loca externa ulcerosa assiduo irrorabantur

in principio : quod propter nimias inde enatas crustas repudiatum , ejusque loco unguentum nutritum , *sine corpore* dictum , illinitum est. Hinc intra 7. Septimanas effectum id , ut primo redirent vires sanumque cachecticotata puella nancisceretur colorem : secundo , ut cute , rubicundiore licet , renata , ulcus sanesceret : tertio , ut deglutitio iterum perfectissime perageretur ; quarto , ut in altam perfectamque vocem aphoniam mutaretur . Continuavi remedia eadem ad medium usque Aprilem , quando gaudium hoc rrisitissima scena excepit .

Febris 16. Aprilis puellamprehendit , cum symptomatibus febris variolosæ , quæ etiam ut talis tractabatur . Suspicionem futurarum variolarum nata , adesse illi propter consultationes aulicas , eo tempore quotidie adeundas , ultra non potui : sed doctissimus Medicus *Erndl.* pro ea , qua est , humanitate , suscepit in seipsum puellæ curam , Medicinæ Studio sis explicuit , & mecum quotidie super morbum contulit . Quamvis invisere eam ultra non potuerint , in pleno , tamen auditorio discipulis eventum tristem , si forte variolæ succederent , vaticinatus sum , eo quod eruditi sodalitates *Edimburgensis* Viri triste exemplum communicassent *part. 3. §. 1.* „ Nonnulli , inquires , qui „ mercurio curati , notabili adhuc tempore „ æthiope minerali utebantur , confluentibus variolis petebantur , ac peribant „ .

Quarto igitur morbi die variolæ prodierunt

con-

confertim, mox, & ubique, confluentes. Quinto die linguæ ac maxillæ spasmus, tetanisque, adfuit, per duas cum dimidia horas, eoque soluto, earundem, 4. horarum spatio, Paralysis: postquam sine ullo superstitite vitio hæc symptomata cessarunt. Die sexto maculæ rubræ videri cœptæ, crescere, disparere hinc inde, aliis redire in locis; quibus abigendis cum aliis adhibitis remediis Spiritus Vitrioli frustra fuit. Ptyalismus adfuit, & quod præter morem, saliva fœtuit, veluti si a Mercurio excitata fuisset. Cortex peruvianus undecimo die datus, non profuit: interiit decimo tertio.

Alterum infortunium enarrabo. Mense Junio proxime elapso puella octennis, universo corpore exæstuans, gelidam aquam affatim hauserat, Peripneumonia capitur. Quæ demissa sibi, penitusque neglecta fuit: decimo quarto die venit mater petitura consilium, medellam; gestans purillam brachio. Febris aderat suppuratoria, & jam tum leves inchoabant efflorescentiæ in facie, haud multum ab incipiente scarlatina abludentes. Quatriduo post, ablutis remediis, eam mater, summo mane, reduxit. Febris aderat tunc valida, Dysenteria, Eruptio scarlatina copiosa. Matri suadeo filiam propter evidens periculum finat in Nosocomio tractari. Concessit. Dum rem penitus introspicimus, idque microscopio, adparent inter Scarlatinas maculas & elevationes vera

dicta Miliaria alba . Quadruplex ergo morbus, ex æquo gravis, in puellæ perniciem collineabat: suppurans post inflammationem pulmo, Dysenteria, Scarlatina, Miliaria.

Ad vesperras ejusdem diei videbamur duas, tresve, veluti nascentes variolas, intueri. Altera dies veras, pluresque, in facie, collo, brachiis, conspiciundas variolas dedit. Ergo ad quatuor priores graves morbos quintus, die totius morbi 18., idemque gravissimus, accessit. Ill. D. *Mac-neveu*, Medic. Prof. Celeberrimus *Pragæ*, ibidemque studii medici Director, Exp. D. Medicus Nosocomii civici *Erndl.*, pluresque alii Medici, qui me, meumque auditorium, sua præsentia cohonestabant, meque ad lectos ægrorum publice disferentem sequebantur, mirum hoc spectaculum mecum admirati sunt. Prognosin absolute lethalem dedi, cum ne valentissimus quidem homo tot tantisque morbis ferendis esset.

Die 19. totius morbi, altera eruptionis variolarum, rubræ maculæ adparere, Urina penitus sanguinea, sanguinea sputa, Dysenteria cruenta: *Freind.*, *Mead.*, *Huxham*, consulentibus, ilico cotticem peruvianum dedi, accurate cætera; quæ ars in variolis jubet, exsequutus. Re autem ad diem 22. maxime urgente, sanguis ad meridiem missus est, phlogisticus totus; aliquot deinceps horis denuo missus, colore, consistentia, miscela, proportionem,

tionem, sanissimus. Sub finem ejusdem diei mortua est.

In priore casu cortex peruvianus morbi paulo faciliorem effecit tolerantiam, at vitam non servavit. An serius datus? In postremo casu maturius exhibitus, vitam quæ jamjam extinguenda videbatur, utcumque forte prolongavit, mitigavitque symptomata ita, ut ægra bono animo redderetur, viribus cresceret, & quamvis sanguinem alvo reddere ad finem vitæ perrexerit, eundem tamen ultra, post datum corticem, neque sputis, neque urinis, redderet.

Nunquid ergo in ipsa eruptione aut malignarum variolarum, aut aliorum exanthematum; imo nunquid in stadio ipso contagioso, si & Epidemia, & symptomata, malignitatem vaticinarentur, testarenturve, cortex non conveniret? imo dandus non esset? Cruda, quam profero, sententia; paulisper emollienda, ac sequentibus observatis maturanda erit.

Doctissimus *Westerbhoff*, *Poliater Haganus*, hanc circa corticem observationem habuit. Juniorem recens maritam dominam, tertio mense gravidam, febris vehemensprehendit ita, ut postquam deserbuisset penitus, insignem post se debilitatem relinqueret, metumque futuri abortus. Vespere, priore gravior, paroxysmus adoritur, a quo absoluto majus denuo virium dispendium. Unde ilico liberaliore dosi corticem præscribit. Redeunte postmodum adhuc sæviore paroxysmo, audaciorē dat corticis dosin.

dofin. Cum fequenti vero paroxylmo en! variolas discretas, fenfim admodum numerosas, faciles tamen, fuifque ftadiis commode decurfis, corpus fanum relinquentes.

Duo hic cafus docet. 1^{mo}. Contagiofam Variolarum febrim e genere poffe intermittentium effe. Talia inflammatoriis haud infueta prorfum. Pleuritidem inflammatoriam & fuppuratoriam, una cum *Ill. Barone van Swieten*, adhuc apud *Batavos* degente, in cura habui, febribus ac doloribus extra Tertianæ paroxysmum prorfum carente homine. 2^{do}. Corticem in violentiffimo ftadio variolarum contagiofo optimum fucceffum habuiffe, benigniffimas diffiffe variolas.

Sed en recentius quid, ac notabilius! 24. annorum fœmina, innupta, poft ancillariam multa admodum defatigata, 31. Julii proxime elapfo, febre corripitur continua, acuta: cujus fexta die puncta rubra in facie, collo, humero, pectore, adfunt. Die feptima ad nos deferter, nonnulla adhuc ejufmodi ftigmata rubra referens, Refpiratio difficilis, ficca crebraque tuffis morbum concomitabantur. Puncta rubra fenfim difparvere, ut die nono evanefcerent prorfum. Crevit interim morbus debilitate, anxietate, vomitu, fingultu, inque peffimam Hemitritæam verti die undecimo observabatur: fummo igitur imminente periculo, 12^{mo}. morbi die, corticis uncia data eft, ante futurum paroxysmum binis fuis tertiis abfumen-

menda. Sequens paroxysmus mitior fuit: ipsaque continua, cum omnibus suis pravis symptomatibus utcumque mitigata: eodemque jam die tria in collo Miliaria alba sub conspectum venerunt. Corticis usu continuato persistere hæc tria, transparentia admodum, ad 17. morbi diem; quando sensim per humeros, brachia, dorsum, jugulum, pectus, abdomen, copiosiora prodire: quæ maturius prodierant, maturius siccabantur; quæ vero serius, ea demum ad 26. morbi diem plane sicca fuere.

Porro hic notandum, quod Corticis ope, die ab ejus usu tertio, eo usque collapsæ vires resurgerent, ut & in lecto sedere, & extra eundem commode aliquamdiu degere, valuerit; die quarto extra lectum plures horas volupe transegerit; erumpentibus tunc Miliaribus sensim, & cum euphoria, magis magisque; & necdum media Miliarium parte exsiccata, suendo, confabulando, ambulando, tempus suaviter falleret. Contra eos, qui evacuationes criticas dari post Corticem negent, observavimus easdem hic alvo, urinis, hæmorrhoidibus, sudoribus. Id quod sæpius in Nosocomio observatum. Die 27. morbi vegeta omnino, & sana erat.

Igitur rubra stigmata, quæ sexto die, pridie quam in Nosocomium veniret, multa adfuisse aiebat, quorumque adhuc pauca secum in Nosocomium induxerat, maligni quidquam portendebant; quod ipsum exire cœptum,

maximam partem retrocefferat , nonaque die omnino disparuerat . Summum hinc vitæ periculum 9. 10. 11. 12. morbi diebus . Cortex autem mox periculum minuit , miliaria eduxit, vires optime restituit, omnes læsas functiones emendavit, critice morbum solvit, ut, continuato semper Cortice, die morbi 27. perfecta salus adesset .

Quid nunc ad datam prius quæstionem respondendum? Certe præstantia Corticis affirmantem responsionem, vel invito videtur extorquere. Attamen tantillum ab ejusmodi responsione danda abstinuerim, donec sequens annus Academicus absolutiora cum BONO DEO proferendi dederit facultate.

Missæ igitur hæc ad tempus facio; sed enarratæ historiæ problemata quædam suggerunt, in transitu examinanda .

An inter Cutaneos acutos morbos affinitas nonnulla, quoad causas; unde gignantur? quoad effectus, quos edant? quoad methodum, qua curentur?

Unica sane in puella Scarlatinas efflorescentias habuimus, & Miliaria, & Variolas. Scriptores Medicos consulentes, eorum qui id ita credant, offendimus plures. Suspendo tamen sententiam, donec evidentiora edoctus fuerim; referamque modo, quæ scripserint alii, quæ ipse viderim .

Clar. Etmullerus Tom. 2. part. 1. cap. 10. pag. 347. edit. in fol. ex Michaële Historiam refert,

refert , qui ipſus ſceminam curaffet , quæ uno corporis in latere Variolas , Morbillos in altero gereret.

Sidobre Monſp. Doctor, de Variolis cap. ult. pag. 242. „ Aliquando , inquit , etiam „ Variolæ & Morbilli ſimul ægros afficiunt , „ & intermiſcentur ; ut aliquoties vidit avunculus meus : illud etiam elapſo anno *Monſpeli* obſervavi , cum *D^{no}. la Peyronie* , filio „ Chirurgo peritiſſimo , in puero cujuſdam „ piſcatoris Monſpelienſis, nomine *Nigot* , qui „ Variolis & Morbillis , uno eodemque tempore laborabat , & ab iis feliciter evaſit .

Diemerbroeck hiſt. 19. Variol. aut Morbill. laborantium , refert die Variolarum ſeptimo cuiquam Morbillos contigiffe : addit vero his modo , terve, in tota ſua praxi variolis ſe adjuñctos morbillos vidiffe .

Egregius Harris in obſerv. ſuis credit idem contigiffe optimæ Angliæ Reginæ Mariæ , Wilhelmi III. Uxori ; idque plus ſimplici vice in aliis obſervaffe ſe narrat . Sed Reginæ caſum rite expendenti , dubii quidquam ſuboritur , an præciſe res ita ſe habeat , quam credit Harris.

Cæterum varioliſ mox ſucceſſiſſe morbillos , morbillis variolas, exempla habent *Act. Phyſ. Med. Vol. VI. pag. 370.*

Adnotata præctica propria revolvens , invenio me hunc caſum anno 1738. habuiſſe : „ Puella habet confluentes variolas: hæc , ubi „ febris

„ febris postsuppuratoria efferbuerat , illico
 „ morbillis maxime epidemicis corripiebatur ,
 „ & moriebatur.

Deinde circa vernos morbos anni 1752. invenio hoc a me scriptis insertum : „ Promi-
 „ scue obtinent Variolæ & Morbilli. Sympto-
 „ mata sunt sæpe eadem : Oculos madidos ,
 „ semiconcretos, Linguam albam , Somnolen-
 „ tiam , Vomitum , Febrim , Delirium , &c.
 „ videas successive iisdem in ædibus occupare
 „ infantes ; quorum alii morbillis , variolis alii,
 „ laborare demum incipiant. Fere nulla fami-
 „ lia, ubi vel solæ variolæ, vel soli grassentur
 „ morbilli. Deinde aliis tercio , aliis quarto ,
 „ sexto , septimo, imo 14. die , ab inchoata
 „ febre prodeunt.

Cum ergo aut eodem , aut succedente mox tempore, varii omnes hi morbi simul grassentur, in eadem familia homines promiscue afficiant, eadem nonnunquam corpora varii simul infestent , similitudinem gerant symptomatum , adhibendaque vix differant cura ; nonne hinc credibile , quod origine , naturaque vix multum differant , sed vario potius modo , quo cutim afficiant ? varia , qua sanguinem mutant , ratione ? An vero quorundam natura diversa ?

Quæritur etiam an malignis in morbis omnis sanguis dissolutus est , maxime dum maculæ rubræ , purpureæque , cutim deturpent ?

Non videtur. Historiam sanguinis necdum
 ada-

adequate novimus . In hujus operis *cap. 6.* demonstravi sanguinem eodem tempore , eodem foramine , eodem jactu , de corpore profluum , portione sui alia dilutum , alia phlogistice concretum , adparere : ita ut oppositæ hæ ejusdem qualitates eodem simul tempore in corpore obtingant . Pluribus experimentis , etiam quibusdam in Nosocomio captis , constitit sanguinem die 14. 17. variolarum missum phlogistica crusta tectum fuisse , rubra parte compactum . Imo in puella , quam pluribus cutaneis morbis acutis eodem tempore afflictam mox contemplantur , sanguis paucis ante mortem horis missus inflammatorie spissus fuit ; hora vero ante mortem , ex eodem foramine impetuose exsiliens , laudabilis omnino colore , consistentia , miscela , proportionem . Deinde numerosi ad sanitatem redeunt , post copiosissimas petechias . Imo tres mihi noti casus reconvalescentium hominum , quibus in variolis purpureæ maculæ affuissent ; memineruntque similium historiarum Autores .

Videtur igitur putrida dissolutio a suscepto contagio in humoribus nasci posse , sed a vitæ viribus sive per omnia corporis excretoria , ut vocant , loca , sive per solam cutem , eliminari : ita ut reliquus in corpore sanguis bonus , minus saltem dissolutus , maneat : sin vero sanguis totus ita affectus est , tunc ab errore loci in nobilioribus partibus mors brevi timenda est : Itidem si materies prava ad cutem , vitæ

tæ viribus, deposita, iisdem denuo fatifcentibus resorbeatur, & aut reliquum sanguinem pessumdet, aut stamina vitæ destruat. Ita nempe puellæ nostræ contigisse videtur.

C A P U T XVI.

De Polypo.

IN cadaverum examine frequentissime polypos cordis, vasorumque majorum, invenimus, quamvis nulla ratio præcesserat, ob quam polyporum præsentiam suspicati fuisset; nullaque symptomata affuerant, quæ illos præfagiissent. Ad horum exponendam genesis ex multis, quos deteximus, unum prorsus singularem enarrabo.

Fœmina 28. annorum 10. Dec. 1756. moriebatur, quæ dimidio anno laboreverat mensium defectu, febribusque, nunc tertianis, nunc quotidianis. Cacochymica hinc facta, munus tamen ancillare, vires plane exsuperans, ne fame periret, prosequuta est, ultimo vitæ mense excepto. Polypus utroque in corde, sed potissimum in sinistro, maximam cavitatis cordis partem explebat, affixus ita cordis parietibus, ut cordis columnæ carneæ omnes per formata in Polypo foramina & canales transirent. Columnæ carneæ ergo integre erant, integerque Polypus: sed per forami-

ramina & canales in Polypo formatos columnæ transibant. Porro ut Polypus erat parietibus cordis affixus, sic & marginibus valvularum: ita ut valvulæ parumper modo, non vero usque ad arteriarum majorum parietes, reclinare se possent.

Duplex est species polyporum. Altera, quam dudum adfuisse, vivente homine, signa demonstrare: Debilitas & inæqualitas pulsuum, Cordis motus palpitans, manifesto percepta cordis ad thoracem pulsatio, anchelitus ad loquelam, motumque, debilitas universa, cacochymia, sæpe color faciei purpureus, iis in locis, ubi cutis deest, imo & aliquando per totas genas & frontem; polyporum in vita præsentium suspicionem formant. Altera species ea est, quæ adpropinquante morte generari videtur: utramque autem speciem eodem modo produci autumo.

Materies ejus spissum id, ac lardo simile est, quod cap. II. toties videbamus humano sanguini inesse, in eoque variis. generati de caulis. Sanguis utique noster æque forsan quidpiam solidum, quam fluidum, adpelletur. Nonne sola tritura perenni cordis, arteriarumque, servatur fluidus? an non a minima horum quiete extemplo solidescit? Steterit modo in vase, de vena secta, emissus, solida mox insula nascitur, quæ, dum phlogistica materia adest, vix transcendatur novacula. Si igitur a subito terrore, si a conspe-
ctu

Et rei horridæ, quies oritur in humorum circuitu; si quacumque de causa homo animo linquitur; sanguis in hac quiete solidescere incipit: ita ut sæpius, renatis quamvis vitæ viribus, debitum non recuperet fluorem: maxime quidem si vel a naturali diathesi, vel a causa adventante quacumque, densitas phlogistica adsit. Ut enim hæc in vase coalescit, a reliquis sanguinis principiis segregata, ita & in momentanea illa quiete in corpore humano suum nisum sequitur: & quemadmodum ampla patina ex vena exceptus, ut fundum modo tegat, crustam non format, sed modo ubi magno volumine colligitur, ita coalescit idem sanguis potissimum in cavis cordis, inque arteriis majoribus, ubi copiosior adest.

Sed præter stagnationem datur aliud, quo hæc massa polyposa nascatur. Si mox missum vena sanguinem corpore ramoso conquasso, polypum sensim formo, sive fictitiam dictam *Ruischii* membranam, quæ polypi perfecte æmula. Si exsiliensem de vena sanguinem lagena excipiens, mox lagena agitata conquasso, polypum jam, citra baculi ramosi opem, creo. Si in apertum vas exsiliensem de corpore sanguinem excipio, & ramulo mox a principio agito, intra pauca minuta crassissimam polyposam membranam conficio. Vid. hujus operis *cap. 6.* Si nunc contempleris quo pacto, in animi deliquio, conquassetur cruor inter cor tremulum, & tremulas sive valvulas,

las, five arterias, nonne sponte liquet polyposam inde massam nasci debere? Et, si homo inde moritur, & humores omnes nunc frigore aeris in cadavere coagulantur, nonne hæc inspissata materies corpus referre queat, quod cordis parietibus, marginibusque valvularum affixumprehendatur, & quod columnis carneis transitum præbeat, quas inter conquassata antea fuerat.

Ut nunc in frequenti animi deliquio intelliguntur hi polypi nasci; eadem ratione in vita illa pauca, ac minima, prope mortem, nascuntur; dum stagnans fere sanguis solo tremulo cordis arteriarumque motu conquassatur. Datque veram isagogen hæc contemplatio ad curam polypi, post animideliquia, post motus nimios &c. nascentis. Saponēs varii dissolventes hic indicantur, ipsaque cura, antiphlogistica dicta, sæpe malum solvit. Quosdam hoc anno læti salutavimus curatos, quibus per sesquimensē quovis mane unc. $\frac{1}{2}$ Rob. Samb. totidemquem pulpæ Tamarindorum & dragma nitri, cum bono haustu feri Lactis; vespere vero idem medicamen, sed leni paregorico mistum, dabatur.

Sed aliud polyporum genus hic explicandum est. Homo 6. die pleuritidis moritur. Sputa non ejecerat, sed materiem albam densam, oblongam, ramosam, arteriæ habentem figuram, præcise ut *Tulpius Lib. 2. cap. 13. tab. 3. & 4.* describit, figuræque exhibet: quæ
tussien-

tussiendo ejecta verum vas ab ipso credebatur. In pulmone hujus viri prudenter transscisso, invenimus ramulos asperæ arteriæ plenos tali materie, quam multam deinde, prorsumque ramosam, eduximus: Sedes hujus hujus in solo lobo sinistro inferiore fuit. Materies purulenta ex percissis vasis sanguiferis superioris lobi abunde extillavit. Materies similis transsudaverat ex lobo inferiore inque ejus superficie crustam flavam densamque formaverat, qua idem ille cum vicinis partibus arcte cohærebat.

Eadem ergo materies in vasis sanguiferis mista inveniebatur cum sanguine in arteriis pulmonalibus; eadem inventa est transsudando externam crustam formasse; inventa denique in cavis bronchiis, transsudando, stagnandoque, ramosa illa corpora produxisse. Apud *Haganos* famosus, & ab artis peritia, morumque probitate, commendatissimus Chirurgus, *Erasmus Dringberg*, longo tempore ramosos hos polypos tussiendo ejecit, ut ex epistola optimi Viri patet, quam *Clariss. A. Caarw Boerhaave* inseruit eruditissimo suo tractatui de *Persp. Hipp. cap. 12. pag. 115.* Consulendus & hic *Grietz ad Ruischium* & *Problematica Ruischii ad Grietium* responsio.

C A P U T . XVII.

*De Singulari modo Respirationis, &
Motus Cordis.*

INter causas incognitæ , ac sæpe improvisæ mortis , ab Autoribus refertur Pulmonum lata cum Pleura cohærentia *Boerb Instit. §. 835.* Tamen raro cadavera incidimus , quin firmas ejusmodi , easdemque latas , cohærentias observemus ; quamvis iidem homines , quos tum sanos , tum ægros noveramus , nulla signa præ sese ferrent , ex quibus hoc suspicati essemus. Pulmo utique in corpore sano exactissime semper pleuræ adplicatus , idque æque in expiratione , quam in inspiratione ; videtur his cohærentiis , pedetentim formatis , paulatim assuêscere , easque inculpate ferre . Sed quo pacto in describundo nunc casu motus vitalis peractus fuerit , haud capio . Dabo anatomen totam , cum totus homo singularia referret .

Erat 43. annos natus , rudiori assuetus labori , 30. abhinc annis spinam ventosam ad dextram claviculam passus ; quæ hucusque quovis biennio aut triennio recrudescent , festucas osseas ejicere solebat : cætera sanus .

Anni octo elapsi erant , cum a valido ligno resiliente femur *sinistrum* contunderetur , attamen sine ullo mali relicto vestigio peni-

tus sanesceret. Septem vero abhinc mensibus denuo gravi ligno sinistram coxam contusus, male habuit; bimestri tamen spatio Hortulani continuans labores, demum se quieti dedit. Postquam tumore *sinistri* femoris per sex menses male habuisset, disparuit tumor omnis, cessavitque dolor, & sensim femur *dextrum* tumere ac dolere inchoat. Hunc tumorem, mensis spatio passus, nobis exhibuit pure refertum. Aperto eo tres unciae puris effluxere, immixtus vero stylus sinuosum ulcus ostendit.

Postquam quatuor ab apertura diebus se optime habuisset, subita eum Perinipneumonia prehendit, pure quamvis rite ex ulcere fluente: hanc iterata missio sanguinis, penitus phlogistici, & idonea remedia, ad quartum diem egregie solverunt: ita ut cum respiratione non impedita, semper dein miti febre continua remittente laboraret, & appetitu perpetuo bono gauderet; donec demum colliquante Diarrhæa, ichoris ex ulcere effluxu, immobilitate affecti cruris, urinis denique tum colore, tum crassamento, fuscis, difficilique respiratione prægressis, moreretur.

In cadavere clavicula & tumens, & exesa hinc inde; cæterum nihil in tota vicinia mali. Os femoris *levum*, bis contusum, vera mali origo & sedes, integerrimum fuit. Os autem femoris *dextrum*, ad quod decem ante mortem septimanis materiæ metastasis facta erat, orbem periosteo totum, scabrum, & erosum;

Ace-

Acetabulum sine cartilagine, sine periosteo, sine glandula: ipsaque theca ligamentosa ad acetabulum magnam partem consumpta. In jejunō intestino suscepio notabilis quatuor pollices longa; multum quamvis corrugata, cum parte superiore in inferiorem prolapsa; mox parvæ duæ aliæ ibidem, binæque similes, sed inverso ordine, in Duodeno. Colon a dextro latere medium ventrem emensum, ubi se Hepati pluribus ligamentis affixerat, replicuit sese ad spithamæ longitudinem versus dextrum latus, indeque reflexum, lienem petebat, sub quo ingenti formato sacco, solitam deinceps viam absolvebat.

Thoracem rimatus, pulmones ita nexos inveni, ut simile quid nec viderim, nec legerim unquam. Nam non fuit in toto thorace, universoque pulmonum in ambitu; vel unicum punctum a cohæsione liberum. Quippe cohærebat Pulmo cum tota pleura, cum universo diaphragmate, integro cum pericardio, sternoque. Modus autem cohærentiæ adeo firmus erat, ut nemo nostrum, citra dilacerationem, vel minimam solvere portionem posset. Connektebat enim eosdem tenacissima, non dilatibilis; & ubi vi partes a se invicem distrahebantur, vix semilineam crassa, cellulosa, membrana. Imo toto sinistro in latere, tenacitatis cellulosæ loco; vera reperta sarcosis; veluti si pleura degenerasset in crassissimam carnem rubram, insertam alte in pulmonum substantiam,

ab eaque inseparabilem lobi quoque omnes inter sese eadem tenacissima cellulositate coivere.

Sed nihil mirabilius contemplatione cordis. Ut enim pericardium omni in puncto artissime unitum cum pulmonibus erat, ut jam dixi, ita interno pariete suo, ope ejusdem tenacissimæ texturæ cellulosæ, tam firmiter cum corde, ejusque auriculis, sinibus, ac vasis majoribus omnibus concreverat, ut solvere nemo, nisi lacerando, posset. Præterquam quod crassus sacculus, ceu nova genitura, Aortæ ad pollicem latum undique, firmiterque, circumcretus, & intime connatus, reperiretur. Cavum sinistrum cordis circiter solitam, dextrum vero vix quartam partem solitæ crassitudinis habebat.

Porro nemo nostrum vidit hominem hunc laboriose respirantem, cum 4. Martii hujus, quem vivimus, anni, circiter 50. gradus conscenderet, consilium, cum cæteris adventantibus pauperibus, petiturus. Nec vitiose respiravit quatuor primis diebus, uti neque post peripneumoniam curatam, nisi sub mortem. Respiratio tantum fuit naturali brevior, pulsusque naturali paulo celerior ac debilior, vix tamen inæqualis.

Homo ergo hic cohæSIONem habuit, cui forte similis non visa unquam: attamen non subita, sed lenta morte, cujus causæ aliundæ notæ, periit.

Sed

Sed consideremus jam actionem cordis. Cor hoc cum auriculis, ac sinibus, vasisque majoribus; intra pericardium plane immobile fuit; idque non partim ut pluries vidit, sed ubique locorum, concretionem valida, vi tantummodo dilaceranda.

Si igitur hic contemplemur totum thoracem, pleuram, diaphragma, pulmonem, pericardium, cor, vasa majora, mediastinum, non fuisse nisi unicum solidum, quomodo actiones viscerum vitalium horum explicabimus; Si quis cogitaverit musculosam osseamque fabricam thoracis dilatasse thoracem, aera in dilatatos pulmones intrasse, laxatis iterum musculis dilatantibus, thoracis capacitatem hinc imminutam aera expulisse, & hac ratione quandam exercitam fuisse respirationem; respondeo ejusmodi respirationem si possibilis fuisset, longe sane laboriosorem observari debuisset, quam eandem nos omnes in hoc homine observaverimus.

Sed præterea, quis cordis motum explicabit? An tota concreta massa dilatata, cor quoque dilatatum fuerit? Tunc semel modo in singula Respiratione impleri, ac depleri potuit; dum naturaliter quater, quinquies, in singula respiratione pulset. Sed homo habuit semper, etiam usque ad finem vitæ, pulsum celeriter, non palpitantis, sed evacuantis se cordis, argumentum. Si aorta arteria in singula respiratione semel modo dilatata & angustata fuit, cur per suos in carpo ramos potuit, v. g. in

febre peripneumonica, frequentes. producere pulsus?

Sane quocumque modo rem examino, volo, ac revolvo, non invenio nisi ubique insuperabiles mihi difficultates; cohærentia enim descripta notas cujaldam vetustatis habet, ob idque communes physiologicas regulas repudiat.

An ergo & præter; & contra, communes leges naturales, homo vitam vivere possit? Noster vixit, ergo potuit. Ecquis OMNIPOTENTI regulas præscripsit, secundum quas vitam conderet, servaretque humanam? Orbes terrarum innumerabiles condere potest, hominesque in iisdem producere, quos singulos vario modo condant, variis conservet in vita modis. Metimur nos naturæ leges ex consuetis observationibus; quas velit DEUS, has sequitur leges. Et quis demum ejus arrogantia, aut potius dementia erit, ut divinam potentiam ejusmodi legibus adstringere cogitet, circa quarum aut existentiam, aut intellectum, adhuc litigant Artis principes? *Hallerum* volo, *Werlhovium*, *Hambergerum*, *Albinum*, *Boerhaavium*, compluresque alios, quibus necdum inter sese de his legibus convenit. Homunciones nos! observata colligimus, legesque condimus ex iisdem; dum interim nos sæpe in observationis vel unicuique lateat, a quo vera rerum dependeat notities. Quis enarrat in quot quantisque rebus meridiem credamus, quam adhuc involvat nox aterrima? Aestum marinum, secuti

cuti *Newtonum*, tam clare suis percipimus de causis, ut qui Cœlum perlustraverit, Astra tetigerit, emensusque Maria fuerit, vix posset melius: & ne quid desit, calculo geometrico & algebraico abstrusum id in apricum duxisse videmur. Sed, quod dolendum, in hac nostra meridie magnus *Bernouilli* cæcutit, adeo ut acerbe conqueratur *Newtonianos* tanto suo molimine huic negotio parum profuisse: aliam porro viam capeßendam arbitratus, hanc patefacit candidus, hanc mathematice probat. Velimusne inire eandem? St.! Eruditione, judicioque clarus *Eulerus*, *Newtoni* obscuritatem, viamque, quam iniverit, & tortuositatis, & erroris, aperte criminatus; alias a *Newtonianis* & *Bernouillianis* leges detexit, easque, revocatis *Cartesii* vorticibus, mathematice demonstrasse visus est. Videtisne quam incerta sint, quæ pro certis habueramus, pro invictis, pro demonstratis? Nostra nobiscum Anima ita cohabitat, ut unum cum eadem Ens existamus. Ejus veluti primariam sedem, ejus proprium cum corpore vinculum, ac vitalis principii locum, modumque demum verum, quo anima & suam machinam gubernet, & ab eadem afficiatur; hæc, inquam, omnia Mortales intelligere, explicareque, se posse autumant: verum millenis ab annis, in hunc usque diem, circa hanc rem disceptatum fuit, sua cuique sententia est, sua quemque opinio trahit. Neque mirum hoc, cum quædam *Secunda* causæ nobis duntaxat pa-

terent , veras vero , primasque rerum causas , SUMMUS rerum ARBITER , quod earum notitiæ nos non interesset , nobis abscondere voluerit . Unde crediderim inutiliter quæsisse , vane quærere , fonte quæsiturum audax *Japeti* genus , quid Vitalium principium actionum ? quæ animæ sedes ? quis operationis ejus , passionisque , modus ? Resonat Europa Physiologorum hoc tempore clamoribus , veluti de hoc Gordio nodo plane ovantium ; interea dum experimenta , quibus ad sententiam tuendam utuntur , ab aliis repetita , prorsum aliud clament , contrariam inducant conclusionem . Adeo & in hisce , & in multis aliis , id saltem demonstratur , quod in sacris legimus , Eccles. Cap. I. *Cunctas res difficiles , non potest eas homo explicare sermone , & Cap. III. Vidi afflicti rem quam dedit DEUS filiis hominum , ut distendantur in ea . Cuncta facit bona in tempore suo , & mundum tradidit disputationi eorum ; ut non inveniat homo opus , quod operatus est DEUS , ab initio , usque ad finem . Et Cap. VIII. Et intellexit quod omnium operum DEI nullam possit homo invenire rationem , eorum quæ fiunt sub sole : & quanto plus laboraverit ad quærendum , tantominus inveniat . Etiam si dixerit sapiens se nosse , non poterit reperire . Tandem Cap. IX. Quomodo ignoras quæ sit via spiritus , & qua ratione compingantur ossa in ventre prægnantis , sic nescis opera DEI , qui fabricator est omnium .*

Si hæc dixit Salomon , qui Philosophiam
ab

ab ipso DEO edoctus erat, Lib. Sap. Cap. 7. *omnium enim Artifex docuit me, Sapientia; Cui dixerat DEUS Lib. 3. Reg. Cap. 3. Dedi tibi cor sapiens & intelligens, in tantum, ut nullus ante te similis tibi fuerit, nec post te resurrecturus sit; Qui differuerat, ibid. Cap. 4. Super lignis, a Cedro, quæ est in Libano, usque ad Hyssopum, qui egreditur de pariete; disse-* rueratque de Jumentis, & Volucris, & Reptilibus, & Piscibus. si, inquam, tantus ille Philosophus ita asserit, utique sana nos ratio jubet superba nos nostra contrahere vela. Sobriam imitemur, id est, veram sapientiam Salomonis, nos ita monentis; quam mire imitatus est Eminentissimus S. R. E. Cardinalis de Polignac, in Aureo suo *Anti-Lucretio*, destinato ad veram Religionem tuendam adversus Epicurum, Lucretium, Spinosam, Hobbesium, ejusque impiæ farinæ autores alios. Videatur Lib. 5. pag. 158. & 187. Lib. 9. pag. 358. & alibi passim.

Facta hac necessaria digressionem circa ea, quæ in hoc cadavere mirabamur, pauca dicenda supersunt. Quid sibi illæ susceptiones intestinorum? Hæ videntur spasmis sub mortem natis deberi; ut in alio casu hujus operis cap. 7. explicui. Qui de his plura, adeat Ill. *Præsidis comm. in cap. de infl. intest.* & laudatum ibidem tractatum egregii C. H. Velse, medici & Senatoris Hagani, candidi mei, æternumque honorandi amici, de *mutuo Intestinorum ingressu*.

Sed

Sed cur accubitu materiæ purulentæ ad finistrum femoris os, per integros sex menses, nullæ noxæ ossi illatæ; accubitu vero duorum cum dimidio mensium, destructio tanta, tum dextræ ossis femoris, tum omnis acetabuli? Forte in priore casu hæsit materia fasciam latam inter, musculosque; in posteriore immediate ad ossa. Forlan eadem blandior olim, resorptione acrior facta est. Forte non resorpta, sed per cellulositatem a sinistro femore in dextrum translata, eodem hoc motu acrior facta fuit.

C A P U T XVIII.

*Quædam de Pulmone innatante aut
subsidente in aqua.*

IN dubio Infanticidio solet vulgo ex pulmone, fundum aquæ petente, judicari infantem post partum non vixisse; eodem vero innatante, vixisse, respirasse. Observationes in Nosocomio factæ quandam hîc prudentiam suadent, ne peccemus. Ter enim, quaterve, jam demonstravi publice notabiles portiones Pulmonis Adultorum, in aquam injectas, fundum petere.

Etenim obstructiones, mucus copiosus, schirrhî, indurationesque pulmonum, reddunt eorum portiones, imo lobos integros, graviores, aerî impervios, ita ut etiam leviores cæterum
vici-

vicinæ portiones una deorsum trahantur : si vero gravior pars parva sit, in aqua a leviori sustinetur ; separata autem fundum petit . Plures nunc relationes , ad judicem factæ , argumentum habent ex abscissa portione pulmonis , innatante , vel submersa aquis . Nonne hinc in proclivi fit , ut fontes sceminæ absolvantur , fallanturque Judices ? Et si horis diversis , ob diversitatem jurisdictionis , a diversis chirurgis examen cum frusto pulmonis fiat , nonne hinc e diametro oppositæ relationes haberentur ?

Consultentes autores Anatomicos , similia detegimus . *Diemerbroeck* pulmonem Adultorum schirrosam vidit aliquoties aquæ fundum petiisse . *In hist. Ac. Sc. Par. 1733.* unius lateris pulmo integer innatavit aquæ , alterius submersus est totus . Ex *Zellero & Bobnio* patet tum vituli , tum infantis , post nativitatem respirantium pulmones , fundum in aqua petivisse , cujus causa aut mucus , aut valida in utero nata obstructio . Ita quidem ut aer non obstructam post nativitatem partem implevisset , obstructam minime .

Sed præterea vagit nonnunquam infans in partu , eo quod capite jam prædiens aeris inchoet usuram : deficientibus interim viribus matris , aut uteri orificio se arctius circum ejus collum constringente , infans ante nativitatem moritur . Pulmo hic innatabit aquæ , quamvis infans mortuus sit natus ; reaque infanticidii agatur , secundum leges susceptas , mater . Ca.
sti.

stigandæ ergo & emendandæ erunt regulæ artis ibidem loci, ubi adhuc more communi fiunt ad Judicem relationes; ne vel judicem fallendi, vel fontes absolvendi, vel infontes damnandi, evidens periculum incurrere pergant.

C A P U T XIX.

De Supputando Calore Corporis Humani.

Ingeniosissimi Viri *Fabrenheit*, & *Prins*, ut & omnium laude superior *Réaumur*, post *Torricelli*, *Galilæum*, *Drebelium*, *Paschal*, exacta nobis condidere thermometra, ad determinandum caloris humani gradum aptissima: Secundum hæc, omnia corpora non viva, non ignita, non in sphaera activitatis ignis posita, eo caloris gradu calent, qui obtinet ipsa in Atmosphæra. Ita ut Lignum, Lapis, Metalla, Sericum, Lana, Aqua, Vinum, Spiritus Vini, Alcohol, eundem inter sese, eundemque cum aere communi, calorem habeant. Quod vero res sæpe aliter nobis adpareat, ut dum v. g. hyeme ferrum politum longe frigidius existimamus, quam vestem laneam; vitrum, quam lignum; lignum politum, quam idem cariosum; id inde fit, quod noster natus calor eo, qui in Atmosphæra est, longe major, atmosphæram lanæ mox moveat, & communicatione sui majoris caloris, magis calefaciat:

sed

sed quod idem ille calor noster politas ferri particulas in ejus superficie non nisi tarde moveat, & cum frigido aere, inter ferri particulas reperiundo, non nisi lente sese communicet; forsan etiam quia tempore frigidissimo, spicula glacialia inter ferri particulas cito non moventur. Dum tamen metallum, politave alia corpora, adplicata diu calente manu tenemus, tepescunt sensim; susceptumque semel calorem servabunt diutius, quam corpora leviora, explicata de causa. Ipsa hominum, animaliumque cadavera, ut cætera omnia prius definita, quamdiu putredinem necdum inchoant, eundem habent, qui Atmosphære est, calorem. Quid nunc in Physica & Medicina conferat exactus caloris variorum corporum calculus, evidenter, ni fallor, is, qui *Boerhaavii* Dissertationem de igne, omnibus Physicis adeo laudatam, bene comprehendit; intellecturus est. Hujus ergo, laudatorumque antea virorum, vestigiis inhærens, datam ab ipsis doctrinam ultra promovere conatus fui, secundum proverbium: *Inventis addere facile*.

1^{mo}. Calorem hominis sani definiverunt 95. 96. graduum. Calorem hominis in frigore febrili jacentis a gradu 87. ad 94. ejus vero qui æstu febrili arderet a gradu 96. ad 108. & forte adhuc aliquid plus. Ergo recessus in frigore frigore minor, a puncto fixo graduum 95. 96 quam ab eodem puncto excessus caloris.

2^{do}. Calorem aeris atmosphærici statuerunt
sem.

semper minorem eo, qui hominis sani est, idque etiam ardente sirio. Quin prorsum impossibile esse, ut homo ejusmodi in aere diu vivere possit, qui suum ipsius æquaret; multo minus in eo, qui ejus proprium exsuperat. Rationes Physicas in Chemia *Boerhaave* dedit, *Cap. de igne Exp. 19. Coroll. 16.* „ Sanguis „ frigidior in arctos, elasticos, fortes, cana- „ les arteriæ pulmonalis, vi cordis dextri, „ atque molimine ingenti respirationis, pres- „ sus, ætiusque, necessario per unum pulmo- „ nem fertur copia æque magna, quam, eo- „ dem tempore; per universum corpus, om- „ nesque ejus partes, simul. Hinc igitur idem „ sanguis nulla in parte corporis usque adeo „ atteri, adeoque & calefcere poterit, quam „ in pulmone solo. Foret ergo calor illius „ homini intolerabilis, imo letalis. Verum „ aer, respirando ductus in pulmonem, est „ semper frigidior longe, quam hic sanguis. „ Et, per *Malpighiana*, sanguis hic in arte- „ riolas minimas fusus, quæ vesiculis pulmo- „ num tenuissimis adplicantur undique, per „ superficies ergo incredibiliter latas exponitur „ aeri, per omnia momenta temporis renova- „ to, adeoque semper frigido, unde sanguis „ ex se, in nulla iterum totius corporis pla- „ ga refrigeratur plus, hoc respectu, quam „ pulmone nostro.

3^{to}. A magnis in arte viris, quos inter princeps *Boerhaave*, decretum fuit, decremen-

ta hæc caloris in corpore humano, morborum tempore observanda minori deberi attritui humorum in vasa, vasorum in humores, particularum humorum inter sese: augmenta vero auctiori attritui.

Cum tantorum nominum debita veneratione, licebit propria observata enarrare, ex iisdem necessarias formare conclusiones.

Boerhaave, *Fabrenheit* apud *Boerhaave* laudato mox in corollario, *Hales* in *Hæmastatice*, *Derham Theol. Phys. cap. 2. Lib. 1. De Særoages Lib. de inflam.* nobis dicunt quidem qualisnam caloris aut homo sit, aut alia res quæcumque; sed quanto tempore thermometer adplicuerint, non addunt. Id porro præprimis requiri, antequam certi quidquam statui in physicis queat, demonstrabunt sequentia observata, capta & in me, sano, & in pluribus aliis sanis, & denique plurimis in ægrotis. Non autem semel, deciesve, sed pluries ipsissima experimenta iterata sunt, & semper idem docuerunt.

Si per dimidium horæ quadrantem sano homini admotum sub axilla thermometer est, calorem notat graduum 95. 96. Si per quadrantem, gradum notat 97. 98. 99. Si per dimidium horam, 100. 101. Si per horam integram, 101. 102. At vero si dein bihorio, ultravé adhibetur, nondum observavimus illud majorem gradum notare.

Si nunc idem adplicemus ægris, rem præcise

se invenimus, quemadmodum notant autores laudati, dummodo per semiquadrantem illud admoventur. Nempe si per dimidium quadrantem in modico admodum febrili calore notaverit 100. gradus, post quadrantem notabit 101. 102. Si per mediam horam 102. 103. Si per integram, 103. 104. Aliis vicibus in febre continua per mediam horam dabat gradus 106. per horam 109. aliquoties per semihoram 103. per horam 105.

Suspiciabitur forte quis febrilem calorem interea temporis auctum fuisse, adeoque & inde repertam notam mercurii altiolem; respondeo, id semel, iterumque contingere posse; sed cur in sanis thermometer longiore tempore adhibitum adscendit, licet naturalis calor noster minime augeatur? Et cur in ægris, dum nulla caloris mutatio, neque ab ipsis, neque a nobis, observetur, constanti tamen lege adscendat? Ergo minime ab aucto calore febrili.

Et ne quis vitiosa mea thermometra criminetur, optima multa possideo, quæ præcipue fabricavit mihi ingeniosissimus Physicus, & egregius Mathematicus, Rev. Marci, ad modum *Farbenheit*, *Prins*, & *Réaumur*. De industria parva mea Fahrenheitiana, quibus apud ægros utor, exploravi ad *magnum universale Thermometron*, quod subtilis artifex *Prins*, magno cum labore, ipse adornaverat, hacque lege de meorum præstantia convictus sum.

Unde ex datis experimentis id debui conclu-

cludere, quod defectu adplicationis tempus determinandi, neque sanorum, neque ægrorum calor, rite fuerit determinatus.

2^{dam}. Auctorem thesin multa observata labefactant. *Hales, Boerhaave*, alique, impossibile credidere, ut homo diu subsisteret eo in æris calore, qui suum proprium calorem aut æquaret, aut superaret; idque ob datas antea rationes. Attamen ex observatis, communicatis cum doctiss. *Derham, Theol. Phys. Lib. I. Cap. 2.* Thermometra *sub æquatore* designant eundem circiter caloris in aere gradum, qui hominis est. Quid? quod aeris calor sæpe transcendat humanum? Dum accuratissima thermometra plura suspendi aliquoties in aere libero, ubi nulla radiorum a parietibus reflexio, in umbra solis; alia vero plura soli irradienti exposui: differentiam nonnunquam observavi 30. graduum. Adhuc 27. Aug. inter 3. & 4. pomeridianam, cum in ædibus eodem tempore thermometra haberent gradum 71. in aere vero aperto umbroso 75; Thermometrum universale *Prinsii*, soli irradienti libero, citra reflexiones ullas, expositum, intra $\frac{1}{4}$. horæ adscendit ad gradum $103\frac{1}{2}$. exin omni momento tantillum descensum affectabat, idque fere per aliam horæ quadrantem idem, & mox iterum adscensum. Semihora elapsa, adscendit sensim ad 107. Relictum per aliam dimidiam horam, non adscendit ultra; forte quod post quartam aer calore non augefcebat. Pari ratione octo alia

thermometra, exigua admodum cum differentia, caloris gradum indigitarunt.

Porro in tam ardente calore exponimur in platea, in via publica nullis confita arboribus, in campis, Melfores in agris, Vinitores in vineis, integri, dum castra metantur, Exercitus. Profecto omnes illi per æstatem sæpe aerem inspirant suo proprio aliquanto calidiorem, inter-eaque vivunt; & si moderate vitam instituant, atque a gelido subitoque potu abstineant, sani passim degunt. Igitur sub æquatore vivunt bene homines, in aeris calore, cum humano æquali: vivunt bene per magnam Europæ partem in calore humanum longe superante. Aeris ergo in inspirando usus videtur potius ad motum sanguinis, quam ad ejusdem refrigerium facere: qua in re a textu *Boerhaavii*, ex *Chemia* allato, discedo quidem, sed ad clarissimum Virum iterum accedo, rem, ut hic facio, explicantem *physiol.* §. 202. Et profecto si sufficiat refrigerium aeris, ad gradus 10. frigidioris, fervido pulmonum sanguini, an non vehementer noceret is, qui gelida bruma esset 70.80. gradibus inferior calore humano? Nonne oporteret hominis sanguinem æstate, quam hyeme, longe calidiorem ad thermometra reperiri?

3^{tia}. Eruditorum thesis statuit calorem ab attritu oriri. Evincere id multi morbi videntur; ut maxime *cap. de calore febrili* *Præceptor* ostendit; attamen constantem inde regulam deducere

re experimenta vetant. In Hemitritæa, quam, cum continua febre, intermittens quotidiana formabat, homo intermittentis paroxysmum tanto cum frigore experiebatur, ut, si frigus modo abesset, morbum totum floccifacere se diceret, propter immane vero frigus se sustinendo ultra non esse. Eademque querelas multis in paroxysmis repetivit. Dabat tamen Thermometrum passim 104. gradus. Neque vel hulum adscendit illud, dum in ardente deinceps calore admovebatur. Et dum per sequentes paroxysmos frigus imminueretur, gradus tamen caloris 100. 99. 98. fuere. Frigoris porro perceptio homini vivida; frigoris signa, albor, tremor, fridor dentium, evidentia erant: dum interim calorem naturali superiorem notaret thermometrum, dumque nos, repetito sæpe examine hominem tepentem, ac fere naturaliter calentem, passim deprehenderemus. Expectabitis quid ex pulsu observatum sit? Is more solito, tempore frigoris febrilis, celer, parvus, contractus utcumque: caloris vero tempore plenior, liberior, major. Thermometrum semper sub axillis adplicatum ita adscendit, cum tamen potissimum frigoris sensum æger toto thorace perciperet.

Veteres describere Febrim *ὑπὸ ἀλγῆν*, quam enarrat, non explicat, *Hippocrates*. *Galenus* & *Gorræus* eam esse dicunt, in qua per universum corpus caloris simul & frigoris perceptio adefset; quod a bile & pituita simul motis expli-

catum suo more velint. *Erotianus* & *Foësius*, in *ἡπ' αλφ' Hippocratis* exponenda, non faciunt ardoris mentionem, sed continui duntaxat & frigoris, & rigoris. At quocumque demum sensu velis, non fuit hominis nostri febris *ἡπ' αλφ'*. Nam neque ille simul frigus caloremque percepit, nec perpetuo friguit, horruitque.

Est Veteribus alia descripta febris *λειπυρία*, de qua etiam *Hipp. Aph. 4. 48. 7. 72.*, „ In febribus non intermittentibus, si externa frigeant, & interna urantur, & sitiant, lethargus, le... Cum hac descriptione conveniunt interpretes; sed neque hujusmodi febre laboravit noster. Nam sine thermometro latuisset nos penitus calor ille, naturalem 7. 8. gradibus exsuperans, ipseque æger eum non est expertus: externum enim internumque frigus conquestus est.

Qua tandem ratione ejusmodi phaenomena explicabuntur? Vulgaris doctrina Medicorum mechanicorum est quod a nata in arteriis capillaribus versus corporis ambitum resistantia, cor velocius validiusque se contrahere veluti cogeretur; ut copiosorem humorem per arcum minorem traduceret. Verum qui leges hydraulicas a doctissimo *de Sauvages*, *Tractatu de Inflammatione* explicatas, & corpori humano applicitas, attente contempletur, prorsus contrarium concludere cogitur. Vide hunc tract. a §. 24. ad 62. Et profecto experientiam consultentes, videmus in Paronychia, Otagia, Tendinis punctura, capillarum obstructionem adeo

mo

modicam, ut notabilem effectum in sanguinem, & cor, edere non posset; & tamen quam acutæ aliquando in his febres! quanti calores! contrario febre comburi oporteret Chloroticam virginem, Scrophulosum interno externoque corpore puerum, quibus fors media pars obstructa sit capillarium; cum tamen hos reperiamus a naturali calore remotiores. Si quis dicat in his febres haud generari, quod cordi vires desint; attendat ille quid his contingat, suscepto varioloso, morbilloso, aliove, miasmate! Motus cordis, ejusque velocitas, augentur ita, ut aquosus pridem mucosusque cruor, jam phlogistica materie scateat, missusque de vena densam mox crustam formet.

An igitur nata quacumque de causa in humoribus acrimonia motum cordis, vasorumque, irritando, auget? Cum anatome detexerimus cor inflammari, suppurarique posse, citra perceptos eo tempore dolores: cum præterea Apoplexia doceat eo ipso tempore, quo nullum inter nervos sentientes, & sensorium commune, commercium detur, cordis motum notabiliter augeri: hanc ita dictam irritabilitatem pro causa ægrius admittere possumus. Neque nos hujus irritabilitatis convincere moderna experimenta valent, cum alii eorundem vim contrariis eludant experimentis. Daturque aliquando febris mox in corpore sanissimo nata, ubi acrimoniam ne Lyncei quidem oculi unquam detegant; & hæc quidem violentissimæ.

An igitur hæc de origine motus cordis , motusque ejus , ac velocitatis incremento , quæstio , inter illas locanda quæstiones , quas ILLE , qui se solum in S. Scriptura vocat SCRUTATOREM CORDIUM , ille perpetuo nobis amandus & adorandus , nostrum adeo limitatum , & imbecille ingenium , latere voluerit ; ut rei mirabilitate attoniti , in admirandi Artificis encomia profunderemur ?

Verum tamen dato semel , & a causis explicato , aucto motu cordis , nunquid natus inde attritus phænomena , in viro nostro observata , explicet ? Non puto . Tempore frigoris homini intolerabilis , cum pulsu contræctiore minore , thermometerum signat octogradus ultra calorem naturalem : præterea tempore quo intolerabiles ardores homo conqueritur ; quo pulsus magnus ac celer est , thermometerum habet eundem caloris gradum . Hoc phænomenon qui legibus physicis bene ex attritu explicuerit , erit mihi magnus Apollo .

Alia ergo causa sublit oporteat , quam solus attritus , quæ augeat , auctumque sustineat calorem ; idque eodem tempore , quo sensus nil nisi frigus animæ denuncient .

Quæstio nova , æque quam prior , intricata nempe cur obtinente in homine calore , naturalem octo gradibus superante ; in homine , inquam , mentis compote , perpetuæ de frigore , eoque non tolerando , querelæ ? Idque una cum signis frigoris , tremore , rigore , stridore dentium ?

tium? Nunquid contrarium ejus, quod in corpore obtinet, nervosque afficit, renunciari animæ queat? Absolum hoc videretur, nisi huic similia, eoque mirabiliora, in humana œconomia contingere fateri cogeremur. Homo bene in lecto calens, in somnio videtur sibi frigere totus & incredibili voluptate afficitur, dum igni grato admoveri visus, gelu membrorum superare se credit. Homo bene cœnatus, nocte famelicus sibi videtur, & amœnitate appositæ dapis delectatur impense, famemque explet. Ergo citra ullum commercium corporeum, imo cum contrariis corporis conditionibus, anima nostra gaudiis affici, mœroribusque, grato & ingrato, potest. Argumenti genus, quo impios convincamus, qui negent animas a corpore jam separatas, iis posse cruciari, quibus, dum in corpore viverent, ope corporeorum organorum, affici solerent. *Luc. 16. v. 24.*

Difficultatem, inquiet quis, difficultatibus potius cumulas, quam explicas. Fateor; neque aliter possum. Explicationes huc usque ab eruditis datas, nullius momenti esse, neminique satisfaciennes, novimus abunde; alias porro ignoramus. Unde hanc ipsam quæstionem iterum relegamus ad illas, quas ignorare debuerimus: nosse enim si oportuisset, optimus nostræ machinæ Conditor easdem patefecisset. Imo oportet harum ignorantiam nobis conducere, quia *Vidit Deus omnia quæ fecerat, &*

erant valde bona . Gen. I. v. 31.

Patientia igitur in experimentis, libero ab hypothefibus animo capiendis, multa dedifcimus, quæ humana arrogantia, & præcipitantia, perperam addidiceramus. Sed præstat hominem, ad veritatem æternam contemplandam deftinatum, ab erroribus remotiorem fieri, ac veritati proximior: fic propius ad felicitatem, quondam æternam futuram nobis accedimus.

Quot igitur encomiis fufficiam, ut MATREM PATRIÆ, MATREM ACADEMIÆ, AUGUSTISSIMAM IMPERATRICEM, MARIAM THERESIAM, digne concelebrem! quod pro fua benevolentia, munificentia, veroque fcientiarum amore, indicante & hortante Illuftriffimo Medicæ Facultatis Præfide, Libero Barone *van Swieten*, hoc condiderit, redivitibusque ditaverit, Noſocomium; ut in eo, poſthabitis omnibus circa Medicinam ſyſtematibus, nobilis hæc, ac neceſſaria Ars, ſolis experimentis, & prudenter captis obſervationibus, traderetur, coleretur, augetur! ſane & huic Viro debitas hanc ob cauſam laudes ſera poſteritas canet.

Sed ut hoc caput abſolvam, paucis que dicta confirmem, reſumendus hic eſt caſus hominis cujus Cap. II. mentio facta fuit. Is in ſuo marmoreo frigore, integris 24. horis ante mortem perdurante, ſine vel minimo arteriarum pulſu, ulla arte indagando, notavit in ther-
mo-

metro calorem 97. graduum, idque adhuc bihorio ante mortem. Thermometrum autem, paucis minutis admotum, hunc gradum notavit; notaturum forte altiore, si diutius applicitum fuisset. En iterum sine ullo fere attritu calorem naturali majorem!

Idem, aliud tentans, expertus sum. Animus erat experiri num cortex peruv. ipsa in febre datus, febrilem calorem auget, prolongaretque; ut laudatissimus *Hales* habet *Hemast. Exp.* 18. No. 6. Apta ad id occasio erat. Fœmina 24. annorum, de qua actum cap. 15. febris continua gravi, cum quotidiana intermittente afflicta, cortice curanda erat 12. morbi die. Cortex datus dedit prima die gradum caloris uno inferiorem ei, qui hesternus fuerat; die altero binis inferiorem gradibus; quarto vero die fœmina prorsum omni febre caruit, Ergo integram corticis, in substantia ut vocant, unciam spatio nycthemeri absumens ægra, non incrementa habuit, sed decrementa caloris. Cortex tamen aliis in occasionibus auget calorem; nam omni experimento liquet eo in iis augeri calorem, qui naturali minorem possideant; ut eundem minuit iis, qui naturali majorem. Quia id vi efficiat, cum *Sturmio* cum *Bado*, cum *Mortono*, ignorantiam fateri malim, quam falsa incertaque proferre.

Sed, quod res est, hæc ipsa mulier, quarto die ab usu corticis, febris prorsum expers, naturaliter calens, moderatum sanum calorem

ipsa

170 DE VARIO TUMORUM GENERE.
ipsa experta , pulsum lentum bonumque ha-
bens ; tamen signavit in thermometro gradum
102. multisque postea diebus calorem habuit
naturali majorem. Ergo calor non a solo attri-
tu , non a solo motu aucto.

C A P U T XX.

De Vario Tumorum Genere.

INflammatorii tumores qui generentur , hic
inquirere non est animus ; sed quid de len-
tis quibusdam tumoribus , tarde crescenti-
bus , diuque obtinentibus , cogitandum sit ,
indagare .

Tales namque in collo multi gerunt plures,
minores ; variæ magnitudinis , duritiæque : ita
nonnunquam , ut totum in ambitu collum con-
glomeratis eiusmodi tumoribus maxime diffor-
me fiat . Abdomen , thorax , totumque deni-
que corpus , nonnunquam iisdem scatet . Sub-
stantia eorum diversa ; diversa , quam conti-
neant , materies , haud in variis duntaxat ho-
minibus , sed eodem etiam in homine & qui-
dem ita , ut eodem in corpore trium , quatuor ,
quinque , specierum variarum habeantur tumo-
res ; quorum quandoque nulli vix aliquam cu-
rationem admittant ; in aliis nonnulli tumo-
res ægre , facile alii , curentur ; in nonnullis
tumores ægre , facile alii , curentur ; in non-
nul-

nullis longo molimine sanentur omnes; denique curatorum multi non raro postliminio repullulent. Ex multis unam alteramve historiam descripsisse juvabit, ut de eorum genio, naturaque, cuique constet.

Puerum 10. annorum, multis in collo, & sub axillis, tumoribus scatentem, muco turgidum, ventre tumidum, cachecticum totum, prægressi anni autumno ad me attulerant. Quæ remedia in usum advocata sunt, hæc postea historiæ aliorum ægrorum dabunt. Puer hydropicus factus, post expletas decem in Nosocomio septimanas, calamitosam vitam terminavit.

Cadaver lustravi cum Clarissimo & dexterimo Anatomes Professore Gasser, & exercitissimò Chirurgo Nosocomii Civici Leber, qui in omnibus dissectionibus semper gratum mihi, utileque, præbere auxilium solent, tota studiosorum præsentē cohorte. Aperto abdomine Mesenterium tum vehementer tumidum fuit, tum penitus nudum ac conspicuum, intestinis omnibus quasi naturaliter versus ambitum remotis. Tumores Mesenterii magni, durique iidem & solitarii, cum peritonæo vero, & ligamentis vertebrarum lumborum, adeo intime concreti, ut Mesenterium citra dilacerationem haud potuerit a vertebra solvi. Quoad naturam tumorum, in quibusdam medium folliculum occupabat alba materies, aut grisea, unita, æquabilis, crassa pulve durior, mollior lar-

do,

172 DE VARIO TUMORUM GENERE.

do, & in meditullio veræ pulti similis. In aliis materies tum albidior erat, tum etiam in meditullio durior. In aliis tota iterum dura, æquabilis, scissilis. In nonnullis veluti calx aqua mista oculis adparebat, digitis nullam exhibens asperitatem. Denique, in una alterave, vera calcarea materies, dura, tactu aspera, ceu in fungosum lapidem concreta. Ad vasa iliaca utraque, ad Pericardium, Sternum, Diaphragma, supra Asperam arteriam ad Jugulum, ad Axillas, ubique ejusmodi reperiundi tumores erant. Multa in thorace, & abdomine, aqua.

Ad monstrosum nunc collum verso examine, tumores non amplius solitarii, sed & pluribus minoribus, sibi incumbentibus, accumbentibusque, & communi cellulositate circumdati constabant. Membranas alii tenues, crassiores alii, nonnulli denique prope cartilagineas, habebant. Intercurrebant per tumorum intercapedines, supraque eosdem, arteriæ, venæ, nervi multi, per tunicarum substantiam dispersi. Tumore prudenter aperto, vasa eadem in minores, quibus massa major componebatur, tumores, se dividebant: tumorumque multi vasis in collo majoribus tam firmiter increverant, ut sine alterutrorum læsione separari non possent; vasa tamen illa majora a tumoribus non videbantur notabiliter comprimmi. Encephalon solum ab his malis immune fuit. Ubique in colli tumoribus diversitas materiae

teriæ: imo aliquot ante mortem septimanis ingens adparuerat tumor, suppuraverat, disparuerat. Plerique vero quasi una cartilaginosa substantia erant, vel atheromata. Sedes porro omnium aut glandulæ erant, aut adiposi folliculi.

Multiplex igitur uno in corpore tumorum differentia: sed aliis in corporibus adhuc alias formas induunt. Fœminæ cætera sanæ a tribus retro mensibus solitarius ejusmodi tumor creverat sponte, in colli postici dextro latere, partem cucullaris musculi, ut & splenium capitis, & complexum tegens. Libere hærentem Chirurgus enucleavit, globo similem, levem. Excisum tumorem examinantes, plures membranaceas lamellas, vasculis multis refertas, primo separavimus; dein ad duritiem semicartilagineam sesquilinearis crassitudinis pervenimus, quam intus investiebat durior compages, in plagis quibusdam perfecte cartilaginea. Magnus tunc sequebatur folliculus, plenus materie pellucidissima, gelatinosa, subflava, tunc sanguis fluidus, coccineus, per tremulum hæc gelatum filatim quasi dispersus, vasis non contentus tamen. Portio vero quædam rubicunda, gelatinosa, uno in loco ad internum folliculi parietem hærebat, non quidem affixa, sed veluti leviter agglutinata. Vas vero, quo ejusmodi duplex materia in cavum folliculum intrasset, nullo scrutinio patuit. An durum tumoris putamen, post enucleationem contractum,
vafa

vasa in cavum penetrantia compressisset, rubrum partim in cavum, partim retro expulisset? Sicque vasis conspectum ademisset? saltem microscopio examinata materies hæc, & undique percissa, non nisi homogenea, vasisque orba, adparuit.

Aliud genus tumoris intellectu difficile, haud ita pridem tribus in hominibus vidi. Sedes in maxilla utraque est, incipiens ad aurem, sub processu zygomatico procedens, ad alterum tertiumve dentem molarem pervenit, descenditque ad mediam, imo & ad infimam maxillæ inferioris partem. Si in ore examines, est ligni instar durus, & vestitus membrana, ruber colore, a maxillis liber, præterquam superiore sui parte. Ligna durities ubique æqualis. Palmam manus magnitudine occupat. Cuidam foeminae & totam occupat parotidis sedem. Est, cui Zygomaticus processus extrorsum trahi videatur. Nullis hucusque remediis auscultat, etiam solventissimis. Si forte alicubi plaga emollescens materiem videatur continere, ea aperta dat sanguinem merum, dat lympham; cæterum nec superat, nec mole decrefcit. Qua proprie lege nascantur, quidve gerant intra sese, necdum bene detegere licuit. Buccinator, Zygomaticus; major minorque supra tumorem libere agunt.

Hæc de theoretica tumorum quorundam contemplatione, quorum difficilem fateor curam esse; quid tamen in inveteratis, desperatisque, tentaverim, enarrabo.

Ac-

Accessit me 20. annos nata fœmina , vinitorio opere victum quæritans , pluribus deturpata toto collo tumoribus . Varii quidem illi , maximeque ad nucham , suppurantes apparuere , apertique dederunt puris tantillum , sed reliqua mole mansere durissimi ; quantacumque opera eorundem suppuratio , unguento ægyptiaco , aut adplicito vitriolo calcinato , aut præcipitato rubro , aut trochiscis de Minio Vigonis , exploraretur ; uno alterove , in tanto numero , excepto , omnia frustra erant .

Hinc in ea institui *Galeni* methodum , qua aceti vapor , apto ad id instrumento , quotidie ad dura hæc corpora determinetur , idque per sex integros menses continuavi : interea dum patiens uteretur vino Austriaco communi , in quo sal alcalinus solutus , ut hoc veluti saponaceo liquore solverentur concreta ; uti & sæpe pilulis gummosi , ac saponaceis . Sed omnia frustra .

Deinde ipsi per alium dimidium annum dedi dragramm integram *spongiæ ustæ* quotidie . Spongia dat usta odorem , ustis animalium cornibus similem , salem alcalinum volatilem , & oleum tale . Qui tunc carbo remanet , habet salis fixi quidquam , & ut magnes indicat , quid ferri . Si jam vase rite clauso spongia uritur , oleum & sal volatile cum fixis principiis unita manent . Spongia sic parata multos scrophulos curat : ast dimidii anni spatio hæc fœmina
XVI: Libras nequicquam assumpsit , quamvis
inter

176 DE VARIO TUMORUM GENERE.

interea variis emplastris, unguentis, fomentis & frictionibusque, resolutio tentaretur.

Unde ad aliud resolvens confugiens, spiritum frumenti præscripsi cum Mercurio sublimato, continuatis frictionibus, & dato quartis singulis diebus purgante hydragogo: Et hæc per dimidium annum vix quidquam profuere,

Tandem egregius *Greg. Mensurati*, optimus *Gracensis* Medicus, Chirurgiæ ibidem & Anatomies Professor, quem nunc morte abreptum lugemus, communicavit mecum remedium, quod se plurimos in *Styria*, & *Carinthia*, curasse asseverabat. ℞. Nihil albi unc. iv. Ossium sepiæ, Putaminum Ovorum a. unc. ij. Panni scarlatini unc. $1\frac{1}{2}$. Mista vase clauso comburantur, rediganturque in pulverem. Dosis pro adulto gran. xviii. bis de die; ea quidem lege, ut ipso in plenilunio purgans phlegmagogon sumatur, & sequentibus sex diebus duodecim pulveres assumantur, dum interea loca tumida probe fricentur. Quosdam tunc curatos aiebat; quibus vero malum non multum, aut non integre ademptum, his altero plenilunio, tertio, quartove, eandem repetendam methodum esse: sed Styros suos raro ea ad tertiam vicem indigere.

Volui ad literam, ut ajunt, hoc consilium exsequi, ne quis, si minus succederet, neglectum accusaret. Sumsit fœmina remedium cum effectu nonnullo, repetivit toties, donec ad quintum plenilunium perfecte curata esset. Sed pen-

DE VARIO TUMORUM GENERE. 177
pendula in collo cutis , sacci instar , difformi-
tati erat . Frictionibus autem aromaticis , &
ligatura idonea , cutis naturalem contractionem
recuperavit .

Successit idem experimentum in juvene , qui
etiam antea varias methodos frustra expertus
esset : unus tamen alterve ipsi tumor superfuit,
quod , peracta fere tota cura , se ipsum negli-
geret .

Nolim hic loci , ne longior sim , examinare
undenam ista horum medicamentorum efficacia?
fussederit hucusque efficaciam vidisse .

Verum quod mireris mecum , & condoleas ,
cessantibus utrisque a remedio , malum sensim
rediit . Diathesis manserat , curatis ejus effe-
ctibus . Mens igitur est in aliis , modo mori-
geros se præbeant , remedium per dimidium
annum a perfecta curatione continuare .

C A P U T XXI.

De Mira Variorum Medicamentorum Efficacia .

ANtea cap. 9. quædam observata circa cal-
culum me in sequentibus communicatu-
rum sponponderam ; fidem nunc liberabo .

Ac primo quidem de *Uva Ursina* affirmari
oportet , optimum remedium esse in renum ,
vesicæque morbis , dum calculus aut adesse no-

scitur, aut sui saltem suspensionem facit. Nonnullis mitigat tormenta morbi, ut vita tolerabiliter transigatur; aliis omnia symptomata aufert, ut se curatos putent.

Uvae ursi usus mihi commendabatur dudum ab *Illustrissimo Præsidente*, qui & omnem ejus, quam possidebat, copiam, mihi elargiebatur. Egregius Botanicæ ac Medicinæ cultor, Dominus *Lucas Mislei*, qui in *Styriæ* Alpibus, medias inter nives, magnam plantæ copiam mihi collegit, hanc mihi ejus descriptionem dedit.

- „ *Uva ursi*. Ἀραρος ἀφύλος. *Tournefort. instit.*
 „ *Rei Herb. Tab. 370.* Est ex mente *Cel. Linnæi* arbuti species, nempe arbutus caulibus
 „ procumbentibus, foliis integerrimis. *Linn. Spec. plant. Tab. 1. 395. Num. 4. Johannis Bahuni* Historia Plant. universalis T. 1.
 „ Lib. 5. cap. 8. p. 523. optimam dat iconem, sed descriptionem minus accuratam. *Galenii*
 „ descriptio videtur convenientissima Lib. 7. c. 4. κατὰ πῶσιν. Frutex est humi repens, locis
 „ paucis frigiditumidis, iisque potissimum crescens, quos perpetuæ nives tegant; paucis
 „ dico: nam mihi multos altos montes conscendenti, non nisi in binis hætenus conspectus est: in Austria quidem, in Alpe *Gans*
 „ vulgo nuncupata, quinque leucis ab Austriæ Neapoli sita; in Styria vero in Alpibus
 „ valibus dictis, sex leucis a *Cellis Marianis* remotis, ubi inter perpetuas nives copiosius
 „ le-

„ legitur. Caules huic frutici reptantes, cor-
 „ tex rufescens, folia conferta, oblonga, ova-
 „ ta, integra, carnosa. Flores monopetali,
 „ ovaes, basi planiuscula, ore quinquefido:
 „ lacineis obtusis, revolutis, parvis. Fructus
 „ est bacca subrotunda, ceraso minori similis,
 „ rubra, seminibus quinque offeis, planiuscu-
 „ lis, foeta. Planta perpetim viret; fructus
 „ altero anno maturefcit. Totus hic frutex,
 „ praesertim cortex & folia, amarum, adstrin-
 „ gentemque habet saporem, fere ut Peruanus
 „ cortex. Caeterum in colligenda hac planta
 „ attentus sit oportet Rhizotomus, ne vitem
 „ ideam, seu Myrtillos rubros pro Uva ursina
 „ colligat: ita enim haec binæ plantæ, ut ovum
 „ ovo, sibi similes videntur; nec nisi systema-
 „ ticus Botanicus easdem semper distinguere
 „ novit. Differentia tamen hæc est: Uva ursi
 „ florem habet decem staminibus, vitis idea,
 „ non nisi octo, praeditum. Uvæ ursi bacca
 „ non nisi quinque habent semina; vaccinium,
 „ sive vitis idea, viginti sæpe.

Planta sic cognita, videamus ejus egregios
 in medicina usus. Sexagenarius vir a 20. retro
 annis difficultate m ejendi crebro laboraverat,
 nunc per novem menses fere continuo: ita ut
 guttatim, summisque, & intolerabilibus cum
 ardoribus, urinam emingeret foetidissimam,
 purulentam, mucosam, sanguineam. Quin &
 Ischuriam aliquoties passus, cathetere levandus
 fuerat. Utrum nunc Cathetere, an acrimonia Uri-

næ, urethra læsa sit, Catheter saltem induci non potest, ut exploretur num calculus vesicæ gerat.

Præmissis infusis balsamicis, & laxantibus, data fuit homini quovis mane dragma dimidia hujus plantæ in pulverem redactæ; Turundæque, quæ feruntur eadem esse, quibus Parisiensis Chirurgus *Davan* inclaruit, & divitias magnas comparavit, ipsi in urethram missæ sunt. Turundæ canalem egregie percuraverunt, sed Catheter immissus verti non potest; ob vesicæ forte parvitatem, quæ familiaris his, quos omni momento mingendi necessitas urgeat. Vesica enim, ultra non expansa, contrahit sese corrugaturque, ut exemplis anno elapso patuit. Cæterum per septem integros menses his pulveribus homo usus, Urinam nunc per aliquot menses crebram quidem & mucosam, licet haud ita foetidam reddit; at vero doloribus, quibus per tot annos tantum non enectus erat, prorsum caret, bene dormit, bene appetit, ambulat, viribus valet, & sine ullo in urethra impedimento reddit urinam. Per dimidium annum omnia remedia cum neglexisset, initia levioris doloris expertus rediit, eosdem pulveres repetiturus.

Alius sexagenarius, qui a tanto tempore & ædes suas, & viciniam, miserrimis clamoribus, & ejulatibus expleverat, Ichuria demum quotidie redeunte laboravit; ita ut per septem integras septimanas, mane ac vespere, Cathe-
tere

tere juvandus fuerit : cujus tamen ope vix bi-
horii spatio tormentorum ferocitate carebat : &
si quandoque minus feroces dolores pateretur
nullam tamen urinam reddiderat , nisi semel
saltem de die Cathetere juvaretur . Præterea
Herniam oscheocelen dictam , camque magnam
patiebatur . Hic rerum status , cum ad nos ac-
cederet .

Herniæ aptum brachierium bene prospexit .
Dragma media pulv. uv. urs. singulo mane da-
ta leve paregoricum vespere exhibitum , effece-
re , ut sexto die nunquam ultra Cathetere in-
dignerit . Urina tamen semper foetida manebat ,
& quamvis eadem nocte & mane missa , dum
eam inter 7, & 8. matutinam examinabamus ,
cum aceto effervescebat . Postquam autem tri-
bus cum dimidio mensibus medicamenta eadem
continuaverat , Urinam diutius retinere potuit ,
doloribus caruit , vires adeptus est , & ex ca-
cochymico sanus est factus . Negligentiam me-
delæ incipientis doloris reditu luens , repetiit
Nosocomium , eandem rogaturus ; postquam
denovo omni dolore caruit , cumque iterum ali-
quantisper expertus esset num medela hac tuto
carere posset , ad me rediit DEUM veneratus ,
mihique gratias agens . Suali tamen alterno die
pulverem sumeret ; non rediit .

En autem aliam historiam . Cuidam quinto
ætatis anno quinque in scroto ulcera oborun-
tur , quorum ex uno calculus exit . Tumore ,
validoque scroti dolore , ac continuo materiæ

albæ, urinæque, apertis de ulceribus, ipso infcio, prodeuntis, stillicidio laboraverat. Tandem enarrat symptomata sensim evanuerè, vago urethræ dolore, & materiæ albæ ex urethra stillicidio, perseverantibus. Viginti autem annos nato, scroti, ac præprimis dextri, dolor & tumor renascuntur, ulcere ibidem, ut quondam, succedente. Nato ulcere dolor conticuit; clauso eodem, recrudit dolor. Aperto ex ulcere iterum, ipsi infcio, urina, albidaque materies, extillavit, maxime quo tempore urina in mingendo per urethram transfret. Testes non male affecti; dexter modo sinistro major, quod forte naturale. Inter medios testes, ubi corpus cavernosum urethræ habetur, durum quiddam, ac utcumque fungosum corpus percipitur, urethræ veluti appendix, cum ipso scroto corrugato ibidem concretum, unde emitti urina videbatur: Perinæum vero mole totum, & bonum. Venerei, quoad sciam, subest prorsum nihil. Sinister testis primo vehementer doluerat, eratque varicosum eodem in latere corpus pampiniforme. Solamini ipsi sæpe fuerat unguentum hocce: ung. Nicotianæ unc. II. Myrrhæ dr. II. M. Ut & Empl. compositum ex Empl. de Ranis cum merc. simpl. Diabotan. Divini, aa unc. I. ol. still. Rutæ dr. I. M. Hic status rerum, cum operam nostram peteret.

Calculus ex urethra quinto ætatis anno per ulcus externum exivisse, ex historia patet; sed
un-

undenam ille? Si ex vesica eo pervenisset, ischuria laborasset diuturnitate nemini toleranda; nam sane calculus haud tam cito erodit urethram & corpus cavernosum, & scrotum, ut prodeat foras. Saltem si in scroto hæsit sine ischuria; indiguit longo tempore, antequam viam sibi eo versus paravisset. An non probabilius inflammationem ac suppurationem prægressas fuisse in urethra, acrem urinam in ulciculo moram traxisse, ulcus ampliasse, elementaque calculi, quæ omnis sani hominis urinis insunt, ibi deposuisse, & hinc calculum produxisse, qui viam sibi extrorsum paulatim exederit?

Excreto hoc calculo, per 15. annos præcipuis illis symptomatibus caruit, sed dolores & ardores in Urethra sæpe perpeffus est. Dispositio leviter ulcerosa videtur superstes fuisse, sed assiduo transfluxu urinæ abluta semper, simul vero ejusdem urinæ transitu, & adplicatione, recrudescens. Ita quidem ut levis hæc exulceratio ad 20. vitæ annum proserpserit, & ex ulcere in concreto cum urethra scroto, denuo urina, pusque, perstillaverint. Natum ulcus difficulter claudi potuit, eo quod urina illud continuo irritaret. Clauso ulcere extrinsecus, stagnans ejus in fundo urina dolores iterum majores creavit. Quam callositatem in corpore cavernoso urethræ deprehendimus, eam ulcus pro more produxit.

Cum itaque urina in ulcere Renum,
M 4 Ure

Ureterum; Vesicæ cum calculi suspicione, adeo proficua nobis visa esset, & huic eadem data est. Hac vero per tres menses æger usus, clausa sibi ulcera gaudet; caretque ita dolore, ardore, aliove quocumque symptomate, ut ille sibi integre restitutus videatur. Quia tamen subinde ex ipsa urethra in glande penis nonnihil materiæ albæ extillat, suasi ut per aliquot menses remedium continuaret; id quod, cum se curatum credit, negligentius facit.

Fœmina quadragenaria major, elapsis quatuor ab hinc annis, percipere incepit totius corporis lassitudines, gravesque lumborum dolores; quos octiduo post, idque per sesquimensem continuum, mictus sanguineus excepit; mictum sanguineum dein limpidissima urina sequuta est. Carcas suas hæmorrhoidas adplicitis hirudinibus subinde levavit. Catamentis gaudet. Et licet deinceps semel, aut bis modo, urina quid sanguinis commistum gessisset, mansere tamen tanti lumborum dolores, ut pronare corpus ipsi fere sit impossibile. Purulenta autem minxit nunquam; nunquam Ischuriam, Dysuriamve, passa est: Hæc mense Aug. 1756. me convenit, conquesta quod ubi ædibus suis expurgandis operam egregie navasset, jam in decimum diem summis cum lumborum doloribus, sanguinem emingeret. Urina licet recens, foetebat multum. Calculum Renum historia hæc vivis depictam coloribus exhibet.

Exhibitis primo demulcentibus ac paregoricis,

cis, uva ursi data est; octiduo post, urina sine sanguine fuit, sine foetore: mireque temperavit emplastrum latum de Labdano intolerabiles lumborum dolores. Uva ursina duobus exhibita mensibus effecit, ut integre restitutam sese, sanamque omnino pronunciaret. Monui vellet aliquamdiu adhuc medicamento pergere. Exin non rediit.

Ut uva ursi, ita *Sapo Venetus*, cum aqua calcis, pluribus profuit, sed nonnisi copiose. Memorabile exemplum futoris est, quem anni, & quod plus est, spatio, hujus experimenti causa, Nosocomium aluit.

Per septem integros annos, si quis unquam, calculi in vesica martyr, opem petiturus medibatur. A paucis unciiis incipiendo, dein integram mensuram, id est, Libras iv. aquæ calcis, totidemque lactis, quotidie bibit; aptatoque ad id instrumento aqua calcis cum lacte, semel, bisve de die, in vesicam est injecta. Potum egregie sustulit; injectiones quacumque arte, prudentia, mutatione aut copiae aut materiae, administrarentur, ferre non potuit. Unde Doctiss. *Whytt* M. D. & Prof. *Edimb.* sequutus, a mense Nov. 1756. usque in Junium 1757. dedi ipsi integram unciam saponis veneti quotidie, cum aquæ calcis & lactis memorata copia. Ita quidem ut in hac cura assumeret 17. Libras saponis, 1500. Libr. aq. calcis, & 1500. Libr. lactis.

Homo hic sub media cura incepit, & hucus.

cusque continuat, urinam tam facile reddere, quam unquam homo, qui semper expers calculi vixit: nulla unquam stranguria ultra affuit, nulla retentio, nullus ardor dolorve, imo retinent urinam debito sanorum tempore. Et quamvis jam per 4. 5. menses ex Nosocomio dimissus, tædio diuturni medicamenti, id ultra sumere recuset, atque indiscriminatim falsa & acria, quibus delectetur, affatim assumat, manet tamen sanissimus.

Interea autem calculus cathetere noscitur in vesica esse, urinaque quotidie mucosa prodit. Egregius *Whytt* phænomenon explicat. Exemplo Nobilissimi Equitis *H. Walpole*, aliorumque, debuit concludere, si calculi non solverentur, eis tamen asperitates demi, circumvolvique crustam mucilaginosam, quæ, ne noceat calculus, efficiat.

Sed usus tantus alcalinorum, an solutionem humorum putridissimam non minuitur? Id *Whytt*, aliique cum illo, observarunt nunquam, neque in meo homine simile quidquam adparuit. Nam cum illi, ex cachectico sano, plethora urgente, vena secari debuit, sanguinem ejus pleno auditorio demonstravi, omni nota optimum.

Mercurius sublimatus corrosivus cum Spiritu frumenti datus, est remedium incomparabile, quo ex consilio *Ill. Præsidis*, *L. B. van Swieten*, multis in casibus utor. In libra Spiritus grana sex solvuntur, danturque ejus duo de die

die cochlearia, aliquando, si videmus hominem id bene ferre, pertinaxque fit malum, ter, imo, quater de die; ea lege ut vel decocti alicujus emollientis, Althææ, Bardanæ, imo sæpe aquæ puræ, Libr. II. III. totidemque lactis, quotidie absumat, & omni quarto mane purgetur quinque pilulis compositis ex mas. pil. extr. cath. gr. X. scammon. & Res. Jalap. aa gr. V. Spir. Vin. q. s. ut f. pil. No. V. Tutius, blandiusque purgans, in quovis temperamento non datur, in Chronicis morbis. Vix credibile est, quantus hominum numerus tum in Nosocomio, tum maxime per Civitatem totam & suburbia, hac methodo, tam a venereis, quam a multis aliis chronicis malis, & restituatur in sanitatem, & sanus conservetur.

Puellæ cura, per hoc remedium facta, egregia sane est, ulceris primo nomæ, dein phagedenici, tandemque dusepulotici, cujus hist. cap. 15, dedi.

Juvenem spatio septem mensium pulchre idem curavit ab albugine, utramque corneam diaphanam totam obvelante, quam longæ, diræ, neglectæ, pessimeque tractatæ, Lippitudines produxerant; nullo alio remedio exhibito, præterquam discutientes herbas floresque, vino rubro incoctos, oculis admotos. Cura hæc levem modo maculam sinistro in oculo hucusque reliquit, dextrum ita limpidum effecit, ut legere omnia, & scribere expedite, & labo-

re demum victum quæritare possit.

Hominem, qui ex venere toto corpore persusa, etiam post Phlyctenas pannum crassum dextra in cornea gerebat, idem remedium & a Lue, & à Panno Corneæ, trium mensium spatio, ita percuravit, ut ne vestigium quidem mali superesset.

Corpus antiquissima lue adeo arthriticum, ut hinc Anchyloses, illinc ParalySES, variique tumores & ulcera, illud jam dimidii anni spatio lecto affixissent, hæc methodus ita restituit, ut pedetentim moveri artus, tandemque quivis fere motus, qui a sano vegetoque corpore exerceri consueverint, exquisito digitorum motu excepto, denuo potuerint exerceri.

Lues venerea hominem longa a die emaciaverat; ac vesicam urinariam scedissime exulceraverat, ita quidem, ut vesicæ ulcus magnopere intra ipsum intestinum Rectum extuberaret, continuosque crearet tenesmos. Urinam non emittebat, nisi cathetere adjutus, pure onustam. Arthritis simul venerea vehementer illum torserat. Methodus dicta trimestri spatio integram omnium symptomatum curam absoluit, integram reddidit sanitatem. Et quamvis jam quinto mense quibusvis remediis ille abstineat, solo lacte excepto, illibata gaudet sanitate.

Haud tamen omnes methodus hæc curat; sunt enim, qui incurabiles: sunt qui curam commodam gaudentes, mox dein, imo ipsa
sub

sub cura, antiquum obtineant: Præterquam quod medicos reperias, qui vel non debito modo, vel non sat diu, curam, instiruant. Sed si hinc vituperaverit eam quis, a fortiore, quod ajunt, debebit Ptyalimum, & Hydrosin vituperare. Angli certe hanc methodum, ut omnium optimam, plurimis, iisque pulcherrimis experimentis approbaverunt, Tractatu nuperrime edito *Medical. observations and inquiries*, Tom. I.

Circa aquam marinam, quam *Tergesto* mihi afferendam curo & liquorem picis, quædam dicenda habeo, sed pauca experimenta afferre nolim; plerique enim ab horum protractiore usu abhorrent: unde longiore tempore indigeo.

C A P U T XXII.

De Machina Electrica.

MAchinam electricam nostram multi hoc anno academico accessere, quorum nonnulli ex leviori Apoplexia, seu ex parapoplexia; alii Paralyfi idiopathica; quidam a Plumbo, ut tres figuli; alii a Mercurio, ut duo deauratores; nonnulli ab Anchylosi genu, per vim externam orta; alii denique post Arthritidem, partes quasdam paralyticas habent.

Horum plurimi per 1. 2. mensium spatium ubi accesserint, uno, tribus, imo sex mensibus,

bus, redire negligunt: tum quod multi ad extremos suburbiorum fines habitantes, adversa tempestate, maxime dudum humida, viis ægerime uti queant; tum quod plures eleemosynis sustentati, otiose potius vivere ament, quam restitutis sibi artibus, panem suum in sudore vultus lucrari; tum quod nonnulli, integre pene restituti, præ amore victum sibi, suisque, quæritandi, antiquos labores strenue repetant. Examine porro omnium exacte instituto, constitit.

1^{mo}. Nemini unquam vim electricam vel minimum nocuisse, licet raro casu quibusdam crearet dolorem. Hinc nemini formidini esse debere, ne, si non profit, noceat sibi.

2^{do}. Tres fuisse, quibus principio nihil profuerit, quique ideo non redierint.

3^{tio}. Unum fuisse, alterumve, quibus per integros sex menses machina minime opitularetur; pertinaciter tamen perseverantibus, multum levaminis attulerit.

4^{to}. Quosdam rediisse, qui aliquid lucrati quondam, & debito citius recedentes, relapsi essent; hos vero difficiliter deinde, tardiusque, id quod perdidissent, recuperasse.

5^{to}. Emendatos fuisse, qui 1. 3. 6. 9. 12. & ultra annis, paralytici essent; unum autem, alterumve, & minorem, & tardiozem, etiam in recenti malo, open percepisse.

6^{to}. Fuisse etiam, quibus jam primo mense mutatio, spem exsuperans omnem, obtigerit,

gerit, in lingua, oculis, artubus, digitis, paralyticis.

7^{mo}. Quosdam eo usque curatos, ut fere nil superesset mali; eosdem tamen quod solitos obire labores denuo possent, ad perfectissimam curationem non perseverasse.

8^{vo}. Plures esse, qui multum lucrentur, ita quidem ut incedere pedibus, brachia movere, digitosque, egregie valeant; non vero digitis ita uti, ut subtilioribus sufficiant laboribus: spem tamen, modo perseverent, habere, fore ut integre curentur.

9^{no}. Indiscriminatim emendari, ex quacunque denum origine paralytin, tremore sive membrorum, sibi contraxerint.

10^{mo}. Consuetudinem nobis esse, per mediam ad minimum horam protrahendi Electricitatis adplicationem.

11^{mo}. Viribus Electricitatis alia etiam addita auxilia fuisse; quæ, licet citra Electricam vim, sæpe incassum adhibeantur, eam juvare tamen promoverique, possint. Etenim perpetuo ipsis injectæ sunt frictiones pannis laneis, fumo Mastiches, Sarcocollæ, Olibani, Bensoin, Styracis calamitæ, Camphoræ, Baccarum Juniperi, imbutis, instituendæ. Quibusdam solventia & incitantia Gummi, herbasque; aliis Roborantia, ex vegetantibus & mineralibus parata, exhiberi subinde oportuit. Imo nonnullis, quod tardius emendarentur, decem, quindecim, etiamque triginta, cucurbitæ siccæ,

cæ , alterno , singulove die , admotæ , ad nervorum in Collo , Lumbisve , origines , multum auxilii attulisse videntur : ita tamen ut alio diei tempore ad machinam accederent . Quibus bene pensitatis concludo :

1^{mo}. Perperam , & plane contra veritatem egisse , qui qualvis debilitates , & paralyfes , & obstructions , & humorum lentores , ad machinam electricam curari posse , jactaverint . Coalitæ quippe , concretæque adeo sunt in multis partes , ut humorum circulus per eandem restituatur nunquam . Spem bonam qui his ægris faciunt , vani jactatores sunt , suis propriis experimentis redarguendi .

2^{do}. Injuste egisse , qui , quod vis electrica haud omnibus ex æquo profit , pluribusque amicorum suorum nihil profuerit , quibus tamen a gloriosis Thraonibus secura spes facta fuisset , ideo totam rideant electricitatis efficaciam .

3^{tio}. Discussis , pensitatisque omnibus , machinam hanc auxilium esse , quod in multis malis plura præstet , quam alia auxilia hucusque præstiterint ; adeoque gratias DEO , ob patefactionem ejus a mortalibus referendas esse .

Dicenda superessent quædam de Embrocha , *la Douche* , quam instituo , imitatione variarum aquarum medicatarum ; sed cum pauciora experimenta hucusque completa habeam , quam ut firmam inde conclusionem formem , malim hæc ad futura relegare .

Finem porro hisce impositurus, serio notatum velim, plures Chronicos morbos, aut tolerabiliore reddi, aut omnino forte curari posse videri, si in illorum curatione administranda Medici, si in eadem subeunda ægroti, summo sibi metipsi impedimento non forent. Ut enim, quæ sentiam, candide eloquar, nos Medici longis in morbis debitæ solertiæ passim desumus; idque, aut defectu scientiæ, aut patientiæ, aut denique temporis. Quoad primum; nihil verius quam multis nostrum debitam deesse scientiam lentos, eisdemque sæpe implicitos, morbos interstinguendi, veramque determinandi eorundem naturam. Enumeramus symptomata solerter, ponderamusque illa: quibus auferendis partes nos nostras abunde explevisse credimus, si calluerimus ad singulas visitationes novam formulam condere; ita ut elapso mensis spatio cubiculum ægrotantis in officinam Pharmacopæi videatur mutatum esse, & inops interim auxilii æger suis sub miseriis tristis gemat, occumbatque. Deinde non minus certum est, enumeratis in morbis, nostrum plerisque debitam deesse patientiam, ita ut tædeat nos, ad morbos lentos admotos, tam parum lenteque eorum in cura proficere. Quippe celeres curas, in altum quæ famam vehant, præferimus; miseros vero, chronicis occupatos, vix decies rogati adimus. Tandem & illud, quamvis & turpe, & horribile dictu! experientia quotidiana confirmat, quod multos no-

frum tanta pecuniarum aviditas teneat, ut & amore proximi, & conscientia posthabitis, a summa aurora in seras usque vespervas, terendis plateis occupari malimus, quam ad difficiliore casus enodandos Musæum frequentare. His tamen illos exceptos velim quos fama maturior, quo studiis parum incumbant, totos dies vel invitos defatiget, integras abripiat noctes. Occasio his deest, non bona voluntas.

Ut Medici in culpa, haud sane minus etiam ægroti. Multi longo itinere defatigati, fiunt demum erga medicos, & medicamenta, morosiores. Quid quod pluribus ejus videtur medici curta suppellex, qui quotidie non innovet, mutetque quidquam; iique soli digni, quos vocent, soli apti, quibus se fidant, apparent, qui ter de die alia, totoque diversa coelo, præscribere adornareque possint.

Profecto allatæ hoc tractatu sive curationis, sive emendationis, pleræque enarrationes, & medentium solertia, & ægotantium perseverantia, patratas esse curas demonstrant, quæ nunquam sive utroque, sive alterutro deficiente, patrata fuissent. Unde in ejusmodi ægris suscipiendis Medicum oporteat suas rite explere partes, suasque etiam ut expleant adhortari ægrotos.

C A P U T XXIII.

De Morbis malignis.

HUjus operis *Cap. 15. pag. 98.* & hanc
 Quæstionem proposui : „ Nunquid er-
 „ go in ipsa eruptione aut malignarum Va-
 „ riolarum, aut aliorum exanthematum ; imo
 „ nunquid in stadio ipso contagioso, si & epi-
 „ demia, & symptomata, Malignitatem vati-
 „ cinarentur, testarenturve, cortex Peruvianus
 „ non conveniret? imo dandus non esset? Et
 „ pag. 101. „ Attamen tantillum ab ejusmo-
 „ di responsione danda abstinuerim, donec se-
 „ quens Academicus annus absolutiora, cum
 „ Bono DEO, proferendi dederit facultatem. „
 Suppeditavit porro hic annus quamplurimas,
 insignesque easdem, & quavis ex parte notabi-
 les occasiones ; quas communicare, ac super
 iisdem præctice ratiocinari, operæ pretium erit.
 At vero quia adeo consueta res est illud nomen
 Malignitatis, ut non sit idem ejus apud cun-
 ctos intellectus, expediet, quid hac appellatione
 intelligi velim, paucis præfari.

Definiuntur magno *Hippocrati* ἐνθ' ἑαυτῶν mor-
 bi ii esse, quos nulla symptomata concomita-
 rentur, quæ a consueta horum morborum nor-
 ma, neque natura, geniove suo, neque feroci-
 tate, aliena essent ; καὶ οὐκ ἐνθ' ἑαυτῶν vero, quos co-

mitarentur talia . Id in *Prorrh.* in *Coac.* in *Libr. 2 de Morb.* Mul manifesto liquet. Hanc descriptionem secutus est *Galenus*, *comm. 1. Prorrh.* & *Libro 1. de Cris. Cap. 12.* ; hanc *Foesius*, *Gorraeus*, aliique. Quare merito optimus *Sydenham* toties acerrime in illos inventus est, qui τὸ κρυπτόν ad quosvis graviores morbos, præsertimque cutaneos, solerent extendere: plures mortalium malo hoc intellectu, quam pulvere pyrio, interimi ratus. *Cl. Boerhaave Inst. §. 919.* eodem modo malignitatem intellexit; definivit; morbos autem cutaneos adeo non ad malignos retulit, ut §. 939. eisdem etiam inter bonas Criticas evacuationes annumeraverit.

Quapropter statuere cogimur, eos solummodo morbos adpellatione malignitatis recte insigniri, quos symptomata insueta, aut longe solito graviora, numerosioraque, comitentur; nullatenus vero illos, qui, acutine fuerint, an peracuti, interni, aut cutanei, consueto more sua spatia decurrant. Ut proinde *Variolæ*, *Morbilli*, *Scarlatina*; *Miliaria*, *Petechiæ*, nomine malignitatis careant, quando vel acutorum crisis faciunt, vel morbi existentes primarii consuetum Naturæ benignioris ordinem sequuntur.

Utriusque hujus generis, benigni scilicet, & maligni exempla, *Nosocomium* suppeditavit. Quintuplicem hanc recensitorum mox morborum speciem, adeo mitem experti sumus, ut alia vix arte indigerent, quam ut, bona dun-

taxat

taxat directione, sua morbo servaretur benignitas, suus maneret typus. *E* contrario autem eosdem hos morbos aliquando adeo malignos offendimus, ut non citra summos labores emergerent ægri. Quin & eorum haud multum malignos, extra Nosocomium obtinentes, ineptiore methodo in vere malignos conversos, vehementer dolumus; desperatos vero alios apto artificio in sanitatem mutatos gavisi sumus. His prælibatis, varias eosdem curandi methodos recensere, examinareque, ut, quam cæteris præstantior esse appareat, oportebit.

Potissima Europæorum Medicorum pars, interque eos *Germani*, *Galli*, *Angli*, principes viri, curam omnium pene acutorum emeticis inchoant, tusa forte prius vena. Qui modus agendi cum Medicinæ antiquitate minime refoleat, faustoque sæpe eventu careat, accuratius hic examinandus venit.

I. *Hippocrates*, vomitoria nunquam dedit, nisi vel febris absens esset, *Aph.* 4. 17. vel nisi in febribus non inflammatoriis prava in ventriculo materies ita abundaret, ut plane *ὀπρὰ* censeretur, ac proinde ægrum perpetuis in agitationibus versantem, quovis tum alimento, tum medicamento, frustraretur; *Aph.* 1-22. 2-29. Cæterum in Synochis putridis, quibus *ὀπρὰ*, quibus non turgeret materies, aut in acutis inflammatoriis, nunquam. *Aph.* 1-24. *Libr. de purg.* sive *Heurnii fragmento*, Num. 19. 20. &c.

II. *Hippocratis* mentem, suamque propriam, *Galenus* fidelissime exposuit in aureo suo opusculo, quod sub titulo: *Quos, quibus medicamentis, & quando, purgare oporteat?* extat apud *Charterium* Tom. X. pag. 470. Singula opusculi verba pondus habent, legesque medicandi inconcussas formant; tum quoad Emetica, tum quoad danda in principio acutorum Purgantia. Porro illud *turgere* non ideo in morbis obtinere censebatur, quod levior nausea, vomitusve, adesset, aut quod os amaresceret, aut quod corruptus in eo dominaretur sapor; nam citra quidquam horum acuti rarius inchoant. Atqui dixerat *Hippocrates* raro exemplo materiem ita turgere, ut emetico indigeret, τὰ δὲ πλεῖστα ἐν ὄργῃ. Rem ergo, quo eam modo superius dixi, intellexit. Egregieque ad rem *Galenus*: Ὁργᾶν δέοι χυμοὶ λεγόνται, inquit, ὅταν ἐν κινήσει σφοδρότερα γινόμενοι, καὶ μεταρρέοντες ἀπὸ μορίων εἰς μόρια, κατὰ τὴν ἀρχὴν τῆ νοσήματος, ὀχλῶσι τὸν ἄνθρωπον, ἀλγόντες, καὶ ἀλπῶντες, καὶ γογγυίζοντες, καὶ ἔτι νύκτωρ ἐπιτρέποντες. *Aretæus Cappadox*, *Celius Aurelianus*, &c. ne latum quidem unguem ab *Hippocrate*, aut *Galeno*, desciscunt.

III. *Ludovicus Mercatus* ante 200. annos apud *Hispanos*; *Platerus*, *Lommius*, & *Forestus*, elapsis quoque binis ab hinc sæculis, hi apud *Belgas*, ille apud *Helvetos*; itidem eodem ferme tempore apud *Austriacos*, *Marquardus*; *Sennertus* ante 150. annos in *Germania*;
ela-

elapso fere integro ab hinc sæculo, apud *Gallos Hollerius, Duretus, Riverius*; apud *Austriacos, Paulus de Sorbait* Belga: aut non meminerunt Emeticorum in Acutis, Malignisque, aut materie turgente duntaxat præscripserunt; idque tum circumspice, tum blandissime. Ita ut eouſque *Hipp. & Gal.* doctrina facta tecta maneret. Quosdam vero ab eadem sensim descivisse concludimus ex *Diemerbroeckio*, 100. fere abhinc annis acerbe conquerente, quod a *Droëtio, Quercetano, Matthiolo, Angelo Sala, Willisio*, in malignis morbis emetica, & quidem antimoniatæ, darentur, quorum finistros effectus ipse plangebatur.

IV. Si Auctores sæculi proxime elapsi evolimus, interque eoldem acerrimos Emeticorum defensores & patronos reperimus, Hippocraticam tamen doctrinæ veritatem innumeris exemplis confirmatam cernimus, *Hollerium, Duretum, Riverium, Sorbait*, jam recensui. *Bevilaquam* deinde reperio *Hipp.* doctrinæ, quoad Emetica, defensorem in *Styria*; clarissimum *Andream Læw* in *Hungaria*, Ultimus hic, ante 70. abhinc, & ultra, annos, in Ephemeridibus a filio cum perillustri *Schrockio, N. C. Præside*, communicatis, agens de morbo petechiali Hungarico anni 1683. „ Purgantia, inquit, quæ
 „ ad unum fere omnes admittunt scriptores,
 „ (multi saltem eo tempore) Vomitoria etiam,
 „ in principio, nullum hic invenere locum:
 „ imo omnes, quibus purgantia exhibita sunt,

„ brevi post expirarunt : eorum verò Exanthe-
 „ mata semper adparebant latiora . Ex iis, qui
 „ Vomitoria assumerunt, paucissimi, nempe
 „ ii solummodo, quorum robur naturæ adhuc
 „ erat inconcussum, evasere : in quibus & ci-
 „ tius morbus sua decurrit tempora . ” Idem
 fere testatur in febri ann. 1699. 1704. 1705.
 filius ejus *Carolus*, qui Ephemerides paternas conti-
 nuavit, idem quod pater, bis ter repetiit in fe-
 bri maligna anni 1730.

Cl. Hoyer, de Epidemica constitutione *Mu-
 lhusini* territorii, ad Ill. Præsidentem *Schrockium*,
 sudoribus se testatur post M. S. artificiose pro-
 vocatis, febrim in prima quasi herba, citius ac
 felicius, quam Emeticis aut Purgantibus, sine
 singulari successu quibusdam datis, suffocasse.

Doctiss. *Genselius* agens de const. Epid. inf.
Hungar. 1713. ” Sempronii, inquit, quoque
 „ morbi contagiosi cœperunt grassari cum Vo-
 „ mitu & ardore in abdomine, tertia, & quin-
 „ ta lethales; Petechiæ item atræ, cum Dy-
 „ senteria, pustulis in scapulis ac bubonibus
 „ sub axillis, & in inguine, septima & nona
 „ funestæ: nec Vomitoria, nec Purgantia, nec
 „ V. S. in principio conducebant.

Eruditissimus *Cocchius*, cum egregio *Lanciso*
 communicans historiam Epid. const. castrensis,
 quæ *Ferentini*, &c. anno 1709. obtinebat,
 „ Græcus magister, inquit, initio acutorum,
 „ & non nisi materie turgente, dejectoriis ute-
 „ batur. Hoc namque refermentantium genus
 „ in-

interdum crudam, & lateris (credo latere, aut latebris) affuetam materiem subdita quasi face provocat, & febres vel exacerbat, vel duplicat. Nos certe sequi volumus Dictatorem: Attamen ipse *Cocchius* illud *turgeræ* nimis late extendens, amicissime a *Lancisio* corripitur; ut patet ex epist. *Lancisii* §. 10. & 11. ad lit. *Cocchii*.

20. Modo anni sunt, quod in *Febre Pestil.* consilium sanitatis *Austriacum* leges cuderit cognoscendi curandique hunc morbum; nulla facta mentione Emetici, nisi casu quo turgeret materies.

Illustr. *Mac-neveu* & *Kelly*, in Regia *Pragensi* universitate Præses ac Professor Medicinæ, in accurata ac nitida historia malignæ elapsæ hyeme in *Bohemia* grassantis Epidemiæ, ad me scripta, notavit idem, quod supra *Genselius*, nempe Emetica, licet vomituritiones utcumque illa indicare viderentur, tempestiveque darentur, neutiquam cum natura morbi convenisse; tristisque confirmat exemplo.

V. Quum ergo hæc ita se habeant, merito quaritur, qui factum, ut tantam hac in parte mutationem, immo ad opposita transitum, Medicina subierit?

Ipsa morborum natura quandam mutationem pro tempore postulavit. Hoc certum est, ut mox patebit. Sed nunquid Medici hanc qualemcumque exceptionem, nonnunquam observatam, jam ut generalem Naturæ legem perpetuo

tuo observandam, jure merito considerare debuerunt? Sane sapientiores ab hoc errore resipuerunt, quos inter *Sydenham* cæteris exemplo fuit; dum qua methodo dandi in certa epidemica febre Emetici, felix fuerat, eadem se posthac in simili febre infortunatum esse, palam lateretur. Febris continua putrida morbillosa fert, jubet, urget passim, V. S. & enemata; dum vero epidemica erat anno 1674. *Sydenhamo* referente „ nec V. S. tulit, nec enemata, „ ab utrisque irritata,

Expertissimus *Carolus Richa* describens febr. epid. *Taurinensem* anni 1720. malignos advertit Diarrhœa judicari; quæ tamen Diarrhœa alias sæpe mortem his ægris adduxit, ut idem advertit,

Idem *Richa*: „ Sponte oborta Hæmorrhagia „ plerisque servatos refert *Diemberbroek* in peste „ *Neomagiensi*; secus hanc olim lethalem experti „ sunt *Tolosates*, & *Lugdunenses*,

Quantisne laudibus effertur in Malignis *Camphora*, veluti collapsas vires blande restaurans, & somnum ipso opio tutius adducens! Consulte modo egregios viros, *Huxham*, & *Pringle*. Aliud tamen experti in Epidemia an. 1699. eruditi Medici *Uratislavienses*, in *Hist. morb. Urat.* „ Mirabitur autem quisquam, ajunt, „ nobis in recensu medicamentorum præteritam „ esse *Camphoram*, cum hætenus inter tot „ *Bezoardica* composita, in quacumque forma, „ unanimi quasi consensu fuerit adoptata. Enim „ vero

„ vero scire licet tantopere laudatam Campho-
 „ ræ virtutem alexiteriam . . . niti nuda tradi-
 „ tione & opinione hominum , ac in re ipsa,
 „ in febribus *hifce* malignis Camphoram inter-
 „ ne plus detrimenti , quam auxilii afferre.

Videamus denuo *Sidenhamum* ! Emetico feli-
 citer curabat integro triennio febrim Epidemi-
 cam ; pergens posthac in eadē , ut videbatur,
 febris specie emetico agere , infauste necabat.
 Vide eundem ad Febr. anni 1665.

In multis laudatorum antea auctorum consti-
 tit , homines maligne decumbentes emeticis de-
 bilitari , imo occidi ; attamen quædam nonnun-
 quam Epidemiæ illa salutifera deprehenderunt.
 Ita Ill. *Baro van Swieten* comm. §. 661, „ An
 „ ad modo recensitas , inquit , debilitatis cau-
 „ sas referri possunt quædam alia , satis mira,
 „ in morbis observata ? Hæret aliquando in
 „ morbis aliquid circa præcordia , quod , ve-
 „ nenata quasi vi , omnes vires uno momento
 „ prostermit ; & quandiu ibi hæret , summam
 „ debilitatem facit , quamvis nulla jactura li-
 „ quidorum prægressa fuerit , nèque observabilis
 „ ulla mutatio in liquidis , solidisve corporis
 „ partibus reliquis , inveniatur , cui subito na-
 „ ta debilitas attribui possit . A bile circa præ-
 „ cordia hærente , non tantum Convulsiones,
 „ sed & Syncopen ortam fuisse , observavit *Ga-*
 „ *lenus* ; excussa hac saburra per vomitum , il-
 „ lico cessabant omnia hæc mala . In Feбри-
 „ bus continuis , quæ epidemice grassabantur,
 „ mi-

„ mirabatur *Sydenhamus*, præter alia mala sym-
„ ptomata, adesse ingentem ac subitanam vi-
„ rium consternationem; emetico vero dato,
„ omnia sæva illa symptomata, quæ & ægros
„ excruciabant, & adstantes perterrefaciebant,
„ mitigabantur. A venenis assumptis quando-
„ que & summa debilitas observata fuit, dum
„ tantum in ventriculo hærent, uti pluribus
„ exemplis apud *Wepserum* in *Historia Cicute*
„ *aq.* confirmatur. Non videntur autem omnia
„ similia agere immeabilitatem liquidis conci-
„ liando, aut obstruendo canales; quia illico
„ cessant omnia hæc mala, dum ventriculo
„ expelluntur. An mutatis ventriculi nervis di-
„ recte in Cor agunt ipsum? An prius Cerebel-
„ lum, vitalibus corporis functionibus inter-
„ viens, afficitur? Sufficit hic notasse mirum
„ hunc effectura, licet minus intelligatur quo-
„ modo a similibus subitanea adeo debilitas fiat.
„ Simulque proderit hoc novisse, ne quandoque
„ debilitas, a tali causa pendens, aliis adscri-
„ batur. Igitur cum insueta admodum debili-
„ tas non raro homines ab ipso morbi principio
„ prosterнат, examinanda est debilitatis causa; quæ
„ si non a plethora, non a vera virium deperdi-
„ tione, sed ab ejusmodi causa in ventriculo hæ-
„ rente ortum ducereprehenditur, erit utique
„ illa, contra observationes de nocumento emeti-
„ corum in his morbis captas, emetico expellenda.
„ Merito ergo clari in arte viri, tot nominibus
„ laudandi, *Huxham*, & *Pringle*, apud *Anglos*;
„ *Tysson*

Tyffot, apud *Helvetos*; cum ejusmodi Epidemiis interfuissent, quibus Emetica & Purgantia bona reperta, suam illorum curandorum methodum cum publico communicarunt, debitasque ob id gratias ipsis referimus. Verum an ideo eorum observatio perpetuam & unicam formabit curandarum malignarum in posterum regulam? Nec credunt id, opinor, nec a nobis postulant, magni, quos laudavi, viri. Eodem enim jure Camphora ultra non proderit, quod in malignitate nocuisse Uratislaviensibus observata sit. Erunt Hæmorrhagiæ in malignis vel semper salutares, vel semper lethales. Imo cum aliquando 6. 7. 8. Venæ sectionibus Pleuriticos ab imminente letho vindicaverimus, id nobis ultra non licebit, eo quod *Sydenhamo* Pleuritis observata, iteratam V. S. respuens. Vid. *Tyff. Epid. ann. 1675.*

Sapienter ergo, quem supra laudavi, *Cl. Richa*, ubi retulerat malignos anni 1720. Diarrhœa judicari. „ Neque istamen ego sum, „ inquit, qui indiscriminatim purganda esse corpora, statim ab initio, contendam. Fieri „ namque poterit, ut id genus auxilii, quod „ modo haud paucos revocavit ad vitam, nec „ cem alio tempore ægris inferat Sæpe „ visum est in febribus alvi profusiva noxia „ fore, mortemque inferre, quæ aliquando salutaria extitisse novimus. Idque est Epidemicorum hujusmodi morborum ingenium, ut „ qua methodo currente anno ægrotos libera-

„ veris , eadem , ipso anno jam vertente , for-
 „ sitan e medio tollas .

Summa proinde dictorum est ; in morbis ma-
 lignis tum vario tempore , tum vario modo ,
 mutationem a generali regula observari non-
 nunquam , hancque medico cognitam etiam
 medendi modum petere , qui a communi me-
 dendi modo sit diversus . Sed simul constitit
 ejusmodi mutationem haud raro præsentem , dum
 abest , dici : Hinc dandorum emeticorum con-
 suetudinem nimium increbuisse , ex principio
 Hippocratico *περί τῆς ἐργασίας* haud bene intellecto .
 Turpiter errasse Medicos , dum quæ *Hipp. Aph.*
 4-17. de dando emetico extra febrim præcepe-
 rit , ea ipsis adplicent febricitantibus . Hinc fa-
 ctum , ut in Malignis , & non Malignis , vo-
 mitoria dederint indiscriminatim , cum eorum
 rarissimi sint , in quibus nausea , vomiturotio ,
 præcordiorum anxietas , os amarum sædunive ,
 plus minus non adessent . Hoc ipsos *turgere*
 adpellasse , cum neutiquam id ita adpellare de-
 buissent ; si enim id *turgere* dicendum , turge-
 bit in omni fere morbo materies ; scire autem
 oportere cum *Hippocrate* plurima non *turgere*
 adeoque raro esse emetico utendum acutorum
 in principio . Solent , ab introverta perspirabili
 materia , enarrata ad præcordia symptomata
 oriri , solent aliquando a deglutito Epidemico-
 rum miasmate . Vis diluentium & involventium
 hæc stimulantia enervat , expellit ; emetica &
 purgantia turbant naturam totam , nec hostem
 aufe-

auferunt, quod ille subtilior sit, altiusve infusus. Plurimi piaculum esse credunt emetica in stadio inflammatorio Variolarum non dedisse; sed an illi vomitiones non observaverint eo usque perennare, donec debita fieret exanthematum expulsio? Hinc nunquam ipsis dedi, & tamen aut debito tempore conatus vomendi fiebant, aut sæpe multo ante; quod diluentium copia inertem in ventriculo stimulum reddidisset. Quinto jam anno medicinam hic publice facio; materiæ vere turgentis occasiones adeo raras inveni, ut nunquam adhuc dederim emeticum cujuscunque acuti morbi principio. Provoco ad omnes aut Medicos, aut Medicinæ studiosos, ut dicant, num ex neglecto Emetico vel minimum infortunium unquam contigisse, imo an, non dato emetico, sed adplicata nostra methodo, vomitus, nauseasque, tertio die superstites esse, observaverint? Spes me alit fore, ut damnosam hanc artem demum ex Medicina exfulare videam. An ergo nunquam dabo? Utique actutum casus extare illos observaverim, in quibus *Illustr. L. Baro van Swieten*, laudatique auctores, emeticorum deprehenderint necessitatem. At vero exceptio hæc erit a regula generali; exceptio sequenda, donec observatur: generalis demum regula denuo observanda, ubi exceptio haud amplius obtinet. Atque ita quæstioni, de emetico malignis in morbis dando, me reor satisfacisse.

§. 2. Secunda quæstio hic circa V. S. versatur;

tur; cum hanc nonnulli impense laudent, auctororum tamen potior pars aut penitus proscribant, aut unice in repletis corporibus, & morborum concedant initiis. Quorum ea potissima ratio est, quod Maligni & contagiosi morbi tantam sibi habent adjunctam passim debilitatem, ut his ægris venam secare, eosdemve trucidare, unum videatur, idemque. Attamen prædefiniendum fuissent, utrum ex vera, an ex adparente duntaxat virium projectione, hæc debilitas generata esset. Vera debilitas est a virium deperditione; adparens vero debilitas, ab earum solummodo suffocatione. Ab utraque causa oritur, ab utraque causa mala est; licet ex vera virium deperditione pejor. Magnus *Boerhaave* debilitatem febrilem *Aph.* 661. deducit & ab inanitate vasorum, & ab immeabilitate liquidi, & ab obstructione canalium. In quem textum *Illustr. Commentator*: „ Sic observatur „ sæpe in ipsis pessimarum febrium initiis omnes „ omnino corporis vires illico prosterni; „ malo quidem semper omine, quia summa „ morbi malignitas indicatur: „ Ad causas a *Boerhaavio* datas adjungamus eam, quam ex *comm. Illustr. Commentatoris* præced. §. attuli.

Volupe sane est hac super questione venerandam antiquitatem audivisse; quam si medici serio consulerent, minus sane aut cespitarent, aut aberrarent. Magnus *Hipp. Libr. de Vict. Acut.* in quarta divisione libri apud *Chart. a Text.* 21. ad 26. cum ipsa admiranda sua brevitate

vitae longus est, ut hujus adparentis debilitatis justam medicis ideam formet. Describit ibidem sub nomine *Aphoniae* morbum, in corpore antea sano, nulla de causa defatigato, aut debilitato, qui tum impotentia ad motum, tum praepressis difficultate loquendi, *Aphonia* nominatur; & gravissimis aliis, acutissimisque morbis, viam sternit. Diserte autem dicitur ejus causa proxima τὸν φλέβον ἀπολήψεις & πνευμάτων ἀπολήψεις ἀνὰ τὰς φλέβας. Sane non possemus *Hippocrate* accuratius causam proximam definire, quam quod sit sanguineorum vasorum interceptio, ut & interceptio spirituum inter vasa, quae turgendo nervos comprimunt. Quid hic medelae? Venam cubiti secandam jubet. Convenitque suo cum auctore commentator *Galenus*; insequituram alioqui mortem praesagiens.

Aretaeus Cappadox *Aphoniam* Hipp. sub Συγχοπῆς adpellatione describere videtur, contingentis in valde acutorum exordio; morbiq; graphice descripti curam mox a V. S. orditur, ἣν δὲ ὑπὸ πλήθεος γίγνηται Συγχοπή.

Alexander Trallianus, sexti saeculi auctor, similem morbum describit in principio acutorum, & cum maxime febris ardentis, coactumque se videt contra *Aetium*, *Oribasium*, *Gelium Aetelianum*, inevitabilem venae secandae necessitatem propugnare. Parisiensis Professor *Riolanus Ench. Lib. 3. c. 8.* ante 100. annos Germanis exprobrabat, quod V. S. in syncope, ipsis a plenitudine perquam familiari, negligerent.

Nonne ex his curandæ Malignarum debilitatis vera eruuntur fundamenta ? Profecto his principiis imbuti medicorum multi , in V. S. quam ultro , dato in casu , condemnauerant , volentes nolentes inclinarunt . Ipse *Oribasius* , auctor quarti sæculi , quem mox , *Alexandrum* laudantes , V. S. hic condemnantem intelleximus , *Libr. de Cuc. Scarif. Cap. 20.* » Et sane ,
 » inquit , dum pestilentia vehemens Asiam de-
 » prehendisset , multosque perdidisset , meque
 » etiam morbus attigisset , secundo morbi die,
 » remissione febris facta , crus scarificavi , duas-
 » que fere sanguinis libras detraxi , hacque de cau-
 » sa periculum vitavi . Plerique etiam alii , hoc
 » præsidio usi , superstites evasere : erant enim
 » plenitudinis signa ; illique præcipue ser-
 » vabantur , qui sanguinem copiosum exhau-
 » ribant .

Nunquid & ipse *Sydenham* non eo pervenit usque ? Evidenter id paterè arbitror ex ejus dicta *Schedula monitoria* ; in qua , postquam medicorum falsam de malignitate ideam perstrinxisset , pulchre dein hanc ingentem in malignis debilitatem , a mera virium suppressione , præ humorum copia ; ortam docet ; & irrefragabili exemplo juvenis , animam hac ipsa de causa propemodum agentis , nec nisi post tertiam , quartamve . V. S. curati , demonstrat .

Moverat præclarum hoc exemplum optimos viros , *Uratislavienses* medicos , cum curam Malign. anni 1702. infœlicem luxissent ; ita quidem
 ut

ut eruditis omnibus problematice proponerent, an non expediret larga V. S. curam ordiri, & Alexipharmacorum loco, purum purum sequi *Sydenhamum*? Profecto, *Sydenhami* sententia, suaeque propria infortunia, ipsis quaestionem vel invitis extorserant: altas vero nimium radices egerat antiquum praëjudicium, quam ut serio *Sydenhamum* imitarentur. Adeo nimirum laboriosum passim est, vel optima cæterum ingenia praëjudicatis opinionibus exui posse.

In vera igitur debilitate, ut haud oportet detrahare sanguinem, ita in debilitate adparente omnino est detrahendus. Si quis nunc veras optet utramvis distinguendi regulas habere, has laudatis supra textibus dederunt *Hippocrates*, *Alexander*, *Sydenhamus*. Primus „ Eorum au-
 „ tem quamplurimis hæc accidunt: Faciei ru-
 „ bores, oculorum constantiæ, ὀφθαλμοὶ δὲ στεγνοί,
 „ manuum distensiones, dentium stridores, pul-
 „ sationes, maxillarum contractio, extremo-
 „ rum refrigeratio, & spirituum per vasa tur-
 „ gida interceptiones „ Alter vero „ Primo sa-
 „ ne facies eorum squallida est, & sicca; pul-
 „ sus exigui, inæquales & inordinati, adpare-
 „ bunt. Dejectio autem biliosa est. Vigiliæ
 „ magis, quam in aliis urgent, sitisque adfli-
 „ git „ . Tertius: „ Quamvis enim, inquit,
 „ ferme animum agere videretur ille (juvenis)
 „ calor tamen in externis partibus ita ad ta-
 „ ctum sentiebatur temperatus, ut fidem mihi
 „ derogarent adstantes Amici, quoties affere-

„bani eum febre laborare, quæ ob sanguinis
 „oppressionem (cujus mole, exitu negato,
 „quasi strangularetur) se explicare, & osten-
 „dere nequibat.

Duplici equidem modo possumus hic vasa repletiora intueri; sive vera plethora, sive sanguinis, cæteroqui non nimii, rarefactione. Ita jure merito Cl. *Boerhaave Instit.* §. 1230. 3.
 „Indicatur V. S. a motu suffocato per nimium
 „tumorem a copia, vel a rarefactione, natum
 „in arteriis. Hoc modo puella sero mucoque repleta, suscepto Variolarum miasmate, hanc rarefactionem quandoque ita patitur, ut venam cum euphoria lecta; sanguinem vere phlogisticum exhibeat.

Sed laudati tres textus signis datis ad cognoscendum morbi statum variant; variare autem debent. Si modica circulatio; attritusque, super sint, ut in Juvene *Sydenhami*, moderatus aderit per omnia calor; ut & ipse testatur. Si superstes paucus admodum motus, aderit, ut *Hippocratis* in casu, frigus extremorum. Si motus modicus quidem, sed universus; poterit, quod *Hipp.* asserit, vultus rubere, fixioresque esse, a nimia repletionem, oculi: Si vero inferiore in corpore cruor accumuletur, minor erit ad encephalum motus; adeoque squallida ac sicca facies, descripta *Trolliano*, observabitur. Verum quacumque ratione ex his datis causis debilitas ortum duxerit, V. S. semper opus habebit. Erit vero hæc V. S. inutilis, imo dam-
 nosa,

nosa, si vel ex evacuatione nimia, vel a putrida humorum dissolutione, vel a corrupta ad præcordia hærente materie, oriunda debilitas fuerit. Hanc nos legem sequuti, omnibus nostris ægris, maligne habentibus, Venam tudimus, cum debilitatis emendatione, siquidem illa aut plethoram, aut rarefactionem saltem, pro origine haberet.

§. 3. Tertium, quod examinandum, idque cum maxime memorabile, est datorum ægris nostris medicamentorum natura & ordo. Optimos autores consulens, egregiorumque medicorum varias methodos anxie expiscatus, vidi manifesto, & nostris & aliorum ægris, varias prodesse methodos, easque saltem non irreparabiliter nocere, quamdiu morbi ita modo maligni essent, ut in veram, antea descriptam, malignitatis classem, non inciderent. Hinc cum cæteris medicis plures curavi; ubi vero ad certum veræ Malignitatis gradum morbus pervenisset, tam aliorum, quam meam medendi methodum, in multis deficere, morbumque evasisse medicina majorem, moestus vidi. Ut ergo hujus operis *Cap. 15.* innui, efficaciorum medelam expiscatus eram, ultraque eram expiscaturus. En ergo quid inveni.

I. Alimenta ex Avenæ, vel Hordei decocto, diluto; aut si ex jure Carnium, saltem cremor tartari, aut citrei succus, multum adjunctus est. Subinde poma, pyra, prunaque cocta; panis his additum tantillum. Potus,

decoctum Hordei mellitum, aut hydrogala cum melle, aut etiam blanda Emulsa. Copia autem omnium horum potuum semper ingens data est.

2. Lenia paregorica emulsis addita sæpe; & semper bis, ter, quater, nycthemeri spatio, dosi ejus largior data.

3. *Cortex peruvianus*, vel declarante se malignitate aliquandiu post eruptionem exanthematum, vel cum ipsa exanthematum eruptione, vel etiam ante eruptionem eorum, vel ab ipso morbi principio, illico, summo cum effectu datus est.

4. Tandemque si nimia tussis sibi relinquenda non videretur, Oxymel squilliticum, Kermes minerale, Paregorica, hanc compescuerunt.

Notandum quod horum sub usu Vesicantia & Epispastica varia corporis loca occuparent; Enemata, pro re nata, copiosa injicerentur; fomenta aut emollientia ad partes rigidas, aut Vinosa in summa debilitate, corpori undique adponerentur, & id genus alia. Porro quid hic Cortex præstet, inquirendum.

Septuaginta, & ultra numeramus annos, cum egregius *Richardus Morton*, Londinensis Medicus, *Sydenhami* amicus, multa experientia edoctus, evicerit, demonstraveritque, præstantiam corticis peruviani, indistinctius eousque noti, in febribus plerisque tum intermittentibus, tum etiam in iis, quæ ex continuis remitterent, ut & in remittentibus. Corticem porro ut uni-

ver.

versale antidotum commendavit, ubicumque febres sive anomala symptomata affectarent, sive in malignitatem declinarent: idque non inacutis modo, sed etiam in chronicis. Generalior forte, minusque digesta doctrina, effecit, ut pauciores eam pro dignitate ultra excoluerint, perfecerintque. Forte etiam volitantia per totam Europam scripta in odium Corticis, Mortoniana ad tempus suffocarunt.

Sexaginta anni sunt, quod doctissimi Medici *Uratislavienses* hujus Corticis vires in intermittibus contemplati, merito suspicarentur, proforetne etiam in Malignis? Quorundam enim animos hæc dubitatio subjerat, an malignæ febres ex continuarum classe eximendæ non forent, inque eam intermittentium, transferendæ non essent? Uti quidem jam *Petro Salio* visum fuerat, & *Neucrantzio*, & *Sennerto*, *Paulo Simoni*, & *Rhodio*. Quod si id revera sic se haberet, corticem concludebant æque in malignis, quam in intermittibus, profuturum. Attamen, quod dolendum, alienos iterum ab hac opinione se testabantur fieri, tum tristissimis quibusdam propriis exemplis, tum infortunatis *Loweri*, *Shortii*, Anglorumque aliorum, experimentis. Utique si hi, & illi, dosi non sua, tempore non suo, corticem dederint, infortunati esse, ut priore anno evici, debuerunt. Interim notasse juvat medicorum conamina dandi in malignis corticis, plane nova non esse.

Sub idem fere tempus simile quidpiam subolfecerat egregius Vir, tum a religione sincera, tum ab eruditione medica commendatissimus, *Fr. Tortus*, Mutinensis Professor. Hic anno 1709. annosas suas observationes edere cœpit, ac dein 1712. incomparabilem librum edidit, cui titulus: *Therapeutice specialis ad febres quasdam perniciosas, inopinato ac repente lethales, una vero Chinachina, peculiari methodo ministrata, sanabiles*. Verum, ut fit in rebus humanis, famam ingentem inde natam impune non tulit: nec de infima gente medica adversarios habuit, sed arte, fama, industria, claros: *Ramazzinum*, *Mangetum*; quorum prior *Torti* responsis jatroapologeticis plane inermis redditus est; posterior anno 1720. excusantes literas ad *Tortum* dedit. Fatetur autem vir candidus *Ludovici Mercati* doctrina, de certis quibusdam intermitt. febribus, & eruditi *Richardi Morton* de Cortice observationibus, sese plurimum adjumenti percepisse, ut saluberrimam suam methodum conderet.

Eruditissimus vir *Carolus Richa* in *Constit. Taurinensi* 1720. §. 26. scribit in malignis febribus, quas, ut ex eo supra monui, alvus critica solveret, se, cardiaco indigentem, cortice usum esse; dein §. 33. 34. 35. multus est in eodem laudando, ut incomparabili præsidio artis, quocumque in morbo Medici pertinaciores humores offenderent; sed quo præcise morborum tempore, quave dosi illum exhiberet, haud addidit.

Lau-

Laudandus multis de causis eruditissimus
Huxham in *Const. an.* 1735. pag. 109. „ Si
 „ in singulari , inquit, gangræna valeat Quin-
 „ quina, quidni in universa humorum corru-
 „ ptione? Exanthemata nigra, Vibices, & ci-
 „ tissima cadaverum putrefactio, gangrænosam
 „ utique sanguinis diathesin significabant. Ad
 „ eum adeo finem, optato demum cum suc-
 „ cessu, *post* summum morbi incrementum,
 „ exhibui aliquam ex cortice peruviano medi-
 „ cinam, cum Alexipharmacis idoneis, & Eli-
 „ xire Vitrioli *Mynsichti* acidulatam: nec otiose
 „ interea expectans sedimentum urinæ laudabi-
 „ le, & quod dicitur, lateritium; modo sci-
 „ licet vel minimam morbi remissionem obser-
 „ vassem „. Videtur ergo corticem dedisse post
 morbi acmen, coctionis tempore, nec ipsi soli
 esse confusus, sed cum contraj. serp. virg. cam-
 phora, sp. C. C. Elix. *Myns.* commiscuisse.

Doctissimus *Pringle* febres castrenses nervose
 describens, quas in *bello Belgico* ab anno 1742.
 ad 1748. ipse observaverat, adparet viribus Cor-
 ticis in malignis febribus necdum multum filus
 esse, nec *Huxhami* observata explorasse, donec,
 improvise sane casu, Corticis in hisce præstan-
 tiam cogeretur admirari. Anno quippe 1748.
 contigerat, ut miles febre maligna petechiali
 laborans, Gangrænam a vesicante ad dorsum
 posito pateretur. Cum gravis ea Gangræna ef-
 fet, homini dabatur, præter consueta remedia,
 cortex. Quo effectum, ut elapsis aliquot die-
 bus.

bus gangrænosa plaga pulchre suppuraret, ipseque simul petechialis morbus in meliora vertetur, atque integræ curationis spem fecisset, nisi æger a Corticis usu abhorrens, eum plane repudiasset. Factum inde, ut omnia in peius denuo ruerent, & mors brevi insequeretur. Hoc tamen casu ait egregius autor se, de Kinæ præstantia convictum, 39. ægris eundem postmodum dedisse; horumque, depurato prius Nosocomii aere, 35. servatos esse; aere, non depurato, successum duplo fuisse minorem.

Consideratis his omnibus patet a multis claris in arte viris rem propositam esse: nempe a *Mortono* & *Torto* ex cruditate ad quandam incipientem maturitatem perductam esse; sed haud ita, ut principibus in arte Viris sic probaretur, ut sine animi scrupulo, constanter, determinatisque in casibus, Corticem unanimiter dederint, laudaverint: imo nec unquam aut verum ejus dandi principium, finemque, aut genuinam ejusdem dosin, exacte determinaverint. Tandem doctrinam hanc, licet a *Mortono*, *Torto*que, egregie propugnata, ut plurimum ab aliis problematice adhuc habitam fuisse; & non, nisi fortuitis sive experimentis, sive ratiociniis, denuo resuscitatam, idoneosque ad usus revocatam fuisse. Cum igitur verum inchoandi tempus, justa dosis, ejusque sola sibi sine aliis remediis alexipharmacis sufficientia, (si ita liceat parum latine dicere,) qua exactitudine oportuit, non sit determinata, hiatum-

tumque in doctrina medica relinquat ; conabor
 ea mea conamina perficere , quæ priore anno
 ad hunc hiatum explendum inchoaveram ; cum
 id præstandi multiplex sese occasio obtulerit.

Æ G R O T A . I.

Ineunte Februario 1758. mulier ann. 36.,
 una ex ægrotantium sceminarum nostrarum cu-
 stodibus , febre continua putrida corripitur .
 Plures habebat ab initio jumentosas urinas, tum
 maxime referentes τὸ γονοειδὲς Hippocratis .
 Quarum urinarum per sex dies integros serva-
 tarum, ne unica quidem corruptionis, putredi-
 nisve, signum dedit . Octavo morbi die innu-
 meris subito Petechiis scatuit , collum, brachia,
 manus, nonnihil & crura, obsidentibus . Mali-
 gna mox signa eruptionem sequebantur : Præ-
 cordiorum anxietas , motus convulsivus singultum
 inchoantem referens , oculorum ac totius faciei
 mutatio magna, & collapsus , celer admodum
 contractusque pullus .

V. S. totaque antiphlogistica cura, primo in
 stadio adplicata fuerat. In stadio autem eruptio-
 nis , tum autoritate auctorum , tum aliorum
 exemplo , adposito primum scuto ad stoma-
 chum , composito ex empl. de Labd. Camph.
 & Opio, dedi quovis trihorio Rad. Contraj. &
 Camph. aa gr. VI. una cum largo calidi de-
 cocti hordei melliti potu . Tria primo , dein
 adhuc duo alia, sunt admota Vesicantia . Ni-
 hilque

hilque proficiens, dedi misturam ex rad. Contr. Serp. Virg. Camph. \overline{aa} gr. XII. Acet. rosac. Syr. succ. citr. \overline{aa} unc. I. Aquæ Rutæ unc. VII. ut altera hora unciam hujus, altera unc. III. Emulsi camphorati sumeret. His profectum nihil. Sola præcordiorum anxietas, & singultienti conatus, unc. III. olei amygd. & unc. I. Syr. Diac. haustis, cessaverunt; reliqua omnia symptomata cum incrementibus petechiis increverunt.

Nono morbi die medio stranguria oborta est, dolorque ad ima pelvis intolerabilis. Emolliente cataplasmate mox imposito, prodiit cum miæto guttatim lotio sanguis, idque continuo fere. Ut autem in Malignis calor febrilis raro intensus, ita & hic thermometron per 8. minuta adhibitum 99. modo gradus signavit. Perrexerit sanguinea urina per sesquidiem, dum interea alvus plane æruginosa prodiit; tandem alvo sanguinea prodeunte, cessavit cruoris miætio.

Duo hic maxime terrefaciebant. 1^{mo}. Dolor stranguriæ tantus, ut mulier ejulatu suo totas expleret ædes, & ut ad singulam urinæ guttam convelli inciperet, totoque corpore contorqueri. Ad hunc sedandum tentavi quid oleum Lini per Catheterem in Vesicam injectum efficeret? Tentamen pro votis successit: ita ut, repetitis injectionibus dolor imminueretur, & post biduum plane conticesceret. 2^{do}. Morbi malignitas, ad quævis appositissima remedia augecens. Quare Sydenhami memor, dicentis de mi-

miſtu, ſputoque cruentis,, Unicum in Variolis
„ ſymptoma, cui devincendo. nondum par eſt
„ Ars medica „ cogitavi illico, ſi quid reme-
dii adhuc forte ſupereſſet, id corticem peruvia-
num fore. Quare illico, miſtu cruento primum
viſo, corticem dedi; & quidem, ut commodè
illum, copioſeque, ſumeret, extracti forma.
Doſin ejus eximiam dedi, quia uſus, per varia
discrimina rerum, me eo perduxerat, ut, dum
ad averruncandam, abigendamve, Gangranam,
cortex quidquam jüvaret, non parca manu ju-
varet, ſed larga datus. Quippe ut proxime
elapſo anno monueram, parciſor exhibitus Cor-
tex, levamen, non curam, attulerat. Igitur
fœmina hæc unciam extracti quotidie in mi-
ſtura aſſumſit continuis quatuordecim diebus,
per octiduum vero dein unc. mediam. Fuit &
Syr. Diacod. bis, ter, de die datus, donec in-
tegre eſſet devictus morbus. Vini diluti modi-
cum ſubinde conceſſum; Vini calefacti fomen-
ta diu noctuque adplicata, laborioſe renovata,
jugulo, axillis, inguinibusque.

Effecit Cortex, quod dixi, ut miſtus cruen-
tus ceſſaret, ſolaque alvus, pro æruginofa,
cruenta prodiret. Cum jam putrida & gangræ-
noſa diatheſis Intestinatorum metui poſſet, inje-
ctumque ad eam præcavendam, curandamve,
tepidum oleum Lini illico eſſet; parabatur in-
terea largum & ſaturatum corticis decoctum,
quod enematis forma ſæpius injiceretur: at vero
alvus deſinens cruenta eſſe, opus eo non ha-
buit.

buit. Ad finem morbi molesta tussis, tantillo Kermes minerali Oxymelli squillitico admisto, pacata est. Curato morbo. edema dextri cruris molestum erat, sed data per multos dies uncia Rob. Junip. frictionibusque & fasciis adhibitis, intra tres septimanas perfectissime convaluit.

ÆGROTUS II.

Eruditus, candidus, multæque profecto spei medicus, Dominus, *Hasenorl*, in Nofocomio *Hispanico* Medicorum alter, postquam multis maligne laborantibus egregiam operam navasset, maligne ipse decubuit. Vena ipsi secta fuit, omnisque adhibita antiphlogistica cura. Sexto die innumeræ Petechiæ faciem obsident, col- lum, pectus, abdomen totum, integrum dor- sum, omnes, superiores maxime, artus. His paulatim pustulæ miliares albæ copiosæ intersper- læ. Cum in Ptochotrophio decumberet, in con- silium me vocavit, ipso efflorescentiarum prin- cipio, optimus dominus *Mayer*, pauperum ibi- dem Medicusne dixerim, an Pater. Consilii conclusio fuit 1^o. Corticis extracti unciam quo- tidie exhibere. 2^{do}. Vesicantia apponere. 3^{io}. Quotidiano enemate alvum servare apertam. 4^{to}. Bis, ter, quater de die, unciam Syr. Diac. dare. 5^{to}. Potum aq. hord. mell. aut Seri la- ctis, aut Hydrogalactis, assidue dare, & cor- pus jure carniæ, cui citrei succus admistus, nutrire. Pulchre videre erat, quam egregie, ho- rum

rum sub usu, duplicis generis efflorescentiæ in conspectum prodirent, totumque contegerent corpus. Nihil jucundius cernere erat, quam quantopere præsens nunc debilitas ab ea distaret, quæ hisce adesse morbis solet. Urinæ continuo vere criticæ prodierunt; molestæ vero tussi eadem, quæ ægotæ primæ data, medebantur; symptomata demum quævis ita mitescebant, ut petechiis, vibicibus, miliaribus, scatens, ne ægrotaret quidem. Uncia igitur extracti Corticis 21. diebus quotidie usus, minori dein per alios 14. dies dosi, ad ejusmodi demum sanitatem pervenit, ut eadem adeo illibata, multis ab annis sibi non videatur fruitus esse. Solis diebus morbi gravioribus, ut plerique alii, ita & hic, corticis paulo majorem copiam sumsit.

ÆGROTUS III.

Dominus *Kollmann*, ob doctrinæ medicæ præstantiam recens creatus Medicus Nosocomii militum in suburbio *Leopoldino*, medio mense junio hujus anni eodem febrium genere, a qua suorum militum plures jam percuraverat, decubuit; & ab amico suo, solerti Medico, *An-tonio Störck*, dignissimi Professoris *J. Störck*, piæ memoriæ, digno fratre, olim meo, in Nosocomio, per biennium Assistente (ut vocant) agrorum vigilantissimo, egregie juvabatur. Ab utroque vero ad consilium rogatus, quotidie adfui. Ante adventum meum vena jam secta
fue-

fuerat, omnisque reliqua adhibita antiphlogistica cura. Petechiæ quinta die prodierunt; prima in dextro colli latere, cui mox se plures adjunxere: die sexto etiam ad pectus & brachia comparuerunt. His demum die septimo miliaria adjuncta.

Ut in priore ægro, ita & hic, mox a conspectis petechiis, in morbo cæterum gravissimo, Cortex similiter eadem dosi datus est, a 5. morbi die, in 30. diem usque. Graviora sane symptomata hic æger, quam proxime præcedens, perpeffus est, deliria, debilitatem, alvum involuntariam, ischuriam, & quod pessimum, universo corpore, diu noctuque, idque plurium dierum spatio, enormes tendinum subsultus. Tota cura hic, ut in præcedentibus, adhibita est. Notatu dignum quod, cum tam debilis esset, ut vix artus per lectum movere posset, nunquam tamen, etiam in pessimorum symptomatum vigore, pulsus ipsi debilis, aut valde celer, sit deprehensus. Post 30. diem & huic crura intumuere; sed adhibita frictione, sumptoque purgante, brevi remiserunt. Levem dein Icterus, cui & olim obnoxius, aquæ Selteranæ percurarunt.

Æ G R O T U S IV.

Juvenis 16. ann. a peractis multo cum frigore, & insueta cum diætâ, itineribus, febre corripitur, & per 5. continuos dies, sine ullo auxi-

auxilio, misere in stabulo decubuit. Die 6. ad me conducitur. Febre cum tussi catarrhola continuante, prodire die 14. morbi alba Miliaria, cum ea quidem malignitatis nota, ut qui eousque æqualis, satque fortis fuerat, pulsus, nunc debilis, intermittens, inæqualis, deprehenderetur. Et huic actutum cortex ideo datus, miliaria belle eduxit, pulsum emendavit, vires restituit, integramque sanitatem obtinui spatio reduxit; sola superstite molesta capitis gravitate, quæ caput sæpius pectendo fricandoque, cito devicta est. Ut priores, ita & hic, Corticem, curato jam morbo, aliquantisper, parciorem licet, continuavit.

ÆGROTUS V.

Non sine voluptate recordor historiæ prænotabilis juvenis, ad quem consilii causa die 3. Dec. 1757. accessi. Ex pluribus, quibus usus fuerat, Medicis, unicum modo præsentem reperii, Dominum *Guarin* juniorem, Physiologiæ & Praxeos eruditum Cultorem. Video ægrum Petechiis, & Miliaribus, dudum plenum, summopere delirantem, fœces inscie demittentem, debilissimum; præterea subsultum tendinum, pulsum debilem & inæqualem, fissam aridamque linguam, vultum squalidum totum. Dies morbi 19. agebatur. In re tam conclamata cum doctissimo Medico concludo, si quod præsidium superesset, in Cortice id

quari oportere . Quotidie tantum usus est extracti Cort. dragmis iv. v. a die morbi 19. ad 40. usque . Bibit autem copiosissime, nempe 12. imo 15. Lib. Decocti sive hordei, sive aquæ cum succo citrei, quovis nycthemeri spatium : imo etiam hisce intermiscuit copiosas emulsiones, quibus camphora & diacodium admista . Die a Corticis usu sexto animam veluti acturus videbatur : eandem tamen medicinam profecutus est . Miliaria iterato prodierunt ; eadem medicina continuata est . Pectore sæpe male habuit ; sed semper pergens in iisdem nullam labem curato morbo superstitem habuit . Cita fuit virium restitutio . Integerrima successit & constans Sanitas .

Æ G R O T A VI.

Addere & hanc historiam necessario dedeo, quum, licet morte terminata fuerit, id tamen, de quo agitur, abunde probet . Fœmina 44. annos nata, ab hydropæ adscite quadriennio elapso curata fuerat, sed tussim hydropæ antiquiorem perpetuo deinceps habuit, ut & continuam pectoris anxietatem, molestissimasque palpitaciones cordis . Nocte solet ad primas capiti somni dulcedines, subito, ac violente excitari, cogiturque, ne suffocetur, sedere erecta . Hydropem ἀνίσταται referunt facies, brachia, crura . Herniam inguinalem vi tussiendo, vomendique, a longa jam die sibi conscivit . Sputando

tando sanguinem nonnunquam eiecit . Debilis ipsi pulsus est , & tum rythmo, tum tempore, inæqualis . Accessit me inter matutinos pauperes, a fine anni 1756. usque ad hanc mediam ætatem . Diagnosís a principio fuit, universa, eaque annosa jam , Cacochymia , & Cachexia : ita ut vix pars in corpore sit , quæ non irreparabiliter a sanitate desciverit . Aderantque etiam , ambigua quamvis passim , signa , quæ vel Hydropis pectoris , vel vitalium organorum protopathicæ, aut deuteropathicæ affectionis, vel mali utriusque, suspicionem injicerent Prognosis hinc pessima . Solaque fuit , quam palliativam appellitant, cura superstes . Blanda evacuantia , Oxym. Squilliticum , diuresin simul & expectorationem promovens , Kermes minerale , Gummi Ferulacea , Camphora , Succinum , Opium , collabascentem hanc Machinam paululum suffulserunt . Ita quidem ut Diarrhæam tandem passa , a fine Junii 1757. ad finem Jan. 1758. vitam admodum tolerabilem duceret . Exin vero pessime habuit ; ita ut nunc huic , nunc illi pravo symptomati, obviam eundum fuerit . Toto mense Augusti proxime elapso febre quotidiana laboravit , incidit deinde in Dysenteriam , quacum una prodire Petechiæ . Quodque dolendum erat , non venerunt pro illa petitum auxilium , nisi petechiis quartum jam diem agentibus , iisdemque ut plurimum nigris & lividis . Sane malignus adeo morbus , in corpore antea sano etiam lethum

prædicturus, nunc corpus prehensens a chronicis malis dudum conclamatum, nullam spem vitæ reliquam fecisse videbatur. Nihilominus miserrima, quoad animam traheret, juvanda erat. Interea temporis Petechiæ nigerrimæ toto nunc corpore conspicuæ, auctaque Dysentericiæ malignitas. Curavi ut mox quatuor Vesicantiæ corpori adhiberentur; largas Emulsiones dedi; bis, ter, die, paregoricum; & strenuam præscripsi Corticis dosin. His demum effectum, ut die ab horum adplicatione quarto latæ maculæ minus nigrescerent, Dysenteria multum minueretur, vires utcumque refocillarentur. Attamen nunc ferrox tussis, & pectoris angor, urgebant maxime. Hoc opus, hic labor erat. Indicata expectorantia, prius intestina, quam pectus stimulasent, resuscitassent dolores ventris, Dysenteriam auxissent. Immortalem *Boerhaave* Aph. §. 866. imitatus, Oxymel cum Diacodio dedi; mirè profui. Sexto ab usu Corticis die evanuerunt sensim Petechiæ omnes, vires increverunt, rediit appetitus; quæque eousque rubra, tenuis, Urina fuerat, sanum æmulabatur colorem, alvus bis modo de die fiebat. Hæc miranda mutatio decem integris diebus perseveravit. Verum cum nunc, quæ data fuerat, sinistra prælagitio, falsa fere deprehenderetur, extemplo quasi ruebant labilis hujus vitæ fulcra. Venter intumuit, vomitus accessit, tenesmi torquent, efflatur anima. Sane, quamvis mors accessit, virtus tamen medicamenti egre-

egregie inde elucescit , cum foemina triduo neglecta , & aliunde conclamata , tantum boni praestiterit .

HISTORIA VII.

Hanc utique non sine intimo animi mœrore scribo , cum amici integerrimi , viri a religione , experientia medica , vero candore , commendatissimi , jacturam menti refricet , nempe doctissimi *Greg. Mensurati* , Cræcensis medici , ac Chirurgiae Professoris . Numerosam turbam novitiorum militum , prope *Græcium* commorantem , invadit maligna febris cum pravis exanthematibus , ineunte anno 1757 . & plurimos necat . Optimus Vir , *Huxhami* , & *Pringle* methodo infelix , & gangræna perire plurimos cernens , corticem dedit , cortice plurimos servavit , labem totam superavit . Sed eheu ! de servato ille milite lætus , magnamque existimationem adeptus , eodem morbo corripitur . Cortice quidem uti cœpit , sed petechiis prodeuntibus , ipsoque subdeliro , Medicis virium corticis in hoc casu adhuc ignaris , tutius visum fuit communi eum more tractare : Communi more periit ; periit Nestoreis annis dignissimus *Mensurati* , Viri merita , & AUGUSTISSIMÆ clementia , viduæ mœstæ , prole onerata , annum ejus stipendium continuarunt .

Hi notabiliores fuere , quos habui , aut novi , casus ; ex quibus , nisi me animus ve-

hementer fallit, concludere licebit;

I. Corticem Peruvianum in Malignarum debilitate egregium esse, & incomparabile, Cardiacum.

II. Eundem esse in summa corruptione interna, & externa, inimitabile Alexipharmacum.

III. Videri eum conclamatum in malignis mictum cruentum, cruentamque alvum, quoque sanare.

IV. Simul remedium esse, quod exanthematum expulsionem, summa cum ægrorum euphoria, promoveat, sustineat, maturet, perficiat.

V. Corticem recidivas præcavere, quæ & passim lethales habeantur, & ipso hoc epidemico tempore quamplurimos, jam reconvalescentes, prostraverint, & occiderint: præcavere quoque pravas Metastases, quæ lenta demum gangræna tabefacta corpora peremerint.

VI. Ea cuncta ut Cortex efficiat, eum & copiosissime, dari oportere: docentibus id tum aliorum, tum propriis etiam observatis.

VII. Plurimis exemplis nostrorum ægrorum id constituisse, quod quævis criticæ excretiones nunquam pulchrius, quam sub corticis usu, promoveantur.

VIII. Corticem sane duplici, eaque egregia, facultate pollere; quod & nimios motus, caloresque, moderetur, & debiliores animet. Id, priore anno evictum, cap. 27. ultra demonstrabitur.

Hinc,

Hinc, ni fallor, conclusio, quæ præsens caput terminet, iusta erit.

Imo. Ad morborum malignorum curationem adhibitæ methodi variæ, juverunt singulæ, quando efflorescentiæ malignitate carebant. Scilicet, communi loquendi modo omnes febres, quibus efflorescentiæ junctæ, malignæ appellantur. Hinc Methodus Antiphlogistica; Methodus diluens, demulcens, obvolvens; Methodus etiam illa, quæ moderatis cardiacis vires animet; omnes, inquam, hæ suo quæque loco auxilium attulerunt, curarunt homines. Imo minus apta methodus multum hisce non nocet. De his vero noster sermo in præsentiarum non est. Id enim jam toties dictum, solo regimine bono, paucisque cum medicamentis, hos morbos, vulgo malignos dictos, revera tamen benignos, in Nosocomio nostro facile brevique curari; curari feliciter passim alibi.

2^{do}. In ipsa vera malignitate morborum, haud raro diversæ, imo oppositæ, curandi methodi, in quavis constitutione Epidemica, pluribus a sese servatis gloriantur. Testantur id quævis edita opera tempore pestis, aut epidemiarum. Idem verum esse, *Sydenham* sui temporis medicis, aliam, quam ipse, viam, incuntibus, ultro fatebatur. Sed quod optimus Vir huic confessioni addebat, rationabiliore sua methodo & tolerabiliorem esse ægritudinem, & salutem longe frequentiore tutioremque; cuius equidem assertionis testem advocabat uri-

versam urbem ; idem censeo ad præsentem quæstionem esse respondendum.

3^{io}. Quibuscunque adplicitis Methodis , variis , oppositis ; ea , quam proposui , excepta ; luxerunt semper & formidarunt medici metastases , & relapsus , crudeles passim , & lethales. Quæ his calamitatibus caret methodus , reliquis profecto anteponenda videtur ; Ergo .

4^{to}. In nonnullis malignis antiphlogisticam curam ipse adhibui ; nonnullos servavi . In aliis ægris demulcentem , involventem , oleosam curam , institui ; plures curavi . Methodo leviter cardiaca nonnunquam ulus sum ; infelix non fui . Sed , omnibus rite perpenſis , est certus quisquam , ilque frequens & passim lethalis , Malignitatis gradus ; quo in gradu omnes hæ variae methodi deficiunt . Vid. hujus operis *Cap. 10. & 15.* Comperiit hoc ipse *Sydenhamus* , dum varia curandi ratione , etiam suo largiore *Diacodio* , & *Oleo Vitrioli* , in Malignis uteretur . Eruditum sane medicum , & in græcis egregium , *Dominum Gamnig* , *Aulæ & Urbi* , anno præſente inchoante , creptum dolumus : anno proxime elapſo excurrente , etiam unum ex *Nosocomii* assistantibus periisse mihi dolui . Plures in urbe sic periisse vidi , novi .

Cum ergo in hoc ultimo malignitatis gradu *Corticis* utilitatem *Viri* graves innuissent ; cum ego ipse eundem ægris meis tum parcius , tum serius , exhibens , mortem proinde eodem non propellens , effectus tamen aliquot egregios
inde

inde observassem ; infortuniorum pertæsus , animum eo induxi , ut Corticis & largiore , & maturiore exhibitione , huic Malignitatis gradui obviam irem . Quantopere autem T. O. M. DEUS tantillis meis conatibus faverit , enarratæ historiæ testatum faciunt .

Antequam hanc materiem missam faciam , monitos velim omnes Medicos , quam perniciofa sit certa quorundam methodus agendi , qua semper morbi Malignitas ; nunquam forsan affutura , non dico præfagiatur , sed præsomniatur . Quis hujus porro effectus ? Ut detrahantur ægris antiphlogistica remedia , iisdemque aut inertia , aut noxia , substituantur . Contigerit modo ut artus ægris doleant ; ut præ sudore , aut acriore transpiratione , cutis pruriat ; ut etiam , quod turpius , pulicum stigmata alicubi videntur ; mox acida remedia detrahuntur , iisdemque substituantur aut Hoffmanniana dicta mixtura , aliave terrea acidis saturata , aut etiam Decoctum Serpent. Virg. Contraj. Vincetox. , aut varia Bezoardica , aut pulveres de Gutteta *Riverii* , Epilepticus Marchionis , Kentianus , Pannonicus ruber , & id genus alia . His tunc confiditur , æger bene tectus in lecto servatur , agitur sanguis , & prodeunt exanthemata laud raro lethalia . Sternit , prohdolor ! mos ille noxius in hac regione plures , cæteroqui victuras puerperas , cum ad minimam in cute maculam vel pruritum , calido lecto ac cubiculo oriundum , ita instituatur . Profecto quod initio hu-

jus

jus operis audax dixi , audax repeto ; Ægris nostris , communi acuti morbi , neutiquam maligni , genere , aut vigente , aut declinante , decumbentibus , nunquam adhuc prava exanthemata contigerunt : & si , nonnunquam criseos tempore exanthemata observata sunt , hæc nullam nobis in medendo mutationem indicarunt. Ratione morbi tractabantur , non ratione exanthematum : quare etiam nunquam , Divina nobis Clementia annuente , vel minima malignitas se hisce adjunxit . Quos malignos habuimus , hi suapte natura ita erant .

C A P U T XXIV.

De Colica Pictorum.

Dirum hunc morbum frequentius contemplatus , anno 1745. *Dissertationem* edidi , quæ observata , gesta que , hanc in rem , mea , contineret ; simulque enixe id , ferioque , omnes peteret medicos , uti illi , suis observatis in lucem editis , mea demum emendarent , faustiorumque tandem curandi methodum in lucem proferrent .

Anno 1751. edita est *Parisiis* *Dissertatio* Clarissimorum Virorum Joannis Astruc. , & P. L. M. Maloet , *De Vena secunda in Colica Pictorum* : Cui immediate aut præcessit , aut successit , *Thesis* Clar. Du Bois , *De Vena in hoc*
mor-

morbo non secunda. Typis recusa 1756. Cum priores hi viri clarissimi in hoc morbo V. S. E. mollientia interna, externaque, cum opiatīs, commendent, clare patet methodum Cl. *Du Bois* ipsis *Parisiis* nec universalem, nec, quæ proſit, unicam haberi.

Anno 1752. lucem vidit Disputatio eruditi *Ilsemann de Colica saturnina Metallurgorum*; quam magnus *Haller* merito eximiam vocat, & per experientiam natam. Emollientia interna, & externa, potissimam curæ partem absolunt in hac Thesi. Vid. *Haller Disp. Med. pract. Tom. 3.*

Prodiit anno 1752. eruditissimi viri, optimeque medici, *Grashuis, de Colica Pictonum Tentamen*. Dein theses editæ sunt super curatione hujus morbi per emetica, ab eruditissimo Parisiensi Medico, *Du Bois*. Quin egregius, & tam in Chemicis, quam in Medicis, consummatus Vir, Dominus *Baron, in Comm. ad Chem. Le Mery, cap. de Antim.* quædam, attentione digna, protulit. Ipse ego hujus operis *cap. 9. pag. 56.* expurgationem proprii mei tractatus promittens, utilem interea, ni fallor, observationem communicavi. Anni, & quod plus est, elapso ab illinc spatio, prodiit Cl. *Tronchin* super eodem argumento Tractatus; pauloque post medici Parisiensis, clarissimi Practici, animadversiones in *Tronchiniana*. Eruditorum in *Hollandia Societas Harlemensis*, problematis super hoc morbo propositi,

præ.

præmium adjudicavit clarissimo mox laudato *Grashuis*; cujus hodiernam sententiam necdum rescire potui.

Toto autem hoc tempore, ab edita dissertatione mea elapso, nova multa observavi, dubiusque circa propriam meam sententiam hæsi. Unde de integro tum quidquid ante meum tractatum, tum post eundem, hucusque scriptitatum fuerat, attentus pervolvi, & cum propriis meis, tam antiquis, quam recentioribus observatis, exacte contuli. Hinc demum quæ mihi nata idea, paucis dabo.

Morbi naturam abstrusam reperii; superque eadem nec a me, nec ab aliis, quidquam quod satisfaceret, cogitatum fuisse: curandi vero methodum, tum propriam meam, tum eam aliorum, suos quidem usus habere, multisque gloriari curatis; at vero his omnibus methodis id commune vitium esse, ut non ex æquo omnibus profint; adeoque notabili huic vitio emendando studendum esse.

Ut a curandi modo incipiam; examinandus est mos curandi per Emetica. Emetica *Sennerio*, *Cratoni*, *Hollerio*, *Citesio*, *Rizerio*, *Puervio*, *Juncken*, *Pisoni*, *Baglivo*, *Boerhaavio*, *Anonymo*, multisque aliis claris viris, aut indicata non fuerunt, aut fuerunt repudiata; solo *Citesio* forte aliter, non quidem in erudito opere ipso; sed in appendice, statuente. Ipse ego iisdem nunquam sum in hoc morbo usus. Nec recentiores plerosque iis uti video, *Cl. Tyssot*,
fines

finè Emetico tres homines egregie curavit, ut quas mecum communicavit, historiæ fidem faciunt.

Attamen diffiteri non possumus Emetica graves, omnique fide dignissimos, habere autores. Morbus Colicus *Damnoniorum* a clarissimo *Huxham* eo modo curatus legitur. In famosa ac laudatissima Thesi *Cl. Du Bois* plurimos ita curatos fuisse patet, vix paucis eorum pereuntibus: & quidem ita, ut, spatio 23. annorum, ex 1200. fere hominibus, paulo tantum plus, quam 20. perirent. Medici *Nosocomii dicti de la Charité, Parisiis*, sumunt tenuissimum Antimonii pollinem, hunc lavant, in sole exsiccant, duplum tenuissimi sacchari admiscunt, & affusa sensim aqua stillatitia Naphæ pastam faciunt, e qua Tabellas formant, quarum dosis est a scrup. i. ad 2. pro rerum necessitate ter, quater, repetenda.

Ut ex *Cl. Parisi. Medici dissertatione critica* video, subjunguntur emetico enemata fortissima, & drastica purgantia, quotiescumque emeticum datum, repetitumque, fuerit.

Quanam igitur emeticorum, in hoc morbo, utilitas? Emetica totum corpus concutiunt, morbosamque materiem æque deorsum solent, quam sursum, expellere: raro enim emetica non fiunt simul purgantia. Bene succedente hoc negotio, levamen ingens tantam morbosæ materiæ copiam evacuatam subsequatur, necesse est: imo sustinendo quæ sunt robusta corpora,
hæc

hac lege integre poterunt curari; fibris intestinorum sua necdum elasticitate privatis. Sin vero minus bene succedat, morbus modo inducias dedit, curatus non est, scenam denuo dabit; ut mox patebit. Tandem, quod fatendum est, in robustis, in non deperdita intestinalium fibrarum contractilitate, eo citius morbus curatur, si præter emetica alvus quoque potenter solvitur. Alii solis utuntur purgantibus & emollientibus, donec referaverint, propulerintque, obstacula. Lentius quidem hi, sed tutius, æque tamen certo, idem, quod priores, efficiunt. Tertio dantur, qui paucioribus evacuantibus, sed emollientibus internis, externisque, copiosis, plurimo oleo, prudenti opio, curam instituant. Quid porro illi? noxiam materiem involvunt, cripos contractosque nervos relaxant, exsiccatos humectant, nudos tegunt, defenduntque. His solis, subin adjuncto purgante, corpus a noxia materie liberant. Ad has tres classes omnes varias methodos, morbum in paroxysmo curandi, jure referas. Ordine recensitæ sunt, ordine nunc examinentur, & discutiantur.

Ac primo quidem Emetica egregios sæpe effectus habent: hoc ultro fassi sumus. Sed hanc methodum, ut generalem, ut utilem cunctis, iis obtrudere, qui frequenter, attenteque, morbum contemplati sint, impossibile est. Morbum vidi, tractavi, recentem, provectum, diuturnum, annosum, cum omnibus suis varian-

stantibus symptomatibus, eundem aut concomitantibus, aut subsequenter. Hinc didici ab inimica causa intestina vehementer constringi, fœces in iisdem contentas exsuccas durasque reddi, tum etiam a cellulis vehementer contractis, Colo potissimum in intestino, in parvos, eisdemque oblongos, globos formari: demum vero, tum Colon maxime, tum & pro parte Ileumi, (nam & ibidem veras fœces alvinas hærere priore anno demonstravi) cum suis exsuccis, durissimisque contentis, in solidam veluti massam coire, omniaque vasa & nervos comprimendo, ferocia illa tormenta producere. Hæc morbi, si demum vera Pictonium colica dici debeat, iusta idea, vera imago est. Dentur nunc in hoc statu generosa emetica, & purgantia; imo iterentur; quid tum? Oppido rarum non erit hinc vehementes convulsiones oriri, antequam, vel interea dum, illa operantur. Præsertim cum huic morbo adeo frequentes convulsiones contingant. Sæpe enim ventriculus non nisi consensu laborat, causaque vera malorum solis in intestinis hæret. Concussione ergo validis hisce remediis excitata, repetitis iisdem pluries renovata, agitantur, convellunturque nervi, multaque compacta materies aliquando solvi, soluta propelli, expellique potest: at si vehementi hac agitatione nequeat solvi pelliue materies, convulsiones excitari, & mors insequi, poterunt.

Sed rem accuratius contemplemur! Casu quo
a via

a violenta remediorum agitatione pars solvatur, educaturque, morbosæ materiæ, & multis vomitibus, alvique secessibus, copiose dimittatur, incipiunt omnia symptomata dira mitigare, imo integre aliquando silere; modico veluti intestinorum pondere tantum superstiti. Hi curati dicuntur; hi, quo locum cedant aliis, & Nosocomiis dimittuntur.

An autem vere curati sunt? Plerique neutiquam. Magna, eaque diuturna intestinorum evacuatio contingere potest per medium canalis; dum interea contractæ cellulæ cum compacta fœcum mole firmiter unitæ maneant. Evidenter id evincunt ossa animalium, nuclei Cerasorum & Prunorum, nummi, aliaque indigestibilia corpora, quæ per septimanas & menses intestina sinu gerunt, & interim quotidie fœcum copia se exonerant, imo interea dum eo tempore purgantibus & enematibus sollicitata fuerint. Mira talia in praxi vidi, videre practici omnes. Edoctus igitur hujus in Colica pictonica phœnomeni veritatem, nunquam ægros meos spe vana lactavi; quamdiu primo necdum ingens quantitas induratorum globulorum, instar fœcum ovillarum, alvo prodiisset: Secundo, quando, etiam his globosis corpusculis copiosissime prodeuntibus, alvus tamen postmodum docebat hanc intestinorum contractionem solutam non esse, sed duros globulos de integro formari. Utroque enim in casu ex stimulo acri hic paulatim crescente, renascuntur eadē

ærum.

ærumnæ , iidem postulantur curandi labores.

Methodus ergo per vomitoria curandi infelix esse potest ; plures integre curare potest ; potest multos levare , at vero a relapsu non præservare.

Alterâ methodus eorum erat , qui omnia emolliendo , & per alvum expurgando , curam tentent . His minus frequens convulsio observatur , ægri minus defatigantur , cæterum idem , qui prioribus , sed aliquando tardior , seu curationis , seu impetratarum induciarum , contingit effectus .

Quid nunc de tertiâ methodo cogitandum ? Si certa esse probetur , cæteris ob lenitatem præferenda erit . Et quidni certa probetur ? Attente totam historiam medicam de Venenis pervolventes , cernimus equidem venena vinci , vitamque servari , emeticis , purgantibus , immutantibus , diaphoreticis ? at quotiesne vera nos non lateat veneni natura , sedesque ? Quotiesne incassum adhibitis cunctis pereat homo ? Catholica interim methodus utendi aqua calida , lacte multo , aqua mellita , oleoque , copiosissimis , omni modo adplicitis , interne , externe , ore , ano ; hæc , inquam , & noto , & ignoto Veneno , ex æquo prodest . Scatent exemplis volumina medica . Ea referre velle , supervacaneum . Ex multis tamen , quæ vidi , liceat unum notabile recensere . Anno 1735. *Hagæ Bat.* contigit , ut intra breve temporis spatium 130. homines , comestis squillis marinis ; in terribiles anxietates inciderent , in convulsiones.

vertigines horrendas, vomitus enormes, dysenteriam cruentissimam, intolerabilisque foetoris sudorem. Causam alii refundebant in *Leporem marinum*, frequentius ab aliquot retro diebus in proximo mari visum, eademque muria cum his pisciculis coctum: alii vero in muriam hanc eandem, post coctionem in magnis aeneis ahenis refrigeratam, & iteratæ pisciculorum coctioni denuo adhibitam. Mox nonnullis emetica dabantur, purgantia aliis, intermiscebantur opiata & alexiteria. Horum plures diu ægrotarunt, & languerunt; bini perierunt. Sed instituta methodus replendi corpora copiosissimo oleo & lacte, tum potu assiduo, tum frequenti enemate, cujus autor erat *Cl. Schwencke*, Anatomes ibidem & Chirurgiæ Professor, omnes illos miseros integre intra paucos dies sanitati restituit.

Nunquid & eadem olim, & nunc, in Colica Pictorum, non laudatissima? *P. Milo*, apud *Citesium*, matronam ab hoc morbo curatam refert, postquam quævis artis auxilia frustra adhibuisset, solo oleo, ac butyro, diu adhibito. Quin & in plerisque de hoc morbo scribentibus, etsi alia commendata habeantur, tamen oleosa, involventia, emollientia, tum ore epota, tum in anum injecta, tum balneis, fomentis, cataplasmatibus adhibita, sua utique laude non carent: iidemque, ut supra meminimus, *Cl. Tyssot* tres suos miserrimos a morte eripuit.

Mense Aprili 1757. homo 20. & aliquot annorum, inferebatur in Nosocomium nostrum, quem plura alia Nosocomia sæpius in paroxylmo hujus morbi viderant; jamque paroxylini a longa die per 4. 5. continuos dies indefinenter excruciabant, per duos tresve dies tum remittentes. Paroxylum mox præsentem horruimus omnes, ejusque vomitus, intolerabiles dolores, ejulatus, convulsiones toto corpore violentissimas, epilepsiæ instar, & spasimum maxillæ. Nudato abdomine quid veluti convelli, convolvique in abdomine cernebamur, quod ipsum tactu durum.

Porro medelam sic institui. Emplastrum paregoricum ventriculi regioni admovi; oleum Lini tepidum frequenter injici curavi; Emulsa camphorata, & paregorica, subin ipsum oleum, ore sumenda dedi; Cataplasma emollientissimum toti circumvolvi abdomini; & quia abdominis compressio manu facta videbatur lenire dolorem, cataplasma hoc fasciis abdomen comprimentibus firmari curavi. Ulu horum alvo prodire, ut in perfectissima colica pictonum, rotunda, dura, parva, scybala; eaque copiosissima; quibus tandem materies pultacea successit. His demum paroxysmus siluit, neque rediit; ita ut miser homo a biennio non meminisset tantæ doloris absentiae. Durities in abdomine percepta mole decrevit, vires redire, appetitus, somnus. Legit, vel ambulat, tota die hilaris. Alvo autem quodam die carens, initia deprehendit

repetituri doloris : enema oleosum dolorem quidem solvit, sed denuo parva, rotunda, dura, scybala producit. Ergo non ablata causa morborum. Diæta lactea dein videbatur curam absolutura : cujus experiundi gratia hominem diu in Nosocomio servassem ; ni præ morum intolerabilitate ejiciendus fuisset. Tribus aliis eadem cura successit ; expurgatis quippe sordibus, lac copiosum, assiduumque, nervos & sufficienter molles, & debite fortes facit. Ter quater in anno relapsos lac demum incolumes servavit :

Profecto methodus prophylactica quam hujus operis pag. 56. &c. descripsi, ea videtur, quæ nunc dixi, confirmare. Colica Pictorum in fodinis, unde ingens copia plumbi, multa ferri, aliqua arsenici, & tantilla argenti, petitur, frequentissima miseros adoriebatur fossores ; damnosa ideo tum illis, tum Dominis, insequente scilicet paralyfi multos ineptos ad labores reddente. A triennio autem toto, ne unus quidem ultra affectus fuerat, ex quo Empirici, rerum fossoriarum gnari, consilio, jentaculum atri panis cum pingui lardo, fossoribus, priusquam primos labores auspicarentur, pararetur ; prandiumque simul ex pingui bubula carne, lardove, adornaretur. Vapores nempe & particulae veneni, saliva inviscata, deglutiuntur, labemque primis viis inferunt ; pingua, & difficulter digerenda nervos defendunt a venenorum applicatione, venena inviscant, inviscata elimi-

minant. Ex illo tempore consilium tale omnibus do opificibus, qui fossilia tractantes, hac in urbe, adeo frequenter in hunc morbum incidunt. Ratio & experientia inviscantem hanc, & obvolvntem curam, æque in therapeutica, quam in prophylactica curatione, comprobaverunt.

Methodus eadem mirum quam nostris in Nosocomio Dysentericis profuerit! ut hinc vel integre curarentur, vel induciis primo impetratis, purgans tuto daretur, & opiata cum oleosis reliquam postmodum curam absolverent. Febris quædam maligna cum terribili vomitu & ventris torminibus inchoans, emeticis irritata, in quodam Nosocomio multos, petechiis accedentibus, stravit. Consilio denique Illustrissimi Præsidis, decocta farinosa, emollientissima, oleum copiosum, opium, mollia epithemata & balnea adhibita, totam vicerunt malignitatem. Oleum cum opio in acutis non malignis, pertinacioribus tamen, dum stagnantes in viis primis humores, bilisque forte eo usque affluens copiosa, putrescunt, incredibile morbo levamen attulit. Medicum hac in urbe cruenta & crudelissima Dysenteria vexabat, cum rigore tetanode totius corporis, ultra 12. horas durante, & vomitu æruginoso. Probabilior causa proegumena erat podagrica materies in corpore retardata & latitans; causa procataretica assumptum leve purgans. Illustrissimo L. B. van Swieten, & sagacissimo medico L. Erpd. qui curam agi-

fufceperant , vifum fuit folis emollientibus , & involventibus , externis internisque , quovis poffibili modo adplicitis , prudentique Opii dofi , uti oportere ; adpofitis interea acrioribus ad crura epifpaficis , quibus eo verfus , fi qua materies podagrica adeflet , determinaretur . At citra podagram morbum integrum , feptem dierum fpatio , debellarunt .

Opium porro in multis horum principem locum tenet . Nervis graviter affectis oleofa quidem , & involventia , prohibentne ultra crispentur illi , irritenturque ; Sed miram affectionem iisdem non demunt , quæ jam altius fecundum nervum penetraverit . Opium ipsam nervi conditionem mutat , fenfilitatemque demit . Præftantiffimus *Baglivus* fufpicabatur , opium excitare fudores , quibus in hac Colica nihil ad generandam Paralyfin credebat aptius effe . Sed experientia edoctrus affirmo ad præcavendam paralyfin , opio , cum copiofo oleo , nihil præftantius dari , potentiusque , propter dolorum fopimentum . Quinimo *Riverio* , *Sydenham* , *Huxham* , autoribus , fi purgantia in fimilibus morbis indicentur , nepenthem iisdem audacter commifceo . Eo enim contractos , irritatosque nimium nervos , utcumque relaxante , & pacante , purgatio aptius officio fungitur fuo . Summi fane hoc in Ileo ulus . Et forfitan folum opium datum efficit , ut , nimia nervorum conftriptione foluta , reftituta vis periftaltica alvum commode moveat , cujus en memorabiliffimum exemplum !

Cl. *De Rueff*, Eminentiss. Cardinalis Archiepiscopi & Principis *Passaviensis* Archiater, casum filii sui quinquennis mecum communicavit, quem Ileus adeo gravis corripuerat, ut quavis artis opera incassum adhibita, jam & stercorea evomeret, & enemata ipsa. Gustu ipso optimus parens vomitu ejectam percepit muriam salis communis, quæ enemate injecta fuerat, ut & Electuarium Diacathol. & alia. Sapore horum puer, hora antequam evomeret, ex eructationibus jam conquestus in ore erat. Iniquam & desperatam pueri sortem parens miseratus, misturam aq. Menthæ, Spir. ejusdem, & largiore Laud. Liq. *Syd.* dosi, constantem dedit, ut saltem cum minori miseria periret. Triplex fere opii dosi erat ratione ætatis. Sed en! ex inopinato vomitus cessant, cessant dolores, & blanda sine somno obtinet animi tranquillitas. Eoque modo quartus morbi dies tranquille transigitur. Sequitur nox molesta, leviori dolore, citra vomitum ingruente, turbata; flatus deorsum petunt, sequitur portio enematum, ipsæque tandem fœces. Brevi post appetitus, somnus integreque restituta salus, adfuit. Laudandus profecto perillustis & doctissimus parens, quod in studii medici bonum, hanc mecum historiam notabilem communicaverit.

Liceat hic in transitu adnotasse, quam egregie hinc confirmetur id, quod de incipiente in Ilco gangræna dixeram hujus operis c. 14. p. 92. 93. 94. Gangræna inchoans hic sane adfuisse

se videtur, sed opio inordinatos sedante motus, lenique aromate vitam suffocatam refocillante, per naturæ bonitatem fuisse emendata. An autem die quarto potum Chamomillæ & Millefolii infusum, quoque quid contulit? Est antiquis temporibus Millefolium laudatum in Dysentericiæ specie, quæ inchoamenta Gangrænæ denotaret. Si infusum cum aliqua coctione paratum fuit, potuit vis plantæ, modice stringens, forte quidquam conferre. Chamomilla vulgaris, & Romana, ut tuta, blandaque antispasmodica, & diaphoretica, semper habebantur; Infusum ejus *Baglivus* in Colica tanti fecit, ut *Libr. I. prax. med. Cap. de Colica* §. 1. dicere non vereatur: „ Antidotum Colicæ est Chamomilla, „ a quacumque demum causa oriatur.

Hæc de cura morbi: sed cum initio dixeram circum ejus theoriam nec opiniones aliorum, nec ipsam meam propriam, typis olim editam, mihi inpræsentiarum satisfacere; paucis jam liceat circa eandem exspatiari. Etenim quid mirabilius, & incomprehensibilius, quam quod sedes mali sit in abdomine, & artuum interea pereat motus? Et cur, amabo! si sanguis aut acer, aut mucosus, aut aquosus, virium sit causa dispendii, illa causa non totum ex æquo corpus afficiat? Quibusdam enim soli superni artus resolvuntur, integri manent inferiores. Imo in tota ea morbi *Huxhamo* descripta specie, Paralysis brachia dumtaxat occupavit. Si vitiata Chylopoiesi, & Hæmatopoiesi, nec spiritus

ritus debiti, nec oleum, ultra fecernuntur, quid demum causæ est, quod unius præ alio musculus aut robustus maneat, aut fiat paralyticus? torosus, aut emarcidus?

Mirum prorsus spectaculum! at vero haud suo in genere unicum. Simile quidpiam observamus in thoracis morbis. *Hipp. Coac. n.º. 400.* „ Siquidem igitur, inquit, Aortæ adpellatæ (eæ sunt, lingua Hippocratica, duo magni rami, in quos Aspera arteria dividitur; vide *Duretum* & omnes commentatores) „ Siquidem igitur Aortæ appellatæ, utrinque adpendentes Pulmonis partes, valde inflammatae sunt, ut ad latus affideant, seu, ut ad latus adprimantur) προσκαθίσθαι, πρὸς τὸν πλευρὸν, hac corporis parte resolvuntur, „ παραλύονται τὰ κατὰ τὸ μέρος τῆς σώματος „ ... Si vero non valde inflammatae sunt, ut non affideant, (sive ut ad latera firmiter haud adprimantur) dolor quidem fit per totum, attamen non resolvuntur .. Quibus vero totus pulmo una cum corde inflammatus fuerit, ut ad latus allabatur, homo totus resolvitur. „ *Charterii* versio sensum genuinum accuratius ea, quæ *Dureti*, aut *Foesii* est, reddidisse videtur.

Invenio in adnotatis meis ann. 1747. 1748. 1749. triplici vice me in suppurato admodum pulmone simile quidpiam observasse. Quadragenaria foemina a longa die tussiculosa, spasimum in sinistro linguae latere experitur, dolo-

loremque vehementem, & tandem paralyfin. Hæc ibant, redibant; prout Vomica, tunc se rumpens, magis sese, minusve, evacuaret. Ita quidem ut per sesquiannum hoc maio ferme libera; eodem denuo, subsistentibus sputis, affligeretur.

Sexagenaria mulier siccam, molestamque dudum tussim passa, linguæ sinistri lateris non spasmus, non dolorem, sed paralyfin conqueritur; inchoamento quodam Apoplexiæ, seu capitis potius stupore, petitur, ac postmodum lateris corporis sinistri paralyfi.

Vir sexagenario major, peripneumonia non resoluta, ante tres menses laboraverat, tussi sicca, cum reliquis vomicæ clausæ signis, vexatus. Levi tunc inchoantis Apoplexiæ insultu petitur; ab eoque denuo liber, linguæ pars sinistra, brachium, pesque ejusdem lateris, plane resolvuntur.

His porro tribus id contigit, ut, Vomicis ruptis, pus copiosum exiverit, simulque linguæ, artuumque, paralyfis, emendata fuerit: & quidem adeo, ut vir hicce intra 14. dies ab inchoata paralyfi per cubiculum circumambulet scipioni innixus, quem etiam brevi post, ut inutile pondus, projecit.

Equidem in altero, tertioque casu, levior Apoplexia, membrorum resolutioni antecedens minus videretur ad præsens argumentum facere; quemadmodum etiam linguæ affectio. Verum ad aliud quid hic attendendum est. His omnibus

bus id ter, quaterque contigit, ut sputis suppressis, imminutisve, curata redierit paralyfis; sputis redeuntibus, illa paulatim cessaverit.

Ergo pure thoracem angustante, & premiente, in prima scœmina lateris linguæ spasmus & dolor obortus est, secuta tum paralyfis. In binis aliis, pure opplente thoracem, levior Apoplexiæ species oborta est, hanc insequuta paralyfis. Paralyfis, sputis libere ejectis, minuitur, cessat; sputis aut cessantibus, aut paulisper imminutis, paralyfis augetur, perficitur: Et quidem ter quater in omnibus eadem hæc phænomena redeunt. Simile quidpiam jam bis etiam Viennæ vidi. Casum forte & huc referendum habebit Cap. 28. n°. 25.

Igitur affectis in abdomine & thorace, nervis, resolutio brachiorum, crurum; alterutro, utroque in latere, nasci potest. Communis explicatio systematis nervorum, & a me olim, & a plerisque passim, ad hunc nodum solvendum adhibita, imperfectior est, multa ægre solvit, repugnat nonnunquam, relinquit hiatus.

Solus, ni fallor, nec sine reverentia nominandus, magnus *Winslow* quid solidius nobis, aptiusque, suppeditavit *Tom. 3.* ubi adeo nervosissime explicat nervos. Experientiâ *Anat. 20.* annorum edoctus, & *Cl. Petiti* observationibus suffultus, statuere cogitur, nervum intercostalem, sympatheticum magnum dicendum, a communi nervorum in encephalo origine non nasci, verum potius a Gangliis, quæ a summa

ma spina, ad ossis sacri infima usque, numerosa, totidem veluti Cerebra componunt, ex quibus demum Sympathetici magni origines; igitur quam in cranio esse illius originem credideramus ejus potius ascendentem, & cranium intrantem, ramum esse, quam truncum descendentem.

Observatio eruditissimi *Petit* habetur in *Hist. & Mem. Acad. Reg. Sc. Par. an. 1727*. Demonstrare ibidem annititur clarus vir id, quod hic *Winslow*. Hocque 1o. quia angulus communicationis (vid. *Eust. Tab. 18. fig. 2.*) nervi intercostalis cum pari V. & VI. manifesto docere videtur, non oriri intercostalem ab his binis paribus nervorum, sed ab intercostali ad illos ramum accedere. 2do. Quia nervus sexti paris tenuior est inter locum suæ originis, a priore parte corporum olivarium & pyramidalium, locumque ubi intercostali nervo unitus est, quam ubi inde ad oculum pergit: manifesto documento hunc nervum quinti paris originem intercostali nervo non dedisse, sed, accedente intercostalis ramo, potius mole auctum esse. Re vera deberet, hanc eandem ob causam, auctior quoque moles in primo trunco nervi V. paris adparere; sed adeo crassus hic truncus est, ut tantilli ramuli accessione haud adpareat mole auctus. 3tio. *Petit* numerosis canibus intercostales nervos abscidit e regione 3. vel 4. colli vertebræ; & quamvis par octavum in hac abscissione integrum manere nequeat, scimus tamen par octavum nihil ad oculos face-

re; adeoque omnem; quæ oculis fiat, mutationem, intercostali nervo deberi. Igitur intercostalibus abscissis, phænomena, quæ naturaliter hinc expectari poterant, ut vox impedita, vomitus, cordis palpitaciones, &c. semper plus minus variarunt, imo nonnunquam defuerunt: sed oculorum affectiones erant in omnibus subjectis constantiores; nempe eorum squallor, lacrymæ, leuæ, cornea planior; extensio membranæ cartilaginosa ad limbum Corneæ sitæ, ita quidem ut jam corneæ partem obtegeret; inflammatio conjunctivæ, &c. Et quod maxime rem demonstrat: uno intercostali abscisso, oculus ejusdem modo lateris enarratis symptomatibus afficiebatur, alter minime.

Si hæc *Petiti* pulcherrima experimenta, cum accuratissimis 20. annorum *Winslowi* laboribus, jungamus, cogimur omnino antiquam de nervi intercostalis origine ideam abjicere, adoptareque *Winslowianam*. Ergo nervus intercostalis non oritur a communi nervorum origine ad medullam oblongatam; sed in collo, thorace, & abdomine, a miris illis corporibus, quæ Ganglia vocant: Corpora scilicet nervis oriunda, nervos commiscencia, novis dantia originem nervis.

His ita consideratis, minus miror Colicæ Pictonum vix explicanda alioqui phænomena. Non ideo, quod jam ea cuncta exponere horum ope potis sim; minime: intricatior nobis est nervorum demonstratio, quam ut miras eorum actiones & ubique, & facile, exponamus:

mus: sed ideo saltem minus miror hujus phænomena morbi, quod intelligere videar, nervo intercostali in collo, thorace, abdomine, pelvi, originem ducente, posse Paralyfin pedum, brachiorum, oriri; dum nempe, in thorace, aut abdomine, erosione, adstrictione, compressione, vellicatione, aut quovis alio modo, nervus hic ad suas afficitur origines, ad Ganglia scilicet. Cum igitur crurum nervi, tam ischiadici, quam crurales, componantur ex spinalibus & intercostalibus, intelligo, non integros ischiadicos, non crurales totos, affici, sed illos modo, qui eis ab intercostalibus juncti sunt, fasciculos; adeoque incompletam Paralyfin gigni, in his potius, quam in aliis obtenantem musculis; neque iisdem, quas afficit, partibus sensum adimere, sed motum. Cum nunc experientia noverim, nervorum alios ad motum, ad sensum alios destinari, hincque duplicis originis videam nervos esse, merito videor concludere, nervos harum partium motorios ab intercostalibus oriri. Attamen non id ita se habere ad musculos omnes, quandoquidem in hoc morbo potissimum Extensores afficiantur: ergo esse quoque nervos musculorum cruris motorios, qui non ab intercostalibus, sed a spinalibus ortum habeant. Cum nunc nervus intercostalis ubique in pelvi, abdomine, thorace, collo, oriatur, comprehendo facile ejus, in omnibus hisce regionibus, affectione, posse facile fibras illas affici, qui in collo cum spi-

spinalibus colli confusi, sex nervos brachiales una cum iisdem componant: tum & in ea supernorum artuum paralyfi, explicatis modo de causis; quoque & in solo motu, & in certis quibusdam tantummodo musculis, vitium esse. Cum etiam intercostalis nervus in cranium ascendat per osseum canalem, una cum Carotide interna, & deinde sese jungat cum nervis V. & VI. paris: haud improbable videtur oculi turbationes, amblyopiam, ac fere amaurosin, vocis defectum, linguæ spasmus, dolorem, paralyfin, eodem modo exponi posse, quo brachii paralyfin. Cogito enim nunc in 6. & 5. pari eum fasciculum affectum esse, qui his ab intercostali accedebat. Difficilius quidem est explicatu, cur inchoamentum Apoplexiæ ab eadem causa in thorace premente aut vellicante, fiat; sed ab altera parte facile concipimus, posse unicum nervulum alicubi tam vehementer premi, & agitari, ut inde totum sensorium commune turbetur. In ulcere ruditer agitated nervus, universi corporis convulsionem facit. A mera duntaxat applicatione venenorum ad ventriculi nervos, qui ab intercostalibus, & vago pari, species Apoplexiæ nascitur, sæpe, expulso cito veneno, mox evanida. In rupto abscessu pulmonis hæc apoplexia remisit; brevique post etiam cessavit ipsa, & simul, quæ ipsam comitata, sequutaque fuerat Resolutio.

Atque hæc de Paralyfi; sunt autem quædam
alia

alia adhuc exponenda . Introtractio abdominis, & ani ; Ischuria , Dysuria , & quæcumque prava alia symptomata in hoc morbo sæpius adfunt , ex dictis explicata habentur . Emaciatio totius corporis intelligitur a defectu olei in massa sanguinis , oriundo ex vitiata admodum prima coactione, vitiatis proinde reliquis ; præterquam quod acria , sanguini sensim mista, omne attenuant & destruant oleum : quod vero aut Deltoides , aut alius quisquam musculus , præ cæteris contrahatur aut marcescat , inde deducitur , quod fibrillæ illæ nervi intercostalis , quæ ad talem musculum , vel involventem eum membranam celluloseam , vel superstratam ipsi pinguedinem , distribuuntur , in thorace , aut abdomine , præprimis afficiantur .

Unum restat , quod nondum expositum . In Tract. meo de *Colica Pictorum* pag. 39. 41. eminentiæ cujusdam durioris , aliquoties immobilis , passim mobilis , memini ; quæ semipollicem , ultraque lata , pone Carpum , in medio Metacarpo , sita esset , eo præcise loco , ubi Radiorum externorum tendines capitibus ossium Metacarpi inferuntur , Extensorque digitorum communis annulari ligamento emergit . Adparet degeneratio esse membranæ , extensorem hunc involventis . Si immobilis est , motum turbat ; raro , si mobilis . Quibusdam plane deest . Nonnullis cito disparet , aliis per annos persistit . Credibile admodum terrestrem , tenaci quopiam junctam , & simul acrem , sæpe

p̄t esse materiem, huc metastatice depositam, & , ni abiverit, relapsus metum post se relinquentem. Memorabile exemplum communicavit mecum doctissimus sane Vir, & de re literaria optime meritus, D^s. Massuet, Med. Amstelodamensis, auctor, ut ipse ad me scripsit, *anonymi Tractatus de Colica Pict.* in Periodico libro dicto *Bibliothèque raisonnée Tom. 8. art. 2. & Tom. 9. part. 1. 2.* Homo ab anni spatio dire hoc morbo per intervalla affectus, & rebelles utramque ad manum eminentias ejusmodi gerens, acuta febre subito corripitur, cum delirio, rigore brachiorum, subultu tendinum. Arcessitus vir doctissimus apprehendit obstupens, utraque in manu disparuisse eminentiam, & ægrum postridie mortuum vidit. Nunquid igitur materies hæc, (ut ipse a me quærit) quæ vel morbum olim generans, vel a morbo generata, huc metastatice deposita esset, reassumi, reorberique, denuo potuisset? Atque ita generare relapsum ejusdem morbi, aut acutas febres, & mortem ipsam? Sane materiem hanc acrimoniam deleteriam stagnando sibi consciscere posse, non abludit ab observationibus alibi factis.

Sed dantur Colicæ Pictonum nonnunquam, citra notabiles dolores; quas tamen Amaurosis, Aphonia, Paralysis, insequantur. Id bis observavi. Quod non mirabitur is, qui attendat modo non ad acrimoniam adplicatæ causæ, sed ad naturam ejus. Venena adplicata nervis, ut in hac urbe toties exempla tristia testantur eo-

rum, qui vasis argenteis, amalgamate auri & mercurii deaurandis, victum quaritent, possunt eosdem nervos pessime afficere, omnesque fere nervorum producere morbos, licet moderatiores iisdem dolores conciliaverint.

In tota hac pertractatione hunc morbum in classes dividere, ut quædam ejus species ad plumbum proprie esset referenda, alia ad vinum, alia ad scorbutum, ad podagram, alia &c. minime duxi necessarium. Dentur causæ quævis, quarum effectus sit aut rodere nervos, aut vellicare, aut convellere, aut exsiccare, & adstringere; modo ea, quam exposui, causa proxima inde sequatur, erit perpetuo morbus idem, eodem semper nomine denominandus, simili fere modo, paucis exceptis, curandus.

Sed plures, curato morbo primario, a Paralyti curandi veniunt. Præter curam lacteam, miræ efficaciz machinam electricam esse, multa in Nosocomio experimenta docuerunt; hocque ipso tempore egregium machinæ effectum admiramur in ejusmodi casu multis ab annis desperatissimo. Adduci hunc hominem, a tanto tempore lecto inhærentem, jussi in Nosocomium, eumque ibidem a trimestri fere spatio alui, ut ipsi quotidie vis electrica adplicari posset: a perfecta curatione multum abest, sed interim jam obstupescimus hominem sine baculo, a nemine suffultum, per totas ædes nostras obambulantem: promovendi experimenti gratia cum diu in Nosocomio servabo.

C A P U T XXV.

De Sanguine Humano, ejusque Calore.

IN antecedentibus experimenta multa communicavi, quæ ad humanum sanguinem, ejusque tum crustam, tum calorem, spectarent. Horum experimentorum plura, nonnulla in dubium vocabant, quibus, veluti inconcussis principiis, eousque fueramus innixi. Hoc anno eadem experimenta magnam partem iteravi, eo præprimis animo, ut si in prioribus capiendis errorem irreplissem deprehenderem, id nunc traderem emendatius, Verum recentioribus vetera confirmata vidimus, simulque nova alia institimus, quorum en epitomen!

I. Crusta inflammatoria densitate ac soliditate mirum quam variet pro excipientis differentia vasis! Quo vas excipiens planius, majorisque diametri est, eo passim minor, ac sæpe nulla, crusta est. Quo altius & angustius vas est, eo crusta densior, solidiorque est. Quamvis enim ex observatis prioribus constiterit, in eadem vene sectione sanguinem & variam, & maximam, & nullam, formare crustam; id tamen nec perpetuum est, nec præcise eodem ordine excipientium vasorum, maxime si idem experimentum sæpius capiatur, observaretur.

Fallimur ergo, fallimusque alios, dum lata

pelvi exceptum sanguinem bonum esse, fere non inflammatorium, pronuntiamus; cum idem ille, angustiore exceptus, notabilem fors crustam exhibuisset: ut etiam, dum angusto admodum vitro cruorem excipientes, inflammationem densitate cunctas superantem judicamus.

2. Sanguis noster in morbis valde acutis, etiam morbi octavo nonnunquam die in communis magnitudinis vase exceptus, habere potest, habuitque, formidandam crustam: insequente nihilominus paucis post horis morte. Quam falso ergo creditur a quibusdam medicis, post quartum inflammatorii morbi diem, stadium inflammatorium jam præterisse? Quam perperam quibusdam videtur omnimoda sanguinis dissolutio adesse, tum quod dies octavus sit, tum quod mors subsequatur?

3. Nunquid tamen ejusmodi crusta densa perpetuo notet stadii inflammatorii perseverantiam? Utique in morbo maxime maligno, in quo post alia exanthemata, cum pessimis Variolis, nigræ maculæ, ac vibices, libera a Variolis loca deturpabant; sanguis ob Variolarum retrocessum, quinto ab expulsiōe earum die, morbi autem vigesimo secundo, de vena brachii missus, prodiit in vase communi phlogisticus totus. Sed quadrihorio post, ex eodem foramine impetuosè exsiliens, similieque in vas influens, perfectissime sanus, quavis nota adparuit. Intra septem ante mortem horas uterque hic sanguis missus est. Vid. hujus operis

v. 15. 16. pag. 103. 105. Hoc explicaturus, attendat primo ad sequentem historiam.

4. In crure Sphacelo pereunte, in quo sane nihil suppurabatur, imo potius putrida tabe omnia dissiluebant, simul incredibilis copia puris pluribus septimanis effluxit. Si ea eruditis probentur, quæ de *Generatione puris* hujus op. c. 11. scripsi, erit puris, & materiæ crustæ, eadem origo, eademque substantia. Irritados ab acribus valorum nervos ibidem videbamus hanc in humoribus conditionem ponere, ut hæc crassa, alba, materies aut formetur in illis, aut dispersa antea & invisibilis, nunc in massam visibilem cogatur. An non ergo in crure sphacelato, & in febrium malignarum gangrænosa cute, viva vasa, nervique, ad mortui margines irritentur? & sanguini eam diathesin creent, ut crusta, & pus, in eodem formentur? Modus quo albi, crassique Polypi, etiam in chronicis morbis, prope mortem generentur, idem videtur arguere.

5. Sed si hæc ita se habent, tutone in putrida dissolutione sanguinis, ad cutim observata, adstringentia damus? Spiritus nempe acidus Vitrioli, Sulphuris, Nitri, Salis? Imo ipsum adeo copiosum corticem Peruvianum? Si enim dissolutio sanguinis ad cutem duntaxat adest, ejusque irritatio marginum nervis occasionem suppeditet, ut hanc albam in sanguine spissitudinem generent, videntur hæc adstringentia nocumento fore.

Ad acidorum usum dico, ea non nisi dilu-
tissima corpus intrare, adeoque diluendo maxi-
me & refrigerando agere. Ita dum medici non-
nunquam Hæmoptoen feliciter curant, acido spi-
ritu in mistura opiata dato, crediderim æstum
refrigerando, motum moderando, acre diluen-
do, id eos facere. Quod vero ad Corticem at-
tinet, hunc vi adstringente hic agere minime
arbitror. Cum magnis in arte viris lubens fa-
teor me veram rationem, qua Cortex agat,
ignorare. Video quam potenter Gangrænam si-
stat, vitamque parti restituat: dum dederò eum
in Hemitritæa, observo mirabundus quod ni-
mios moderetur motus, calores; quos tamen
eosdem mire auget in flaccidis, inertibusque
corporibus: lætus contemplor quam blande, fe-
liciterque, necdum adparentes cutis efflorescen-
tias, Variolas, Miliaria; Petechias, foras tru-
dat sustineatque: quam pulchre maculas purpu-
reas, lividas, nigras, auferat; mictum cruen-
tum, cruentam alvum, in desperatis Malignis
sistat; quam fortunato, suo si tempore apto,
sua si copia detur, intermittentes febres, tum
universales, tum topicas curet; quam tuto hæ-
morrhagias sistat, roboret nervos, sanguinem in-
spisset aquosum, mucosum attenuet, amissum-
que restituat vasis tonum: Sed hæc omnia ab
unico principio explicare & deducere velle, ina-
nis laboris esse videtur. Eoque magis si consi-
dero attentus, quæ tilla Corticis dosi mirandos
effectus producam dum ejus aut resina, aut
sale,

sale, utor. Præterea si binis hominibus cætera sanis, jam vero eodem intermittentis febris genere laborantibus, & quorum alter strictissimi sit temperamenti alter laxissimi, corticem dederò, nonne utrique redit ex æquo salus? Si tantummodo adstringendo, laxosque nervos roborando, Cortex ageret, nonne vehementer noceret potius, quam proderet, rigido corpori? An forte demendo nervis irritabilitatem? Sed corpora vix irritabilia, in quibus anima plane adiphora inhabitet, cortice peruviano ab intermittente febre curantur: imo inertia & vix irritabilia corpora corticis usu irritabilitatis augmentum consequuntur. Tota res ænigma est, ænigma manet. Quæstio inanis; responsum impossibile. Quam limitatum in Naturæ operibus ingenium humanum! Sed quo abstrusior Natura, eo ad adorandum & amandum supremum omnium Conditorem, cor nostrum vehementius rapit & impellit. Experiamur nunc itidem vires ingenii in observationibus de calore humano.

6. Observavimus in plerisque, quibus aut consueta medendi methodus, aut Cortex, febrem sustulerat, & ita quidem, ut sæpe nulla supersint, sive in pulsu, sive in respiratione, sive in urina, sive in ipso ægri sensu, vel minima indicia febris; observamus, inquam, horum in plerisque tres, quatuor, sex, caloris majoris gradus in thermometro, quam est calor sani hominis, idque haud raro per inte-

grum oſtiduum . Merito id mirari oportet, cum plures dentur acutæ febres, in quibus idem thermometrum, eodem corporis loco, eadem cum cura, eadem temporis diuturnitate adplicitum, sæpe intenſiorem calorem non denotet; interea tamen, dum & ipſi illi ægri, moleſtos calores conquerantur, eosdemque ad tactu nos deprehendamus. Quid quod in febre peracuta, vere ardente, in qua 5. libræ ſanguinis, ſumme coriacei, eductæ; in qua homo miſer urentes plane calores aſſiduo conqueſtus eſt, & quidem tantos, ut DEUM proſuſo corde laudaret de refocillatione grata, quam cuſtodes ipſi, ſpongiis aqua frigidiuſcula madidis, faciem ejus ferventem ſæpius humectantes, conciliabant: quid, inquam, cauſæ, cur huic ægro per integrum oſtiduum calor una duntaxat die 100. graduum, reliquo vero toto tempore graduum modo 98. 99.? Is fane caloris gradus minor eo eſt, quem Thermometrum in iis oſtendit, qui a febribus penitus curati, ut mox vidimus; qui iidem tamen nec ſibi, nec nobis, calorem naturali majorem habere videbantur. In malignis morbis calor vix ſolet 3. 4. gradibus naturalem excedere. Et quod vehementius mireris, juvenis 13. annorum, ſpina ventroſa, & obſtructione non reſeranda totius abdominis laborans, totus pallidus, & cachecticus, & debilis; cujus ſanguis nullum fere in labiis, in oculorum carunculis, in palpebris internis, colorem exhibet; cujus parvus eſt ac debilis pulſus; cur ille habuit
per

per sex integros menses, singulo die, calorem circiter 100. graduum? Calorem, ajo, majorem calore illius, qui æstu flagrabat, durum plenumque qui pulsus habebat, qui inflammatissimi cruoris quinque libras de vena effundebat? Quæ demum apta ad hoc problema responsio? Sed mirabiliora videamus!

7. Fœmina ad finem anni 1755. ipso in partu fit apoplectica, & ad se quarto die redeans, paralytica. Mox frigus intolerabile dextræ manus conqueritur; ita quidem ut igni admota, vestesque exurens, nullum percipiat frigoris decrementum. Estque in eadem manu, sed prope cubitum magis, dolor vagus. Paralysis emendatur cæteris in locis; ut demum Nosocomium accedere, opem rogatura, possit. Manum ego, quique circumstant omnes, penitus frigidam, & extenuatam, percipimus; sed simul deprehendimus robustum arteriæ in Carpo pulsus, illi, qui in altero brachio, æqualem; quin & arteriarum, juxta digitos emaciatis sitarum, pulsationem manifestam. Unde frigus tantum, præsentem fonte caloris, arterioso sanguine? Magna iteratæ graviditatis suspicio, ut eam ad electricam machinam adhiberem, prohibuit; & ut reliqua modo, quæ artis essent, graviditasque permetteret, instituerem, permisit. Anno 1757. mense Febr. primum rediit, perseverante eodem malo. Adplicui illam ad machinam electricam; sed negligenter accedens illa, parum emendabatur. Quin & sinistra

stra manus, licet non paralytica, æque, quam dextra, frigit, æstate media. Per novem menses denuo defuit. Rediit 8. Apr. anni præsentis, dixitque ab adhibita vi electrea sibi melius autumno & hyeme fuisse, seque ideo non rediisse: jam vero ab aliquot retro septimanis malum in pejus, quam unquam, ruere. Revera a conspecta manu horruimus omnes. Digi-
ti manus paralyticæ rigeant, hinc inde tumebant; pulposa apicum substantia evanuerat; & jam instar variegati marmoris digiti toti rubent, pallent, purpurascunt, livescunt. Dolent quoque maxime dum attinguntur; acutius autem nullibi, quam in digito medio ad unguis radicem. Solus ab his malis liber pollex, paralyticus tamen ille, inque volam contractus; evanida penitus omni carne musculorum pollicis, Abductoris brevis, Opponentis, Flexoris brevis, & Adductoris. Fœminæ ad fornacem locatæ manui thermometron alligavi, laciniis laneis circumvolvi, & horæ quadrante reliqui; calore cubiculi 70. gradum in thermometro, parieti adpenso, notante. Thermometrum ad manum ultra 73. gradum non ascendit. Applicatum id horæ quadrante sub axillis, 96. gradum signavit. Ergo differentia caloris fuit 23. graduum. Interea temporis æque fortis in hoc carpo, quam in alio, pulsus depressus, deprehensaque pullantes digitorum arteriæ. Cum hæc mulier adeo sui negligens esset, volui, ut in Nosocomio maneret; manenti hic frigus bre-

brevi in teporem mutavi halitu aromaticarum herbarum, earumque potu. At exinde plane horrore fuit adſpicere manum, colore ex purpureo lividam: ita ut ſub unguibus pellucenſibus totum gangrænoſum eſſe adpareret. Hinc partis totius ſphacelum metuens, eam integram ſaturatiſſimo Corticis peruviani fomento involvi, & corticem ore liberaliter ſumendum dedi. Octidui ſpatio teporem ſenſim redire, dolorem abeſſe, nonnullos obſervari motus, colorem ſanum æmulari. Viſ electrea deinde effecit, ut digitis jam perfectius utatur, & domeſtica ſua, hac quoque manu, perficere poſſit.

Verum ergo frigus partis, tum ſenſu interno externoque, tum thermometro, demonſtratum eſt, cum optima conditione ſanguinis arterioſi, manum, digitosque, debito cum motu, & attritu, perreptantis. Sed en aliud!

Viro quinquagenario, ſaniſſimo, quadrato toti, a vehementi curſu exæſtuant, potus gelidus aſthma rebelle creat, pravis dein ulceribus crura ſœdantur, lumbi vehementer, perpetuoque, dolent. Omnibus his perennantibus malis, nihilominus vegetus, toroſusque, integro manet ſexennio. Eo elapſo rigiditatem, inſenſilitatem, & frigus, totius ſiniſtræ manus, ſex menſium ſpatio conqueritur; cui demum dolor acceſſit, & febris acuta. Homini huic olim aliquoties propter Aſthma medicinam feceram, pulſusque æque manifeſtos utroque in carpo deprehenderam: nunc vero nec in carpo,

po, nec in manu, nec in brachio, humeroque, neque etiam sub axilla, ego, alii que, pulsus detegere potuimus. Ergo non fuit in hoc carpo extraordinaria pulsus absentia: præterquam quod, si hæc etiam adfuisset, non ideo posuisset in brachio, humero, & ad axillam, pulsus absentiam. Hocque ita continuavit per quinque reliquos, quibus vitam protulit, menses: nisi quod utrum sub axilla, & prope olecranon, pulsus obscuri indicium perciperetur, semel iterumque subdubitatum fuerit. Frigus tandem superatur, eique calor successit; motus, sensusque vigent: & ipso hoc tempore, manente cum deficiente pulsu interni externeque caloris sensu, Gangræna manum occupat; succedensque digitorum sphacelus ipsas extremas eorumdem phalangas separat, & a se se remouet. Ingenti demum puris copia sphacelatis de cruribus indefinenter profluente, leui apoplexia tangitur, eaque parum remittente, totius corporis Paralyti affligitur, moritur.

In priore historia frigus perpetuum adest, cum valido arteriarum tota affecta in parte pulsu; in altera tam tempore frigoris manus, quam ejusdem caloris, nulla perceptio pulsus adest, fitque lenta gangræna, ac sphacelus tandem. In priore cum pleno cursu sanguinis arteriosi tanto tempore pars invincibiliter friget interne, externeque, ac tandem sphacelum minatur; in altera historia sine sanguinis arteriosi perceptibili transfluxu, pars post superatum frigus moleste calet, & sphacelo perit.

Cap. de *Machina electrea* habebitur historia
 sceminæ cum bono pulsu *semper* de frigore to-
 tius brachii ac manus conquerentis; licet & ad-
 stantes partem naturaliter calentem asseverent,
 & ipsa altera manu affectam tangens, naturalem
 ipsi calorem adesse fateatur.

Ecquis nostrum communibus Physices ac Phy-
 siologiæ principiis id explicandum suscipiat?
 Ineluctabiles sane ubique difficultates est inven-
 turus. Ante cognitum *Harvæi* circulum, Scho-
 la Medica *innatum calorem*, a magno *Hippo-
 crate* Aph. I—14. 15. edocta, docebat. *Hip-
 pocrates* ea dicendi formula τὸ ἐμφύτῳ δέειν,
 nihil aliud indicare voluisse videtur, nisi id,
 quod in corpore humano, varium in vario,
 cum primis vitæ rudimentis inceptum, in mor-
 te demum absens, nonnullis quidem in mor-
 bis auctum, in aliis vero imminutum, depre-
 henderat. Hucusque ut verus, castusque Philo-
 sophus egit, ignotæ rei enarrans tantummodo,
 explicantque, effectus. Utinam hujus Philoso-
 phiæ semper memor extitisset! videatur *libro
 de Carnibus*, & *de Morbo Sacro*, ut & passim
 alibi. Sanguinem deprehenderat, dum de vul-
 nere exilit, calidum admodum esse; hominem-
 que, dum multus effluit, frigescere, & palle-
 scere. Concluserat hinc calorem a sanguine nasci;
 & quæ partes cæteris plura rubra vasa haberent,
 eas præ reliquis esse calidiores; quo pauciora,
 eo frigidiores. Hanc ob causam Cerebrum esse
 omnium frigidissimam partem. Hinc pituitam
 ad

270 DE SANGUINE HUMANO ,
 ad illud colligi , coacervari , & naribus ab eo
 dimitti : copiosius vero asservatam hanc frigi-
 dam pituitam , atque a Cerebro ad pulmones
 dimissam , sanguinem pulmone contentum re-
 frigerare , & coagulare : itidem & ad alias cor-
 poris partes a cerebro missam iterum alios ,
 eosque multiplicis generis , producere morbos .
 Apoplexiam , Epilepsiam , Asthmata , cunctosque
 pituitosos morbos , hinc explicuit . Scilicet aber-
 rant etiam magna ingenia , dum quos sibi ipsi
 limites sapienter præfixerant , hos transiliunt
 incogitanter .

Si *Aristotelem* consulamus in *libris de Gene-
 ratione* , de *Respiratione* , & *Meteorologorum quai-
 to* , videmus subtile hoc ingenium totum in eo
 occupari , ut doceat , quandoquidem quatuor
 elementis , aere , aqua , igne , terra , nihil non
 constet , id calidius esse , quod in hac commi-
 ssione ignem haberet reliqua principia superan-
 tem . Ergo neque hinc quidquam illuminamur
 in hisce tenebris .

Ex *Aristotele* & *Galeno* miras veterum Phi-
 losophorum circa calorem humani corporis ideas
 obstupescimus , sed quod nos quidquam doceat ,
 invenimus prorsum nihil . *Galeni* tempore ,
 Medicorum , & Philosophorum discrepantia ,
 versabatur circa hæc duo : πότερα κατ' ἐκκινέ-
 σεις τὸ τοῦ κατὰ τὴν καρδίαν , καὶ τὰς ἀρ-
 τηρίας , ἔχειν πηγένας , ἢ καθάπερ αὐτὸ τὸ
 κινεῖσθαι τῇ καρδίᾳ σύμφυτον ὑπάρχει , τὸν
 αὐτὸν τρόπον καὶ ἡ δερμασία . „ Utrum calor
 „ ex

„ ex cordis & arteriarum motu ortum habeat,
 „ an vero, quemadmodum ipse motus cordi
 „ innatus est, eodem quoque modo calor sit inna-
 „ tus „? *Galen. advers. Lycum Cap. 2.* Ipse quo-
 que *Galenus in Commentariis* ad laudatos mox *Hipp.*
Aphorismos, & maxime in *Libro adversus Ly-*
cum, ad quem eos, qui de calore edocendi sint,
 remittit, solidi nihil attulit, sed peripateticis
 principiis, assimiliter quam *Aristoteles*, ad hanc
 questionem respondit.

Peripateticorum dogmati *Cartesianum*, & huic
Newtonianum successit: Sed in quocumque sy-
 stemate Philosophico plurima vix admittunt ex-
 plicationem datam, ipsa explicatio scatet undi-
 que difficultatibus, hiatusque, nullo ratiocinio
 explendos, post se relinquit.

Anno proxime præcedenti experimenta ad-
 tuli, quæ calorem hominis sani in lethali fri-
 gore morientis hominis præsentem demonstra-
 rent, & in frigore febrili calorem naturalima-
 jorem aliquoties ostenderent. Jungantur his,
 quæ hoc capite dixi, & forte fateri cogemur
 independentem a sanguine calorem haberi; ca-
 lorem haberi; calorem parti inesse, dum san-
 guis aut deest, aut quiescit fere; calorem dees-
 se, dum interim abundantia adest requisiti cruo-
 ris. An ergo multum sapimus præ illis, qui
 simpliciter dixerint esse Calidum innatum? In-
 tellexi quod omnium operum DEI nullam possit
 homo invenire rationem, eorum, quæ sunt sub
 sole: & quanto plus laboraverit ad quærendum,

472 EXPERIMENTA IN CALCULOSIS,
*tanto minus inveniatur. Etiam si dixit Sapiens se-
nosse, non poterit reperire. Eccl. cap. 8.*

C A P U T XXVI.

*. Experimenta in Calculosis, & de Cal-
culo Varia.*

HUjus operis Cap. 21. p. 137. 8. Historiam
hominis cum publico communicavi, quem
misererrimum a septennio calculi martyrem, 17. li-
bræ sap. ven., 1500. libræ aquæ Calcis, totidemque
Lactis, a calculi doloribus ac molestiis ita vin-
dicaverant, ut, eodem quamvis integro in Ve-
sica manente, nesciat prorsus se calculo labo-
rare, urinamque sanissimi instar hominis, po-
nat. Monui ibidem hominem hunc ultra nol-
le remediis uti, comedere autem & bibere,
quæ arriserint, perfectissima tamen valetudine
gaudere. Idem nunc repeto. Dum enim hæc
scribo, vocari eum in Nosocomium curavi.
Illibatam ille sanitatem perseverantem, coram
nobis omnibus, magna cum gratiarum actione,
testabatur, licet calculo nullo modo liber; om-
nes enim cathetere explorantes, eundem præ-
sentem reperimus. Quod in eo experimentum
factum est, idem frequentius repetendi occasio
adfuiisset; sed cum via commodior, brevior,
& infantili ætati aptior, pateret, hanc ini-
vimus.

Re-

Remedium hoc , quod jam anno 1757. in-
nui , descripsique , *uva ursina* est . Enarrata an-
tea experimenta tot novis observatis hoc præ-
sente anno confirmata vidimus , ut omnia enar-
rando longus ac tædiosus forem . Præcipua ex
iis selegisse sufficiat .

I. Hujus anni 19 Aprilis ., XI. annorum
puer deferebatur in Nosocomium . Parentes te-
stabantur , a quadriennio ab illinc elapso , fi-
lium diu noctuque in urina reddenda immani-
bus torqueri doloribus ; guttatim illam prodi-
re ; collectam vero tum mucosam esse , tum
pallidam , tum foetidissimam . Quin & puerum
binos calculos pisi minoris magnitudine , quon-
dam excrevisse . Cathetere explorantes , calcu-
lum omnes manifesto percepimus , audivimus .
Puerum in Nosocomio detinere volui , licet ,
quovis momento acriter ejulans , ac pavimen-
tum , furibundi instar , pedibus assiduo quatens ,
molestus sane locius cæteris ægrotantibus esset .
Bis de die media dragma pulveris *uvæ ursinæ*
dabatur , & paregoricum vespertinum . Juva-
men intra quatrimum adeo magnum fuit , ut
dolores vix ultra adessent , ut lotium diutius
retineret , ut demum quibuscumque careret cal-
culi symptomatibus . Factum hinc , ut elapso
mensis spatio Nosocomii claustrum pertæsus , pa-
ternas repetiverit ædes . Ac primo quidem tem-
pore bene habuit ; sed Junio mense , sive re-
gimine pravo , sive medicinæ neglectu , sive
quod evanesceret paululum præ consuetudine

274 EXPERIMENTA IN CALCULOSIS,
eiusdem efficacia ; dolores , cæteraque sympto-
mata , recruduerant . Horum certior factus ,
Nosocomio inferendum iussi . Suadent interea
alii Lithotomum consulerent . Quo ad opera-
tionem necessaria præparante , rem interea eo
direxi , ut operatio differretur , donec prius
dosis remedii auctioris effectus explorassem .
Ter die dedi mediam pulveris dragmam , &
quotiescumque sive die , sive nocte , ferociores
ingruerent dolores , liberale paregoricum . De-
coctum hordei mellitum potui fuit . Profecto
vix triduum elabitur , quin iterum omnes do-
lores exsulent , urinamque commode , ut homo
sanissimus , retineat , emingat . Nihilominus
iterum calculi in Vesica præsentiam catheter
declaravit . Quindecim diebus elapsis repetiit
domum , ubi sanissime vixit ad finem Augu-
sti . Tunc negligens remedii , suaque sponte vi-
vens , in antiquas delabatur misérias . Suscepi-
mus eum tertio , & cum priore methodo mi-
nus quam olim levaretur , curavi per aliquot
dies oleum lini in Vesicam injici , mane , &
sero . Unde demum egregie se habet , injectione
minime egens , & pulveres solummodo sumens .
Animus nunc est , eundem diuturniore tempore
experimenti gratia in Nosocomio servare . Uri-
na ejus , quæ foetida , pallida , ac tenaci mucò
referta , ipsi solebat prodire , ante Uvæ urinae
utrum , omni deinceps mucò caruit . Retinet ta-
men aliquod vitium : sedimentum scilicet fur-
furaceum perpetuo gerit , & alcalina plerum-
que

que ita est, ut momento miſtus ipſo cum acidiſ efferveſcet, & Syr. Violacei colorem in viridiſſimum vertat. Aliud vitium quoque adhuc puer habet, nocte ſe commingendi; ſed mater teſtatur hanc turpitudinem non a calculo, ſed calculo anteriorem eſſe: Idque experimento certo jam novimus ita ſe habere, cum promiſſis illeſtus, per quatuor noctes ſubſequentes ſe non comminxerit; & ne forte, ut promiſſorum potiretur, nocte ideo de induſtria vigilaret, cuſtodes ter, quater, acceſſere, viſuri num dormiret? at ſemper profundo ſomno demerſum repererunt. Haud igitur morbi eſt, ſed maliſiæ, vitium,

II. Alius puer XIII. annorum, a biennio dolorifice, ac pallide, minxit, ſubinde etiam ſtrangurioſe. Catheter, & digitus, calculum maniſeſto indicarunt. Tribus ſeptimanis domi ſuæ uva urſina, & paregorico, uſus, primo urinam diutius retinere cepit, demum integra nocte. Attamen cum hiſ bonis ſignis crudeliſ dolor diurnos extorſit, nocturnoſque, ejulatus. Pravam diætam in cauſa eſſe ratus, in Noſocomio detinui, & injeſtione olei lini biſ die in veſicam facta, datiſque pulveribuſ quotidie tribuſ, & opiato ad quoſvis ferocioreſ doloreſ; intra octiduum & dolore & ſtranguria liber fuit, minxitque ad unc. X. XII. unica vice, ter quater nycthemeri ſpatio, inſtar ſani hominiſ. Urinæ ejus vix alcalinæ, ſed aut tenacem ductilem mucum gerunt, aut puſ, aut ſurfureſ;

pallent, sed minus illis prioris. Cum emendatione symptomatum etiam prava se de nocte commingendi consuetudo plane cessavit, nec unquam rediit. Et hunc diuturno tempore servare in Nosocomio conabor.

III. Puer septimum vitæ annum necdum ex-
plens, biennio abhinc Variolas, ac dein mor-
billos passus, mejendi difficultatem ac dolorem
conqueri cœpit. Gluten tenacissimum magis
magisque urina gessit; imo copiosius semel cum
urina sanguis. Dolores ita paulatim increvere,
ut puero vita jam plane intolerabilis sit. Cal-
culus cathetere demonstratur. Comestis prunis
non sat maturis, n^o. 15. aquam copiosam su-
perbibens, febris primo quotidiana valida, dein
continua remittente, per 13. dies laboravit;
quin & undecimo febris die ani prolapsus jun-
gitur. Estque ipsi excoriatione exulceratum præ-
putium. Etiam hunc tertium in Nosocomio
detinui. Cum hic duo valde urgerent, uri-
nandi dolor intolerabilis, & febris continua
remittens; huic prospexi decocto hordei mel-
lito; illi, ter die data dragma mediæ uvæursi,
cum paregorico; ut & injecto bis die oleo
lini. Et quidem eo animo, ut si febris perge-
ret esse continua remittens, cam alia medela
adoriturus essem. Verum febris sensim mitior
facta, dein quotidiana, tandem intra 14. dies
cessavit. Cum febris curatione etiam calculi
symptomata ita mitigata sunt, ut ultra non
doleat, ut passim urinam diutius retineat, no-
æte

Et autem tantum parum sese commingat. Urina quoque minus in alcali vergens, quam primi ordine pueri, nec adeo pallida, mucum rarius, squamas frequentius, continet.

IV. *Christian*, Hydrocele, ut videbatur, laborans, multo tempore diureticis, subinde etiam purgantibus hydragogis, eo cum effectu usus est, ut & ad tactu mollior, & mole minor, Hydrocele adpareret: itinere autem interea peracto, manifestarunt sese quidam in systemate urinario defectus, ita quidem ut medio Augusto homo cum difficultate urinam pallidam, moxque a mictu foetidissimam, redderet, alcalinam adeo, ut admistum Violarum syrupum mox viridissimum faceret. Iterata catheteris immisione, calculus manifesto deprehensus est, Uva ursina illico ipsi data fuit; eaque brevi spatio temporis effectum, ut lotium debito tempore servaretur in vesica, sine dolore prodiret, ac demum tam colore, quam odore, maxime esset naturale. Ut verbo dicam, bimestris remedii usus omnia calculi symptomata & signa illi prorsum delevit; licet, cathetere postmodum exploratus, calculo minime liber inventus sit. Nec opio hic, nec injecto in vesicam oleo, indiguit. Solusque ille, ac primus, inter omnes est, quos vidi, qui, permanente calculo, urinam sanam saepe emitteret.

Porro qua ratione planta haec id homini concedat privilegium, ut calculo obsessus, ejusdem molestiis eximatur; aequè parum docebo,

278 EXPERIMENTA IN CALCULOSIS ,
atque plerorumque alimentorum , medicamento-
rumque , vires . Supponeret ejusmodi explicatio
cognitionem multiplicis variorum nostri corpo-
ris organorum facultatis ; supponeret ~~vix~~ sim-
plicium naturæ notitiam : cujus tamen utrius-
que rudis est nobis in nonnullis perceptio ,
crassa in plerisque ignorantia . Quare in hisce
omnis noster , toties retusus , ingenii impetus
eo solo gaudere debet , quod rerum effecta con-
templetur , eadem diligenter adnotet , ordine-
que recenseat, inque opportunos convertat Me-
dicinæ usus . Si hac lege progredior , admiran-
da Naturæ minus attonitus speculor . Video
quippe ab ipsa solerti Natura idem præstari ,
efficique , quod aqua calcis , quod Uva præstet
ursina . Etenim nonne ipsa Natura , citra artis
præsidia , indolentiam conciliat calculosis ? In-
numera adsunt , quæ id testentur , exempla .

Homo illibata, quoad vixerit , sanitatis , in
systemate uropoietico semper fuit , binis dunta-
xat ante mortem diebus exceptis . Hic a mor-
te exenteratus , sinistrum Renem putrida sanie
consumptum exhibet , calculo vero Ureterem
dextrum infarctum . *Holler. cap. de Hydræpe in
Scholio.*

Bini homines , nullas unquam Renum mo-
lestias conquesti , ingentem in Renibus calculum
a morte exhibuerunt . *Bagliv. pr. med. Lib. I.
cap. 9.*

Hominem calculum IV. unciarum pondere
in uretere gessisse , imo alium calculum VII.
unc.

unt. in vesica, ita ut neutro inde moleste in
vita fuerit, vidit, conscripsit, *Hermannus o-*
sterdyck Schacht Orat. Leyde hab. 8. Febr. 1735.

Ex uno Rene in cadavere *Heurnius* 70. par-
vos calculos eduxit, 80. ex altero. Nunquam
vero hominem nephritici vexaverant dolores.
Edit. Leyd. Op. Fernel. p. 2. Lib. 6.

Nobilissimus vir, teste *Friderico Lossio Lib. 3.*
obs. num. 53. „ in vesica sine ullo ejus, cum
„ in vivis esset, indicio, calculum aluit, qui
„ quidem durissimus fuit, & quatuordecim un-
„ ciarum pondere insignis, in medio tamen se-
„ cundum longitudinem pervius, ut hac via,
„ tanquam canali quodam, urina sine omni
„ impedimento profluxerit.

Intimus S. C. Majestatis Consiliarius, teste
oculato *Antonio de Pozzis* apud *Bonetum Med.*
Sep. Tom. I. Lib. 3. Sect. 25. cap. 6. in utro-
que rene duos magnos calculos, sex uncias pen-
dentes, habuit „ nullo signo præcedente, sive
„ arenulas, sive pedum torporem, sive lumbo-
„ rum gravitatem, sive urinæ indigentiam,
„ consideres. Nam copiosiores justo fundebat
„ urinas, sed aquæ simillimas, sitimque adeo
„ intolerabilem patiebatur, ut nullo potu ea
„ sedari potuerit.

Hæc omnia contemplatus, arbitror eandem
conditionem physicam ab explicitis medicamen-
tis calculoso conciliari, quam eidem haud raro
conciliat provida per sese Natura; modum ve-
ro, quo id fiat, ignorare me fassus sum.

280 EXPERIMENTA IN CALCULOSIS,

An tamen is adeo ignotus modus? Videtur innotuisse celeberrimo *Joanni Cratoni consil.* 315. „ Nec ipsi calculi; inquit ille, in vesica „ perpetuo sunt infesti: imo cum pituitoso „ humore vestiuntur, saepe ante vitæ exitum „ vixprehenduntur. „ Videretur innotuisse clarissimo *Wbytt*, ut ex eo superiore anno visum; dum idem, quod mox *Crato*, statuit.

Verum liceat tantorum cum venia Virorum hæc duo reponere: 1^{mo} asperitatem mucus involveret, pondus molestum non auferret: tamen ponderosos calculos vidimus inficis hominibus dudum gestari. 2^{do} Quotiescumque nostros homines examinaverimus, diu etiam ab inducta indolentia, calculus & præsens, & asper, catheterè percipitur.

Liceat & aliud addere. Ut *cap. præced.* ex iis, quæ de corticis peruviani natura, deque ejus in corpore humano effectibus, novimus, fateri debui me ejus agendi modum plane ignorare, idem & hic fateri cogor. *Uva ursi* adstringens, & amara planta est, fere ut *Cortex*. Unde a *Galeno Lib. VII. de comp. med. sec. locos*, *Cap. IV.* decocta ad *Hæmoptoen* laudatur. Vocabat medicamentum *Ponticum*, quod ex *Pontò* haberetur. Jubet *Galenus* librâ ejus coqui cum sesquibâ aquæ ad tertias, ut fere esse debuerit succus expressus. Plantam *Galenus* ita describit, ut eadem cum nostra esse videatur. Quid porro adstringens planta, a priorè considerata, efficiet in morbi palliatione, ad
quana

quam nos, experientia ducti, nihil efficacius oleosis, & involventibus novimus, nihil adstringentibus perniciosius? Et quid demum ad ejusdem morbi palliationem acris aqua calcis? Si quis putet saponem venetum, adeo copiose huc sumtum, involvendi vi egisse, duo respondeo. 1^{mo} Sapo venetus saltem non adhibetur in cura, quæ per uvam ursinam fit. 2^{do} Aqua calcis sola, sine sapone, sed copiosa; & diuturno tempore cum lacte sumta, Illustr. Præses noster Centurioni immunitatem a calculi Vesicæ incommodis conciliavit. Hinc, quod bis jam dixi, repeto, me hujus indolentiæ causam, omnisque gravantis ponderis absentiam, non intelligere. Sed hoc quid ad curam? Egregios sufficiat annotasse effectus. Sunt porro effectus hi tam late patentes, ut usum habeant in Medicina amplissimum.

1^{mo} Homo Lithotomia juvandus esset, ni aut cacochymia, aut tenerior, provectiorve ætas, aut invincibilis ægri repugnantia, impedimento forent. Nulla cacochymia, ætasve, contraindicavit hucusque descriptam methodum. Ergo erit his omnibus proficua. Adde his casibus eorum infortunium, qui nec Lithotomo gaudeant in tota regione, nec ut ad eum ferantur, eumve ad se advocent, sumptibus ferendis sint. Datis his remediis juvabuntur.

2^{do}. Calculi omnia symptomata adsunt in nonnullis, pleraque, aut multa, in aliis; ipsaque duritie, asperitate, Catheter detegit, ipse

282 EXPERIMENTA IN CALCULOSIS,
manifestat auditus ; arte autem nulla extrahen-
dus est . Nota est historia ex *Diariis Erudito-
rum* annorum 1735. 1736. strenui belli ducis
Dionis , cujus denati e vesica ingens calculus
extrahebatur , verum in antro , quod sibi ex di-
latata vesica formaverat , toto corpore delite-
scens . In *Ptochotrophio Hagano* adolescens cal-
culi symptomata patitur , calculumque habere
in vesica deprehenditur . Præsens fui dum se-
ctionem moliebatur Lithotomus aptus . Calcu-
lum omnes percepimus , audivimus ; apprehen-
dere & educere , quidquid tentaret artifex , non
potuit ; inani tamen conatu , cum vulnus cu-
ratum esset , dolores misero multum mitigavit .
Attamen post aliquot menses dolor rediit , do-
lori mors successit . Sectioni anatomicæ cadave-
ris interfui , quam prudentissime dirigebat vir
tum a suprema chirurgica sapientia , tum a mo-
rum integritate , commendatissimus , *Erasmus
Dringberg* . Calculus tota fere mole sua in U-
retere hærebat , parva portione modo intra Ve-
sicam prominens , adeoque extractioni ineptus .
Quantumne solamen similibus hæc methodus
præstabit ?

3^{to}. Calculi symptomata dirissima nonnun-
quam adsunt ; ipse calculus duritie sua & aspe-
ritate videtur a cathetere percipi , sonitusque
audiri ; & calculus tamen non adest . *Baglivus
prax. Lib. I. Cap. 13. §. 8. num. 2.* „ calculum
„ Vesicæ ad amissum mentitur scirrhus Vesicæ,
„ ut bis in cadaveribus vidimus . „ Doctissi-
mus

mus *Rutty*, Anglus Medicus, in nuperrimo tractatu de *Viis urinæ Sect. 3. part. 2.*, Præcipue, inquit, cognitio nostra nititur introductioni catheteris in vesicam, aut digiti in anum. Vidi tamen catheterem scississe occasione Scirrhi, ita omnia calculi, in vesica præsentis, signa æmulantis, ut Lithotomus plane falleretur. Est & similis observatio apud Baglivum. Hæmorrhoides fallere quoque possunt, licet minoribus doloribus stipentur. Medicus *Bamber* casum maxime notabilem nobis dedit, in quo magna quantitas substantiæ tophaceæ, quæ mihi videbantur globuli esse induratorum excrementorum, in principio Coli, prope Ilei insertionem, erat locata; quæ præmens Rectum, ita symptomata calculi Vesicæ æmulabatur, ut sola mors rei veritatem demonstrare potuerit. Hoc in casu fere impossibile erat, ut non erraret vel deterrimus Chirurgus; nam induratiissimæ iliæ partes catheteri resistebant, & eundem sensum manui Chirurgi dabant, quam vesicæ calculus. Eratque sane faustum huic Chirurgo, ut æger moreretur, priusquam operatio institueretur. Ex exemplis *Baglivi*, & *Rutty*, concludi oportere videtur, vel Scirrhus ipsos vesicæ, vel tumores extrinsecus vesicæ incumbentes, in eademque prominentes, a stagnante in vesica urina arenulis veluti incrustari, hinc, quadam asperitate cathetere percepta, fallere explorantes.

Illustr. Acad. N. C. Præses *Schröckius* idem jam expertus videbatur, dum in *additam. ad Cap. 25. sect. 26. Libr. 3. Boneti de Med. sept.* sapientissime scribebat: „Calculi signa nonnunquam

„etiam exercitatissimos fallere solent, ita ut ab-
 „sens adest, & præsens abesse videatur; id-
 „que non Medicis tantum, ex concomitantia-
 „bus symptomatibus judicium ferentibus, ac-
 „cidere solet, sed & Lithotomis, infida ca-
 „theteris exploratione contentis, sæpe imponit.

Forte hic oggeret quisquam, si calculi multa signa adlunt, ipseque tamen non adest, cui ului hic poterit, quod hic tantopere laudamus, remedium esse? Si calculus non adest, remedium in illum non potest agere, adeoque morbo nihil opis conferre. Profecto ad hanc objectionem nihil a priore respondere queo; a posteriore vero edoctus, audax assero morbos Renum & Vesicæ notabiles, diuturnos, ad nullam certam classem referendos, in quibus plurima calculi symptomata adessent, calculus tamen nunquam detegi posset, Uva ursina emendatos esse, imo sæpe integre curatos; quorum anno 1757. nonnulla exempla dedi, & præ cæteris illius juvenis, cujus casus *pag. 126. cap. 21.* habetur, & cujus curationis perseverantiam adhuc hisce diebus lætus intellexi; hoc anno iterum alia exempla collegi, quorum mox ex præcipuis unum dabo; est enim prius adhuc aliquantum de calculo differendum.

4^{to}. Calculus aliquando non cognoscitur adeste,

se, licet adsit, dum loco alieno, alius morbi sub larva, ludit. Loca hæc sunt, Inguina, Scrotum, Vagina, Perinæum, Urethra, Prostata. Horum in multis calculus adest, ipsa sua degenerascente Vesica contentus; in nonnullis extra Vesicam. Singulorum exempla thesauri demonstrabunt.

A. In historia herniarum, hernia inguinalis, præter eam, quæ solet ab intestino, vel omento, vel utroque, cum producto peritonæo fieri, etiam nata reperitur, ab ipso utero gravido per anulum dictum abdominis prolapsa, & a vesica urinaria. De utero hic sermo non est; de vesica unice agitur. Vesica urinaria, vel cum urina sola, vel cum urina & calculo, fecit sæpe herniam inguinalem incompletam, manens in inguine; fecit inguinalem completam, in scrotum usque prolapsa. Exempla sat obvia habentur. Viderat ea *Boerhaave*, & cum discipulis sæpius communicavit. Sed ipsi autores medici talia referunt. *Thomas Bartholinus* gloriam detectæ miræ hujus herniæ tribuit præceptoris suo *Joanni Dominico Sala*; qui amici sui, Veneti cadaver lustrans, in uno scroti latere invenit herniam veram intestinale inguinalem, completam, in altera scroti parte herniam completam vesicæ urinariæ cum calculo.

Felix Platerus Obs. pag. 849. Casum vidit, sed nec intellexit, nec explicuit. Egregius *Frid. Deckers, Exerc. pract. pag. 153.* refert, & ænea tabula pinxit, cavum scroti ingers lapideam

286 EXPERIMENTA IN CALCULOSIS,
 pidea crusta intus tectum, apertum dein, & a
 crusta illa penitus liberatum fuisse; deinde sup-
 puratione nata, totum in posterum tumorem
 fuisse sublatum. Fuit vero similiter ipse hicc
 casus. *Stalpart Vander Wiel*, Cent. I. num. 50.
 calculum cum urina inguine exiisse vidit, vi-
 dit & frater ejus in *Hagano* Ptochotrophio.
Hildanus Cent. 6. obs. 57. calculos urinamque
 & ex inguine, & ex scroto, exiisse deprehen-
 dit. Solertissimus *Ruischius* Obs. anat. num. 98.
 in mercatore herniam recentem inguinalem in-
 completam detexit, ab intestino Ileo suffocato,
 & herniam completam a vesica urinaria in
 scrotum delapsa. Egregius Chirurgus *Gallus M.*
Mery, Mem. Acad. Reg. sc. Par. anni 1713.
 ejusmodi herniam in viro reverendissimo depre-
 hendit, ita quidem, ut vesica esset circumqua-
 que scroto accreta: idemque posthac & in alio
 homine vidit. in Tom. 2. Acad. Reg. Chirurg.
Parif. hæc herniæ species quatuordecim exemplis
 confirmatur: quorum pleraque recentia sunt.

Vidi incompletam hanc herniam inguina-
 lem vesicæ, *Schevelingæ*, pago maritimo *Hol-*
landiæ, in pilatore 25. annorum. Dysuria jam
 puer laboraverat, sed ab anni nunc spatio tu-
 mor ipsi in inguine dextro natus, per sex men-
 ses evanidus, iterumque conspicuus, demum sup-
 purabatur; rupto vero abscessu urina exsiliit,
 exire continuavit, prodiitque interea temporis
 calculus pondere uncia mediæ ex eodem fo-
 ramine.

In varias opiniones Eruditi circa veram hujus herniæ originem abiverunt : ita quidem ut alii eam vitiolæ conformationi connatæ adscriberent ; alii eam crederent postmodum genitam, sed non nisi vacua flaccidaque vesica ; alii denique & post nativitatem genitam, & non nisi plena vesica gigni posse, statuerent. Sed ad dirimendam hanc quæstionem, qui omnes nunc citatas historias suis in fontibus attente examinat, & mature digerit, ille, ni fallor, clare videbit, nec nativam dispositionem requisitam esse, nec vacuum vesicam ad id aptam fore, sed plenam vesicam unice posse hanc herniæ speciem producere.

Sed si tumores hi in inguine non aperiunt sese, si aliquoties disparent, si externe non conspiciuntur, licet interne vehementer excruciant, veram non præbent sui notitiam, vacillantes circa mali diagnosin Medicos relinquunt ambiguos. Latent ergo, & aliorum sub specie hæc mala ludunt, donec forte cognoscenda sese effectibus præbeant. Quid mirabilius quam sequens casus? 20. ann. juvenis *Hagæ Bat.* ex plena sanitate immani dolore torquetur ad inguen, pone locum ubi vasa cruralia, sub expansione musculi obliqui externi, prodeunt. Dolor ille æque ferocia sua, quam pertinacia, formidandus, per binos integros menses & juvenem extenuat penitus, & omnem sagacitatem lussit Medici peritissimi, prudentissimique, domini *Abrahami Westerbhoff*, Practici ibidem

288 EXPERIMENTA IN CALCULOSIS,
famosissimi, & ob singularem in arte præstan-
tiam, mutuamque amicitiam, mihi perpetuo
honorandi. Tandem acuto dolore paulo altius
pergente, mictus sanguineus oritur, datisque
mox diluentibus ac demulcentibus, plures cal-
culi majores, minores, cum cruenta urina emis-
si sunt. Cum nulla unquam in viis urinæ vi-
tia in hoc corpore comparuerant, quis demum
hunc in inguine dolorem calculo tribuisset? Tri-
buendum ei tamen esse docent emissi per vesti-
cam calculi, & sensim postea restituta salus.
Speculatus historiam, cogitabit forsitan calcu-
lum in uretere hærentem compressisse & irri-
tasse subjectum sibi muscolum Psoam; huncque
muscum, cum in loco descripto pelvi exeat,
ossi femoris insigendus, tam acute ad margi-
nem ossis Ischii doluisse. Sed cur tunc Psoas in
decursu toto nullum sensum doloris totis binis
mensibus habuit, nisi eo tantummodo loco,
ubi pelvi emergit? Unde longe fit verisimilius,
vesicæ incipientem herniam ibi loci natam fuisse,
ubi hernia femoralis nasci solet, vesicam,
parvo lapillo ibidem contento, acute doluisse,
eandem post duos menses inde emeruisse, & in
conatu emersionis aspero calculo læsam, san-
guinem fudisse, ipsosque demum calculos foras
populisse.

B. Calculum vidimus vesica contentum in
inguine, & scroto: sed etiam inventum novi-
mus in vesica prolapsa in vaginam. Quomodo
id fiat, & sic elabatur Vesica, experimento

Ana-

Anatomico demonstravi hujus operis *Cap. 7.* Prolapsam vero Vesicam hanc, 42. calculis refertam vidit *Ruisebius Obs. anat. chir. num. 1.* An non similis forte huic casui ille, quem *Societas Harlemensis* tomo suo tertio refert? In *Tom. 2. Acad. Chir. Reg. Par.* plura exempla habentur.

C. Calculos extra vesicam reperimus. Hos posse in urethra læsa, & fæcto, a stagnante urina nasci, *cap. 21. pag. 136.* innui, & exemplo, ut puto, probavi. Dum in quarta Gonorrhœæ specie Prostatae, Vesicæ collum, intestinum Rectum, atque perinæum, afficiuntur, possunt ibidem, transudante & extillante urina, vel parvi, vel portentosi calculi, generari; ut binis exemplis, uno in Nosocomio, altero in urbe, vidi.

In cunctis huc usque enarratis casibus, dum vera morbi causa necdum sese manifestis probet indiciis, dum præterea nulla alia probabilis causa videatur dari posse, nosque plane circa genuinam mali originem hæreamus ancipites; levamen posse hominibus insigne adferri, aut saltem nullum posse nocumentum inferri, si commendata methodus instituatur, usu sane multiplici didicimus. Pluribus experimentis id probare possem, sed ex iis unum, quod promissam, notabile adferam.

In Nosocomio civico sexagenarius erat, qui ante elapsos 18. annos calcitrantis equi ictum evitaturus, tum corpus vehementer in sinistra

290 EXPERIMENTA IN CALCULOSIS,
contorsit , tum valido terrore perculsus fuit.
Mox horruit , friguit , incaluit , ac febre per
aliquot dies correptus , tandem horroris ac calo-
ris vicissitudines perpetuas passus est . Porro jam
a primo frigore febrili dolor vehemens in fini-
stra hypogastrii parte , paululum supra annulum
abdominis , percipiebatur , qui trimestri prope
tempore auctior , imminutiorve , perseveravit .
Tunc autem dolens ille locus , licet vix tumens ,
lanceola apertus , dedit intra octiduum libr. XII.
boni puris , & altero mense elapso , siccatus
consolidatusque fuit . Medio postea anno urinæ
incontinentia observabatur , eaque deinceps con-
tinua fuit . Atque ita , citra alias calamitates
transfluunt 12. anni . Tum denique , nempe an-
no 13. a principio morbi , abhinc quinquennio,
dolor in urethra observatur , ardens quidem ille,
& cum Recti fine , aliisque intestinis , ita com-
municans , ut inde sæpius Colica nasceretur.
Hæc anamnesis , quam bonus vir iterato exami-
ne dedit Exp. Domino *Erndl* , laudatissimo ibi-
dem Physico , & ejusdem Nosocomii dexteris-
simo Chirurgo *Leber*. Annus porro nunc est , quod
æger horum virorum curæ subfuerit . Deprehen-
derunt illi urinis ejus pus perpetuo admistum ,
urinam pallidam , tenacem mucum gerentem ,
fæcamenta putrida spirantem , & illico a mixtu
cum spiritu nitri valide effervescentem . Cathe-
ter , digitus in anum intrusus , nunquam , ite-
rato quamvis sæpius conamine , vel minimum
calculosi deprehendere potuerunt . Igitur ob dolo-
res

res violentos sæpius opio opus fuit; dataque Uva ursina est. Quam 14. die sumenti, Ischuria oboritur, cum urethræ, ani, intestinorumque intolerando dolore. Dato opio, dolor mitescit; tumque vi magna, ac veluti cum partium internarum quadam veluti disruptione, ut ait, urinæ, crassæ, libram dimidiam puris gerentes, prodierunt: nullo calculo, arenulisve, a Medico omnia sedulo perquirente, perceptis. Porro ex hoc tempore dolor sensim mitior, urinæ incontinentia inminuta, urina commodius missa. Tandemque homo sesquimensē remedio usus, ab omni dolore, a pure in urina, ab ejusdemque incontinentia, prorsum liberatus est, liberatus mansit. Pergebat nihilominus urina effervesce cum acido spiritu: Sed remedio, integro posthac mense, continuato, alcalina illa qualitate penitus caruit. Jam vero a medio anno nullis ultra remediis usus, perfectissime sanus manet.

Morbi profecto veram diagnosis vix dare ausim, cum, in quamcumque partem me vertam, ineluctabiles difficultates offendam. Verum hinc nihil damni. Id certum, quod magna purulenta collectio sive vesicam, sive partes vesicæ vicinas & nexas, sive utrasque, obfederit, eaque, cum nunquam quid calculosi deprehendi potuerit, enarrata symptomata produxerit. Gravem itaque, & ut videbatur, immedicabilem, lethalemque lapsu temporis futurum morbum, Uva ursina tam expedite, tam

292 EXPERIMENTA IN CALCULOSIS, &c.
integre percuravit, ut nulla supersint vestigia mali.

Ureterum, ac potissimum Renum calculi, obscurius sæpe latent, frequentiusque & facilius aliis cum morbis commiscantur, quam calculi vesicæ; præterquam quod cathetere, aut digito, præsentem non demonstrentur. In hisce pluries nobis constitit, uvam ursinam cum opiatâ nocuisse nunquam, sæpe mirum mitigasse, non raro integre dissipasse malum. Imo si adesset nonnulla Luis Venereæ suspicio, juvit hæc methodus, modo prudens Mercurii ulus eidem interpolaretur.

Hæc, opinor, suffecerint, ut pateat, in hac morborum classe, quæ sane plurimos tum intolerabiles, tum desperatos, calus contineat, remedia efficacia dari, quæ frequenter inexpectatos proferant effectus; quæque, etsi forte calus aliam originem agnoscat, minime noceant. Quod si contingat, ut aut nimia intensitate mali, aut partium destructione, aut cacochymia putrida totum jam corpus depauperante, homo non juvaretur, quinimo periret, non derogaret hoc remedii præstantiæ. Id quippe omnia vel optima remedia habent, ut intra certos mali limites agant, extra eosdem agere nequeant. Nostrium tamen ejus deprehenditur efficaciæ, ut cum spes affulgere nulla videretur, annosiorque morbus esset, inexpectatum levamen attulerit, vel integram sanitatem.

C A P U T XXVII

*De Virtute Singulari Quorundam
Medicamentorum.*

Virtutem Corticis Peruviani Cap. 23. in Malignis morbis miratos, oportet nunc in quibusdam Chronicis contemplari. Puella Rachitica ossis femoris luxationem triennis passa, ac neglecta penitus, perperua claudicatione laborat. Decenni dolor ad ejusdem femoris superiora oritur, paulatim ita faviens, ut ultra ferendo puella haud esset. Cum is jam integro trimestri spatio perseverasset, ad nos demum adducitur. Pure scatere totum superius femur deteximus, puellamque heſtice consumi. In antecedentibus quæstio agitabatur utrum præstaret ejusmodi abscessus aperire, nec ne? Docuerant quippe experimenta, interiora prius consumpta, exelâque, tum & corrupta labe cruorem antea inquinatum esse, quam ejusmodi abscessus vergant foras: adeoque facta apertura mortem sæpe accelerari, aut aeris accessione, aut alia minus nota causa. Attamen eo nos ducebat tunc observationum series, ut, dolore urgente, ut morte cæterum indubitata instante, interiorum tamen destructione necdum palam facta, expedire videretur exitum puri parva apertura conciliare: qua nimirum lege & malum

verti foras posset, & prudenti deligatione aeris fere omnis præcaveretur accessus. Sed hæctica febre corpus depalcente, quæ demum spes hic poterat adblandiri? Plura exempla habebamus natæ ex Pleuritide & Peripneumonia Phthiseos, in qua jam inveterata, & corpus depalcente, Metastasis materiæ ad os sterni fieret, aut ad cristam ossis Ilei, aut ad colli glandulas, Parotidasve: & dum aperto loco pus & copiose, & diu, manabat, bonaque, potissimum lactea, diætâ observabatur, sanitas integra rediret. Igitur si jam Gangrana, imo sphacelus esset interiora depastus, qualia exempla videramus, moriendum foret ægro, & clauso loco, & aperto: apertura autem maturior efficere id posset, ut, internis necdum insigniter destructis, materies extrorsum alliceretur; quæ alioquin in loco permanens, tam ejus consumptionem, quam universi corporis corruptionem, producere apta nata fuisset.

Sed aliam quæstionem observata priora supeditaverant. Cum toties visâ esset jam corrupta, quæ exhibat materies, summumque vitæ hinc perciperetur discrimen; an Cortex Peruvianus sua vi antiæptica hic aliquid conferret? An ideo partes gangranosas conservare, omendare cariosas, posset? Id igitur tentare animus fuit.

Apertura facta, pus exiit ex flavo viridescens, foetens, copiosum. Uncia dimidia Corticis, cum melle in conditum redacta, quotidie

die data est, & panni lanei, densique, saturatissimo Corticis decocto penetrati, diu noctuque femori circumponebantur. Dieta imprimis lactea fuit. Hac ratione trium mensium spatium emensa puella, tum hoc abscessu, tum cachexia sua purulenta, penitus curata est. Prava ergo & immisericors regula est, desperatos haud attingendos esse.

Reticere tamen non oportet ejusmodi mali exemplum, ubi minime profuerit hac cura. Decenni puero dorsum gravi balista contunditur, tumorque inde nascitur, qui, quod ruri affolet, negligitur. Elapsis sex a nato malo annis, mihi demum sistitur puer, cadaveri, quam vivo similior, purulenta Cachexia consumptus totus; quippe qui toto illo sexennio tussi, gravi unhelitu, debilitate, febribus, & crassorum alborumque sputorum ejectione, laborasset. Ex iisdem artis principiis dorsi ingens tumor aperitur, e quo boni puris libra propemodum civilis educitur, tumorque flaccescit, nec rediit unquam. Tussis perpetua molesta, quandoque veluti suffocatura, indiguit Oxymelle squill. & Kermes minerali. Lactea diata instituta est: Cortex dein, pulmone emendatiore, datus, & affecta pars saturato corticis fomento tecta. Tribus integris mensibus effluxit ex illa, minime, ut jam monui, tumente, puris circiter libra media quotidie; binis ante mortem mensibus capillissimum observatum est, unoque ante mortem mense Diarrhoea. Notandum porro, ex

quo tempore Diarrhœa inchoavit , inguen dextrum sine tumore doluisse perpetuo ; dolorem hunc nullis impositis remediis aulcultasse , pueroque ultimo vitæ octiduo ita molestum fuisse , ut omni momento fere situ mutari voluerit . Pure interim ex dorso plus minus assiduo fluente ad 6. Julii 1758. expiravit.

Equidem dubia semper visa fuerat natura mali. Tussis enim , puris sputum , totius corporis marasmus , innuere videbantur , vel a prima contusione pulmonem simul cum dorso inflammatum , ac suppuratum , hoc pus producere : vel materia purulenta suppurantis dorso in cavum thoracis intrante , pulmonem absorbere eandem , sputorumque ejicere forma : vel denique sanguinis purulentam diarrheam , affecto dorso genitam , citra peculiaris pulmonis ulcera , citra empyema , per illæos evacuari pulmones.

Omne hoc dubium Anatome sustulit . Pus deprehendebatur etiam a morte de facta apertura stillasse . Aperturæ stylus prudenter inductus est , & secundum styli ductum sectio facta . Videbatur sic ulcus in dorso dextro latere sub Latissimo dorso , ad costam infimam pergere , quæ jam cariem inchoaverat : ac dein sub Sacrolumbali & Longissimo dorso terminari . Cadaveris dein supinati thorace aperto , viscera thoracis , bona reperta sunt , ut , quod accusares , invenires prorsum nihil , præterquam modicam utraque in camera aquam . Exemtis abdominis visceribus , caro Ploæ , & Iliaci interni , fluctuan-
te

te materie elevata adparuit. Constat tunc, accurate examine facto, materiem purulentam inter hos musculos, & Sacrolumbalem descendisse, ad inguen pervenisse, sub aponeurosi Obliqui externi, sive sub dicto *Poupartii* ligamento, penetrasse, indeque emersam, sub Adductoribus femoris, & Sartorio, cavum sinum formasse, pure plenum, ad $\frac{1}{3}$ circiter femoris altitudinem. Musculi autem ubique integri erant, ita ut modo eorum, a sese mutuis separatione, saccus formatus esset.

Ergo Phthisis est infinite varia, pro varia parte affecta; unde & pro diverso viscere affecto diverso nomine gaudet: v. g. phthiseos pulmonalis, aut hepaticæ, aut splenicæ, aut mesentericæ, aut nephriticæ, & sic porro. Qui autem hæcce vocanda? Si est a sede denominanda, *Cellularis* est; quum in cellulosa membrana, musculis interstrata, sedem haberet. Videtur autem res tota sic se habuisse: A contusione inflammatio, ac suppuratio, nata est; pus ibidem loci collectum, & neglectum; sanguis ejusdem absorptione corruptus, purulentus reditus, pulmone exoneravit sese; quemadmodum in ea Phthiseos specie, quam in antecedentibus ex pluribus demonstraveram cadaveribus. Facta vero apertura, cum nunc resistentia ad dorsum amota esset, nulla ultra materiæ purulentæ per pulmonem, sed unice per apertum locum, evacuationo contigit. Effectum hinc, ut hæc sanguinis purulenta diathesis perseverans, per aper-

tu.

turam hanc quotidie, spatio trium mensium, libram mediam puris, id est trimestri hoc spatio toto, libras fere 50. evacuaverit. Confirmatur hinc, quod in antecedentibus toties evictum, in quacumque Phthisi nequaquam magnam vomitum requiri, continentem illam, quæ assiduo expuatur, materiem: modicum aliquando, sæpe nullum inveniri Phthisicorum in corpore puris diverticulum. Confirmant iterum hæc, quæ de *Puogenia* capite. II. asserui.

Casus igitur ultimus, per se desperatus, omnem curam respuit; prior vero, qui etiam conclamatus videbatur, curam admisit. Nonne ideo certa alioquin adfutura mors, nos cogit tentare quidquam tantarum virium, num forte succedat? Scilicet nemo certo novit eam solidorum fluidorumque corruptionem adesse, quæ nullam ultra curam admittat. Ut proinde in similibus similia Practici tentent, lubens adjungam historiam, prout eam mihi descriptam, ac propria manu signatam, tradidere Medicus ac Chirurgus, qui curam susceperant.

Nobilissima Matrona 33. annos nata, febre continua putrida laborat, ac deinde febre hectica consumitur. Hæcticæ causâ videtur Metastasis esse materiæ morbosæ, facta ad utriusque femoris summitatem. Ulcera hinc ad exteriora femorum nata, inque ulceribus fungi orti, ovo gallinaceo magnitudine pares, sub quibus Trochanter major uterque nudus apprehenditur,

& ca-

& carie exesus. Ossa Coxendicis, & Sacrum, ulcere ingenti, sinuoso, fungoso, tegebantur. Eoque demum calamitatis ægra devenit, ut, inepta prorsus quæ alterutri lateri, dorsove, incumberet, fasciis lecti lacunari affixis, pendula hæreret; idque adhuc adeo incommode, ut quavis fere hora situ mutanda esset. Deerat appetitus, deerat somnus fere omnis, facies livuit, pulsus freuens fuit, parvusque, & contractus, turbatae urinæ, incredibili copia puris onustæ. In hoc miserando statu nobilissimam ægram viderunt magnificus Dominus J. A. *Kesler*, S. C. A. R. Maj. Consiliarius & Archiater; Domini Chirurgi N. *Humbourg*, S. C. R. A. M. Chirurgus ordinarius; V. a *Kaiser*, S. C. M. Imperatoris Chirurgus primarius; N. a *Laudes*, Imperatricis Amaliæ quondam Chirurgus; *Simon*, S. C. Elect. Bav. Consiliarius, & primarius Chirurgus, nec non Acad. Reg. chir. Par. membrum dignissimum; *Crampagna*, C. R. Caroli, Lotharingæ Ducis, Chirurgus primarius, posthac etiam Medicinæ Doctor creatus; *Reichberger*, Nosocomii S. Marci chir. primarius, & *Hoffmann*, Nosocomii Hispanici chir. secundarius. Diagnosin hi omnes agnoverunt esse consumptionem & marasimum, a carie ossium, pravisque ulceribus, omnia solida & liquida a longa jam die corrumpentibus: ex qua diagnosi infaustam prognosin merito metuerunt. Interim optimi Viri, *Kesler*, & *Humbourg*, desperatam fere rem eo perduxerunt, ut,

Dini.

Divina Clementia annuente , quatuor mensium tempore , integram sanitatem , tota civitate mirante , adeptasit ægra . Porro , his quatuor mensibus integris , Nobilissima Comes corticis peruv. unc. 2. aqua coctas , cum lactis caprini æquali portione , quotidie assumsit . An ergo male asserui , in hujusmodi casibus , cum spe , aliquid audendum esse ?

Spina ventosa hinc in regionibus frequentissimus morbus , sæpe reperitur communi methodo decocti Lignorum , Antiscorbuticorum , Purgantis mercurio aculeati , aliquoties repetiti , plane immorigera . Cortex Peruvianus pueris . 8. 10. annorum , ad 2. 3. 4. dragmas die datus , nonnunquam etiam in pertinacioribus fomentum simile parti affectæ adpositum , mox bonum pus generarunt , curaruntque plures . In Nosophorio Civico , hoc anno , spatio 4. 5. mensium decem pueri curati sunt . Notus quoque in hac urbe casus pueri est , quem parens , nobilitate , eruditione , rerumque gestarum prudentia , clarus , nunc veluti redivivum contemplatur , & latatur ; ex quo Cortex Peruvianus , & lactea diæta , consilio doctissimi viri , Medici aulici , *Molinari* , diuturno tempore adhibita , illum a feina ventosa , & pessima totius femoris suppuratione , fere liberaverint .

Mulieri *Cancerum mammae* a quadriennio clausum , jam vero exulceratum gerenti , febris vaga , & periodicus in mamma dolor , dudum contigerant . Utrumque hoc mitigandi gratia

cor-

corticem dederam : cum autem hujus ope non modo febris vaga , dolorque periodicus , minuerentur , sed Cancris symptomata ita mitescerent , ut pro ichore cancroso jam pus laudabile generaretur , eodem uti perrexi . Durities tota hinc fusa est , ita quidem , ut æque mollis parvaque hæc mamma facta sit , quam altera , & superfit modo prope areolæ superiora dolor cutaneus , attactu ferox , & vix visibile ulcusculum cutaneum . Tredecim menses sunt , quod hanc curam inchoaverim , sed fœmina , negligens sui , tantummodo solebat ad majores dolores ad nos accedere , medicinam acceptura . Ita ut ex Nosocomii tabellis collegerim eam quinque solum mensibus cortice usam fuisse . Monere debeo tantillum Camphoræ cortici additum fuisse , ad compescendos dolores . Accurato examine instituto , patuit eam vix dragmas tres de die corticis assumpsisse .

Dottissimus Ratisbonensis Medicus *Dieterichs* typis evulgavit epistolam Illustr. L. B. *van Swieten* , in qua hic corticis experimentum suadet cum cancro tentandum , cum ipse cancerum exulceratum unguento nutrito prius tectum , spiritu salis marini diluto involvens , corticisque sesquidragmam quotidie exhibens , totum cancerum excidisse vidisset , licet ulcus penitus claudere nunquam valuisset . Peripneumonia notha hanc fœminam e medio tulerat ; adeoque experimentum ultra prosequendi occasionem demierat . Addit autem Exp. *Dieterichs* duas historias , quarum

rum altera per omnia fere similis huic, sed altera perfectam curationem refert.

Est nobis in *Diarrhæis* ac *Dysenteriis* a laxitate oriundis, excellens remedium *Lyfimachia Vulgaris*, flore purpureo, dicta *Tournefortio Salicaria*, *Linnaeo* autem *Gen. pl. num. 463. Lythrum. Dodoneus* suo jam tempore tria hæc nomina, ut plantæ synonyma, refert; speciem vero hanc descripsit & depinxit, ut *Pseudolyfimachiam*. Veram *Lyfimachiam* ad *Dysenteriam*, omnesque morbos, quibus adstrictione opus est, curandos, laudat; hujus vero, de qua agitur, speciei se vires ignorare fatetur. At in additamentis *Botanicis*, quas *Justus Ravelingius ex Clusio*, & *Lobelio*, ad *Dodonei* editionem anni 1618. adjecit, omnes hæc species ad nominatos mox morbos indiscriminatum laudantur. Nul- lum autem cum in dispensatoriis locum habent, & usu medico carent, plane ignotæ sunt ple- rilque Medicis. Exp. Medicus castrensis, exi- miusque Botanicus cultor, *D. Lucas Misley* in *Diarrhæis*, ac *Dysenteriis* castrensis curandis hac planta felix, copiam, descriptionemque ejus Illustr. Præsidi, ac mihi, misit. Grati er- ga ejus candorem, præstantiam remedii decem variis experimentis agnovimus. Dum enim, dato prius purgante, dragma una, vel quatuor scrupuli, pulveris hujus plantæ, mane ac sero dantur, & morbus magis a laxis intestinis, quam a sordibus, originem ducat, prætereaque nunquam ex nimia collectione putrida, nec ul- cere

cere intestinorum, nec alicujus visceris tabitudine, ortus sit, intra 3. 4. dies curatur perfecte, si recens est; paulo vero longiore tempore, si est diuturnior. Annosam Diarrhœam, ad quavis auxilia rebellem, trium septimanarum spatio eodem remedio ita percuravi, ut nobilissimus Centurio nunc exercitum S. C. R. M. repetierit. Cum ipsa hæc planta in agro Viennensi læte copioseque crescat, plurimam ejus copiam colligi curavi, ut omnes, qui vellent, Medici, eadem uti possent.

Balsami Copaybe veri AUGUSTISSIMÆ IMPERATRIGIS dono ingentem copiam nactus, plura cum eo instituto experimenta in Phthisicis; quorum quædam jam bonum successum promittunt. Frequentia hujus morbi & magna remedii copia, spem faciunt, ut in posterum multam hujus Balsami efficaciam testatam facere possim.

Mercurius sublimatus corrosivus, quantitate gran. 6. 7. cum libra Sp. frumenti mistus, ut prioribus annis, ita & hoc præsentī, pauperibus nostris mire profuit. Multitudo hominum, qui ad curandam Luem veneream, aut Gonorrhœam, aut Corneæ opacitatem, & oculi Pterugia, aut ad nonnullas sorditatis species, aut ad ulcera Cacoethæ crurum, ad ulcera labiorum adeo exedentia, ut frenum labii, nasum, nasi cartilagines, plane consumerent, aliave pessima mala emendanda, hoc remedio indigebant, ingentem observationum felicissimarum

ca-

catalogum nobis formavit. Hoc anno distribui ipsis Merc. Subl. uncias duas, cum 139. libris spiritus frumenti. Vix bis inde Ptyalismus observatus est, levis ille, & vix inchoans, mox suppressus. Factoque examine curationum plurimum, prioribus annis peractarum, sanitatis perseverantiam gavissus sum. At vero in desperata Gutta serena hoc anno bis tentatum remedium, ulu cassum fuit.

Antea *cap. 21. p. 140.* curas nostras, *sublimato hoc* peractas, confirmabam editis clarorum in *Anglia* virorum experimentis: nunc vero idem *Italicis* confirmo, quæ egregius *Veronensis* Medicus, *Joannes Bona*, perfecit, typisque edit. Quanquam enim nostra nobis adeo certa sint experimenta, ut aliunde eorum confirmatione minime indigeamus, apta tamen ea, quæ alibi instituta, esse queunt, animis ad nostra lecta adhuc titubantibus, ita firmandis, ut, quovis deposito scrupulo, remedii periculum faciant.

C A P U T XXVIII.

De Machina Electrea.

TUrbam miserorum magnam toto hoc anno, & maxime ab exordio veris, hucusque habuimus: ut nonnunquam triginta eorum ad Machinam una considerent; hincque obser-
va-

vationes formandi multiplex nasceretur occasio. Da-
bo fidelem plurium historiam, hæc pauca præfatus.

1^{mo}. Machina nostra nunquam tantarum vi-
rium, quam hoc anno, fuit. 2. Nunquam diu-
turniore tempore, idque constantius, fuit ad-
hibita: semper scilicet tribus horæ quadran-
tibus: quo equidem tempore, manibus invi-
tem juncti, tercentos & quinquaginta ictus su-
stinere solent. 3. Vix uno, alterove excepto,
omnes Thermis sulphureis *Badensibus* usi sunt,
alii quanto tempore a Medicis consultum esset,
alii prout otium, vel crumena, id concederent.
Nonnulli per annos aliquot repetiverunt bal-
neorum usum. Pauciores parum modo levami-
nis perceperunt, unus alterve pejus inde habuit,
plerique nihil profecerunt. 4. Quibus muscoli
Gastrocnemii, Plantaris, Popliteus, Semimem-
branosus, Biceps cruris, a longa die ita accur-
tati essent, ut crus totum foret in postica con-
tractum, hi vires electrinas nullo modo effica-
ces experti sunt. Est his primo emollientibus,
& maxime balneo vaporis, rigor solvendus,
quod diuturni semper, ac non raro frustranei,
laboris est.

Incipiam a *Deauratoribus*. Veniam precor
toties hic voce *Deauratoris*, & *Deaurare*, usus.
Vel enim nimias circumlocutiones, vel obscu-
riorem sermonem, involvisset latini elegantia
sermonis. Hoc hominum genus citra ullam ne-
cessitatem sanitatis ac vitæ jacturam facere co-
gitur: ad unam partem auri indigent quinque

fere Mercurii partibus, ut amalgama, quod vocant, aptum huic operi parent: Quanto ergo in Mercurii vapore, miseri illi ostentationis humanæ martyres, versentur oportet!

1. *Eyserle* Deaurator tribus abhinc annis artubus cœpit tremere, a quinque vero hebdomadibus vehementer. Vox ita erat impedita, ut plane balbutiret, vixque intelligeretur: a 26. Aprilis ad 22. Junii, ad machinam fere quotidie accedens, perfecte curatus est.

2. *Lackner* Deaurator, 25. annorum, horrendo artuum omnium, maxime superiorum, tremore, media hyeme vexari cœpit; verno autem tempore ita, ut nihil laboris ultra perficere, ut nec comedere bibereve solus, nec loquens amplius intelligi potuerit. Nutriendus, vestiendus, & infantis instar, alvum, urinamque, positurus, adjuvandus erat; dolorum cæterum immunis. Virtute electrea trium septimanarum spatio adhibita, perfectissime convaleuit; ita ut ipsi sive in motu, sive in loquela, ne vel minimum quidem desit.

3. Ejusdem frater 20. ann. eodem opificio victum sibi quæritans, a lesquianno tremere cœpit; a novem mensibus tanto tremore correptus fuit, ut ad quosvis esset ineptus labores, nec nisi magno cum cadendi periculo gradus conscenderet; ut loquens vix esset præ balbutie intelligendus; ut pueri instar alendus, vestiendus, & in cæteris necessitatibus suis fuerit adjuvandus; ut trimestri spatio domo egredi
haud

haud posset ; & denum adventante calore repere potius , quam incedere , per plateas incepit . Hoc in statu ad machinam ductus est . Post ejusdem per 14. dies adplicationem solus comedit , bibit , cœpitque utcumque laborare , cruribus vix ultra tremulus . Octiduo dein tam strenue suos peragebat labores , tamque perfecte loquebatur , quam unquam antea .

4. *Pachinger* , 39. annos nato , Deuratori , inceptus elapso ab hinc quinquennio tremor , sensim abiverat ; at vero denuo ante biennium crura modice , brachia vehementer , adortus est . Fœde balbutit homo , & ut priores , est in omnibus , ut puer , adjuvandus . Adeo difficulter ingreditur , ut sæpius humi concidat , dumque corpus pronando sustinere se nititur , vi quasi supinatur . Anno 1757. prima Augusti cœpit ad Machinam electricam accedere , sed defuit crebro . Negligenter ergo rem agens , potuit tandem præsentis anni mense Martio solus manducare , mense autem Aprili utcumque laborare , Junio vero & optime loqui , & eleganter incedere . Accurato examine instituto , quidquam adhuc defuerat ; ad quod perficiendum per aliquot saltem dies accurate invitatus est ; sed ultra non rediit .

5. *Pulman* 51. ann. cujus opificium est lapides pretiosos in aureis , argenteisque thecis firmare , indiget sæpe auro ductilissimo : id quod ejusdem cum mercurio fusione , & depuratione , obtinet ; deaurat quoque , sed rarius . Tremores

res ipsi a longo tempore eunt redeuntque, jam vero a tribus mensibus, postquam quinque diebus febricitasset, ita continuant & crescunt, ut loquelæ, opificio, manducationi, prorsum ineptus sit. Accessit ad machinam. Quinto die jam melius loquitur, 14. die perfecte loquitur, manducat solus, laborare inchoat. Sexta septimana nullus omnino superest toto in corpore tremor, nisi forte in dextro pede levissimus. Non rediit. Ubi bimestri spatio defuerat, eum ad me vocavi, qui cum illo ageretur scire avidus. Dixit se laboribus submerium accedendi tempore caruisse, & cum optime se haberet, carere potuisse. Videri tamen sibi certis quibusdam temporibus levia malorum superesse vestigia; ad quæ radicitus extirpanda, minus obutus laboribus, ad machinam esset rediturus.

6. *Josephus Hensstberger* 49. annum agens, Deaurator, a longo quidem tempore tremuit, sed utcumque potuit labores perficere suos. A tribus vero septimanis eo dilapsus est, ut nec scribere, nec delineare, nec operari, neque etiam ultra comedere solus, bibereque, possit. Frequentavit Machinam. Sexta septimana cœpit parum scribere, delineareque posse, & manducare solus. Mense postea perfectissime est restitutus, superstite veluti rheumatico artuum dolore; ad quem curandum remedia ipsi præscripsi. Non rediit. Cum mihi hic dolor, ut cura durabilis esset, metum faceret, vocavi illum, cum bimestri tempore defuisset, ad me. Dixit ideo se

non

non rediisse, quod tam illibata sanitate gauderet, ut magis illibata nemo.

7. *Bergerin*, cum marito deaurans, 51. annos nata, ante biennium ita tremuit toto corpore, ut integro novimestri spatio lecto affixa hæserit. Tum vero ædium terrefacta incendio, exiliit lecto, & potuit extra lectum sedere, artubus licet tremebunda totis. Capitis tremor tantus est, ut in lecto jacenti levissima incepti somni initia illico interturbentur, nec dormire fere unquam possit. Per omnia, pueri instar, juvanda est, pueri instar balba est. Ad machinam electrinam admota intra septem septimanas eo pervenit, ut caput nocte quiesceret, eaque jam integras noctes dulci somno transigeret; ut nunc comederet, biberetque sine auxilio; ut perfecte loqueretur; suosque denuo perageret, suo cum marito, labores. Pergit, sed negligenter, ad machinam accedere, quod caput non suffultum adhuc parum titubet.

8. *Meisner* 39. ann. Deaurator, a mensis spatio manibus tremere, vix operari. Quatuor septimanarum tempore ad Machinam est restitutus. Quod vero notandum, est quidam veluti rheumaticus artuum dolor, quem dixit se quarto jam die, ex quo ad eam admotus fuerat, percipere cœpisse. Remediis ad illum percurandum datis, non rediit.

9. *Pachinger*, filius ejus qui num. 4. a bienio deaurat multum, & a bimestri manibus tremit. Quarta vice ad machinam accedens, integre est curatus.

10. *Feirstein*, 48. annos natus, a nulla causa, quantum ipse noverit, prægressa, brachia percepit ad duros Vulcani labores pedetentim ineptiora reddi, ipsosque demum digitos; hos tandem incurvari, manere curvos, atque etiam omnes has partes a summa nucha, ad ipsos usque digitorum apices, dolere. Ad machinam adhibitus est, & quotidie plures cucurbitæ siccæ ad nucham, humerosque, adplicatæ; sex hebdomadam tempore digitos movit, extendit, lussit, scripsit, brachia movit, & a tanto malo pauca modo reliquæ superstites fuere. Redire neglexit.

11. *Kessler* 56. ann. Sartor, ex terrore & ira pridie prægressis, sequenti aurora surrecturus, percepit sese paralyticum omnibus artubus, lingua, genis. A novem mensibus sic manens, ad nos accessit. Quarto mense vim electream quotidie expertus, vix quidquam lucratur, nisi parumper in cruribus. Continuatur ipsi quotidie virium electrinarum adplicatio. Quinto mense non lingua, genisque, sed artubus multum emendari incipit.

12. *Gritsch*, nauta, 42. vitæ annum agens, ex Tertianâ ante annum habita, paralyticus omnibus artubus paulatim factus est: cruribus genibusque molesta fornicatio inest: brachia & dolent, & marcescunt: perpetuo sudores nocturnos patitur: & quod sibi omnium molestissimum, iners veluti plumbea moles in cavo abdomine ad umbilici altitudinem, nonnunquam paulo

DE MACHINA ELECTREA .

paulo altius, percipitur, perpetuoque homo de illa conqueritur & lamentatur . Interim abdomen externo sensu ipsi mollissimum est, nec ullum viscus male se habere percipitur . Tandem extrema digitorum manuum pedumque admodum dolent, vires omnes collapsæ, facies plumbum colore refert. Cum bonis abdominis frictionis, remedia ipsi leniter solventia & neurotica dedi; ubi autem deinde quandam veluti laxitatem musculorum abdominis, præcipue Rectorum, advertēbam, curavi lato cingulo abdomen circumvolvi ac muniri: intereaque temporis ad machinam electricam eum quotidie admovi . Mense toto Junio elapso nonnihil emendationis in cruribus percepit . Mense Julio nulla emendatio. Toto Augusto frustra. Finiente Septembri emendatio tanta, ut vix sit credibile. Adeo nunc utitur superioribus atque inferioribus artubus, adeo bene ipsi in abdomine est, ut iterum fungatur officio suo . Quia tamen veteris mali tantillum adhuc superest, promissit, quoties id sua sibi negotia permittant, ad machinam se rediturum.

12. *Zeidler*, scriba ille, de quo *alibi* actum, adhuc ad Machinam accessit, quia cura ibidem relata inconstantior fuit, ita ut leviora paralyseos inchoamenta subin ire redire appareant, & occipite adhuc multum doleat . Interim tamen semper aptus mansit scribundi officio. Sæpe hac æstate, & nunc etiam, Machinam repetit, vi ejus occipiti adplicata; unde

onge quidem melius ipsi fit, sed necdum est absoluta cura.

14. *Clara Bergerin* 12. ann. medio Majo Chorea Sti. Viti affecta, 22. Junii ad nos affertur. Manuum motus ipsi adeo titubans, & ridiculus, ut ad nullum usum aptæ sint, & ut a matre nutrienda, omnibusque in rebus adjuvanda sit. A quarta virtutis electræ applicatione sola comedere, ac nere, potest. 27. Julii integre restituta esse visa est, nisi quod dextra manus necdum haberet æque firmum, quam læva, robur. Sed jam collum ipsi totum pluribus tuberculis cingitur. Iteratum purgans hæc dispulit. 23. Aug. tota sanà dimissa est.

15. *Jordinin*, similis puella, fuerat clapso triennio a Chorea Sti. Viti integre curata; biennio dein a magno terrore, pravaque diæta, in eandem relapsura videbatur. Cum putrida bilis vias primas obsideret, Pulpa Tamarindorum, cum Cremore tartari per aliquot dies sumpta, emendavit corpus ita, ut & primæ viæ puræ essent, & choreæ Sti. Viti initia præfocarentur. Mense Majo hujus, quem vivimus, anni, citra causam ullam notam, chorea rediit, nec olim adhibitis remediis, nec aliis neuroticis aut roborantibus, cedens. 27. Junii ad Machinam accessit. 23. Aug. penitus curata est. In omnibus chorea Sti. Viti semper ad Machinam cessit.

16. *Lorenz*, Juvenis, Sartor, longa annorum serie tumoribus, ulceribusque colli, affectus,

Aus, habuit triennio elapso in collo tumorem, arte ulla aut resolvendum, aut suppurandum: unde contortum ipsi collum fuit, nataque dextri lateris paralyfis; quam semianno postea Exp. Erndl. ipsi integre curavit. Novus tamen in collo tumor apparuit, multo pure scatens, nataque oculi sinistri lippitudo perpetua, unde pterygion ad Corneam pellucidam. 8. Febr. presentis anni ita cecidit, ut prope omnis dextro in latere perierit motus. Remedia plura interna externaque pro indicatione adhibui; a quibus quidem modica emendatio, sed tardata fore, si tamen obtineatur, integram curationem praesagiens. Hinc tandem ad machinam admotus fuit, ad eamque summam opem est expertus; sed restitutus fere, ultra non comparuit. Sollicitus de hominis salute, revocari iussi bimestri jam absentem. Venit dicturus jam partium omnium sibi integerrimum usum esse; & ex quo tabaci pulverem naribus hauserit, oculo bene esse.

17. *Eisengruber* vir. 48. ann. faber ferrarius, scorbuto lento oppletus, motuque artuum fere destitutus, ac visu indies debilior, ad machinam nihil lucratur; imo majores conqueritur dolores. Hinc dilata res, donec cura antiscorbutica dolores emendaverit. An gravi scorbuto detentis Machina inepta? noxia?

18. *Pozin* puella 15. annorum biennio elapso a paralyfi dextri brachii restituta quidem est, sed ex eo tempore Adductores pollicis

314. DE MACHINA ELECTREA.

musculi prævalent ejus Extensoribus & Abductoribus. Negligenter quamvis accedit, haud multum tamen ab integra curatione abest.

19. *Fridingerin* 57. ann. manuum, crurumque, tremore, ad motum & ingressum ex quadriennio inepta, simul artubus ita dolet, ut vix horulam de nocte dormire possit. Est dolor rheumaticus. Datis remediis idoneis, 5 Junii viris gestata duobus, ad Machinam accessit. 23. Junii sola stat erecta, nonnullos progreditur passus, manibusque incipit quadantenus uti. Mense dein elapso eadem sæmina, cui præ dolore vix horula tota nocte dormiendo transigebatur, integras dormit noctes. Unica puella suffulta longam viam ab ædibus suis ad Nosocomium, indeque domum, alacriter transit.

20. *Bernhardus Conrad* 44. annos natus, strenuus miles, torosus, procerus, gravi morbo ante biennium decubuit; ex eoque restitutus, & per 14. dies munere militari functus, crurum dolore, eundemque insequente paralyti affectus est. Ex ipsis lumbis malum cepit. Nunquid morbi, haud integre judicati, materies delitescere per tantum temporis spatium innocue potest? & posthac dolorem ac paralytici metastatice generare? Res exemplo non caret. Paralysis hæc incompleta, motum quendam reliquum fecit, ita ut æger binis sustentatus scipionibus, & ab alio insuper milite brachio suffultus, nec nisi toto corpore pronus, ad nos adduceretur. Cum electrica vis hic indicaretur, ille.

illeque non nisi, quo dixi, modo adduci posset, locum ei in Nosocomio concessi, & a 27. Junii quotidie ad machinam admovi. Tarda admodum fit mali emendatio; fit aliqua tamen: ita ut nunc, binis suis baculis innixus recta possit per aedes incedere, imo ut sine baculorum ope erectus stare possit, & per aliquot minuta situm hunc conservare; ipsaque crura, innixus baculis, jam alterum post alterum in posteriora flectat, elevetque. Spem certe, sed lentam, promittit Machina.

21. *Zabrin*, Arthriticis doloribus integro biennio dire cruciata, catameniis interea bonis gavisa, plurima remedia, ex arte indicata, nullo fere cum effectu; adhibuit, nisi quod crura paulo minus acerbe dolerent. Cum brachiorum dolore coepit tandem eorundem perire motus. Experimentum nunc capiendum erat, num Arthritis vim electricam commode ferret. Pauci modo ictus primis diebus adhibiti sunt. Hos egregie tulit, tulitque eisdem postmodum sensim auctiores. Tertia septimana motui ita apta, doloribus ita exempta fuit, ut per quinque dies perfecte curatam se crederet: verum contrarium experta est, redeunte, partim saltem, antiquo malo: percepitque ad carpum utrumque tumorem, qui, remittente dolore, abit; dolore repetente, redit. Octiduo vero post haec cuncta mitiora. Et hoc quidem universo tempore minime neglecta sunt antarthritica auxilia. Bis jam habuit, ad machinam adhibita,

suos

suos menses; sed copiosiores nunquam, toto vitæ tempore, eisdem habuit, quam ad Machinam, simulque & ante menses, & post eisdem, fluorem album, quo tota vita libera fuit, experta est.

22. *Morauerin*, juvenula, muscas assiduo & stellas ante oculos obvolitantes, ipsosque oculos vellicatos ac dolentes, jam ultra anni spatium conqueritur. Usa dudum est spiritu frumenti cum sublimato: eo non juvante, millepedibus. Rectius hinc dexter oculus habuit, sinister minime: observatque menstruorum tempore utrique oculo male esse. Cum remediis nervos roborantibus vim electream tentare animus fuit. Quo quidem tempore Catamenia sua, quæ pauca semper, at boni coloris habuerat, nunc habuit longe quam unquam copiosiora. An ergo Machina electrina iis adhibenda, quæ cum sufficiente quantitate sanguinis, & paucos habent, & dolorificos menses? Binis elapsis mensibus emendatio constantior dextri oculi observatur; tribus vero elapsis, oculo dextro perfecte, sinistro fere, sana, urbe discessit.

23. *Josephus Goffé* 60. annorum, a puero tremulus, quatuor ab hinc annis magis, ab anno maxime; ut nihil manu efficere, imo nec cibos potusque ori possit admovere; vestiendus, alendus, ut infans; cætera semper sanus: ad Machinam 10. Julii accessit. Prima Aug. poculum prima vice solus ori admovere potuit. Toto Augusto & Septembri nihil lucratur. Fi-

niente Septembri, & incunte Octobri, spectabilior fit emendatio. Solus manducat & bibit, manus minime tremat, totumque brachium, olim extenuatius, jam æque torositate crescit, quam viribus. Ergo neque in sene desperatum est vitium, quod ipsi jam a teneris consueverat.

24. *Joanna Poldin* annos nata 36. Apoplexia tacta fuit anno 1757. mense Septembri, infcia peperit, infcia sui 12. diebus fuit. Ad se rediens, dextro latere, (paralysis ab apoplexia in dextro latere rarior) paralytica facta est; motu, sensuque, amissis. Et quamvis Medicus, assistentesque amici, totum ejus dextrum latus egregie calidum perciperent, ipsaque ægra hoc latus dextrum, sinistra manu tangens, bene calidum observaret, tamen assiduo internum ejusdem frigus est conquesta. Quinque menses abhinc elapsi sunt, cum melius ipsi cepit esse; ita ut partibus sensus redierit, exceptis digitis auriculari & annulari manus dextræ. Pes contortus ex morbo mansit, & crus difficulter movetur. Movet equidem brachium, manumque; at tenere nihil potest; quidquid enim manu arripitur, mox humi cadit. Linguae & Loquelæ usus fere rediit omnis. Humeri motus est gravis & difficilis. Genu est præ debilitate articuli immobile. Ad manducandum & bibendum hucusquæ sola sinistra manu uti potest. In eodem dextro latere herniam inguinalem habebat, quam apto brachiero firmavimus. Vertigines quandoque habet. Cæterum sana est.

Men.

Menses habet 12. Aug. ad machinam adhibita est, & per sex continuas hebdomadas non modo nihil lucrata est, sed doluit acrius. Emendatio post hac tam subita successit, ut 23. Septembris dextram egregie moveat, ut eadem sibi ingerat cibos; ut capitis integumenta utraque manu, æque expedite, imponat, constringat, alliget; ut quod manu arripuerit, tenaciter contineat; ut genu denique commode moveat. Superest modo in tota calente parte dextra molesti frigoris sensus; quam ob causam perget ad Machinam accedere. Huic etiam Catamenia tum diuturniora contingunt, tum profusiora, ex quo adhibita ad Machinam fuerit. Ergo in tribus sceminis hæc jam facta observatio, me impedivit ne Deauratoris uxorem, omnium pessime affectam, ad Machinam sulciperem, quod tertio mense gravida esset.

25. *Plumer*, tussi assidua, pondere in pectore perpetuo, dolore continuo, perenni ejectione glutinosæ materiæ ab anni retro spatio, ingens in pectore impedimentum habere videtur. Forte ingens latet, multumque comprimens, vomica. Sensim ipsi periit, artuum superiorum motus,isque inferiorum debilitatur. Narrat autem fere singulo mense nares vehementer obstrui, tumque purulentam, foetidamque, materiem naribus exillare. Utitur quotidie grani 12. Balsami Copaybæ, cum pulvere Glycyrrhiæ in pilulas reductis; insuloque largo Veronicæ, Hederæ terrestris, Hyssopti, cum Melle & la-

& lacte. Cum hæc spatium 16. dierum nihil juvarent, quinimo magis periret brachiorum motus, ad Electrinam machinam eum adhibui, ea nihilominus lege, ut remediis hic recensitis uti pergeret. Observavit a primo tempore adhibita vis electrinæ tussim sibi minui, materiem purulentam foetentem, quæ olim id quovis mense solebat, jam perpetuo naribus effluere, artuumque omnium motum, postquam per mensem Machinæ accessisset, jam expeditum esse; ut putet se machina electrea vix ultra indigere: dolorem vero Thoracis sibi permanere. An pulmo, sputa ultra non ejiciens, se naribus expurgaret? Oriundane hæc Paralyssis ab ejusmodi causa, quam supra *Cap. 24. p. 186. de Col. piet.* exposui? Experimentis discimus: cum ergo homo hic & a datis medicamentis, & ab adhibita vi electrea tam belle se habet, in utrisque acriter perseveraret, suasi.

26. Vitia *ophthalmica*, maxime *Amaurosin*, jam *Cap. 8. p. 53.* innui me virtute electrea emendare annisum fuisse, sed omnibus dolores obortos esse, hominesque non rediisse. Ut redirent non urfi, quod hunc laborem aliquoties inanem in aliis experirer. Minus urfi alios, quod legissem eundem in *Upsaliensi* Nosocomio inutilem inventum esse, licet binis ejusmodi cæcis vis electrina quovis modo & artificio esset applicata. Attamen animum iterum addidit observatio a *Societate Harlemensi Tom. I. pag. 358.* nomine Eruditissimi Viri, Clarissimi

Pro-

Professoris *Allamand*, communicata, ad quem videlicet *Petropolitanus amicus* scripsisset, se puellam 20. annorum ope machinæ electrinæ ab hoc malo magnam partem liberasse. Novas igitur occasiones nactus, tentamen repetii.

Vir robustissimus, sanissimus, mense Majo 1757. Pleuritide ruri afficitur, negligiturque. Suppuratione nata, Natura *Metastasin* ad crura molitur, moxque inde reversa, deponit materiem ad organa Auditus & Visus; ita ut *Cophosis* & *Amaurosis* gignerentur; pectore nunc interim liberrimo, sanissimo. Surditas emendabatur multum; Gutta vero serena utrumque oculum occupans, pertinaciter perseveravit. Trimestri spatio jam cæcus, consilium petiturus me accessit, rogatusque num in *Nosocomio* manere vellet, lubens annuit, variaque ex arte tentandi occasionem integro, quo hic fuit, anno, dedit. Corpus primo copioso lacte, aqua, melle, sale polychresto, ut optimis antipueis, replevi, visurus num forte mobilis reddita, per bonas vitæ vires, mala morbi materies, aliam *metastasin*, aut etiam, quod melius, evacuationem moliretur. Cum hoc minime succederet, *Phlegmagoga* pharmaca, Mercurio animata dabantur, quibus curata fere *surditas* & *vertigo*, at vero gutta serena ne hilum quidem. Igitur dedi Mercurium sublimatum cum spiritu frumenti, quod continuare non potui, cum hic vir ex paucissimis illis unus esset, quibus Mercurius sic datus *Ptyalismum* crearet. *Ptyalismum*

num moderavi, non suppressi, nescius quid forte illa humorum fusio præstaret boni? At ruente demum violenter ad alvum Mercurio, ejus usui plane debui supersedere. Quatuor tamen mensibus eo fuerat usus, nisi quod aliquoties, ne salivatio copiosior fieret, eum omitteret. Memor felicitis curæ ope millepedarum in inspissatione humorum in oculo aliquoties observatæ, dedi ipsi quotidie sex dragmas millepedarum vini unc. VI. emulsarum, & expressarum, idque per quatuor continuos menses. Altero mense, quo millepedis utebatur, sua rediit pupillis amissa mobilitas, nulla cæterum in visu emendatio. Cucurbitæ ficæ ad tempora frontemque frustra quoque quotidie adhibebantur. Quarto mense usus millepedarum, vis electrina simul quotidie est adhibita. Quum vero cura hæc quadrimestris usu cassâ deprehenderetur, denuo Mercurii sublimati tentamen ipse æger petivit. Jam illud sustinuit egregie, sine ptyalismo aut dysenteria. Trimestri igitur spatio & Mercurium assumpsit, & vim electricam sustinuit, & cucurbitas circum oculos adplicitas habuit, sine ullo levamine: unde medicinæ pertæsus, ad uxorem liberumque, alias sanissimus, rediit. Duo adhuc ad Machinam veniunt; malo simili affecti, quorum unus jam 3. mensibus adest, altera 4. mensibus. Si pergere amant, metuo ne priores observationes tandem confirment. Cophosis, de qua *Cap. 8.*

322 DE MACHINA ELECTREA.
non emendata est spatio 5. mensium , nec ultra experiri juvenis voluit .

Longus fui in recensendis virium electrearum effectis , nec tamen , quos habui , recensui omnes ; quos enarravi , sufficere hoc capite arbitratus , ut haud immerito videar vires electreas in antecentibus laudasse . Quæ enim *cap. 8. & 22.* in genere recensui , nunc in hoc capite longa exemplorum serie do demonstrata . Vix crediderim alibi tam luculenta , tamque numerosa , tam in paucis modo fallentia , observari exempla : sed simul censeo , curam ejusmodi rarius a tanto hominum numero , tanta cum constantia , prolongari . Si mei agri patientiam habeant sustinendi , ego habeo adplicandi , utque perseverent , adhortandi . Nisi utrinque ita actum fuisset , multos egregios effectus nec nos mirabundi vidissemus , nec calamitosum hoc hominum genus gavisum fuisset . Præterquam quod & in his , & in cæteris omnibus , maximopere juvet laborum tolerantia , ut demum arctiores cognoscamus , quos inter coarctemur , medendi limites . Porro prodest horum utrumque . Vires si DEUS , vitamque si servet incolumem , animus est sequenti academico anno acriter similia prosequi , novilque augere tentatis . Nonne improbus labor ignota patefacit , falso credita dispellit , manifestat abscondita , incerta firmat , revelat arcana ? Dii omnia laboribus vendere dicebantur Antiquis , & merito ; quum idem experiamur . Solus perpetua & amabili veneratione nobis

DE FEBRIBUS MALIGNIS DICTIS. 323
nobis ADORANDUS NATURÆ AUTOR, illu-
minans omnem hominem, venientem in hunc
mundum, non solet defidibus Naturæ arcana
pandere: laborem imperat, laborem coronat.
*Quid hic statis tota die otiosi? Ite & vos in
vineam meam, & quod justum fuerit, dabo vo-
bis. Matth. 20.*

C A P U T XXIX.

De Febribus Malignis Dictis.

§. I. *Malignitatem de morbi cujusquam acuti
essentia non esse, sed modo accidens quoddam,
probatum exemplo variolarum.* §. II. *Cortex
Peruviano plurimo qui olim a morbo maligno
curati, valent pulchre omnes.* §. III. *Exem-
pla duarum foeminarum, quarum alteram Cor-
tex servavit uberrima cum Petechiarum expul-
sione; alteram, cum earundem prematura re-
tropulsione.* §. IV. *Cortex serius datus, ma-
lignitatem non curat.*

§. I. **Q**Uæ anno proxime elapso adeo fuscæ
de Febribus, quas malignas vocant,
differui, ea præsens annus confir-
mavit abunde; tum quantum ad genium earum
adinet, tum quantum ad curam.

Quippe Capite 23. frequentia observationum
fussit, conclusi malignitatem haud esse, quod

324. DE FEBRIBUS MALIGNIS DICTIS .

in scholis medicis ita vocant, de essentia morbi, sed quoddam potius accidens; quod nimirum alienis illum stiparet symptomatibus, quod artis potentia illum subtraheret. Id, nisi me animus fallit, manifestum est. Variolas v. g. descripturi Auctores, haud solent ab illis, malignas quas appellant, exemplar, normamve, delumere, sed a communi illarum genere. Quo facto, primo cum addere speciem consuevere, qua, licet genuina, qui laborant, tamen vix lectum petant, non agrotent fere, & præter manifestam papularum expulsionem, maturacionem, exsiccacionem, aliud fere morbi hujus signum non habeant. Secundo pessimum istud genus adjiciunt, quod symptomatum numero, ac lævitiæ; quodque pertinaci adversus omnem artis operam resistentia, ita sua malignitate ab illa prædefinita communi specie abludit, quam benignissimum illud bonitate, ac lenitate sua, ab eadem differebat. Ut itaque & dicta illa malignitas æque parum in vera idea, ac definitione Variolarum includatur, quam miranda illa mitissimarum benignitas.

Quod si ita cum Variolis est, eo magis id cum Petechiis, cum albis, rubrisque Miliariibus, se sic habebit. Examine rite instituto, efflorescentiæ hæc binæ 1^{to}. ut morbi primarii producantur: id vero rarius, & ad certas potissimum Epidemias duntaxat. 2^{do} ut acutorum criles: quod etiam raro admodum; nec nisi regiminis errore frequentius. 3^{to}. ut: *πικρὸν ὁρμητικόν* ple-

plerisque morbis acutis, puerperio; quæ duo posteriora de Variolis affirmari nunquam possunt. Porro quæ tria hic dixi, audacter assevero, cum sexto jam anno huic Nosocomio præpositus, innumeros acutos morbos hic jam demonstraverim, tractaverim, & ter modo quaterve primarium invenerim, semelque modo epigenomenon. Quotiescunque vero morbum hunc primarium in urbe, suburbiiisque, inveni, Epidemico id tempore fuit, nisi semel forte iterumque sporadice. Cæterum verum, experientia multiplici fretus, repeto id, quod in antecedentibus sat superque, ni fallor, evici, Morbos hosce a malo potissimum regimine proficisci, & hinc Germanis, Hungaris, Bohemis, Sclavis, Styris &c. tanta frequentia ac malignitate infames esse.

§. II. Ad relatas capite 23. curationes, id modo addendum habeo, quod omnes illi, quos Cortice Peruviano abundantissimo usos ibidem enarravi, hucusque perbelle, cujuscunque demum temperamenti sint, valeant; & quibus mobilior nervus imbellem olim valetudinem conciliasset, jam longe valentiore sanitate fruuntur.

§. III. Pulchras hoc anno hujus morbi curas vidi. 30. annorum scemina, petechiis adeo scatenti, ut Medici alii mecum testarentur repletio-
 iis se neminem vidisse, jamque maligne ab ipso principio decumbenti consueta methodo Corticem dedimus, corticis utum a curato morbo

326 DE FEBRIBUS MALIGNIS DICTIS.
dudum prothaximus. Læti contemplabamur postquam aliquot diebus eo remedio usa esset, vires incrementum, ægramque cum abundantissima efflorescentia vix ægotantem, & firma valetudine brevi potitam.

Contra vero æque fortunatum exemplum, cum retrocessione petechiarum, Juvenula dedit, quæ sex septimanarum spatio febrium insultu vago, universaque artuum lassitudine, suum inter famulatum vexata, febrim deinde continuam putridam, (incertum quot diebus, octo tamen ad minimum) perpeffa, ad nos adferebatur, multa jam scatens Petechia. Postridie iisdem repleta omnino fuit. Eo usque nec vires, nec pulsus, nec febris, nec prævum quodquam symptomata, ullam faciebant malignitatis suspicionem. At vero post meridiem, en maligna quæque symptomata, cum introcursu macularum, turmatim accesserunt. Cortex igitur ilico datus, adnota Vesicantia, Paregorica per vices sunt porrecta. Hinc sequenti quidem die paucus macularum reditus, copiosior post meridiem, tertio autem die vix ullus; nisi quod earum loco decem forte Miliaria alba in jugo colloque comparerent. Interim quæ pauca superfuerant petechiæ latefcebant; quæ pauca Miliaria comparuerant, mox opaca fiebant, quarto die evanida. Vomitus eodem tempore primo æruginosus, deinde frequenter flavus, insigni aderat levamine. Porro febris, postquam integro octiduo sub tanto corticis usu perseverasset, cessavit,

savit, integram sanitatem post se relinquens.

In penultimo exemplo corticis sub ulu confertissimæ, quæ præextiterant, petechiæ, adhuc augebantur, & extantibus hisce sanitatem jam afferri cortice lætabamur; id quod in his morbis solenne esse Capite 23. pluribus exemplis demonstraveram. Ultimum exemplum omnium primum est, quod observavi, Petechiarum introversarum, nec Cortice, nec Opio, redeuntium, Miliarumque numero tam paucorum, & quarto jam die evanidorum. Æque tamen & cita, & integra, huic, quam illis, salus rediit. Nunquid introversus humor vi corticis ad systema cæliacum determinatus, & sic vomitu eliminatus fuerit! Credibile.

§. IV. Quamvis porro hæc methodus tum mihi felicissime cedere soleat, aliisque in Nosocomiis impense laudetur; est tamen quod sero adhibita mortem non averruncet. Puella 17. annorum, cujus historia *capite de sanguine* habebitur, primis decem ægritudinis diebus penitus neglecta, ad nos adfertur, Petechiis in pectore plena. Consueta quidem methodo Petechiæ pulchre per sex integros dies persistere, attamen febris continua remittens, eaque valida, die decimo ab ingressu ejus in Nosocomium, sustulit illam. Quippe inertiores Corticis vires, quam ut humores, jam intime hac malignitate penetratos, & infectos, repurgare emendareque possit.

CAPUT XXX.

De Aneurysmate.

- §. I. Cum nullus fere locus humano in corpore sit, qui Aneurysmati, interna de causa genito, sedem non præbeat, loca præcipua enarrantur.
- §. II. Varia circa Aneurysma: unicum existens duplex potest apparere; intus sæpe osseum est; loco potest mutari; est simplex ejus, & multiplex saccus.
- §. III. Anatome Aneurysmatis cordis.
- §. IV. Solutio problematum, & Cur unum Aneurysma simplicem modo tunicam, eamque tenuem, habeat? aliud crassissimam? aliud denique & pluribus, & sæpe concentricis sibi lamellis, compositam? & Cur manu frequentius examinare haud tutum? & Cur sæpe non pulset? & Cur locum mutet? & Cur licet semper præsens, tamen nonnunquam absens videatur? & Quare tremat aliquando?
- §. V. Curatio pallians, & curans.
- §. VI. Bini notabiles casus Aneurysmatum, quæ idiopathica haberi poterant, & modo sympathica, aut denteropathica, erant.
- §. VII. Datur aneurysmatica totius fere corporis Diuturnitas.
- §. VIII. Biga Aneurysmatum a male administrata vene sectione ortorum.
- §. IX. Aneurysmatis ejusmodi externi curatio, quandoquidem compressione, & interceptione perficitur, præprimis differtur

tur de compressione ; tam ea , quæ , apertura facta , Arterie immediate incumbit , quam illa , quæ externe tantum , citra aperturam , adhibetur . Prior harum , usitata veteribus , postmodum neglecta , a Germanis primum , dein & a Gallis , in usum revocata est , ab ultimis præterea Fungo Agarici decorata . §. X. Curatio in Nosocomio , apertura loci , adplicatione Fungi , compressione externa , feliciter peracta est . §. XI. Tentamen curæ per solam externam compressionem . §. XII. Fouberti sententia circa spuriorum Aneurysmatum duplex genus . §. XIII. Responsum ad tria problemata .

§. I. **C**UM nullus fere in corpore humano locus sit , in quo Aneurysmatis sedes inventa non fuerit ; cum idem Aneurysma sub larva aliorum tumorum hæud raro apparens , turpiter fallat incautos ; cumque demum præfens creditum , nihilominus aliquoties minime adfuerit : frequentia observationum , qua instructus sum , me adigit ut de hac materie fustius agam . Ac primum quidem dico Aneurysma ubicumque inveniri locorum ; externa sive causa , sive interna , genitum fuerit .

1mo. In cubito , seu brachio , frequenter observatur a male administrata venæ sectione .

2do. Circa talum a causa interna , ut videtur , ortum , vidit , descripsit , *Ruischius* Obi. anat. 38. „ Si sanguis in Aneurysmate coagulatur , nulla percipitur pulsatio . Hoc olim „ de-

„ deceptit Chirurgum expertissimum, mi-
 „ hi, dum viveret, amicum familiarem; qui
 „ circa talum Aneurysma, nucis juglandis ma-
 „ gnitudine, aperiebat, nesciens tamen tumo-
 „ rem dictum Aneurysma esse, quia omnis
 „ pulsatio deerat. Aperto tumore, & sanguine
 „ coagulato expresso, tanta suborta est hæmor-
 „ rhagia, ut vix esset sistendo.

3^{to}. In genu vidit clariss. *Boerhaave* in stu-
 dio Germano, quem serio monuerat, ne un-
 quam, quod non pulsaret, cuiquam aperiundi
 facultatem faceret. Fecit tamen, & periit.

4^{to}. In arteria Poplitæa horrendum vidi, a
 saltu verosimiliter natum. Crus amputandum
 fuit.

5^{to}. In art. Femorali terribile, lethale, vidi
 in orphanotrophio Hagano, vulnere ortum.

6^{to}. In Art. Iliaca, *Lancisus*.

7^{mo}. In Aorta mox supra illius in Iliacas
 divisionem vidit *Fantonus* Tom. 3. *Sepulcr. Bo-*
neti, pag. 556.

8^{vo}. In Cæliaca art. *Lancisus*. Studio omitto
 Aneurysma ter quater in art. Mesenterica equi
 a *Ruysch* inventum, cum hic de humano cor-
 pore tantum differitur.

9^{no}. In Intercoſtali art. exili *Ruyschius* ter
 quater vidit Aneurysma, ovi gallinacei magni-
 tudine. Vulneri originem aliquando id debet,
 passim vero causis internis.

10^{mo}. In Subclavia, a contusione natum,
 vidit Illustr. Baro *van Swieten*, Com. Tom. I.

pag. 228. Subclaviæ Aneurysma homini mortua
tulli, & hæmoptoe, consciscit. Anatome dete-
xit Aneurysma hoc Asperæ arteriæ accrevisse,
spatium intercartilagineum erosisse, & omnem
vitalem sanguinem hinc profudisse. Vid. *Hist.*
Acad. Reg. Sc. Par. anni 1733.

11^{mo}. In Aorta inter primas ejus divisiones,
& Cor. *ibid.* ann. 1712. Etiam illud monstro-
sissimum *Ruischii* Obs. anat. chir. num. 38. inci-
piebat digitis tribus supra cor.

Et mox supra cor incipiebat *compositum* illud
Aneurysma, cujus historiam brevi dabo.

12^{mo}. In curvatura Aorte. *Hist. Acad. Reg.*
Sc. Par. an. 1707. Aneurysma nascitur homini
in collo, post enormem 5. dierum vomitum,
quem Agyrta, Rheumatismi discutiendi gratia,
excitaverat, produxerat. *Littreus* in cadavere
ejus invenit Aortam sua in curvatura in saccum
dilatatam, qui media sui parte in thorace lo-
catus, cariem ossibus creaverat; dein alia sui
parte superiora conscendens, totum latus colli,
ad usque maxillam, expleverat. Multos poly-
pos, & sanguinis, tum fluidioris, tum coagu-
lati, duas eduxit pintas. Videatur simile *ibi-*
dem anno 1700. natum a subito flexu colli in
venatu.

13^{tio}. In arteria Epierania Aneurysma vidi
ovo gallinaceo magnitudine par, felici interce-
ptioni interfui. Contusione natum erat.

14^{to}. Cæterum Aneurysmata inventa sunt
arteriæ temporalis, arteriæ in naso externo,
ali

aliis corporis partibus, ut passim inveniri potest in Sepulcreto *Boneti*, in Biblioth. Med. *Mangeti*, &c.

15^{to}. Aneurysmatica datur plurimarum eodem in corpore arteriarum diathesis, ut §. VII. patebit.

Unde conclusio hæc firma sit, quod in tractandis hisce summa sit prudentia opus, cum ubique locorum existentia, pathognomicis signis aliquando careant, facillimeque aliis cum tumoribus commisceantur.

§. II. Atque hæc de varia ejus sede sufficiant; consideranda nunc veniunt observata quædam de Aneurysmate in genere; ac primo quidem observamus illud duplex quandoque adparere, cum tamen vere unicum sit. Egregius *Morand.*, *Hist. Acad. Reg. Sc. Par.* ann. 1721. tumorem aneurysmaticum detexit alteram inter tertiamque costam; alium iterum tumorem similem inter tertiam & quartam. At in cadavere unicum modo esse deprehendit, sed a costa tertia intropressum, & vi sanguinis protrusum infra, supraque eandem.

Secundo, Aneurysmata inveni bis intus ossa, non quidem continuitate, sed veluti per insulas difformes. Magni *Wepseri* Aorta sic inventa est, ut tabula vitæ ejus præfixa exhibet. Plurimi alii id ita invenerunt.

Tertio, Aneurysma loco mutari potest, ut disparuisse quis crederet, nisi revera adesse symptomata demonstrarent. En notabile exemplum!

Sub-

Subtilissimus Anatomicus , præstantissimus Medicus , candidus Amicus meus , C. H. Velfe , egoque , anno 1753. quinquagenariam mulierem sæpius examinavimus , cui citra manifestam causam inter 2. & 3. costam , ad læva sterni , Aneurysma aderat . Id tamen integro ante mortem mense penitus delituit , ut videretur disparuisse . Symptomata tamen continuabant . In cadavere Aneurysma inventum , quod angulum Aortæ dictum occupans , tres forte pugnos magnitudine æquaret . Tunicas habebat haud crassas , sed veluti lamellas albicantes , haud cohærentes inter sese , sed quasi alias ad alias adpositas , quo magis internas , eo magis fuscas . Nucleus sacci , gramosus sanguis erat , ita tamen ut nonnihil spatii in eo pervium esset , quo sanguis , corde missus , per Aortam descendentem transflueret .

Quarto , sunt aliquando Aneurysmata composita , ut haud ita pridem publice demonstravi . In Nosocomio dicto *Becken-hausel* , in viri cadavere invenerat miram hoc spectaculum expertissimus ibidem Physicus *A. Störk* , vir ad illustrandam sectionibus anatomicis Medicinam natus ; dumque rari , utilisque , quiddam invenit , quo universum studium medicum inde promoveatur , id intactum ad me mittere solitus . Porro Aneurysma istud erat in Aorta ab ipso corde inchoans , & ultra curvaturam pergens , ossibus insulis crassioribus instructum . Ubi nunc Aorta ex curvatura in rectum esset abi-

tura.

tura, removebatur sensim a dorso, ita ut dum inde ad duos pollices latos aberraret. In causa erat saccus, ex postica parte ejusdem Aortæ descendens enatus, orificio pollicis diametrum habente. Porro ex hoc orificio crescens saccus, habebat quatuor pollicum longitudinem, crassitiem vero binorum, explebatque accurate cavum id, quod dorsum inter Aortamque interesset. Quod vero adhuc mirabilius, inter quartam ac quintam costas idem ille ingens saccus primo removerat, valido pulsu suo, hæc a se mutuo costas, intercostales musculos deleverat, tumque inter remotas ad sesquipollicem a se mutuo has costas transeuns, mox supra easdem explicaverat se in saccum manui integræ magnitudine parem. Neque vestigia invenire fuit musculorum dorsi secus spinam, & ultra; crassa demum substantia, eademque fungosa hunc saccum externum demum terminabat. Ipse vero saccus, dudum ante mortem haud pulsans, cruore grumoso atro, tum intra, tum extra thoracem, totus infarctus fuit. Haud multum dissimilem casum doctissimus Noordwyk habet in præfatione ad *Francisci Solani Obs. de Pulsu*.

§. III. Ut arteriarum, & cordis Aneurysmata dari, tum passim scriptores Medici, tum præprimis *Lanciscus*, & denique Ill. noster Præses in *Comm. Tom. I. ad §. 176.* pluribus evicere exemplis. Addam quæ viderim ipse. *Nauta*, vir mediæ ætatis, levi sarcina onustus, iter
unius

unius horæ pedes confecerat, indeque percep-
 rat cordis palpitaciones. Venæ sectio interim,
 lenia solventia, blanda neurotica, effecere, ut
 conscendere denuo, ac gubernare navim posset.
 Ter quater in anno recrudit quidem paroxys-
 mus, sed ad eadem auxilia iterum conticuit.
 Intermedio vero tempore, atque id quidem in-
 tegri quadriennii spatio, ab omni incommodo
 immunis fuit; levissima mali admonitione, ad
 majores animi corporisque motus, tantummo-
 do percepta. At vero quinto demum anno con-
 tinuarunt insultus. Quum igitur tribus ferme
 mensibus vix remisissent, Exp. *Velfe*, ordinarius
 ægri medicus, qui suis in difficilioribus me,
 ut ego illum, amice consulere solebat, ad ægrum
 me adduxit. Horrui sane hominem videns, li-
 vidum, anxium; inæqualem habentem, ac tre-
 mulum, pulsum. Et si ipsi manus ad præcor-
 dia, ad sternum, ad 7. & 8. sinistri lateris co-
 stam, præcipue vero earum ad arcus, admove-
 batur, percipiebamus inæqualem, tremulum,
 ingratumque penitus motum: exceptis sex ulti-
 mis vitæ diebus, quibus nullus unquam pulsus
 observari potuerat.

Cadaver lustrantes multam invenimus in ca-
 vo pectoris dextro, putremque, aquam, ac pul-
 monem, medio lobo excepto, totum fere pu-
 rulentum; in sinistro vero cavo pulmonem a
 corde maximo ita compressum, ut aera ægerri-
 me capere potuerit. Cor enim ad minimum
 triplo majus solito erat, mucrone quam basi la-
 tius.

rius . Omnium autem maximus sinister ventriculus , ad macronem amplissimas , at vero extenuatus adeo , ut levis modo membranula albescens , facile dirumpenda , ibidem superesset . Cæterum sanguis concretus , vehementerque tum polyposus , tum cordis parietibus , columnisque accretus , cavum hoc explebat . Cordis vero dexter ventriculus , & binæ auriculæ , sinusque , arteria pulmonalis , utraque cava vena , polypos firmos longosque continebant .

§. IV. Sed ne longus sim , sufficiat hæc exempla attulisse , ut vera Aneurysmatum idea habeatur . Collectores casuum quidem , *Borellus* , *Schenckius* , *Paraëus* , *Hildanus* , *Bonetus* , *Mangerus* , plurima exempla attulere ; verum cum ad præcedentia jure referri queant , recensio eorum non ului , sed oneri , foret . Præctice modo ex iis agendum est .

Ac primo quidem quæritur , cur multa Aneurysmata tenues tunicas , alia crassiores , alia denique eadem lamellatim dispositas habeant ? Polyposus sanguis ejus est naturæ , ut ejusdem adplicatione tunica arteriosa adpareat longe crassior . Deinde ipsæ arteriarum tunicæ a se mutuo discedere queunt , geruntque nonnunquam inter sese sanguinem in lamellam compactum . Tandem in degeneratione partium , ut alibi , ita & hic , novæ membranæ ex veteribus enascentur , ejusdem fere cum naturalibus substantiæ . Vesicam felleam inveni in septem loculos membranofos divisam , quorum quisque magnum
gerere

gereret lapidem. In antiquis Herniis vidi Operatores suadentes, dum 10. 12. 20. & plures, membranas solvere deberent, priusquam verum Peritonæi saccum attingerent. Ubi vero sanguis modo in sacco grumescit, vel potius paulo tantum spissior fit, tunicam mole non auget, sed extendit duntaxat, idque nonnunquam adeo ut ruptura subsequatur lethalis.

Secundo. Cur haud adeo tutum est Aneurysma frequentius tractare manibus, & curatius examinare? Pluribus de causis. 1^{mo}. Quia eo modo reprimimus sanguinem versus cor, caput, &c. unde haud raro ingentes anxietates, suffocationes, vertigines. 2^{do}. Quia filamenta, ac fragmenta polyposa, pressione ad arteriæ axin ducta, impetu sanguinis facile abripiuntur, inque vasa minora impulla, circuitum humorum in iisdem intercipiunt. 3^{tio}. Quia sic tunicae teneriores solvi queunt, lethalemque hæmorrhagiam producere.

Tertio. Cur sæpe non pulsat Aneurysma? 1^{mo}. Quia ita ejus tunicae incrassari possunt, ut impulsu cruoris effectus exterius non percipiatur. 2^{do}. Quia tanta tunc adest in ejus sinu grumosi sanguinis copia, ut pulsus suffocetur. 3^{tio}. Quia sensim impellentis cordis vires minuantur; unde licet reliquis in arteriis pulsus quisquam percipiatur, vires tamen cordis debiliores sunt, quam ut per incrassatas tunicas, sanguinemve concretum, pulsum exterius perci-

piendum producerent. Jam simile quid suspicatus *Paræus* erat.

Quarto. Undenam Aneurysma ita loco mutari possit, ut antiqua in sede ultra non inveniat? An non ubique ligamenti enatis ad vicinas se partes annectat? Aneurysma, ita loco mutatum, internum fuit, ut patuit. Hinc magnum illud, ac ponderosum, dum in parte averſa ponderis forſitan augmentum fit, eo verſus tota mole propendeat, antiquæ ſedis ligamenta elonget, eamque vacuam relinquat, oportet. Caſum hunc noviffe juvat, ne forſan relationem manifeſti Aneurysmatis dubiæ fidei habeamus, illud ultra non invenientes. Quanquam ſymptomatum perſeverantia cum Anamneſi priore conjuncta, Aneurysmatis præſentiam abunde demonſtret. Mutatione autem loci hoc Aneurysma ſceminæ multo moleſtius fuit, cum moles quondam ſoras extans, jam vero introverſa, reliqua magis premeret, angereſque vitalia. Qua ipſa de cauſa compreſſio artiſicioſa mortem acceleravit Canonico, de quo *Lanciſius* part. 1. Lib. 1, cap. 2. prop. 28. Quare cum eodem auctore concludimus quæcumque externas Aneurysmatum compreſſiones fatales eſſe, niſi oſſe probe ſuſtineantur: tum quod hinc cavum internum anguſtetur, tum quod Aneurysma interius nunc minus ſuſcultum, facilius findatur.

Quinto. Quæ cauſæ, quod Aneurysma cordis

dis aliquo tempore Nautam vexaverit ? & notabili iterum tempore non vexaverit ? Cur iterum elapso quadriennio continuo ipsi molestum fuerit , ac mortem tandem intulerit ?

Inchoans cordis debilitas , principium Aneurysmatis illius ponens , venæsectione , diluentibus , paregoricis , & quiete , emendata fuit , ut jam inter viam impulsorum humorum , & contrahentis se cordis , æquilibrium restitueretur . Plethora post aliquot menses elapsos renata , superabat denuo debilioris cordis vires : hinc renata sensim Aneurysmatis symptomata . Cura autem eadem æquilibratam potentatem restituens , symptomata abegit . Ita potuit hac cura palliante homo ille quatuor annos illos sat commodè transigere : *palliante* , ajo ; cum cor semper debilius existens , quam ut aliquam plethoram promoveret , proegumenam causam futuri Aneurysmatis perpetuo in se gereret . Demonstrabatque hanc ipsam proegumenam causam , levior ille morbi reditus , ad rarefactos adeoque spatium sibi amplius poscentes , in animi ac corporis validiore motu , humores ; rarefactione cessante denuo pacatus . Ultimis vero tribus vitæ mensibus debilitas hæc cordis tantopere increvit , ut ultra contrahere se non valuerit , sed amplificari sese , extenuarique , vi , & pondere sanguinis , permiserit ; unde vitæ perfecta est orta quies .

Quinto . Undenam tremor explorante digito perceptus , & , si aliquantum continuatur , ni-

gratus, Aneurysmatis, præcipue eius quod in brachio est? Isque tamen in uno, quam in alio, major? Difficilis est problematis solutio: sed ad finem, enarratis primo aliquot præclicis casibus, facilius forte patebit responsio.

§. V. Morbi atrocis nunc proponenda cura est, eaque sive perfecta, curatoria dicta, sive pallians tantum. Ac primo quidem ea Aneurysmatis interni.

Si undique colligamus observata, & omnia unquam data remedia; si quæcumque dicta specifica; si successus bonos, tam celebratos Antiquis, quam nobis observatos, expendimus; clare comprehendimus cardinem rei vertari in eo totam, ut quod solida inter fluidaque desideratur, æquilibrium restituatur. Dum id restituit Medicina, vel *curative* id facit, vel *palliative*. Palliative, si, restituto æquilibrium, cor, arteriave, debilis esse perseveret, ipsumque æquilibrium restitutum non sit, nisi copia imminuta humorum, ac morbus actutum redeat, dum vel copia, vel rarefactio, molem humorum iterum auget. Cura vero curatoria sive integra fit, si restituto palliative æquilibrium, Ars noverit debilitatis solidis præcū roburrestituere, amplificatis præcū reddere diametrum. Id & possibile esse, & nonnunquam præstari, tum ratio suadet, tum experimentum confirmat. Facta enim ejusmodi evacuatione, quæ æquilibrium ita reddit, ut quod olim ratione solidorum deficiebat, nunc potius ratione fluidorum

dorum aliquantisper desideretur ; fieri posse id videtur , ut solida , contractilitate adhuc sua donata , in priscam se formam restituant : præsertim si & copiose , & assiduo , tam alimenta quam medicamenta ingerantur , quæ spissitudini polyposæ , in dilatata parte hospitanti , diluendæ , apta nata sint . Curæ feliciter peractæ jubent hæc aliquando fieri credamus . Cæterum pallians cura , satis abundeque fortunatam seipsam existimaret , si nosset humores & paucitate , & tranquillitate perpetuo ineptos reddere , ad tollendum æquilibrium . At vero , quandoquidem ita cum mortalibus est comparatum , ut sex rerum non naturalium usus nequeat semper æque moderatus manere ; hinc cum redintegrantibus paroxysmis toties hi ægri luctantur , donec demum suffocati , satis cedant .

Sed in ipsa cura magna differentia . In Nosocomio habemus , qui in antiquiore morbo , insigni levamine gaudeant ; habemus , qui in recenti vix gaudeant ullo . Ratio videtur suadere hos longe citius ad immedicabilem conditionem adolevisse . Dantur enim , quibus malum incredibile quantillo creverit spatium ! Ipse *Lancisius* , cum examinaret cadaver vestiarii , quem Aneurysma , a sterni contusione oriundum , intra anni spatium e vivis eripuerat , detexit anguli Aortæ Aneurysma , Punicum malum magnitudine æquans , quod os sterni elevaverat , & carie penitus excavaverat .

Cæterum si utcumque medicabile malum est,

humorum repetitæ evacuationes, saponēs acidi, ut Tamarindus, variorum fructuum acido-saponaceorum Rob dicta, Nitrum copiosum, Cremor tartari; & quia id hominum genus spasmodum admodum torqueri solet, gurgani ferulacea, & Opium; Diæta cæterum blanda ex jure carniū tenuiore, carnibus tenerioribus, fructibus horæis, oleribus saponaceis; tum denique magna animi corporisque quies, calamitosum hunc morbum ad tempus notabile, sæpe etiam per annos, tolerabilem reddunt.

§. VI. Sed est alia adhuc ratio, hic necessario memoranda, cur in suscipienda horum ægrorum cura minus desperare debeamus. Quippe plures morbi hunc ipsum ita simulant, ut sæpe protopathicus esse credatur, quem vel ipsa curatio, vel cadaverum ad alias morborum causas rimandas examen, deuteropathicum duntaxat vel sympathicum esse demonstrant. Adeo quippe facile hic morbus ludit medentes. En quæ ipse expertus!

Ætatis Centurio florentis, temperiei biliosæ, illibatæ quondam sanitatis, sed a triennio ad Melancholiam ex animi ægritudine dispositus, cepit demum, anno 1757. ineunte, cordis palpitationibus vexari: quas eo tempore tamen venæ sectio, ac purgans, brevi, & integre, sedabat. Æstate idem malum passus, eodem sanatus auxilio fuit: labente demum anno repetens illud nulli auxilio cessit. Operam navantes peritissimi Medici inanem, jure suspicantur vel

vel Aneurysma cordis, arteriarumve majorum, vel Polypos iidem innatos, vel & gremium hoc malum, adeoque difficulter sanabile, hic adesse.

16. Jan. 1758. in consilium vocor; quo die perbelle se habebat, sed animo corporeque adeo mobilis, ut a meo, quem anhelus expectabat, introitu, & adpectu, gravissimum mox paroxysmum pateretur. Cor percipiebamus horrendo palpitans, pulsus parvus, & admodum inaequalem, tussim cum sputo mucoso, lotium lateritio cum sedimine. Profecto teterrimi mali jam annosa diuturnitas, sedamen intermedium olim quidem habens, jam vero perennis, pessimilque stipata symptomatibus, ideam, quam praestantissimi viri de eo formaverant, omni ex parte confirmare videbatur.

Nihil enim mutare hanc ideam poterat immunitas aliquoties observata morbi, cujus causa mechanica crederetur perpetuo adesse. In Lienis, Hepatis, Ventriculi Cerebri, morbis, intervalla optima observavi, dum interim in cadaveribus causam mali perpetui magnam, sufficientem, eamque diuturnam detegimus. Imo in Nauta de quo antea actum, praesentem perpetui mali causam a morte deteximus, cum tamen causa haec toties in vita effectibus caruisset. Nec tussis, Pulmonis afectioni symptoma, huic ideae contraria fuit, imo potius confirmabat eandem; 1^{mo}. quia in Aneurysmate circa vitalia tussis ejusmodi frequens

nobis observatur. 2^{do}. Quia ejusdem dudum meminerat in hoc morbo *Lancisius*; eamque validæ Pulmonum compressioni & irritationi, tumentibus vitalibus oriundæ, adscripserat.

At vero cum in his decipi facile, praxisque nos doceat, vitalia nonnunquam tam valide secundario affici, quam si primario afficerentur; cum præterea *Boerhaave* §. 826. & seqq. Inst. Med. notasset palpitationes cordis violentas originem ipsalimis aliquando debere, vel etiam „irritationi fibrarum cordis, ab acri quodam stimuli factæ, ut in cacochymica materie „mota „sententiam aliquo modo lenivimus, dubiam protulimus, abjectumque ægri animum aliquantula spe creximus.

Impugnare igitur malum iis intendimus, quæ cuicumque proforent causæ; saponibus acidis, nitro, neuroticis, opio. Quibus equidem proderamus utcumque, lucida tamen intervalla diris exacerbationibus turbari sæpe dolebamus. Quin imo ruit in pejus malum. Pullabant haud vitalia modo, sed & Abdominis viscera. Interim miramur insolitum phenomenon. Vomitus enim violentus, qui ex natura sua hic lethalissimus videri debuisset, palpitationem sedavit, pulsum æqualem reddidit, & transpirationem dudum absentem restituit; non ea die duntaxat, sed sex integris postmodum septimanis. Interea tamen male ipsi fuit a tussis violenta, sicca, rebeli; a respiratione laboriosa; a pulsu, citra palpitationem, inæquali, & nonnunquam, rarius licet,

licet, intermittente. Sputa tandem crassa, flavo-viridia prodire; a quibus tussis quidem mitior, sed non oblior languor, horror, frigus extremorum, & calores nocturni, anxietateque enormes. Tussi demum cessante mobilis materie strepitus in pulmone exaudiebatur, perseverabat anxietas. Kermes minerale, & quotidianum clyσμα, hic proderant.

Martii 10. expectoratione sponte cessante, diuus rediit, qui a 24. Januarii siluerat, palpitationis paroxysmus; quem denuo vomitus, ut olim, sed non tam integro, solvit. Vehementissimus autem paroxysmus decimo ex illinc die recrudit. Epigastrium quoque ab aliquot retro septimanis intumuerat, jam vero totus venter tumidus tensusque,prehenditur. Caraplasma emolliens 3. Aprilis impositum profuit, succellitque alvus flava quidem, sed multo glutine, multisque duris, & ex flavo viridibus, faecibus referta. Idem & 4. Aprilis contigit; sed eo cum eventu, ut vera jam accederet mortis imago: cordis pulsatio, virium collapsus, pulsus debilis, intermittens, atque omni modo inaequalis, frigus extremorum. 5. Aprilis Respiratio parva, inaequalis; pulsus exilis, intermittens, tremulus, facies vere Hippocratica. Dumque jam mors adstare præ foribus videbatur, alvus prodiit libera; foetidissima, nunc nigra, nunc viridescens; idque ea nocte octies. En vero ejus stupendos effectus! Mox cessarunt quævis symptomata, vires ad horam crevere, & sa.

& sanitas tam cito rediit, ut 4^{to}. Maji gratias DEO acturus, templum adiverit, meque postera die cum suo ordinario Medico *Storck* inviserit, perfectam suam valetudinem testatus, nec a consensu 46. graduum, quibus ad me conscenditur, vel quidquam defatigatus, aut anhelus. Mansit ipsi integra sanitas, donec hyemali tempore, milite ad bellica exercitia coaptando, in Hungaria sese defatigans, ægrota-verit, perierit.

Luculentiusne exemplum haberi potest deuteropathici morbi, tam perfecte protopathicum æmulans? Atra bilis per vices mota varios hos paroxysmos excitaverat. Atra bilis tota in motum ducta, mortis ad limina hominem duxit; integre tamen expulsa, corpus reliquit sanum. Partitim mota, vomitu expulsa est; mota integrè, alvo.

Est igitur exemplum ejus, quod laudato mox loco optimus *Boerhaave* de cacothymica materie mota dixerat: sed cum deuteropathicum, vel etiam sympathicum morbum hunc, protopathici adeo æmulum, a miris nervorum affectibus deducit, en ejus quoque manifestum exemplum!

Juvencula foemina ad Nosocomium nostrum accessit, multis ab annis vehementi cordis pal-pitatione, anhelitu, anxietate precordiorum, tussique vexata frequenti; artis interea opem frustra eo usque experta. Cum alvo ab ocli-duo careret, enema immitti jubeo, alia interim

paraturus. Sed interim moritur. In cadavere publice examinato vitales partes sanitatem illibatam adeo referebant, ut nihil illibatius. Neque quod toto corpore tam in solidis, quam in fluidis accusaretis, quidquam erat; præter geminam, sed leviusculam, Pulmonis ad Pleuram adhæSIONem, & tres lumbricos teretes in Ileo intestino. Porro & cum his lumbricis, & cum longe latioribus Pulmonum adhæSIONibus millenos homines sanissime vivere, Anatomicis compertum est. Ut proinde cum *Boerhaavio* §. 826. concludamus: „Causa ejus plerumque „est, inordinatus, & violentus spirituum vi- „talium in cordis villos impetus, &c.

§. VII. Porro morbi hi aneurysmatici, eorumve simillimi, hic loci frequentissimi sunt, multamque horum varietatem exhibent. Sunt duo in Nosocomio homines qui, omnibus rite perpenſis, protopathica vitalium affectione laborare videntur, quibus tamen a validiore motu nec intermittat, nec remittat, nec inæqualis sit pulsus. Alterique horum, qui 17. annos natus, ex hortorum sorte cultura hunc morbum contraxit, jamque triennem habet, vehementissima cordis adest pulsatio, ut visu, audituque, percipiatur; Præcordiorum præterea, & ad arcus potissimum 3. & 4. costæ, ardor continuus, carotidum ambarum, totum collum concutiens pulsus; tumor colli ingens, pulsansque; pulsatio ad ambas inguinales tanta, ut tangentium digiti vi repellantur; pulsus ad malleolos tantus,

tus, ut dormientem continuo excitet, somnumve præprimis impediat; idemque ad temporales arterias observatur. Est igitur universalis fere Aneurysmatica diathesis. Egregii *Lancisii*, aliorumque observatio, ponens, quo diuturniora validioraque Aneurysmata sint, eo locorum remotiorum arterias debiliores & exiliores esse, in hoc juvene proinde locum non habet.

§. VIII. Atque hæc sufficiant, ut quæ circa Aneurysmata interna nos nostra observata docuissent, communicaremus. Superest modo observationes itidem nostras circa externa patefacere.

Notabilia exempla horum duo in Nosocomio prostabant hoc anno, ex imprudenti venæ sectione, resiliente instrumento peracta, nata. Fœminæ ambæ erant, juvencula, & vetula. Vocabo utrumque Aneurysma spurium. Præmonitos enim lectores velim, me hic loci haud immorari iis, quæ viri egregii *Freind*, *Monroo*, *Foubert*, alique, contra communem Aneurysmatum in spuria, ac vera, divisionem, haud absque aliquo rationum pondere, scripserint: sequar modo eam utriusque definitionem, quam, post *Sennertum Boerhaave*, Illustr. *Præses*, & *Heysterus*, adoptarint.

Aneurysma hoc sensu spurium, homo, minime Chirurgus, fœminæ juvenculæ conciliaverat in dextri brachii arteria humeraria, mox ante ejus in Radiaam, & Cubitaam, divisionem; quemadmodum in operatione patebat.

Tremor modicus tangendo percipiebatur, & tumor sensim increfcebat. Pulsus in carpo debilis. Idque ut postea patuit, naturaliter. Cum tumor augesceret, operatio concludcbatur; variarumque methodorum tum præstantia, tum periculo, rite pensatis; compressio debita cæteris prælata est. Arridebat equidem interceptio, quod & felix sæpe, & optimorum in arte gauderet suffragio; verum cum nonnunquam id periculi involveret, ut circulatio sanguinis subiecta in parte aut multum læderetur, aut penitus deleteretur; cumque e contrario artificiosa compressio quoad curam æque secunda esset, nec hisce tamen sociata periculis, hanc ipsi prætulimus. Est porro paucis super illa differendum.

§. IX. Compressio Aneurysmatum, quæ ossa sibi subiecta habebant, siptisorum iussulta auxilio, multo prius in usu, evilerat; quod inanis, quod usu cassa, quod etiam aliquoties damnosa esset inventa. Industria vero humana, tandem periculis edocta, & infortuniis monita, didicit hanc ipsa interceptione præstantiorem reddere.

In commercio literario *Norimbergensi* anni 1732. pag. 107. & seqq. optimus *Hamberger*, in inclita Academia *Jenensi* celeberrimus, ac vere doctissimus Medicinæ Professor, curationem Aneurysmatis spurii felicissimam cum publico communicavit. Aneurysma hoc ignarus omnino Chirurgus, venam Basilicam tundens, produxerat; pertulæ arteriæ manifestissima cæ-

teroqui signa ne advertens quidem. Curatio hæc peracta est primo adpositione comprimentis arteriam humerariam funiculi, dein sufficiente dilatatione loci affecti, & denique applicatione chartæ masticatæ, liquore stiptico Deppelii madesactæ, ad ipsum arteriæ vulnus: ita quidem, ut chartæ masticatæ lamina prima minima esset, altera paulo major, tertia major priore, & sic porro; donec sufficiens laminarum altitudo haberetur, quæ circumductis fasciis apte ad vulnus appressa maneret: adstringente interim pulvere totum explente vulneris cavum. Publica disputatione Doct. *Emrich Jenæ 1734.* hanc curam propugnavit.

Vir eruditus omnibus carus *C. S. Trew*, *S. C. Maj.* ut & *S. Match.* *Onoldino-Brandenb.* *Con-*
filiarius & Archiater, *Reip. Norimb. Phys. or-*
dinarius, senior, *Comes Palat. cæsareus*, *S. R. I.*
Nobilis, *Acad. Cæsar. N. C. Director*, *Reg.*
Soc. Lond. & Berol. Scient. Socius, in *Eph. N. C.*
vol. 8. Obs. 126. similem *Hambergerianæ curam*
Norimbergæ anno *1747.* exoptatissimo cum suc-
 cessu intra mensis spatium perfecit. Anno *1748.*
 eadem cum felicitate curam hanc repetivit, &
Eph. N. C. vol. 10. descripsit. Ad aneurysma-
 tum vero imprudenti venæ sectione oriundorum
 intellectum, & curam, egregias, atque ad
 ipsam Naturam expressas, tabulas tres addidit,
 una cum nitidissima earum expositione.

Exp. Chirurgus *Foubert Acad. Reg. Chir. So-*
 cius, dedit de *Aneurysmate* dissertationem in

Tom. II. *Actorum* ejusdem Academiæ, in ea-
 que laudavit compressionem externam in recenti,
 parvoque Aneurysmate : in majore autem &
 utcumque vetustiore suadet, suoque exemplo
 comprobat, operationem. Operationem autem
 hanc, si est arteriæ truncus, mera compressio-
 ne perficit, ut ita evitentur infortunia, quæ
 ars aliquando post interceptionem luget; sin au-
 tem vulnus in ramo est, intercipit illum, li-
 gatque. Haud bene capio, cur ramum etiam
 compressione curandum non suscipiat, si trun-
 cum tuto noverit compressione curare; sed hæc
 non sunt hujus loci. Illud autem ex hac dis-
 sertatione patet, quod Autor suam operationem
 primò charta masticata peractam describat anno
 1732. non adjungens quo præcise anni tempo-
 re. Porro eodem anno publicæ lucis curationem
 suam fecit Cl. *Hambergerus*, quam exeunte an-
 no 1731. perfecerat. *Foubertus* vero sua non
 edidit nisi anno 1753.

Igitur compressio arteriæ pertusæ, celebrata
 Veteribus, feliciter peracta a *Scultero* anno 1631.
 primo compressione trunci, tum spongia usta,
 adstringentissimo pulvere conspersa, ad vulnus
 arteriæ admota, dein conveniente ligatura fir-
 mata, & denique artificiose excogitato instru-
 mento, quod ipsum D. *Morand.* Tom. 2. *Act.*
Acad. Chir. impense laudat, adpressa; Hæc,
 inquam compressio, a *Dionisio*, ab *Heistero*,
 aliisque commendata, deinde a Cl. *Hambergero*
 anno 1731. facta, & 1732. promulgata; an-
 no

no 1732. a *Fouberto* primum *Parisiis* instituta quidem, at vero nonnisi 21. postmodum annis cum publico communicata est. Interea temporis *Cl. Trevo* bis hanc curam perfecit, longe antequam ille *Acad. Paris.* tomus secundus in lucem prodiret.

In hoc porro tomo duæ eruditæ dissertationes de Aneurysmatis curatione habentur; quarum altera laudata jam sæpius illa *Fouberti* est, altera celeberrimi in arte *Morandi*: Morandiana hæc præter alia id novum habet, quod ad *Agaricum* pertinet. Nempe postquam Chirurgus *Brossard* arcano se pollere indicasset, quo arteriarum hæmorrhagiam quamcumque tuto fieret, tentamen ejus, & adplicatio facta est sistente anno 1750. idque in arteria brachiali gladio pertusa. Arcanum suum Chirurgus adplicuit vulneri: quo facto, simplici ligatura curabatur spatium mensis id Aneurysma. Erat autem arcanum hoc remedium *Fungus Agaricus pedi equini facie*. Ter jam sibi experimentum successisse, aliisque præterea Chirurgis, *Morandus* asserit: equidem & citra *Agaricum* bis sese, aliumque haud ita pridem Chirurgum, sola compressione arteriosi sanguinis impetum repressisse; *Agarici* tamen vires vel ideo præstantiores esse, quod compressione utcumque laxiore, Gangrænæ propterea metum nunquam faciente, curam suam perficiat.

§. X. Plures ergo claros in arte viros imitari curam spurii nostri Aneurysmatis *Agarici* appli-

applicatione, & compressione, tentavimus. Gregorius chirurgiæ Doctor, curisque tum gravissimis, tum felicissimis in Austria nobilis, Dominus *Ritter*, cum aliis claris urbis chirurgis, sua præsentia, consilioque, assistebat Nolo-
comii Chirurgus *Leber*, qui operationem in se susceperat. Inciso cum integumentis tumore, extravasatus humor fere omnis sponte excidit. Arteriæ vulnus, laxato instrumento tornatili, apparuit in eadem, ante ejusdem divisionem, obtinere: ut profecto hic casus ille haberi tristissimus potuisset, in quo, post conluetam interceptiendi methodum, gangræna subsequeretur. Porro fuit & arteriæ, & aponeuroseos musculi bicipitis brachii, tanta cohæsiō, atque coalit-
us, ut corpus fere unicum esset; sola capsula, vasa hic involvente, intermedia; at complanata eadem, & cum subjecto vase, impositaque aponeurosi, unita: ita quidem, ut nullo inter-
medio cruore, vulnus unum idemque videretur esse, quod penetraret utramque; utque laxata tornatili machina, per unicum duntaxat foramen sanguis videretur scaturire. Hinc, cum aponeuroseos percissio dolorem creet, & sup-
puratione nimia destrui possit; cumque ii, quibus sola compressione externa Aneurysma cura-
tur, cum mutua vasis, aponeuroseosque, con-
cretionē, brachii motum expedite absolvant; Aponeurosin conservavimus, & communi vul-
neri pulverem Agarici inspersimus, Fungi ejus-
dem lamellas, contusione valida complanatas,

super posuimus; eo quidem ordine, ut prima minor altera major, tertia iterum hac major esset, sicque ad talem altitudinem ultima lamina emineret, ut idonea ligatura brachio circumducta, totus firmaretur adparatus. Ipsum vero brachium universum, ut tunc, ita toto curæ tempore, vino aqua misto fovebatur. Machina tornatilis post operationem relaxata, curam egregiam esse monstravit. Emulsio paregorica pluribus deinceps diebus data, & jus carnis dilutum cum pane, unicum Medicamentum, & nutrimentum fuit.

Tribus elapsis ab operatione diebus, incipiens vulneris ob Junios calores scætor deligationem fuasit. Apparatu quamvis prudenter ablato, cecidere nihilominus omnes Agarici lamellæ, ut nudus vulneris fundus conspiceretur. Sanguinis porro nihil prodiit. Ergo instrumentum tornatile suspensâ manu laxantes; dein plus, tandem integre, ne guttam quidem unicam transudantem deprehendere potuimus. Gaudebamus sane; cum eo alioqui animo essemus, ut, operatione irrita visa, aponeurosin ab arteria solveremus, fungumque, ac totum adparatum, nudæ adponeremus arteriæ. Quia vero res pro votis successerat, aponeurosin integram reliquimus. Cur sub ipsa prima operatione eam non læseramus, rationem ante dedimus. Confirmabatur ea nostra intentio observatione *Fouberti*, qui eorum in cadaveribus, quorum aneurysma brachii sola externa compressio quondam cura

verat,

verat, quosque alii jam morbi sustulerant, Aponeurosin cum arteria coalitam invenerat. Igitur pulverem Fungi de integro inspersimus, novas lamellas imposuimus, & deligationem, ut antea, perfecimus. Spatio 14. dierum tota perfecta cura fuit, ut modo deesset Epidermis, quæ quoque intra octiduum integra comparuit. Sæpius hanc fœminam postea vidimus, eamque nullum in movendo brachio incommodum ab adhesionē Aponeuroseos patiprehendimus.

§. XI. Altera, de qua dixeram, mulier vetula, spurium habuit, licet verum referre videretur, aneurysma; rationem mox exponam. Huic tumor longe minor, sed tremulus motus longe major, eique, qui locum diutius digito explorabat, perquam ingratus. Non video qui in externis Aneurysmatibus hujus tremoris meminertint autores. *Pancus* susurrum, sonitumve, non tremorem, observavit. Tremor tamen iste, quo blandiore digito tangebatur, eo distinctior; quo duriore, eo confusior; si fortissime, nullus adparebat. Cum igitur intra 14 dies tumor vix augetetur, simplici tantum externa ligatura hoc Aneurysma curare annisi sumus, subere oblongo, eoque fornicato, ad tumentem arteriam adplicito, ac proba firmato ligatura. Quod ubi cum tantillo tumoris decremento spatio binorum mensium prosequeremur, tremor sensim cessavit, & corpus durum, fere rotundum, extrorsum convexum, immo-

bile, tegere videbatur arteriam in loco vulneris: unde nullam habens molestiam sœmina, motu debito brachium exercebat.

§. XII. Cur vero spurium hoc Aneurysma vocem? Quæ origo rotundi hujus, atque immobilis, supra vulnus, corporis? Undenam tremulus ille motus?

Ad primum responsio facilis; ad alterum & tertium vix certi quidquam habeo: ut tamen verosimile quid proferam, licebit prius ex laudata *Fouberti* dissertatione nonnulla proferre.

Dividit vir expertus spurium Aneurysma in *primitivum*, & *consecutivum*. Primitivum vocat id, in quo actutum ad pertusam arteriam tumor comparet, totum ferme brachium brevi occupans, citumque propterea, ne Gangræna & mors accedant, auxilium poscens. Consecutivum autem illud, in quo quidem nullus a principio tumor, præ valida compressione, qua Chirurgus, mox ab infortunata sanguinis missione, locum firmaverit; deinde vero tumor pedetentim observatur, dum ægro, Chirurgoque, maturius ostantibus, compressio solvitur, abjiciturque, ac consueti motus brachio exercentur. Quo demum fit ut Aneurysma hoc spurium referat verum. Quo autem modo id fiat, en qui explicet.

Prima compressione, ut dictum, facta, jam & cutis, & adeps, & aponeurosis, & capsula vasa includens nervosque, & arteria ipsa, cicaatricem communem formant; arteriæ tamen vul-

nus,

nus, cæteris tardius coalescens, rotundam aperturam servat, in qua hæret trumbus sanguinis. Trumbus ille perfecte coalescit in unum cum arteria solidum, si adparatus sufficiente temporis spatio adplicatus servetur; sin minus, trumbus expellitur, sequitur tunc sanguis sensim tumefaciens accretas superpositasque partes. Sanguis porro ille partes hasce elevans, & in determinato quodam ambitu solvens, parvum ac circumscriptum refert tumorem. Eo rerum statu tum pulsus, tum reprimendus digito tumor, verum Aneurysma, sive arteriam minime perforatam, mentiuntur. Pulsus porro ille manifestus hic percipitur, quia sanguis ex arteria per hoc foramen in formatum hoc cavum impellitur; tumorem autem digitis reprimat, quod fluidus medio in tumore cruor per arteriæ foramen repellatur. Censet autem autor hanc suam theoriam anatome confirmari. Nactus enim occasiones aptas, invenit in illis quidem, qui sine perfectione integumentorum mera ambiente compressione, ab aneurysmate ejusmodi curati fuissent, dum aliis postmodum morbis periissent, arteriam, capsulam, & aponeurosin, una eademque cicatrice coaluisse: in operationibus vero suis, quas sæpius compressione externa haud sufficiente instituere debuerat, sacculum detexisse se ait, pro diuturnitate mali nunc majorem, nunc minorem; qui exterius formabatur inferiore aponeuroseos facie, intus vero variis compacti sanguinis lamellis,

lis , eo compactioribus , quo exterioribus , quique demum fluidam gerebat in medio sanguinem.

§. XIII. His ex *Fouberto* præmissis ad tria data Problemata me converto . Ad I. dico , quandoquidem ex relatis tum nostræ mulieris , tum ex pluribus apud hunc autorem historiis , arteriam totam pertusam fuisse constet ; & definitio spurii aneurysmatis id supponat ; videor merito id nostrum spurium vocasse , quantumvis veri naturam æmularetur . Confirmant id etiam alia *Fouberti* observata , quæ in eorum cadaveribus , qui olim ab aneurysmate perperam vero dicto curati , aliis deinde morbis occubuerant , demonstrarunt stigma , sive cicatricem in Arteriæ pariete interno.

Ida. Quæstio erat , quænam rotundi , atque immobilis , nostra in scæmina tumoris origo fuerit ? Videtur *Foubertus* jam explicasse , ut responsum hic repetere sit supervacaneum . An vero ex hujus auctoris theoria , anatome confirmata , responso quoque haberetur , ad singulare illud phænomenon , quod clarissimi viri , *Hamberger* , & *Trew* , suis in calibus observatum notarunt , descripserunt , sed non explicaverunt ? Prior in *Comm. Litt.* ann. 1732. sic scribit :

„ Apparuit (in operatione) tunc globus ex
 „ carne membranofus , superficiei inæqualis , arteriæ adhærens , diametri duorum digitorum.
 „ Hunc exploraturus , digitis parum compressi,
 „ ex ægroto quærens num dolorem perciperet ?

„ Quod

» Quod cum negaret , fortius pressi , & sic
 » non solum ab arteria successive recessit , sed
 » & in tribus locis ruptus , sanguinem coagu-
 » latum dimisit „ . Posterior vero sic : „ Post
 » hac, inquit , magis magisque totam cavita-
 » tem a grumis, digitorum ope, purgabat ope-
 » rator , ac denique quendam (tumorem) pau-
 » lo firmiter ad locum arteriæ adhærentem ,
 » & aliter conformatum , protrahebat , illi ,
 » quem Domini *Jenenses* in casu superius ex-
 » posito offenderunt , valde simile , articulum
 » digiti magnitudine æquantem , sanguine con-
 » grumato pallidorem , & quasi membranosum ,
 » inferius præterea sulco , arteriæ trunco pro-
 » cul dubio respondente , manifeste exca-
 » vatum .

Igitur in nostra scemina , & in *Fouberti*
 agris , & in casibus clarissimorum *Hambergeri*
 & *Trew* , hoc modo quo dixi , natum id cor-
 pusculum ? An , quod cum eodem nato non-
 nulli penitus curentur , alii curati ad tempus
 habiti , tamen posthac , tumente brachio , inci-
 sione indigeant ; an , inquam , id ideo fiat ,
 quod in illis ita corpus hoc cum arteria coag-
 mentatum est , ut vis pellentis per foramen ar-
 teriæ sanguinis nequeat illud ullibi , toto in
 ambitu solvere ; in his vero illud alicubi sol-
 vit , ita ut per rimas has toto brachio longe
 lateque diffundatur ? Videretur certe ex om-
 nibus his observatis quid simile concludi oportere .

Ad


Ad III. problema, quod tremoris rationem poscebat, responsio difficilis mihi videtur. Expositum mox corpus, immediate, firmissime, & calli veluti ope cum arteriæ corpore coadunatum, utique motu arteriæ in Diastole ac Systole afficitur, sed cum obsequiosum præ duritie non sit, fortassis ideo tantummodo tremat, non autem manifeste expanditur contrahiturque: Jamque novus sanguis assiduo ex arteria in hoc cavum impulsus, & a tremente hoc operculo repulsus, videtur quoque hinc tremorem augere. Binæ enim causæ continuo agitant hoc corpus superpositum, quod sua duritie non nisi levissime reagere, agique, possit.

F I N I S.

A FD/0217



UNIVERSIDAD DE SEVILLA



600711910

L2786683x

Ann

Ratio

edend

1.

F. D

217